

PETRI MOLINÆ
DE
MONARCHIA
TEMPORALI
Pontificis Romani

LIBER,
*Quo Imperatoris, Regum, & Principum
jura aduersus vsurpationes Papæ
defenduntur;*

Et docetur quibus artibus Papa ab humili
statu ad summæ potentie culmen ascenderit:

& liber
SERENISSIMI AC POTENTISSIMI RE-
GIS IACOBI ab aduersariorum obiecti-
onibus, præcipue vero Roberti Bellarmini, &
Cussetelli Dominicani, vindicatur.

LONDINI
Ex officina NORTONIANA
apud Iohannem Billium
1614.
CVM PRIVILEGIO REGIS.

LIBRI MONTANI

DE
MONARCHIA
TEMPORALI
Pontificis Romani

LIBER.

Quo Imperatoris Regni & Principatus
potestas ab ipsius Viribus separatur

Et deinde de eiusdem Pontificis potestate

deinde de eiusdem Pontificis potestate
deinde de eiusdem Pontificis potestate

844:00



SERENISSIMO ET
POTENTISSIMO MA-

ioris Britanniae & Hiberniae

Regi IACOBO. I. De-

fensori fidei.



*Ereor equidem, Rex
maxime & sapientis-
sime, ne parum pru-
denter ad Libri tui
defensionem animum
appulerim, & meam
ipse famā prodegerim, dum defendo tuam.
Nam nec fortunæ tuæ splendor meâ operâ
indiget, nec tua incomparabilis doctrina
cuiusquam defensionem desiderat. Illi
ipsi qui potentiam tuam oderunt, sapien-
tiam tamen admirantur. Quod si velles*

petere ab alienis ingenijs auxilium, non essent ea extra tuam ditionem conquirenda. Habes enim Regna amplissima feracia ingeniorum, & turbam doctorum a quibus longo intervallo relinquimur. Spero tamen apud optimum Regem facilem veniam. Non enim scribo quasi laturus opem laboranti, aut sustentaturus tuum opus nutans supposito tibicine. Næ ego ineptus sim, si coner aliquid scribere quo Regij libri splendor magis enitescat. Aliæ mihi causæ scribendi & necessariae. Cum enim aures nostræ personent calumnijs quibus homines malevoli religionem nostram infamant, quasi non sibi constantem, & toto cælo distantem ab ea quæ in tua Britannia obtinet, planè necessarium est ire obuiam calumniæ, & nostram vobiscum consensionem publicè testari. Adde quod hodie vera religio per tuum latus præcipue petitur, & sub obtentu confutationis libri Regij vera fides conuellitur. Indignum ergo
cum

cū inter Gallos inuenti sint qui diuinum
præstantissimi Regis opus ausi sunt scrip-
tis incescere; si inter bonos nemo inuenia-
tur qui se tam temerarijs ingenijs opponat.
Labor quidem magnus, vires vero meæ
parue: tum vitæ genus occupatum ab-
rumpit sæpius in hora filum scriptiōis,
& quod scribimus ubiq; incipit. Nec me
latet quam sit difficile paria facere cū ar-
gumento sublimi, & tui libri sensus plenos
ponderis pari oratione consequi. Sed me
recreat vis incredibilis ingenij tui, & quæ
si propinquo fidere illustrat. Nam sub au-
spicijs tuis certare, non tam est inire pug-
nam quam sequi victoriam. Cumq; te-
lū veritatis suapte natura sit acutissimū,
pro validitate tamen lacerti maiorem vel
minorem plagam facit. Non est ergo quod
miremur si hoc telum tam potente manu
contortum, errores ingenti vulnere confo-
dit. Quapropter huius tui laboris nos qui-
dem capimus fructum, tu gloriam: Non

enim tantum scribimus sub tuo auspicio,
sed etiam sub exemplo : Enimvero oportet
te imitetur quisquis te ut par est defensu-
rus est : eſq; idem & materia ſcriptionis
noſtra, & regula. Vnde fit ut mei laboris
ad tuum nulla fit comparatio : Tu regia
manu fundis opes in ſacroſanctum gazo-
phylacium, at ego ad inſtar paupertine il-
lius viduæ infero hos duos quadrantes.

Ad iſta incitamenta ſcribendi hoc inſu-
per accedit, quod video Regum noſtrorum
cauſam cum tua eſſe coniunctam : quorum
dignitatem acciſam & vitam parum tutā
videmus, & fruſtra lamentamur. Nec alia
huius mali cauſa quam quia documenta
libro tuo contenta, a Principibus & popu-
lis, aut ſegniter accipiuntur, aut timide cre-
duntur. Faxit vero Deus ne tuæ iſtæ gra-
uiſſimæ communeſactiones Nobis ſint va-
ticia. Nam quis poſt duos Reges poten-
tiſſimos a ſuis trucidatos ſecurus fit de
tertio? Quod niſi tempeſtiuis remedijs oc-
curritur

curritur, deinceps Regem esse genus exit
pœne, & nostrorum Regum inauguratio,
nihil aliud erit quam consecratio victimæ
neci destinatæ: Nam simul ac aliquem ze-
lus domus Dei non quidem tuendæ, sed
euertendæ perculerit, habet in cæde regum
audendæ quæ sequatur exempla, immo &
post hanc vitam spem futuræ gloriæ, titu-
lumq; martyrii. Quibus in malis si pub-
licæ calamitati ingemiscimus, ignoscent
nostro dolori Principes nostri Clementis-
simi & maximi. Qui quidem toties exper-
ti fidelitatem nostram in rebus dubijs, in-
terq; belli pericula, non offenduntur, spe-
ro, hoc nostro studio erga religionem quæ
nos docet esset fideles & bonos, & quæ
summo studio instillat subditis fidem erga
Reges & reuerentiam. Neque enim de-
scendimus in hunc campum ducti cuius-
quam odio, sed zelo Dei, & erga illos ipsos
quibus sumus iniuncti commiseratione;
qui quidem æstu multitudinis abrepti, ma-

hinc sequi quam discere: & que adeo ut iam
verbum Dei incipiat esse suspectum, &
plurimorum iudicio nota sit heresis, sacram
Scripturam attingere. Quorum quidem
saluti vellem equidem vel vitam impen-
dere, quamvis ita sint animati ut pu-
tent crimen esse quod vivimus. Quem fa-
talem morbum quotiescunque mecum ipse
voluo, non possum non dicere beatam Ec-
clesiam, quæ tanti mali expers vivit sub
umbra tui imperij. Felicem sanè hoc Re-
ge, qui cum ad regnum hereditario iure
peruenerit, si tamen spectet ornamenta a-
nimi, videtur ad id questus potius quam
natus, regnumque adeptus electione non
sorte nascendi; cæteris maior, quia melior.
Rex nimirum quem zelus domus Dei trit,
& acribus aculeis suscitatur: Rex qui primam
virtutem regiam putat esse cognitionem
Dei cuius vices in terris obit: Rex qui solo
aspectu errores difflat & dissipat, & qui ad
discernendum falsum à vero non opus ha-
bet

bet cuiusquam adiumento, ipse per se egregie instructus aduersus eorum technas quibus ignorantia regum vectigalis est. Nam ab aliquot retro seculis Papa in hanc curam totus incubuit, ne Reges scirent quid sit religio Christiana, neue ex quibus fontibus sit petenda cognoscerent, sed putarent hanc curam relinquendam ijs qui initiantur sacris. Quod negotium usque adeo ei processit, ut non modo Reges assuefecerit credere aliena fide, sed & ad alterius nutum imperare: Nam post confixos vigilibus oculos, parata fallendi securitate, incredibiliter in conscientias, & per conscientias in ipsa regna grassatus est. At Deus Deuter. 17. 18. in lege diserte iubet Regem habere prae manibus legem diuinam, eam voluere de die & de nocte, eamque iugiter habere in oculis & in corde. Nunc vero (pudet dicere) Euangelij lucerna occultatur sub modio superstitionis, & a regum oculis sedulo amouetur, ne quid inde haereseos imbibant.

bant. Valde quanto stetit popularis exitialis
illa opinio, eruditionem & verbi diuini stu-
dium indignum esse Regali fastigio! Quid
enim? An digne exercebit diuina Iudicia
homo ignarus diuina voluntatis? An vir
pro salute populi excubans ignorebit viam
salutis? Profecto si Reges nostri qui vix-
erunt sex aut septem abhinc seculis, habuis-
sent portionem istius lucis & doctrinae quam
Deus tibi plena manus admensus est, staret
adhuc regalis coronae honos illibatus, nec
unquam Monarchia Papalis superasset Al-
pes, & Gallicana Ecclesia adhuc vteretur
suo iure, suisque Concilijs regeretur, ha-
beretque liturgiam sermone vernaculo, nec
quae supersunt veteris libertatis vestigia,
priuilegia vocarentur; nec tanti imperij
Maestas quod solebat leges dare non acci-
pere, turpi seruitio sub pietatis obtentu
premeretur. At tu Rex, insigne huius se-
culi ornamentum, & index verae religionis,
& per religionem, libertatis signo ad salu-
tem

tem sublato, dedisti insigne documentum
eas demum beatas esse Respublicas in qui-
bus aut docti regnent, aut Reges sedulo do-
ceantur. Mirabuntur posteri in tanta for-
tuna tantam eruditionem, cum pari erga
Deum pietate: Et tua laus victrix aduerso-
rum Iudiciorum inijciat alijs regibus amo-
rem caelestis sapientiae, & sanctam curiosi-
tatem. Det vero tibi Deus tuus qui te in
thronum euexit, & sacrum hoc pectus suo
spiritu afflauit, ut talentum quod Maiores
tui defoderant, in dies augeas, teque pro-
tegat aduersus eorum conatus, qui
aut tuam laudem oderunt, aut
tuas vite insidiantur.

(*)

Index Capitulum.

CAP. I.

Quid serenissimum Regem ad scribendum
impulerit. De libris Cuffetelli, Bellar-
mini, & Coquai adversus Regem iudicium.

CAP. II.

Commones actiones Cuffetelli. Eiusdem & Bel-
larmini, ipsiusq. Papa, praecipue vero Iesuita-
rum, de prodicione, & Principum eade iudi-
cium.

CAP. III.

De Cardinalibus, & Pontificum electione.

CAP. IV.

De Iesuitis.

CAP. V.

Papales tituli, & in Imperatores & Reges usur-
pata potestas. Quantum corona Anglicana
debeat Evangelio.

CAP. VI.

Novem temperamenta quibus Bellarminus cona-
tur

tur mollire huius doctrina asperitatem.

CAP. VII.

*Causa abdicationis Regum : Tarditas Ingenij.
Imminutio priuilegiorum Ecclesie. Hæresis.
Tyrrannis.*

CAP. VIII.

*Quibus se locis Scriptura Papa Bonifacius
VIII. & Bellarminus in hac causa tueantur.*

CAP. IX.

*Argumenta Bellarmini & aliorum ex ratione
ducta diluuntur.*

CAP. X.

*Exempla a Bellarmino prolata partim esse falsa,
partim inutilia.*

CAP. XI.

Veritas defenditur authoritate sacre Scriptura.

CAP. XII.

Idem probatur rationibus.

CAP. XIII.

Idem probatur testimonio veteris Ecclesie.

CAP. XIV.

Impera-

*Imperatores Romanos, & Reges Italia, habuisse
potestatem in caput, fortunas, & sedem Pon-
tificis Romani. Papam non ita pridem cepisse
Romam possidere sub titulo supremi Principis.*

CAP. XV.

*In qualibet gente Episcopos, & clericos semper
fuisse subditos Regibus & Principibus illius
gentis.*

CAP. XVI.

*Papam ius conuocandi Concilia & in eis Presi-
dendi Imperatoribus & Regibus ademptū ad
se traxisse.*

CAP. XVII.

*Concilia posterioris aevi, a veterum Conciliorum
forma & doctrina procul abscessisse. Forma
& ordo Conciliorum Papalium exponitur.*

CAP. XVIII.

Ventilatur quaestio de exemptionibus Clericorū.

CAP. XIX.

Exemptionē Clericorū aduersare sacra Scriptura.

CAP. XX.

Idem probatur rationibus.

CAP.

CAP. XXI.

Distinctiones & rationes Bellarmini & aliorum diluuntur.

CAP. XXII.

Veritas defenditur testimonijs Antiquitatis & constitutionibus ac legibus Imperatorum.

CAP. XXIII.

Monarchiam Papalem enatam ex ruinis Imperij Romani.

CAP. XXIV.

Panduntur super hac re arcana Prophetiarum.

CAP. XXV.

Imperium Papale extructum esse ad imitationem veteris imperij Romani.

CAP. XXVI.

Quanto artificio potestas spiritalis, & ipsi fidei Christiana articuli flexi sint ad incrementum Potestatis temporalis :

- I. *Quibus artibus alatur ignorantia populi, & imperitorum animi distineantur.*
- II. *Quae artes inserviant congerendis opibus.*
- III. *Quibus artibus Papa & Clericorum dignitas in immensum excreuerit.*
- IV. *Quanta prudentia sit adhibita ad rerum partium conservationem.*

1

D E
MONARCHIA
Temporalis Pontificis
Romani.

CAPVT PRIMVM.

Quid Regem Serenissimum ad scribendum impulerit,
De libris Cussetelli, Bellarmini ; & Coquæi aduersus
Regem, iudicium.



SOLE T fulmen frangere
obstantia , mollia vero &
cedentia lambere leuiter,
aut intacta relinquere. Hoc
nimirum habet à Deo qui
solet proterere duros & re-
belles , parcere humilibus.
Non sic Pontificis Romani fulmina: nocent enim
si timeas, si vero contra animum obfirmes, impune
contemnuntur: nec aliter cadunt quàm fulmina
in mare. Immo etsi quem attigerint, beant, & faci-
unt Deo chariorem: Iuxta illud Davidis : *Ma-* Psal. 109
ledicent illi, tu autem benedices. v. 28.

Testis mihi Regina Angliæ Elizabetha felicitis
memoriæ , cui inter diras Papales & Vaticana
fulmina Deus dedit pacem diuturnam, subditos
fideles , felicitatem sine exemplo : donec rebus
B humanis

humanis exempta regnum terrestre cum cœlesti commutauit.

Eius morte pax videbatur adempta Angliæ, & diuersi motus metuebantur. Angli enim Pontificij ad omnem motum intenti res nouas animo agitabant. Siue illos ficti rumores ad inanem spem crexerant, seu quia mortuo Principe à successore meliora expectantur. Seu quia homines quibus res minus sunt secundæ solent optare rerum immutationem : sed Dei benignitate factum est ne hæc vltius procederent. Nam Anglorum animos inter spem & metum fluctantes paulo post composuit IACOBUS I. legitimi hæredis aduentus, non secus ac Sol oriens purgato aëre nebulas dissipat.

Fuerat animus Regis mitissimè cum pontificijs agere; sed eius clementia cessit necessitati: vidit enim non agi tantū de religione, sed & de pace sui regni: suamq; ipsius vitam & coronam hoc facto in discrimen adduci. Nec posse sine periculo cœtus publicos concedi hominibus quibus persuasum est Papam posse Reges deturbare solio, & subditos liberare sacramento fidelitatis: subiit quoque eius animum memoria suorum decessorum: quos Papa fœdæ seruituti mancipauit, Angliam faciens Papæ Dominium, & feudum Ecclesiæ Romanæ, Regibus Angliæ ad tam turpe seruitium deuolutis, vt & tributum Sedi Romanæ penderent, & Legatis Papæ latus clauderent, & coronam ad eorum genua summitterent. Voluit tamen Rex humanissimus, Pontificios frui ea libertate qua per leges licebat, Gnarus pietatem non dari per

Vim

vim, sed suaderi, & in religionis negotio insitum esse omnibus velle potius duci quàm trahi. Tunc solere vim adhiberi cum desunt rationes, veritatisque præsidia. Quin & Pontificios annua taxatione liberauit, inultos ex eis equestri dignitate ornauit. Faciles & sine discrimine ad Regem accessus, & benigna colloquia.

At Pontificijs per hæc non est satisfactum; sed magna expectatione depulsi, vertunt desperationem in iracundiam. Conflant conspirationem quæ Regem, Reginam, regiam prolem, Senatum, regnique totius ordines pro more congregatos pari ruina inuolueret. Consilium erat actos cuniculos sub domum Parlamenti implere puluere tormentario, qui, concepto igne, Regem, regalemque familiam, totiusque regni florem vno impetu diffilaret, & in cælum viâ compendiosâ transmitteret. Tum si quibus flamma pepercisset aut ruina, ad necem designabantur. Nihil ingeniosius est superstitione quam furor incitauerit. Horret animus meminisse sceleris prodigiosi. Inueniunt Princeps huius mundi facinus nouum, atrox, nullis adhuc historijs proditum, & quod apud posteros ægrè fidem inueniat. Interea per familias Papistarum concipiebantur vota, precesque erant indictæ, flagitantes à Deo successum tam diræ conspirationis, cuius conscij iureiurando dirisque deuotionibus ad fidem & silentium sese obstrinxerant, & communione sacramenti sese subinde ad presentiam animi hortabantur. Iam erant acti cuniculi, jam puluis aggestus, instabatque dies condictus patrando facinori, cum repente patuerunt

arcana coniurationis. Impositi equuleo fontes rem
 ut erat facti sunt. Eisque indicibus comprehensi
 conscij affecti sunt capitis supplicio legibus con-
 stituto, neque enim ultra sauitum est. Et cum
 plurimi pari crimine attinerentur poena tamen
 intra paucos stetit. Quorum de numero fue-
 runt Iesuite Garnetus & Oldcornius. Qui post-
 quam per dies plusculos essent æquiocationi-
 bus iudices ludificati, tandem videntes nullum su-
 peresse locum dissimulationi, facti sunt se quidem
 rescivisse coniurationem, sed rem sibi sub sigillo
 confessionis reuelatam sine scelere vulgari non
 posse.

Docent enim leuiori peccato permitti Regum
 parricidia, & euersionem rerum publicarum quam
 confessionis arcana reuelari: Acti ergo in crucem
 ob hanc religionem. Quanquam & eos instigato-
 res facinoris & inuectores præcipuos fuisse satis
 constabat. Horum duo Garnetus & Oldcornus
 Romæ sunt in album Martyrum relati. Hæc est
 parricidij merces, hæc sacrosancti tituli scelerata
 dehonestatio.

Minor iniuria potuisset vel clementissimi Prin-
 cipis vincere patientiam. Cohibuit tamen iram
 Rex optimus, voluitque ut ad omnes fontes metus,
 ad paucos poena perueniret, fuitque ingeniosus ad
 inueniendas causas ignoscendi. Cogitauit mag-
 nam esse vim superstitionis ad efferanda homi-
 num ingenia: paucorum supplicio bonos fieri se-
 curos, malos vero bonos. Aut certe non inueniens
 in reis causas ignoscendi, in se ipse inuenit: Nam
 si indigni erant Regis clementia, at dignum erat
 eius

eius bonitate benefacere indignis. Tum illud subiit. Deum pluuiam de Cœlo mittere non modo in segetes & felices arbores, sed etiam in lappas & carduos, & Solem suum facere oriri super bonos ac malos. An & clementiam adiuit fastidio, reputans inimicos indignos sua iracundia.

Veruntamen ut deinceps eiusmodi coniurationibus iretur obuiam, visum est Regi & Parlamento concipere formulam iuramenti in quam ab omnibus Anglis sanctè iuraretur. Summa iuramenti hæc est: *Agnoscere se Iacobum, Regem legitimum & verum, Papam non habere authoritatem Regem abdicandi, aut regno vel regni parte mutandi, vel illos subditorum Regis exonerandi obedientia & subiectione, aut ad arma aduersum Regem concitandi. Iurare ex animo se non obstante qualibet declaratione Papali, aut sententia excommunicationis, vel exanathematis contra Regem aut eius heredes, fore fideles & obsequentes Regie Maiestati, eiusq; successoribus, eorūq; vitam & coronam pro virili defensuros. Quin & patefacturos proditiōnes & conspirationes aduersus Regem & Regis domum quascunq; rescierint. Detestari se ut hereticam & abominandam illam propositionem, qua asserit principes excommunicatos posse à suis subditis aut ab alijs quibuscunque exni regno aut occidi. Se renuntiare omnibus indulgentiis & dispensationibus quibus vel Papa vel alius quispiam volet eos ab hoc iuramento aut parte iuramenti dispensare. Hac à se iurari sincere & ut sonant verba, absque ulla aq̃iuocatione vel mentali euasione.*

Hoc iuramentum ubi oblatum est Pontificijs, multi in hanc formulam sine contatione iurauerunt, siue hoc metu ab eis factum, siue quod reuera ita sentirent, & pulueraria istius prodicionis atrocitatem abominarentur. præ cæteris vero Blackuellus Archipresbyter.

Quæ postquam Paulo V. Papæ nunc regnanti renuntiata sunt, ratus suæ Monarchiæ jura violari, mittit confestim in Britanniam Breue, aut vt alij, litteras Apostolicas Datas Romæ, ad X. Calend. Octobris 1606, quibus pronunciat, *Hoc Iuramentum salua fide Catholica, & salute animarum præstari non posse. Hortatur Anglos vt exemplo martyrum acerbissima queque tolerant, & mortem potius appetant, quam Dei maiestatem hoc Iuramento ledant. Stent lumbos virtute succincti, induiti lorica Iustitiæ, sumentes scutum fidei, Deum non relicturum eos orphanos, & bonum opus quod in eis cœpit perfecturum. Hortatur denique per viscera Domini Iesu Christi vt seruent præcepta, Clementis VII I. decessoris sui contenta litteris ad Georgium Archipresbyterum Angliæ.*

Hæ literæ in Angliam perlatae, non eo successu quæ Papa sperabat acceptæ sunt. Conquerebantur multi ex Pontificijs iusiurandum hoc dånari a Papa, vt aduersum fidei Catholicæ cum tamen in eo de fide & religione ne verbum quidem: Saltem docuisset sua Sanctitas quid in hoc iuramento sit aut impurum, aut subdolum. Erāt
qui

qui ineptas censerent has litteras, quippe quæ hortarentur ad martyrium petendum per prodicionem & scelera : cum ad martyrij coronam non nisi per virtutem & pietatē perueniatur. Erant & qui cohortationes sacræ Scripturæ ad fugienda vitia & ad perseuerantiam in fide, perperam in his litteris trahi ad rebellionem suadendam indignarentur, & incitamenta pietatis indignè verti in fomites seditionis. Quin & supersticiosissimi quique Papæ crudelitatem inculabant, & se in has redigi angustias ut aut prodicionis pœna sit subeunda, aut periclitandum de salute animarum lamentabantur. Nempe (inquebant) de nostro corio luditur; & bonus iste Pastor vitam suarum ouium ut rem nullius pretij certissimis cruciatibus addicit: ipse securus & in summis opibus & delicijs expers periculorum. Alij fictas ab hæreticis litteras (sic enim nos appellant) ad proritandum Regem suspicabantur.

At Pontifex postquam rescivit litterarum suarum fidem in dubium vocari, alias litteras scribit quibus acriter castigat immorigoros, & confirmat dubitantes, iubetque hoc Iuramentum ejurari. *Miratur potuisse a quibusdam vocari in dubium fidem litterarum Apostolicarum, ut hoc prætectu se suis mandatis eximerent. Declarat, & disertè asserit, litteras istas Apostolicas non solum motu proprio & ex certa scientia, verum etiam post longam & grauem deliberationem de omnibus quæ in illis continentur adhibitam fuisse scriptas. Hanc esse suam meram, puram, integram voluntatem, &c.*

His litteris quasi horum bellum canenti.

bus, addita erat epistola Cardinalis Bellarmini ad Georgium Blakuellum Archipresbiterum Angliæ, quibus post refricatam veteris nec assitudinis memoriam, increpat hominem acriter quod ad iurandum in verba Regis seu metu seu errore fuerit inductus. Hoc iuramentum quibuscunq; verbis concipitur extendere ut auctoritas capitis Ecclesie à successore S. Petri ad successorem Henrici octavi in Angliam transferatur. Hortatur deniq; ad defendendum Papæ Primatum, quem dicit esse Caput fidei.

Plus in hac oratione dignitatis erat quam fidei. Neq; Blakuellus his persuasus est ut mutaret sententiam. Cum enim Bellarminus hoc iureiurando clamet fidem & Papæ Primatum occultè peti, non docet tamen quomodo & quibus verbis iuramenti id fiat. Nec profert argumenta quibus probet cur agnoscere Iacobum caput Angliæ, & summum iudicem in temporalibus, & fidelitatis Sacramento Regi suo se obstringere, sit committere in Papæ iura, aut fidem Catholicam corrumpere.

Hæc etsi fierent clanculum, Regi tamen per conscios nunciabantur, eratq; his artibus quorundam labefactata fidelitas. Promptum erat perdere homines vltima quæq; commeritos, quibus proditio & perfidia in Regem, pars est pietatis. Repressit tamen se Rex clementissimus; nec passus est suam clementiam ab illorum improbitate superari. Quin & scripto super hac re edito conatus est docere quos poterat perdere. Maluitq; malos flectere ratione, quam cogere seueritate. Maluit sanguinem suffundere quam effundere.

Quid

Quid non faceret in gratiam bonorum qui se demittit ob malos? Qui tantisper exuit personam Principis, ut sumat patris? Nempe illi quem Deus ad summum potentiae culmen euexit, hæc una superest via crescendi, si se ipse summisserit.

Publicauit ergo litteras Papales addita confutatione. Titulus libri est, *Apologia pro iuramento fidelitatis*, suppresso tamen suo nomine. Neque enim quidquam pensi habebat sub quo titulo veritas appareret, dummodo fascinati errore animi ad meliorem mentem reuocarentur. Nec erat hoc certamen ingenij, sed innocentiae defensio. Non tamen potuit author dissimulari. Nam quis tam excelsi ingenij venam non agnosceret? Enimvero boni Reges quia sunt locati in sublimi, propiore Dei afflatu tanguntur. Vel hæc sola cogitatio, se Dei vicem inter homines sustinere eorum animis ingentes subdit aculeos. Quod si ad hæc accesserit educatio & ingenium studio subactum, ac politum experientia (quæ omnia huic Regi contigerunt abunde) quis mirabitur si tantum superant vulgus ingeniorum sublimitate sensuum, quam magnitudine fortunæ?

Hæc igitur Apologia non dubijs indicijs agnita, praua quorundam ingenia concitauit, qui (ut ait eleganter idem Rex) sortem miserunt in librum quem non poterant discindere : est enim in eo pressa textura argumentorum, & arctissima iunctura. Opus ergo quod morsu non possunt violare, latratibus impetunt, vsque adeo proiectæ impudentiæ ut se audeant cum tanto Rege componere, eumque cum Iuliano Apostata comparare

2. Pet. 2. rare. His floribus rhetorices diabolicæ scripta
 v. 10. 11. perditissimorum nebulonum ornantur, Quos
 & 12. pridem Deus per os Apostoli Petri suis coloribus
 depinxit vocans *animantia bruta, homines audaces,*
& qui sibi placentes non horrent dignitates conniti
incessere. Quum ipsi angeli qui sunt robore & poten-
tia maiores, non ferant aduersus eas apud Dominum
maledictionis iudicium. Enimvero si scelus fuit ma-
 ledicere Principi Ethnico quales Petri æuo fue-
 runt omnes Monarchæ, quis feret hominem ma-
 ledicentem Principi Christiano & pio? Si Angeli
 abstinent maledictis in principes, quis hoc proba-
 bit in homine? maxime vero in subdito?

Non secus accanes lunam allatrantes cursum
 eius non inibent, ita nec tales contumeliæ auer-
 terunt Regem a solita benignitate, per quam solet
 benefacere illis qui ei dicunt malè. Res est sordida
 conculcare erucas aut vermiculos, nec digna no-
 mine victoriæ. Cum his certare turpe, vincere
 vero inglorium, & genus opprobrij. De quibus
 abunde ipsa inuidia supplicium sumit, & dolor
 conceptus ex tanti Regis felicitate, cui honor, o-
 pes, robur, & pax inter infestorum odia, quasi
 virgulâ diuinâ suppeditantur. Horum ergo homi-
 num irritos morsus cum contemneret, in gratiam
 tamen bonorum, & vt Regibus vicinis probaret
 suæ causæ iustitiam, alterum librum in modum
 præfationis priori libro præfixit, in quo diluit ca-
 lumnias aduersariorum, fugamq; intercipit, & fi-
 dei suæ summam ex sacra Scriptura haustâ propo-
 nit: feliciq; audacia depingit Episcopum Romanū
 coloribus sumptis ex Paulo Apostolo & Ioannis

Apocalypsi. Nulla vnquā tabula fuit picta maiore manu aut feliciore. Quis sit torrens eius eloquentiæ, quod pondus argumentorum, quæ iunctura orationis, quæ copia eruditionis, quam sit orationis filum teres & candidum, ij demum nouerunt qui Regium librum composuerint cum inani tumore Litterarum Papalium; aut cum scriptis aduersariorum. Felicem eloquentiam quæ armata viribus pietati tamen ancillatur. Cuius scaturigo summo Regni culmine delabens imitatur aquas Siloe rigantes sacrosanctam ciuitatem. Felicem Maiestatem quæ suum Sceptrum ad crucis ima submittens, hoc ipso magis attollit. Quæ Regale palatium facit esse Templum cælestis sapientiæ, & interiora domus sacris meditationibus consecrat. Quemadmodum igitur olim terra erat fertilior cū Reges eam colerent, & a stitua peteretur Imperator, ac si superbiens terra aratro coronato & vomere triumphali sinum vltro aperiret: Ita spernanda sunt magna pietatis & veræ religionis incrementa, hoc Rege eam colente & defendente.

Prodiit ergo in lucem secundus hic liber missus in auxilium prioris. Neq; Rex dissimulauit authorem: Vnde factum vt animi hominū variē fuerint affecti, hi lætitia, illi metu, alij dolore, omnes admiratione. Cumque esset breue opus refutatio propediem expectabatur. Nec conatus defuit, sed difficultas in experiundo cognita ardentissimum quemque retardauit. Iam abierant octo menses post libri Regij publicationem cū prodierunt responsiones, & primuli conatus aduersariorum.

Primus

Primus prodiit Cuffetellus veluti in acie Romana ferentarius. Hic edidit librum octauo mense, quo qui nascuntur fortis raro vitales sunt. Et profecto pridem intercidisset eius libri memoria nisi nomen Regis fronti præfixum ei vitam daret. Facilius sub alio nomine inclarescunt qui non possunt sub suo; ducuntque gloriam ex magnitudine aduersarij.

Hic ergo Doctor non aliter agit cum Rege quàm nutrices cum infantulis, quos nunc mulcent blanditijs, nunc compescunt colapho, miscentes ictus adulationi. Nam verbis ad suauitatem compositis falsitamen Regem arguit & ignorantia: & blandè ingerens conuitia sub specie obsequij occultum virus suffundit. Quem Bellarminus paulo post secutus superauit asperitate, agens cum Rege inclementius. Nouissime Leonardus Coqueus Eremita Augustinianus, dubium homine an bellua, an lutum stercore maceratum Regis librum & personam pluribus conuitijs quam rationibus insectatus est, vocans Regem alterum Achab, Iulianū Apostatam, Nabukadonosorem, ineptum, & nugacem, & stultum, & quid non?

Iude epist. vers. 9. Cui dicam ego quod Michael Archangelus Sathanæ iurganti: *Increpet te Dominus.* Atque hic quidem ne dignus quidem est qui nominetur. Alij duo, præcipuè vero Bellarminus, digni sunt quorum argumenta, & rationum momenta ponderentur, quanquam ad id solum videntur facti, vt magis confirmant librum Regium dum debiliter impugnant. Nam eius verba inuertunt, & sensus mutant, nec insistant Regis vestigijs ne cogantur

Santur ὁμοῖα χερσὶν, & aduersa fronte concurrere. Fingunt monstra quæ iugulent, sed alijs monstis oppositis. Impar sane congressus. Non eueritur pugil flatu : leonem excipere subula non modo periculosum est, sed & dignum risu. Nec Regis doctrina nixa veritate tam molliter feriendo eueritur. Hæc a me dici non partium studio, nec obtrectandi libidine sequens tractatio docebit.

CAP. II.

Commonefactiones Cuffetelli. Eiusdem & Bellarmini & ipsius Papæ, ac Iesuitarum de proditiõibus & Principum cæde iudicium.



Ristoteles secundo Rhetoricorum dicit rusticos maxime esse ὑαριστικῶς & crebriores sententias proloqui. Insipientia, tolerabilior est sapientiã importuna. Hæc est prima culpa Cuffetelli, qui statim ab

initio libri Regem prolixè admonet, multa gravitate & fide. At ipse dum Regem monet officij, mihi videtur oblitus sui. Nam Hieronymus in Vigilantium, ait Monachum non docentis, sed plangentis habere officium. Vtiq; vult monachos flere sua peccata, non verò aliena persequi. Maximè vero indecoræ sunt hæc reprehensiones apud Regem cuius vita est censura perpetua, & sacrosanctæ disciplinæ exemplum. Melius Lutherus qui Leonem X. hortabatur ad eiurandum *Steid. Hist. lib. 2.* Papatum, cumq; ad laboris societatem inuitabat.

Addit

14 De Monarchia Temporal.

Tertul.
Apol.
cap. 30.

Addit Cuffetellus Regem Maioris Britannie istis
coniurationibus abalienatum esse ab Ecclesia Romana,
quam tamen affirmat hæc facinora non probare, quin
potius optare Regibus vitam prolixam, imperium se-
curum, domum tutam, exercitus fortes, senatum fide-
lem, populum probum, modòne Religio Romana inde
quid detrimenti capiat.

Lege fasci-
cuius Re-
rum expe-
tendarum
fol. 40. &
seq.

Helmodum
de rebus
Sclauoni-
cis.

Paulum

Langium
in Chroni-
co CiliZen-
fi. Penno-

nem Car-
dinalem in

vi a Hilde-

brandi. Si-

gonium de
Regno Ita-

lie lib. 9.

Abbatem
Vspersense

in vita
Greg. 7.
Naucleii,
Platinam

&c.

Bellarminus quoq; persæpe, maximè vero in
Epistola ad Blakuellum negat Pontificem Maxi-
mum ullum Principem, quamvis persecutorem cadi
mandasse, aut cadem ab altero factam probasse.

Hæc ab illis qua fide dicantur facile est cognos-
cere: Plenæ enim sunt historiæ vltimorum secu-
lorum exemplis Imperatorum & Regum in quo-
rum cædem & ruinam Papæ concitauerunt arma
vicinorum, & subditorum. Quis enim Rudolpho
Sueuiæ Duci fuit auctor rebellandi in Henricum
IV. Imperatorem? Quis in eundem Henricum
filij sui Henrici V. parricidialia arma commouit?
Nonne Paparum autoritas, & suasio? Quid Fre-
dericum II. dicam, cui cum Pontifex Innocen-
tius III. in concilio Lugdunensi Imperium ab-
rogasset, non modò Imperij procures, sed & Sul-
tanum Sarracenorum in eum incitare conatus
est? teste Alberto Abbate Stadenfi in Chronico,
& alijs?

Ac ne vetera conſequer, nonne excommunica-
tionem Henrici III. Regis nostri, & abdicatio-
nem factam a Sixto V. eiusdem Henrici cædes à
Iacobo Clemente Dominicano paulo post est
consecuta? Quam cædem idem Papa frequenti
Consistorio laudauit, 3. Idus Septembris 1589.

Circunfertur

Circunfertur oratio * excusa Lutetiæ Anno 1590. * *Apud præfixa approbatione Doctorum, Cuius oratio- Nicolaum i
nis vltima verba libet hic apponere. Propter hæc, Nizellii,
(inquit) & similia manifesta impenitentia indicia & Rollin.
decreuimus pro ipso non esse celebrandas exequias, non Theodori-
quod præsumamus quicquam ex hoc de occultis erga cum.
ipsum Dei iudicijs, aut misericordys, qui poterat secun-
dum beneplacitum suum in ipso exitu anime sue conuer-
tere cor eius & misericorditer cum illo agere, sed ista
locutisumus secundum ea quæ nobis exterius patent.
Faxit benignissimus Saluator noster vt reliqui hoc
horrendo iustitie supernæ exemplo admoniti, in viam
salutis redeant, & quod misericorditer hoc modo coe-
pit, benignè prosequatur ac perficiat, sicut eum factu-
rum speramus, vt de erepta Ecclesia de tantis malis &
periculis perennes illi gratias agamus. Extat legenda
istius *αλφειος* titulo, Vita sancti Clementis, quam
ipsi vidimus & legimus cum horrore. Pingebatur
instructus fatali cultro quo Henrici III. viscera
scrutabatur. Sed non habuit hic sanctus homines
propitios, essetq; haud dubiè in Coelis, si belli exi-
tus sceleratum huius monstri cultum adiuuisset.
Hoc eius facinus a Iesuita Mariana plenis buccis
laudatur, libro primo de Rege & Regis instituti-
one cap. 6. *Spécie* (inquit) *alias litteras in manus*
tradendi, cultro quem herbis noxijs medicatum manu
tegebat, supra vesicam altum vulnus inflixit: insignem
animi confidentiam facinus memorabile. Et paulo
post. *Caso Rege ingens sibi nomen fecit: cade cades*
expiata, ac manibus Guisy Ducis perfide perempti re-
gio sanguine est parentatum. Sequenti vero capite
de Tyrannis per dolum aut venenum tollendis
agens.*

agens. Si (inquit) euaserint instar magnorum heroum in omni re suspiciuntur : Si secus accidat, grata superis, grata hominibus hostia cadunt, nobili conatu ad omnem posteritatis memoriam illustrati. Vt tamen parricidium committatur honestè, suadet vir bonus uti hoc temperamento. Hoc tamen (inquit) temperamento uti in hac quidem disputatione licebit, si non ipse qui perimitur venenum haurire cogitur quo intimis medullis concepto pereat. Sed exterius ab alio adhibeatur, nihil adiuuante eo qui perimendus est; nimirum cum tanta vis est veneni ut sella eo aut vestis delibuta vim interficiendi habeat. Qua arte a Mauris Regibus inuenio sæpe alios Principes missis donis veste pretiosa, linteis, armis, ephippijs fuisse oppressos. Exemplum videlis disciplinæ. Timuit Iesuita ne Rex hauriens venenum propinatum (quanquam id faceret imprudens) alligaret se criminis in se admissi, & inde aliquod periculum animæ eius crearetur : at non timuit ne qui sciens & prudens Regem suum perimeret, crudelitate nefanda & proditione pollueretur. Nimirum hæc est cordatorum hominum benigna crudelitas, bene cupere animabus, quarum necauerint corpora. Quis non miretur facetam nebulonis vecordiam ? Immo quis non indignetur hæc ferri, & defendi ? ut factum est nouissime a Gretzero Iesuita Alemanno in libro quem Vespertilionem Hæreticopoliticum inscripsit, immo & ab ipso Pontifice ? Enimvero quis ob talia scripta vnquam damnatus est a Papa ? aut quis hoc nomine deteriori fuit apud eum conditione ? Quis Papa siue post tentatam, siue post patrata Regis alicuius cædem, factum damnauit

damnauit, aut ueritne quid porro tale committeretur? Nonne Genebrardus Chronico ad annum 1581. hæc notat? *Sanderus & alij plerique nobiles Catholici feci bulla Pij V. in Hibernia contra Angliæ Reginam, bella pro patria & religione gerunt.* Illud uero scitu dignissimum quod cum nuper Romæ de Marianæ scriptis esset instituta cognitio, alij quidam eius libri notati sunt censura, hic uero ne minimum quidem reprehensus est. Allata est Romæ censura qua damnabatur Arrestum Parlamenti aduersum Iohannem Castellum qui Henrico IV. Regi præstantissimo cultro dentem excussit, cum iugulum peteret: Nec non censura historiarum Augusti Thuani uiri omni laude dignissimi. Notabantur quoq; eodem carbone alia quædam scripta Marianæ. Hunc solum librum exitialem principibus censura non attigit. An quia latuit liber censores? At facile fuit postea supplere quod fuit omissum negligentia, nec ad eam rem defuit aut tempus aut occasio. Nempe Librum probatum a Generali ordinis Aqua uiuæ, & a pluribus uiris doctis & grauib; eiusdem ordinis (sic enim habet præfixa operi approbatio) nefas erat attingere. Merito ergo liber sacri Parlamenti iussu tortoris manu publicè crematus est; Quamquam dum scuitur in scripta, ipsi uero homines fouentur & in sinu habentur, liber illis ipsis flammis nescio quo modo factus est illustrior. Mitto Iesuitæ Guignardi orationem suasoriam Tyrannicidij (Tyrannos enim vocant Reges legitimos, immo & optimos, si uel tantillum Papæ aduersantur) & Apologiam Francisci Veronæ

Constantini pro Iohanne Castello. Nam quid exempla conquiro cū præsto sint regulæ & Canones quibus eiusmodi facinora aut probantur, aut molliuntur? Papa Urbanus Causa 23. Quæst. 5. Canone. *Excommunicatorum*: sic ait. *Non enim eos homicidas arbitramur quos aduersus excommunicatos zelo matris Catholica Ecclesia ardentes, aliquos eorum trucidasse contigerit.* Emanuel Salesuita in Aphorismis Confessariorum in voce Clericus. Clerici (inquit) *rebellio in Regem non est crimen lesæ Maiestatis quia non est subditus Regi.* Quæ verba ab editione Parisiensi erasa gaudeo: manent tamen in editionibus Antuerpiæ & Colonia curatis. Ipse Bellarminus libro in Barklaium cap. 7. *Non pertinet ad Monachos aut alios Ecclesiasticos viros cedes facere, ut habetur 23. q. 8. Can. 1. & sequentibus, multo autem minus per insidias Reges occidere. Neque summi Pontifices consueverunt ista ratione Principes coercere. Ipsorum mos est primum paternè corripere, deinde per censuram Ecclesiasticam sacramentorum communione priuare, deniq; subditos eorum a iuramento fidelitatis absoluerè, atque auctoritate regiam, si res ita postulat priuare. Exequutio ad alios pertinet. Post latam ergo sententiam si quis de plebe Principem ceciderit, fecerit rem licitam & iustam: nam (si fides Bellarmino) exequutio ad eum pertinet. Nonne idem Cardinalis lib. 5. de Romano Pontifice cap. 8. & passim lib. aduersus Barklaium contendit Papam eandem habere potestatem quam olim Ioiada Pontifex qui Athalias reginam non modo regno, sed & vita priuauit? Quam in rem habes*

habes disertissima verba Martini Becani Iesuitæ
 in libro de Controuerſia Anglicana, pag.
 123. Ioiada (inquit) Pontifex prius priuauit Atha-
 liam regno, deinde vita. Itaq; priuauit eam regno vt
 Reginam & publicam personam, priuauit autem vita
 vt priuatam personam. Et pag. 125. Quicquid po-
 testatis & iurisdictionis permissum fuit Pontifici in ve-
 teri testamento, hoc etiam in nouo permissum illi est.
 Nonne idem Bellarminus in refutatione Apolo-
 giæ pro iuramento fidelitatis, laudat Garnetum,
 quod cum esset conscius coniurationis puluera-
 riæ, maluerit tamen Regem occidi quam Con-
 fessionem reuelari? Nonne vir in ignis & doctrinâ
 & fide Isaacus Casaubontus in sua ad Frontonem
 Ducem Epistola testatur sibi dictum a Bincto
 Iesuita: *Præstare Reges omnes perire quam si vel semel
 confessionis sigillum violaretur? Regum enim Impe-
 rium esse iuris humani, Confessionem diuini?* Et Iesuita
 Andreas Eudæmonio iohannes in Apologia Gar-
 neti cap, 13. *Nullum tantum potest esse malum cuius
 vitandæ causa confessionem prodere liceat. Veltram
 fidem, an non hoc est eadem Regum approbare?*
 Oportet enim sit homo nequam in cuius sinum
 consilia de parricidio & Regum cæde tutò depo-
 nuntur: qui crudeli taciturnitate perfidoq; silen-
 tio, spectat immotus cædem patris sui vel Regis:
 aut euersionem patriæ cui poterat mederi. Erga
 parridas quidem egregia fide, sed erga Deum,
 Regem, parentes, patriam summâ perfidiâ. Fuit
 sanè semper apud omnes populos super hac re
 summa consensus, vt in crimine perduellionis &
 Maiestatis, conscius cum executore sceleris pari

pæna afficeretur : hic enim manum sceleris accommodat, hic conscientiam. Ipsum Bellarminum lubens feram hic Iudicem, an si quis per confessionem ei aperuerit conspirationem in Caput Pontificis, sitne Papam moniturus, an vero passurus sedem (sicut ipse putat) Apostolicam sanguine Papali pollui ? Absit ut de eo tam male sentiam.

At (inquit) resignare sigillum confessionis perfidia est. Quid ? an fidelitas est & pietas prodere Regum vitam & patriæ salutem, humanæq; societatis commercia & iura sub fidelitatis obtentu funditus tollere ? In his certe fidelem esse & innocentem iuris est diuini ; At confessio auricularis est humana constitutio quam vetus Ecclesia non habuit, & tota orientalis Ecclesia non obseruat. Neq; enim Iacobus capite quinto iubens nos ἐξομολογῆσαι ἀλλήλοις τὰ ἁμαρτώματα, *Confiteri alij alijs peccata*, agit de confessione auriculari, sed de confessione qua fideles post offensam sibi inuicem satisfaciunt : Eum enim agere de confessione reciproca, qua & tu apud me & ego apud te culpas mutuas confitemur clarè indicat vox ἀλλήλοις, *Confitemini* (inquit) *inuicem* : quod & euincunt verba sequentia, καὶ ἕχθε ὑπὲρ ἀλλήλων, *orate alij pro alijs* : ubi agnoscunt omnes non agi tantum de precibus quæ pro presbiteris concipiuntur, sed de precibus quibus fideles pro se inuicem apud Deum intercedunt. Hæc enim sunt ἐχθῆρα, & duo similia præcepta, alterum de confessione peccatorum alterum de precatione hic dantur. Neque vero si aduersarij obtinerent Iacobum hic agere de

de auriculari seu arcana confessione, essent tamen assecuti quod volunt, nam de silentio religioso confessoriorum neq; hic, neq; vspiam verbum vllum inuenias.

Hæc ergo cum a Bellarmino eiusq; consecra-
neis credantur & doceantur, eos velle vitam Re-
gum sartam & tectam nemo credet nisi qui vltro
vult decipi. Vel illa sola doctrina qua conten-
dunt Papam posse Reges exauthorare & regno
exuere, sufficit ad fidem astruendam nostræ accu-
sationi. Nonne Bellarminus toto libro in Bark-
laum, hoc vnum agit vt pobet penes Papam esse,
Regibus abrogare imperium, & subditos a iura-
mento fidelitatis absolueret? idq; prolatis testibus
septuaginta septem quos longa serie in operis
fronte locat? At hoc docere quid est nisi eadem
Regum probare? Nam quis nescit Regem anathe-
mate confossum, & regno exurum, iturum ad ar-
ma & bello sua tutaturum quod fieri non potest
absque vitæ periculo. Certe qui iubet aliquem
Regno spoliari, iubet & occidi si se bello defende-
rit; Replica memoriam vetustatis, & reperies pau-
cissimos Reges superstites fuisse suo imperio, &
omnes, demptis paucissimis, vitam amisisse cum
Regno: certis enim gradibus ad regnum ascendi-
tur, descensus vero præceps est, nec temere inue-
nies quem molliter tanta ruina deposuerit. Nec
omittendum est librum hunc Bellarmini Regibus
exitialem attemperatè statim post Henrici Magni
cadem prodixisse, quasi ad id ~~idem~~ factus esset,
vt Rex maximus iure occisus videretur. Ideoque
damnatus Arresto Curie Parlamenti ad VI Cal.
Decemb, 1510. Cuius Arresti verba sunt. *Bellar-*

minilibrum in Barklainum continere falsam & detestandam propositionem tendentem ad euersionem summæ potestatum a Deo stabilitarum, insurrectionem subditorum in suos Principes, subtractionem ab eorum obedientia, instigationem ad audendum in eorum caput. Ideoque cautum ne Doctores, Professores aut aliquicunq; supradictam propositionem ullo pacto doceant. Nec non interdictum omnibus librarijs, & typographis excudere aut distrahere supradictum librum sub pœna criminis Maiestatis. &c Ne ultra fœu retur in librum, datum est dignitati personæ Sed cum sub idem tempus Abbas Syluius ob parricidiale illam doctrinam esset in Iesuitas inuectus voce & scripto, paulo post Romæ necatus est in carcere: Magno posteris documento honesta facinora minore periculo incipi quam deferri. Nec posse hodie cuiusquam fortunam in tuto constitui, nisi aut Pontifici sine exceptione seruiat, aut palam aduersetur. Ipse Cussetellus malè acceptus est Romæ, & loco pene motus quod in suo libro erga Reges paulo promior, nec satis fauens Papæ videretur.

Illud vero mihi videtur præter cetera horrendum, & post homines natos inauditum, quod proposito martyrij titulo homines ad parricidia Regum animantur, & quod Garnetus & Oldcornus inter Iesuitici ordinis martyres locum tenent, idq; tam publicè ut etiam venalis proster pictura, quam ipsi sæpe vidimus & indoluimus. Nam quid deinceps Regibus erit tutum, si per regicidia quaritur corona martyrij? Siceine sacrosanctum nomen Martyris dehonestari? An per scelera & sanguinem in Cœlum itur? Pœna non facit martyrem,

rem, sed causa : nisi forte Satan etiam suos habet Martyres. Tales cruciatus sunt crimina, non modo indigna laude, sed ne quidem digna venia. Ergo in venerabili martyrum choro, vbi Stephanus, & Iacobus Apostolus ducunt agmen, quos sequitur turba sanctorum, prodigorum sui sanguinis, parcorum Dei gloriæ, conspicientur incendiarij & parricidæ, illi instructi facibus, hi gladio; quæ non sunt indicia pœnæ, sed criminis : quibus non significetur quomodo fuerint necati, sed quomodo necauerint. Infelicia sæcula quæ sceleribus inscribunt nomina virtutum & per corruptionem vocum corruptelam morum & doctrinæ insinuant.

Ignauus ergo (si his creditur) Paulus Apostolus, qui, cum coram Nerone sisteretur, non ausus est sicam sub sinum abditam adigere in pectus Tyranni. Maxime cum non deesset facultas : Paulus enim qui solo verbo visum Elymæ abstulit, & Petrus ad cuius vocem Ananias & Saphira conciderunt mortui, poterant eadem virtute, opprimere monstrum cui lusus erat Christianos feris laniandos obijcere, & pice illitos in usum nocturni luminis vrere, in quo denique habemus singulare exemplum quid in summa fortunâ summa possit nequitia. Hic ego. Iesuitæ, vestram conscientiam appello, an si Paulus ob tentatum eiusmodi facinus fuisset affectus capitali supplicio, mors talis decoranda fuisset titulo Martyrij ? denique an ita occumbens ædificasset Ecclesiam salutarî Christianæ constantiæ exemplo ? Non equidem puto esse quemquam ingenio tam laxo

qui id existimet. Nisi forte Leonardus Coquzus aliquis, qui non modo non audet damnare authores puluerariæ proditionis, sed etiam de eorum felicitate & salute bene ominatur. Verba eius hæc sunt pag. 43. *Inde vera magna mihi opinio est felicitis exitus & salutis illorum, qui etsi in consilio opereq; peccassent, constantes tamen in fide S. Romane Ecclesie ex hac luce discesserunt.* Nota voces, *si peccassent*, quod perinde est ac si diceret eos non peccasse.

Hæc cum ita sint, non dubium est quin Iesuitæ, & quisquis cum eis sentit, probent & suadeant regum parricidia. Quorum dogmata quamdiu erunt accepta in vulgus, nunquam Regum nostrorum vita erit in tuto. Fallitur enim qui putat Regum salutem consuli, si sceleratus aliquis parricida exquisitissimis cruciatibus sub oculis populi torqueatur, interea dum fatalis principibus doctrina scriptis vel sermone in eiusdem populi animos instillatur. Non enim tunc primum parricida esse quis incipit, quando sceleratam manum in vinctum Domini intentat. Tunc, tunc se parricidij alligat quando mens infecta, superstitione improba, nefariam persuasionem imbibit. Deterior fuit ille qui Iacobi clementis animum quam qui cultrum veneno infecit. Nec mirum si discipuli auidi regij sanguinis ex ea schola prodierint, in qua laudes Harmedij & Aristogitonis & Dionis erant christiæ vltimatæ, & quotidianarum declamationum argumenta.

Veruntamen ad declinandam inuidiam & dogmati huius asperitatem molliendam, Bellarminus commentus est stropham quâ operæ precium est cognoscere.

cognoscere. Is igitur cap. 3. 1. in Barklaium, inducit Papam sic coarguentem indocilitatem populi responsantis, & plus æquo religiosi. *Non tibi (inquit) facio gratiam præcepti naturalis vel diuini cum ab obedientia vinculo te absoluo. Non enim permitto Regi non pareas, quod esset contra ius diuinum, sed facio ut ille qui tibi erat Rex non sit tibi deinceps Rex.* Quo etiam colore vtitur Franciscus Verona ad Ioannis Castelli facinus excusandum cap. 3. partis secundæ. Capitalis profecto oratio, & quæ vocum commutatione molliens crimina, soporat conscientias vt putidis distinctionibus indormiant. Nempe occidit nefarius furcifer Henricum, sed non occidit Regem. Cur hoc? Quia Papæ iudicio Rex esse desierat, etsi de facto regnaret. Quid? Potuitne Papa eripere Henrico Regnum quod non dedit? Quis autem in Papam hanc potestatem contulit? nam hac de re in verbo Dei nulla mentio. Aut cur Romani pontifices non vli sunt per multa secula hac potestate, cum Ecclesia scruissimorum Tyrannorum iugo premeretur? Aut si defuerunt vires, cur non saltem extitit eorum aliquis qui datam sibi a Christo potestatem transferendi regna, præpediri aut iuutilem esse cõquereretur? Sed quid si Papæ sententia fuerit iniusta? Nam & posse ab eo iniuste iudicari, ne Bellarminus quidem negat; Quinimo ex Gregorio cap. 1. Causa 11. quæst. 3. contendit timendam esse excommunicationem siue iusta fuerit, siue iniusta. Istius vero iniustitiæ non alium vult esse iudicem quam Papam. Quod si ita fit, & an Papa iuste iudicet ipsius Papæ iudicio statur, con-
get

get causas quas volet, ut hoc pacto Regibus imperet, & habeat Reges beneficio sibi deuinctos, quippe quos quo iure quaq; iniuria in alieno regno locauerit. Audi vero facetam huius Cardinalis benignitatem erga Reges iniuste habitos, Capite enim 31. in Barklaium ubi agit de abdicatione Principum, sic habet. *Quod autem dicis iniustam sententiam non ledere eam in quem fertur verum est, quando is in quem fertur eam humiliter tolerat et obseruat, donec iniustitia vel potius nullitas eius manifeste se prodatur.* Benigne; & quo Reges iniuste regno excussi letentur, iniusta enim sententia abdicationis eis non nocebit dummodo cedant. Regno patienter, & tanto culmine deuoluti per nefas, taceant: & expectent, donec qui Regnum eorum inuasit, patefacta iniustitia sententiae ultro renunciaret regno quod occupauit, eo reuocato quem iniusta Papae sententia depulerat Imperio. Siccine sublini os Regibus quasi fatuis? aut quid hoc est ni regum capitibus insultare per ludibrium? Nam quid si is in quem alterius diadema iniuste a Papa translatus fuerit, noluerit post iniustitiam sententiae cognitam loco cedere, & voluerit usurpata iniuste per vim retinere? Quid si Rex pulsus, in defensione sui iuris vitam amiserit? An Papa cum ex inferis excitatum denuo locabit in folio? Ridiculè, immo sane improbè, & in reges contumeliosè. Adeone quenquam esse vacui capitis ut haec a Bellarmino serio dici existimet?

CAP. III.

De Cardinalibus & Pontificum Romanorum
electione.

Ex Serenissimus & Maximus,
non ferens se cū Cardinali quali
cum equali committi, gnarus
quantum distet pileus à corona
regali, & quantum intersit inter
seruum serui seruorū, & dominū
tot populorum, De Cardinalibus in sua præfa-
tione Monitoria sic agit.

*Neque vero mihi unquam persuasi tantum esse in
purpura Cardinalitia dignitatis ut occurrere Regio
fulgori par ac æmula, & velut equali Maiestate cum
eo possit ad certamen componi. Nam & multa millia
in subditis habeo qui splendore natalium Bellarmino
non concedant: & hanc illius Ecclesiasticam dignita-
tem, Cardinalatum inquam, nescio quo loco aut pretio
habeam siue ad Scripturarum authoritatem, siue ad
Imperatorum constitutiones expendam. Cum sit nihil
aliud quam noua Paparum institutio quam in Im-
mensum excrecere decessorum nostrorum, Regum, in-
quam, qui his aliquot seculis rem Christianam rexe-
runt, mollis & ad omnia Pontifici conuiuens lenitas
permisit.*

Eadem de re idem Rex prolixius alio suo Præ-
fationis loco, his verbis. *Nam Ecclesiastica illa
dignitas, quamquam Principum incuria (ut iam
dixi) ad hoc præsumpti honoris culmen ascendit, ta-
men si ad eius originem & cunabula redeamus nihil
est*

est aliud quam titulus presbyteris & diaconis Paræci-
ensium Ecclesiarum urbis Roma attributus: olim qui-
dem Presbyteris & Diaconis cuiuslibet Cathedralis
Ecclesia vniuersè concessus. Sed cum eiusmodi Cardi-
nalem ingens multitudo undiq; Romam cōmeantium
urbem impleret, tandem nomen Cardinalis ceteris
ademptum est, & solis Romanarum paræciarum
presbyteris & Diaconis reservatum. Et cū ante S.
Gregorium nemo illius tituli m. minerit qui Sexcen-
tis post Christum annis in quibusdam Epistolis de
Cardinalibus loquitur, atq; ita multis post Apostolos
seculis, hodierni isti sedis Apostolica Electores inuisi
omnibus & incogniti fuerint: cumque ipse Gregorius
non eos alio loco ponat quam quem eos olim obtinuisse
modò dixi, non potest, opinor, Cardinalis, qui Grego-
rium Angliæ Apostolum vocat, mihi Angliæ Regi
vitiū vertere si Cardinales eodem gradu & ordine
habeo quo constat nostrum illum Apostolum habu-
isse.

Sed quo modo præter rationem suæ originis ac insti-
tutionis tam prodigiosè elati sint, ut ex paræciarum
Presbyteris ac Diaconis, nunc Principes facti sint, Re-
gumq; æquales, & ex gradu, Episcopali dignitate
• Libr. de
Ch. ricis ca.
16.
 minori (ut^a Bellarminus & ^b Onuphrius fatentur)
 sint hodie soli Pontificis electores, qui cum generalium
• Libr. de
Episc. ti-
tulis & di-
aconijs Car-
dinalium.
 Conciliorum vice funguntur (unde & iam usus gene-
ralium Conciliorum penitus exoleuit) immo ut non
nisi ex illorum collegio fas sit Pontificem eligi, qui supre-
mam in Reges sibi auctoritatem vindicat: hoc, inquam,
tam insolens incrementum quo modo ceperit, nullisq;
repugnantibus adoleuerit, nostrum est omnium prouide-
re: Qui cum in terris Vicarij Dei simus, iure opti-

mo suspectos habere debemus istiusmodi nuper exortos. Principes, qui sua origine modici humilesq., se ipsos ad summum fastigium suis ipsi suffragijs subuehunt, Regibusq. deinde se componunt. Sed hac est precipua quam nobis inferunt iniuria, quod ius Christianis commune Regibus in generalibus Concilijs nobis adimant, cum illorum habendi modum penitus sustulerint, eorum vi ac potestate ad se pertracta & velut monopolio in Pontificio conclavi constituto.

Hanc Regis orationem veritate & sententiarum pondere commendabilem Cuffetellus perstringit leuiter & perfunctorie. Bellarminus vero instat acrius, quippe qui suæ purpuræ debebat defensionem.

Principio de Episcoporum & Presbyterorum dignitate prolixè agit, congestis ad id aliquot Patrum testimonijs qui Episcopos immo & Diaconos Imperatoribus anteponunt. Omnia præter rem. Rex enim cum negat Cardinales Regibus posse componi, non agit de gradu quem Pastores obtinent in Ecclesia circa res sacras : sed de dignitate & gradu quem Cardinales in rebus ciuilibus & terrenis occupauerunt in fraudem principum, seu capiendus accubitus inter conuiuas, seu confidendum inter Principes, seu locus tenendus in publica pompa, vel in Regum cororatione, in quibus rebus Cardinales anteponunt se principibus, & æquant Regibus, fatente ipso Bellarmino, his verbis, *Quod vero apud Iurisconsultos dici solet, Cardinales equiparari Regibus, de externo cultu & honore intelligendum videtur. Usus enim obtinuit ut quemadmodum Principes omnes Regibus cedunt,*
sic

sic etiam cedant Cardinalibus, & in hoc paritas quædam esse videtur.

Quo autem iure hoc sibi arrogent, habes libro 1. Sacrarum Ceremoniarum, Sectione octaua, ubi Pius II. Cardinales his elogijs ornat. *Ad Collegium Apostolorum vocati consilij nostri & coniudices orbis terrarum, successores Apostolorum circa thronum sedebitis. Vos Senatores urbis, & REGVM SIMILES*, eritis veri mundi Cardines, super quos militantis ostium Ecclesie voluendum. Parum est æquari regibus, nam etiam anteponuntur. Neq; enim stare iubentur ad fræna Papalis equi, nec sellam Papalem tollere in humeros: quæ sunt partes

* *Lib. Sac. Cerem. s. 1. 2. cap. 3.* Imperatoris & Regum: Veruntamen ne Reges grauentur onere, succollantibus famulis Pontificis parte oneris subleuantur: benignè sanè & ex Regum dignitate. Romæ in solemnibus actionibus & Pompis, Reges concedunt Cardinalibus. Sic in Conuiuio Papali cum capiendi sunt accubitus hunc ordinem seruari docet liber primus Ceremoniarum, Sectione 3. *Stabunt (inquit) ante mensas lanantes eo ordine quo sedere debent in mensa. Prior Episcoporum in capite ad dextram, si aderit Rex aliquis, erit in secundo loco: si plures Reges, mixti erunt cum primis Cardinalibus: primo Rex, deinde Cardinalis successiue, si erunt mixti Principes, aut filij vel fratres Regum (si non seruiunt Papa) debent sedere inter Diaconos Cardinales vel post eos pro eorum dignitate & conditione. Primogenitus Regis, quia Rex futurus putatur, post primum presbyterum Cardinale erit, sed nullo modo inter Episcopos. Et hoc tam in conuijs quam alijs actibus publicis, quamuis nostra*

nostro tempore aliquorum siue ambitione, siue ignorantia, aliquando sit seruatum contrarium.

Ibidem iubentur omnes Laiici, ac proinde etiam Reges genu flectere dum Papæ manibus aqua affunditur, at Prælatis huius submissionis pudendæ sit gratia. Ac ne exempla externa conquiram, scit serenissimus Rex quo fastu in Anglia Cardinalis Oulæus Henrici VIII. maiestatem & splendorem æquare conaretur. Et quanta arrogantia sub Iohanne & Henrico III. Regibus, Cardinales Pandolphus & Otho, Maiestatem Regiam conculcauerint, vsq; adeo vt in epulis Regalibus non dubitauerint occupare sedem regiam, reiecto in inferiorem locum Rege. Quod si quis Cardinalis erga suum regem hodie se gerit modestius, id debet suæ prudentiæ, non vero legibus Ecclesiæ Romanæ aut Paparû constitutionibus, quorum assu & Regum quorundam incuriâ factum est, vt Cardinales inter sint, immo & præ sint interiori Regum consistorio, exemplo post constitutas in rebus humanis respublicas inaudito, quo præsident arcanis Regum cõsilijs serui principis externi, ad hunc honorem promoti non ab ipsis Regibus quorum consilijs intersunt, sed a Papa, cuius sunt subditi. Regibus aut dissimulantibus, aut timida religione perculsis.

Mat. Par.

De hoc externo splendore Cardinalium & dignitatis gradu tam eminenti tantum abest vt Bellarminus aliquid in veterum scriptis inuenerit, vt ne nomen quidem Cardinalis, nec minima rei vestigia potuerit inuenire. Neque vero si in re diuina facienda reges Pastoribus concedunt, ideo Pastores

Pastores debēt cum Regibus vel de externo cultu, vel de dignitatis eminentia contendere. Sic nec Medicū Regi compares, etiamsi in rebus quæ ad curam corporis pertinent, Reges Medicis soleant concedere.

Nihilo acutior est in asstruenda Cardinalium antiquitate. Si *Cardinales* (inquit) ut *Episcopi*, *Presbyteri*, & *Diaconi* considerentur, a Christo ipso instituti sunt, &c. Mirum vero cur *Cardinales* non considerauerit ut homines, sic enim potuisset eorum antiquitatem ab ipsa creatione arcessere. At Regi non erat sermo de Cardinalibus qua *Episcopi*, sed qua *Cardinales*.

Inde ergo excussus Bellarminus planè dat manus, & dum vellicat puncta syllabarum, specie pugnantis, caput tamen rei, & quod Rex intenderat, ultro concedit. *Olim* (inquit) ob paucitatem personarum, non distinguebantur *Presbyteri* & *Diaconi* *Romani* *Cardinales* a non *Cardinalibus*, sed omnes in commune hoc officio (eligendi *Pontificem*) fungebantur. Et paulo post *Cardinalitæ* dignitatis antiquitatem fatetur non excedere annos quingentos, aut ad summum sexcentos, quæ sane mera est nouitas, cum de *Ecclesiæ* vel doctrina, vel politica agitur. Nec multo post agnoscit olim *Cardinales* *Presbyteros* & *Diaconos* minores fuisse *Episcopis* non *Cardinalibus*: obtinet ergo Rex quod volebat.

Idem Bellarminus Regem conatur coarguere erroris, ne dicam mendacij. Sic loquens. Neque verum est olim *Presbyteris* & *Diaconis* cuiuslibet *Cathedralis* *Ecclesiæ* permissum fuisse titulum *Cardina-*

litium. Rarissime enim Ecclesie his vocibus utebantur. Audiatur ergo caput 54. Meldensis Concilij quod coactum est anno 845. Titulos Cardinales in urbibus vel suburbis constitutos Episcopi canonice & sine retractatione ordinent. Oportuit ergo rem fuisse vulgarem quæ Concilij decreto passim fieri in Gallia jubebatur. Apud Sigonium de Regno Italiae frequens mentio Cardinalium Rauennatis & Mediolanensis Ecclesiarum. Nunc quoque Compostella habet suos Cardinales.

Sigon. de Regno Italiae lib. 7. extremo.

Grauius errat dum Concilium Romanum citat sub Siluestro I. in quo fit mentio Diaconorum in cardine constitutorum. Hoc enim Concilium merum est figmentum, ut pluraque vetera illius æui in tomis latinis Conciliorum contenta. Hoc Concilium habetur Tomo 1. Conciliorum, digestum in viginti capita: quorum primo dicuntur interfuisse Concilio 139. Episcopi ex urbe Roma vel non longe ab illa: quasi vero Roma habuisset plures Episcopos. Sed neque ex Romæ vicinia Episcopi 139. potuerunt conuocari, Cum ne quidem Gallia, duplo maior Italiâ, habeat Episcopos centum & viginti. Capite ultimo decernitur primam sedem non posse iudicari, neque ab Augusto, neque ab omni clero, neque a Regibus. At tunc temporis in toto Imperio Romano nulli erant Reges. Quid quod Helena mater Constantini subscribit isti Concilio? res sane proflus inusitata in omnibus Consilijs, ut foeminae subscribant Concilijs. Id ipsum testatur vltima Consilij clausula, quæ sic habet. *Actum in Traianæ Thermas 3. Kalend. Iunij Donno Constantino Aug-*

gusto tertio, & Prisco consule. Primo ridiculum est quod concilium dicitur actum in Traianas thermas, quasi eo vi compulsus fuisset. Tum illud Donno Constantino pro Domino olet barbariem posterioris xui: vt & illud Constantino Augusto tertio, pro tertium. Sed illud maximum & insolubile falsitatis argumentum quod hoc anno qui fuit Christi 324. consules dicuntur Constantinus Augustus & Priscus. At Consul Priscus cum Constantino Augusto nullus vnquam, fuit, immo nec Constantinus Augustus (vt mentitur Pseudo-synodus) hoc anno Consul fuit, sed filius eius Cæsar Constantinus cum Crispo Cæsare: Vide Chronologiam Marcellianam & Cassiodori Chronicon, & Onuphrij fastos. Quid quod hæc Synodus fingitur posterior Nicæno Concilio, quod tamen indictum tantum fuit in annum 325. vt ad minimum sit *duarum* quid biennij? Sanctio vero quæ de Diaconis Cardinalibus agit sic est concepta: *Diaconus cardine consecutus urbis nisi in triginta sex (testibus) non condemnabitur.* Ineptè, immo & iniuste, nam quid si Diaconus fuerit a triginta quinque testibus in homicidio aut adulterio deprehensus, an nefas erit eum accusari, nec erit numerus idoneus ad faciendam fidem.

Nihilo iustius Bellarminus Regem sic reprehendit: *Non est (inquit) verum quod hoc loco scribit Rex, Cardinales cum Pontifice fungi vice Conciliorum generalium, & ideo usum Conciliorum generalium excoluisse, nam ab eo tempore quo ceperunt Cardinales ea eminentia excellere qua nunc excellunt, habitæ sunt multa Concilia generalia, tria Lateranensia, duo*

duo Lugdunensia, &c. Ego vero pertendo hoc verissime a Rege dici. Nam neque hæc Concilia fuerunt generalia quæ Bellarminus recenset, quippe quibus nemo fere interfuit nisi Papæ subditus: nec in eis ex communi Episcoporum consilio, sed ad Paparum libidinem res sunt gestæ. Nec dubium est quin Consistorium Cardinalium sibi arroget potestatem & vim vniuersalis Concilij. Nam si quid a Papa & Cardinalium Consistorio statutum est, non minus habet hodie authoritatis quam si in Concilio generali esset definitum: Vnde fit vt cogere tam longa & operosa Concilia quæ Pastores a suis gregibus per multos annos abstrahant res sit prorsus inutilis & superuacanea, cum præsto sit ratio longe compendiosior, Papæ nimirum & Cardinalium quos circa se habet iudicium. Ac mihi sæpe in mentem venit mirari veteres Christianos qui Synodum Nicænam, Chalcedonensem, &c. tantis sumptibus & labore conuocauerunt, in quibus sæpe varijs æstibus animorum certatum est, cum haberent ad manum Papale oraculum *ἀναμάρτητον* quod poterant consultare. Fidem quoque Regis sententiæ non parum astruit quod accidit in Tridentina Synodo, qua stante aliquot Papæ ex viuis excesserunt. Sane si hæc Synodus erat generalis & corpus totius Ecclesiæ Romanæ representabat, ad eam plane pertinebat electio Pontificis: quod tamen non est factum, sed hæc potestas, de more, Cardinalibus paucis intra conclaue conclusis est reseruata. Quin & ex Papæ & Cardinalium Consistorio mittebantur per veredarios decreta fidei

iam præmansa antequam de eis in Concilio referetur.

Verissimum quoque est (utcumque Bellarminus reclamet) non assumi quenquam ad Papatum nisi ex Cardinalium Collegio. Factum est quidem aliquando ut dum purpurati patres scinduntur in partes, & alij aliorum obnixè evertunt suffragia, tandem cogerentur in aliquem inclinare qui nullo esset neque loco neq; numero: Magis ex invidia quam iudicio: & potius per aduersæ factionis studia quam quod utilitati Ecclesiæ Romanæ consulere, ut factum in electione Eugenij III. monachi Benedictini. Clementis V. & aliorum. Sed mos ille pridem exoleuit, nec duobus his nouissimis sæculis quisquam ad Papale fastigium nisi per Cardinalatum ascendit.

Quod vero Rex addit de jure Regibus adempto in Concilijs, usq; adeo verum est, ut ne quidem Reges Galliæ quamquam Romanæ fidei defensores voluerint in Tridentini Concilij Acta jurare, sed per suos Legatos in Concilium protestati sint, conquesti se & suos Legatos indignè habitos, & Ecclesiæ suæ jura violata; Neque passi sint hoc Concillium in suum regnum admitti. Sed & jus conuocandi Concilia ademptum Imperatoribus & Regibus Papa in se traxit. Neq; in Concilijs, aut alijs similibus solemnibus actionibus Reges regiam dignitatem obtinent, ut plenius docebitur cum de Concilijs agetur.

In fac. 17

Locus vero Concilio eligitur ad quem non sit tutus accessus Episcopis & Ministris qui a Papa dissentiant. Asia quidem, seu saluus conductus

eis

eis oblatus est a Synodo Tridentina; sed nemo eorum ausus est induere se in hos calles, memor Iohannis Hus & Hieronymi Pragensis qui sub fide, immo per fidem publicam viui comburio consumpti sunt: & gnarus illius axiomatis Romanæ fidei, fidem non esse seruandam hæreticis.

Sed de Cardinalium origine & incrementis libet agere plenius, & his tenebris inferre lucem.

Cum ergo olim in vna eademq; paroecia, vt fit, plures essent presbyteri, qui priores inter eos tenebat, presbyter Cardinalis, id est, principalis & præcipuus dicebatur, teste Pandulpho* Pisano: quem secutus Onuphrius, historiæ pater, librum de Episcopalibus titulis & Diaconijs Cardinalium scripsit. Fallitur enim Bellarminus lib. de Clericis cap. 16 vbi ait in Synodo S. Gregorij quæ habetur libro quarto Registri cap. 88. poni subscriptiones Presbyterorum Cardinalium: & inter eos, tres inueniri tituli S. Balbinæ, duos S. Damasi, &c. Nulla enim ibi mentio Cardinalium: presbyteri vero eiusdem tituli quorum ibi fit mentio, nihil aliud sunt quam Presbyteri eiusdem paroeciæ, idq; ex veteri consuetudine, per quam Ecclesiæ seu paroeciæ vrbium tituli vocabantur. Sic Innocentius I. in Epistola ad Decenium Episcopum Eugubinum. *De fermento quod die Dominica per titulos mittimus*, id est per paroecias.

* In lib. de
vitis Pon-
tificum. in
electione
alasj 2.

Istius vero consuetudinis qua præcipuus alicuius paroeciæ presbyter, Cardinalis appellabatur, etiam hodie supersunt non obscura vestigia. Nam Pontifex dans titulum & annulum nouis

Cardinalibus sic inquit: *Ad honorem Dei omnipotentis sanctorum Apostolorum Petri & Pauli & sancti N. committimus tibi Ecclesiam. S. Chrysogoni, vel Sabine &c. cum clero, & populo, & capellis suis secundum formam qua committi consuevit Cardinalibus qui eandem Ecclesiam in titulum habuerunt. Ut* refertur lib. 1. Sacrarum Ceremoniarum Sectione 8. cap. 12. Sed hæc fiunt dicis causa, & (ut loquuntur) pro forma: Suntq; meræ voces sine rebus. Novus enim Cardinalis inde rectè in Galliam vel in Hispaniam; nunquam visurus titulum seu parœciam urbis Romæ a qua denominatur, & quæ hac concepta formula eius curæ commissa est. Inde est quod Romæ per annos plusculos, viginti tantum & octo fuerunt Cardinales pro numero veterum parœciarum Romanarum. Erant videlicet septenæ sub vnaquaque Ecclesia præcipua & Patriarchali, urbis Romæ. Nam quinta, nempe Lateranensis Papæ erat domicilium, eoq; nomine supra alias quatuor eminebat.

Duravit numerus iste usq; ad Honorium II. anno 1125. teste Onuphrio: Tunc enim cœpit Cardinalium numerus augeri aut minui ad Pontificum arbitrium. Iamq; collapsa Rauennatis & Mediolanensis Ecclesiæ dignitate, quæ diu fuerant æmulæ Ecclesiæ Romanæ, apud solos presbyteros & Diaconos Romanos mansit in Italia dignitas Cardinalitia.

Quod ad Diaconos attinet, vetus Ecclesia Romana septem habebat Diaconos, secuta exemplum Ecclesiæ Ierosolymitanæ, in qua septem Diaconos creatos ab Apostolis testatur Lucas

Actorum

Actorum sexto. Eorum munus erat colligere & seruare eleemosynas, & in pauperes erogare, instante communione Catechumenos, & poenitentes templo eijcere: altari seu mensæ sacræ assistere: panem & calicem Eucharistiæ deferre ad singulos, immo & ad absentes: sacram mensam ferre humeris cum loco esset mouenda, legere Euangelium &c. S. Laurentius martyrio coronatus sub Decio Imperatore anno 252. erat vnus de septem Diaconis Romanis, teste Prudentio in hymno Laurentij:

*Hic vnus de septem viris,
Qui stant ad aram proximi,
Leuita sublimis gradu &c.*

Concinit Epistola Cornelij Episcopi Romani ad Fabianum Antiochenum, quæ extat apud Eusebium lib. 6. Historiæ cap 43. in qua Cornelius

ait suam Ecclesiam habuisse *πρεσβυτέρους τεσσαράκοντα*, Presbyteros 40, *διακόνους ἑπτὰ*, Diaconos septem, *υποδιακόνους ἑπτὰ*, Hypodiatonos septem, *ἀκοιτάδους δύο καὶ τοὺς τεσσαράκοντα* &c. Idq; ex sanctione Synodi Neocæsariensis, cuius canon vltimus hæc habet: *διακόνους ἑπτὰ ὁρεῖσιν* (1) *ἑπτά καὶ ὀκτώ*, καὶ πᾶν μυστήριον ἐν ἡ πόλιν. *Acolythos quadraginta duos oportet Diaconos*

Sed pace Ecclesijs parta, & per pacem diuitijs, & per diuitias superbia, hi Diaconi cæperunt fastu intumescere, & cum presbyteris de gradu contendere. Augustinus testis libro quæstionum Veteris & Noui Testamenti, his verbis. *Faleidius duce stultitia & Romana ciuitatis iactantia Leuitas Sacerdotibus æquare contendit. Nec multo post, Romana Ecclesia Diaconi modico inuerecundiores videntur. Quem fastum Romanum damnat Hieronymus Epistola ad Euagrium. Quid (inquit) mihi pro-*

*fers unius urbis consuetudinem? Quid paucitatem
de qua ortum est supercilium, in leges Ecclesie,
vindicas?*

Sequentia sæcula auxerunt numerum Diaconorum, & cum septem non sufficerent multitudi-
nini, alij adjecti sunt. Qui vero inter Diaconos
erat prior ordine, Cardinalis Diaconus diceba-
tur, id est, præcipuus.

Εφ' ὃ τὸν
πᾶντα λα-
ὸν ὑπ' ἐνός
πνίματος
θεοῦ κινή-
θοντα, ὁ-
μότε αὐθ-
υμῶν πα-
ση καὶ μέ-
θυση καὶ
ἐξουσιάζον-
τες ὅτι ὁ
θεὸς, καὶ
ἀμελλετη-
τως ὅτι ὁ
θεὸς ὁ πᾶν
ἐπιχοῦν
λαβόντας
αὐτ' ἐπι-
τεύων.

Tunc temporis Episcopi Romani ab vniuerso clero & populo Romano eligebantur : veteri more & instituto quem habes planissime descriptum ab Eusebio lib. sexto historię cap. 29. vbi memorat quo modo Fabianus in Episcopali sede a toto populo vnanimi consensu fuerit collocatus. Sic electus Damasus I. sic Gregorius I. qui detrectans Pontificatum scripsit ad Mauritium Imperatorem, ne pateretur electionem cleri & populi ea in re valere. Interceptę sunt litterę a Pręfecto vrbs & discerptę, scriptęq; alię quibus rogabatur vt quem populus & clerus legisset, Imperator confirmaret. Anno demum 1059. in electione Nicolai II. mentionem fieri Cardinalium apud Platinam inuenio, quibus tamen clero & populum paulo post adiungit. Onuphrius dicit Gregorium VII. cognomento Hildebrandum, abstulisse populo Romano jus eligendi Pontificem anno 1072. eius tamen electionem Platina testatur factam non solum a Cardinalibus, sed & a toto Clero, sub multorum laicorum oculis & approbatione. Vnde constat non ita pridem electionem Paparum ad Cardinales esse redactam. Nec quicquam tam abhorret a veteri

veteri simplicitate quam scrupulosa illa disciplina quæ circa electionem Papæ hodie obseruatur. Obstruuntur cæmento & lapidibus fenestræ Conclauis, ne quid lucis illabatur. Peruestigantur interiora domus, ne quis lateat in insidijs. Cardinalibus conclauis inclusis totidem lecti & mensæ quot homines. Ingeruntur patribus cibi per foramen, panis in frustra concisus, potus in pellucen-
tibus lagenis. Ne quid rerum quæ in Conclauis geruntur aut per Emissarios, aut per Epistolas occultè submissas, foras eliminetur sedula cautio. Ideoq; fores omnesq; aditus obsidentur præsidijs. Tum vnicuiq; Cardinalium prandium seorsim, nec fas vnâ accumbere, aut cibos inuicem mittere. Primis diebus lautus cibus & Saliaræ mensæ. At si tempus in longum traxerint, ortæq; , vt fit, dissensiones moram attulerint electioni, minuuntur Patrum fercula, & dimensum quotidianum acciditur: ingens festinationis incitamentum. Quid alia referam? Electum Papam circumstare, exuere, rursus induere, sublimem super altare locare, pedes osculari, adorare: mox per dirutam cum impetu fenestram electi nomen populo significare, vnde dissonus in plebe clamor, in alijs ficta lætitia, in alijs triste silentium, in pluribus vitulabunda exultatio. Atq; hi quidem mox noui Papæ ædes inuadere, moliri fores, diripere suppellectilem, legitimo & concessio latrocinio. Nihil hic prisci moris & probi, sed noua omnia & pars mysterij iniquitatis, occultæq; disciplinæ. Nec sanctius quod electus suum pileum Cardinalitum cui placuerit donare dat, quam consuetudinem

secutus

*Augustus
Thuanus
historia
lib. 6.*

secutus Iul. III. anno 1550. pileū suum dedit pue-
 ro cuidā cui Innocentij erat nomen, simiæ custo-
 di. Leuia, hæc præ fœda illa suffragiorum nun-
 dinatione, qua vnusquique Cardinalis ingentibus
 præmijs & Principiū pensionibus annuis emptus,
 suum suffragium huic aut illi Cardinali pretio ad-
 dicit: nunc factione Hispanica, nunc Gallica, aut
 inter has media Italica præpollentibus: vnde Pa-
 tres scissi in partes, & factionis diuersæ, & nunc
 horsum, nunc illorsum inclinantia suffragia. Inter
 quas moras, depositis pignoribus tota vrbe certa-
 tur, & solutis legibus liber regressus in urbem fu-
 gitivus atq; proscriptis, ferri omnia susq; deq; pro-
 miscuâ licentiâ: donec tandem patres sese foribus
 Conclauis proruunt, proceditq; ex tenebris nouus
 Papa, emptus quidem pretio, sed qui errare non
 possit in fide, ne quidem si velit, sed cælesti sapien-
 tia suffarcinatus omnia iura gestat in pectoris scri-
 nio. Sic nempe orbi Christiano impunè illudit-
 tur, & dum prodigioso artificio & dolis recenti-
 bus ducitur hominum stupor, antiquitatis tamen
 nomen obtenditur: vsq; adeo, vt liber sacrarum
 Lib. 1. sect. 1. cap. 3. Ceremoniarum rem ab ipso Petro repetat quem
 vult authorem collegij huius Senatorum penes
 quos esset electio Romani Pontificis. Cuius as-
 sertionis ipsum Bellarminum puduit, dum fatetur
 penes Clerum & populum olim Papæ electio-
 nem fuisse. Nam quomodo seruarent veteres con-
 suetudines, qui etiam antiquauerunt nouas? Con-
 silium enim Basiliense sessione 23. iubet Cardina-
 les esse numero viginti quatuor, nec plures. Sint non
 minores triginta annis. Sint magistri, doctores seu
 licentiat

licenciati cum rigore examinis in iure diuina vel humano. Sit saltem tertia pars vel quarta de magistris aut licentiatis in sacra Scriptura. Ne fiant Cardinales nepotes ex fratre vel sorore Romani pontificis. Inter alia iurent se cultum diuinum in Ecclesia sui tituli, & eiusdem Ecclesie bona conseruatueros. Sessione quarta cauetur ne Papa stante consilio Cardinales eligat. Celestinus V. teste Langio in Chronico Citizensi, equorum vsum Cardinalibus ademit; iubens eos porro a linis insidere. Quæ omnia quanquam nupera, tamen exoleuerunt, gliscente in dies luxu & promiscua licentia. Innocentius IV. in Concilio Lugdunenli iussit Cardinales vti galero purpureo, mox & vestis concolor addita. Factum id proculdubio ad imitationem Senatorum veterum Romanorum, quorum latus clauus purpurâ intextus, erat Senatorii ordinis insigne, sed & Pontificum Romanorum, & Flaminum Dialium ac Quirinalium vestis erat purpurea. Ouidius IV. Fastorum.

Illic purpurea canus cum veste Sacerdos.

Cæcilius apud Minutium felicem, Christianos sic inculsat: Sacerdotū honores & purpuras despiciunt ipsi seminandi. Qua in re illi ipsi qui Senatui huic fauent cum maxime, eius tamen desiderant prudentiam: debuerant enim hi patres alio quam purpureo colore vestiri, ne præberent nasutioribus occasionem suspicandi in eis impleri prophetiam quæ legitur capite Apocalypseo VI. *Vidi ego mulierem insidentem bestia coccinea plena nominibus blasphemie, habenti capita septem, & cornua decem. Erat autem mulier illa amicta purpura & coc-*

*An annuo
1194.*

*Lib. I. Sac.
Cæc. m. Sec.
I. cap. 3.
Platina in
Innoc. IV.*

co. &c. Cuius Prophetiæ difficilior fuisset interpretatio, nisi verba sequentia illam quasi luce perfunderent; additur enim versu 9. *Septem capita sunt septem montes super quos mulier sedet.* Et versu 18. *Et mulier quam vidisti est urbs illa magna qua habet regnum super Reges terra.* Paulus II. teste Platina primus pannum coccineum dono dedit Cardinalibus, quo equos suos vel mulas sternerent, nimirum ut hæc Prophetia, non in solum Pontificem, sed & in singulas Papalis sedis columnas, & primaria subsidia quadrare diceretur.

Quemadmodum autem Papa frequenter iactat (neq; id abs re) se in imperij Romani veteris iura & titulos successisse: Ita & hic Senatus Romanus, in veteris Senatus Romani locum manifestè successit. Iudicio est nomen ipsum Senatus, tum vestis purpurea, nec non Apotheoses, quas vocant Canonisationes, ex huius Senatus decreto. His adde legatos inde per prouincias missos, & cætera veteris illius Senatus imitamenta.

Ex his liquere arbitror quid huius æui Cardinales a veteribus differant. Quod ut planius fiat, libet rem in pauca conferre, & differentias ordine persequi.

1 Veteres Cardinales erant Presbyteri aut Diaconi parœciæ alicuius, quorum prouincia erat docere populum, & administrare Sacramenta. At hodierni Cardinales non prædicant Euangelium, nec eis vlla incumbit cura animarum: Sed sunt Senatores Romani, Regibus pares, Papæ consiliarij, &c.

2 Tunc, Cardinalem esse erat officium, & opus, nunc est beneficium & dignitas par regiæ.

3 Tunc nemo fiebat Cardinalis nisi alterius morte. At nunc Papa creat quos, & quot, & quando lubet. Vnde factum est aliquando vt numerus Cardinalium per incuriam Pontificum redigeretur ad paucissimos. Vsq̃ adeo vt in electione Vrbañi I V. duo tantum Cardinales adfuerint, si fides Onuphrio. Viciſſim Leo X. vna die creauit octo triginta.

4 Tunc Cardinales Romani agebant Romæ. Nunc vero sunt vbiuis gentium, & in aulis conspiciuntur, & sacro Regum Consistorio interfunt ac præſunt.

5 Nec dubium quin ad Cardinalatum prouerentur aptissimi quique, & ætate ac doctrina commendabiles. At nunc purpureus galerus datur pueris & filiis Principum illiteratis : Idque per intercessionem Principum : habeturque vt plurimum ratio, non eruditionis aut morum, sed vel familiæ, vel nauatæ operæ alicuius, quæ non semper est proba.

6 Tunc, nomen Cardinalis non attollebat presbyterum in gradum suis symmyſtis ſublimiorem, sed prioritatem tantum ordinis dabat sine potestate, vt fatetur Onuphrius his verbis. *Nihil dignitatis aut præminentie antiquitus illis dabat esse Cardinales.* Nunc Cardinales cæteris Clericis immensum quantum antestant, eosque ex edito loco despiciunt.

7 Res fuit apud veteres inaudita, ex Episcopis facere Presbiteros vel Diaconos : id enim est præter

præter totius veteris Ecclesiæ institutum: At nunc ex episcopis fiunt Cardinales Presbyteri: Ita fit vt Episcopus per capitis diminutionem crescat, & capiat ex dispendio compendium.

8 Tunc temporis, Cardinalis certæ Ecclesiæ seu parœciæ alligabatur, Nunc conuerso more, qui fit Cardinalis liberatur vinculo quo tenebatur astrictus suo Episcopatu: Fidem facit formula nominationis nouorum Cardinalium inserta lib.

1. Ceremoniarum sacrarum, Sectione 8. cap. 3.

cuius hæc sunt verba. *Authoritate Dei patris om-*

*Lib. 1. Sac.
Cere. sect.*

9. cap. 14.

consentur

omnia be-

neficia pro-

moti va-

cantia.

nipotentis sanctorum Apostolorum Petri & Pauli, & nostra. N. Episcopum Firmanum absoluius a vin-

culo quo tenebatur Ecclesiæ sue Firmanæ, &c. Qua-

propter in promotione noui Cardinalis omnia

eius beneficia consentur vacantia & impetrabilia,

nisi ea deinceps habendi facultas de nouo conce-

datur à Pontifice.

9 Sed & tunc temporis ignorabantur hæc

omnia; Capere annulum & pileum purpureum

de manu Papæ, post pedum oscula. Claudere &

aperire os Cardinalibus nouis. In pompis so-

lemnibus, summis scipionibus ferre quatuor gale-

ros coccineos: Quali tacite loquente Papa, & sic

compellante conscientias spectantium. *Tibi dabo*

potestatem hanc uniuersam & gloriam, quia mihi tra-

sita sunt; & cui volo do illa. Lucæ 4. Hoc nimirum

est vocare seruos ad pileum.

10 Neque vero arbitror, si quis olim ex Car-

dinali Romano factus esset alterius vrbs Epif-

copus, nomē Cardinalis retinuisse. Nunc res esset

non ferenda, & supplicium morte grauius si quis

ex Cardinali fieret merus Episcopus, adempto pileo.

II Olim Cardinalium Diaconorum munus erat sacram mensam ferre, nunc vero Papam humeris gestant. Causam habes apud Innocentium III. primo libro Mysteriorum; Missæ cap. 5, *Quia* (inquit) *erat Leuitarū gestare Arcam fœderis,* quam arcam vocari frequenter in sacra scriptura Deum & Iehouā nemo nescit. Et hi igitur Deum humeris baiulant, quandoquidem Papa Deus frequenter appellatur in Conciliis, & Decretis, ut suo loco docebitur.

CAP. IV.

De Iesuitis.



Ulta Serenissimus Rex de Iesuitis conqueritur, quos ait pulverarix coniurationis non modo conscios, sed & incentores & instigatores fuisse.

Ad hæc Cuffetellus prolixè : Principio iubet Regem de his Patribus æquius indicare : Iesuitas usque adeo Regi esse fidos & deuotos, ut non dubitent adire quoduis capitis discrimen dum prosint Regi, eumq. tuantur. Onerari viros bonos iniustis calumnijs. Christianissimum Regem moribus eorum introspectis, aliter de eis indicasse, eos amasse, fouisse & inter familiares habuisse. Non si quis eorum in caput Regis fuit sceleratus, idcirco totam societatem affine esse culpa, aut hoc opprobrium in ceteros insontes

&

& probos debere redundare. Eorum doctrinam & in instituenda iuuentute industriam (qua tamen præcipuè se in vulgus iactant) Cuffetellus non attigit, fortè oblitus, an per æmulationem.

Habet ergo (si huic creditur) Rex Serenissimus, quò lætetur, & suam vitam putet in tuto locatam pro qua tuenda Iesuitæ tam sedulo excubant. Felicem Regem his defensoribus, & amicis : Neq; vero authores vnquam fuerunt conspirandi in Regem, sed in Henricum aut Iacobum. Estque eorum stupor non ferendus, qui distinctionum non gnari, putant occidi Regem, quando occiditur vir de facto regnans; sed quem Papa exauctorandum censuerit. Sic nec inuolant temporalia, quandoquidem ea quæ occupauerunt, fiunt spiritualia. Talia certe Cuffetellus serio ne an ioco scripserit non abs re potest dubitari. Neque vero crediderim eum circa coniurationem puluerariam, malle credere confictis rumusculis, quam actis publicis, quam reorum confessionibus, quæ manu eorum scriptæ a sexcentis viris lectæ sunt, & in publicis scriniis asseruantur.

Quod vero in Henrici IV. iudicio serio triumphant, id ego quomodo ipsis tâto opere faueat non video. Quis enim nouit an Rex optimus voluerit Deum imitari vtentem opera improborum ad ea quæ vult exequenda? Quis scit an voluerit ad instar Vlissis secum habere ventos vt re conclusos, ad auertendam tempestatem? Quis scit an id fecerit ad obseruandum preceptum Euangelij, quo iubemur amare eos qui nos oderunt? An & voluit suis beneficiis vincere eorum malefacta, ac vt
est

est ingenium optimorum Principum, malle videri inuenisse bonos quam fecisse? At Regis inuictissimi consiliis hac in parte, succellus defuit: & Rex tantus, belli & pacis artibus iuxta clarus qui subditis peperit quietem, per cuius vigilantiam factum est, ut subditi tuto dormirent, qui se sibi abstulit dum se dat reipublicæ infando scelere medio in triumpho a fœditissima bellua obtruncatus, insigne dedit documentum quid possit irritata superstitio, quid turbulentæ conciones, quid confessiones instillantes sanguinem. Interrogatus enim parricida respondit, sibi Regem occidendi causas fuisse multas, quas qui nosse vellet, concionum nouissime habitatum meminisset. Addebat & Regem Papæ esse aduersum, Papam vero esse Deum, Deo autem inimicum esse tollendum. Cæterum distinctiones & agumenta quibus Marianæ, Francisci Veronæ, Bellarmini, aliorumq; eiusmodi scripta referta sunt, homo in cæteris vecors & plumbeus, accuratissime callebat: seu legerat hæc, seu ab alijs audierat.

Quod vero quidam faciunt Iesuitas Rei litterariæ Principes hoc equidem qua fronte aut ore dici possit non video. Nisi forte Amphitheatrum honoris Caroli Scribanii, qui se turbato ordine litterarum Clarum Bonarscium inscribit exemplar est eloquentiæ & eruditionis compræ: liber quo non alius post litteras natus prodiit ineptior. Stilus ferreus, oratio confragosa, & desultoria vanitas, quæ dum rancidas voces coaceruat, non modo excidit a puræ latinitatis vena, sed & a sensu communi. Hæc siliqua sonora est, sed cibus est

porcorum. Ipse Tullius si reuiuisceret, ita scribentem non intelligeret. Nempe conclamatum erat de re litteraria nisi putidus ludimagister & scutica dignus inter mortuam eloquentiam ex inferis hac loquendi sartagine excitasset. Adco ne quenquam esse auersis litteris natum, ut hæc laudet, aut ferat aut legens non indignetur? Nimirum respondet stilus argumento: & venenata doctrina prodigiosa oratione vestitur.

At sedulo excolunt ingenia adolescentum, & ex eorum schola quasi ex Musarum aluearibus prodeunt examina doctæ iuuentutis. Hoc si verum est, quid sit ut ex quo Iesuitæ desudant in Pædagogico puluere, inter ingenia nostra inoleuerit barbaries & honos ac vis bonarum litterarum sit tantopere imminuta? Vbi nunc splendor ille Academiae Parisiensis, quæ non ita pridem erat triginta millibus studiosorum frequens? At nunc iacet miserè desolata, degenerantibus scholis in barbariem ex quo hi litteratores occeperunt truncatos authores & deartuatos pueris proponere, & non ipsas artes, sed artium *ἀπομνημονεύματα*, & minutula compendia docere. Auertunt enim iuventutem a Græcis fontibus, nec tingunt ingenia succo veteris Philosophiæ. Da mihi aliquem de schola Iesuitarum solide doctum, aut qui possit in litteris Latinis aut Græcis cum Scaligero, Casaubono, Lipsio, Passeratius comparari. Nonne hi quos hodie habet Curia Parlamenti viros doctos & graues, ex Turnebi & Cuiacii Schola, non vero ex Iesuitarum lacunis prodierunt?

Hanc ergo eruditionis famam debent non suæ
doctri-

doctrina, sed astutia qua gratis pueros docent, & Minervalium pueris gratiam faciunt. Dum interea opimas hereditates ad eundo, fundos, domos, legata amplissima captando, paucis annis rem fecerunt non mediocriter, & opes infinitas con- gesserunt. Nouum sane genus aucupii, pro stipe menstrua capere integra patrimonialia, & si quam in domum irrepperint, speciei religionis, quali retia iaculo cuncta conuerrere.

De horum hominum origine & incrementis multi multa, neque mihi animus hanc persequi. Pauca tantum de nomine, post de instituto. No- men sibi imposuerunt nouum, nec carens myste- rio: videntur enim docere alium esse Iesum a Christo, quandoquidem hodie, Iesuitam esse, & esse Christianum, res sint diuersae. Cum vero A- postoli pro magno duxerunt dici discipulos Ie- sus, hi vero se vocent Iesus socios, mirum ni ip- sos Apostolos superant sapientia. At debuerant meminisse vnum toto Euangelio vocari *Socium Iesus*, nempe Iudam Iscariotem quem Iesus sic compellat, Matt. 26 vers. 50. *inquit ipse ad petrum So- cie quorsum ades, aut ad quid venisti?* Quotiescunq; ergo Iesuita aliquis venit inuocatus, aut perruptis custodibus interioris admissionis regibus ad- reptus, fas illum iisdem verbis affari: *Socie ad quid venisti?* Hoc genus hominum Papa rebus pene conclamatis opportunum attulit subsidium, qua- si re ad triarios redacta.

Mitto ea quae aduersus eos ab aliis Pontificis 19. Dec.
scripta, aut frequenti Senatu acta: Tumque in 1594
eos a Curia Parliamenti decreta quae quidem eos

arresto celeberrimo, cameris congregatis pronuntiavit hæreticos, corruptores iuventutis, publicæ tranquillitatis perturbatores, & perduelles: & toto regno expulit, erectâ ad perpetuam rei memoriam pyramide cum Elogiis inscriptis.

Mihi satis sit præcipuas novæ disciplinæ regulas & axiomata recensere, ex quibus iudicari possit ad salutemne Rerum publicarum, an ad perniciem nova ista societas sit instituta.

1 Principio, istius societatis Generalem oportet esse Hispanum aut regi Hispaniarum subditum: neque hætenus aliter factum. Quod iustam iniicit suspicionem prudentibus, ad promouendas, præcipue res Hispaniæ, & amplianda Hispanici regni pœnteria *egregia* istam coxisse.

2 Huic Generali, & suis (vt loquuntur) superioribus vouent obedientiam non solum voluntatis, sed etiam iudicii, quam vocant *obedientiam cæcam*, hæc enim sunt vocabula *ετυχηα*. Hoc iubet Ignatius in Epistola quæ subiecta est libro qui inscribitur *Regule Societatis Iesu*, vbi vult non secus ac Christo ipsi, superioribus obtemperari. & *Iesu* *suitas cæca quodam impetu voluntatis parendi cupida sine ulla disquisitione ferri, alioqui (inquit) perit celebris illa obedientia cæca simplicitas.*

3 Hanc cæcam obedientiam ne quid impediat ab Episcoporum potestate & iurisdictione sunt immunes & liberi.

4 Idem docet Papam posse Imperatores & reges excommunicare, Excommunicatos Regno priuare: Regno exutos interfici iubere: vt supra docuimus ex Bellarmino, Becano, Mariana, & alijs

aliis: qui libri eo nomine a Curia Parlamenti damnati, duo etiam posteriores tortoris manu cremati sunt.

5 Asserunt quoque Clericos non esse Regum subditos, ac proinde Clerici rebellionem in Regem non esse crineh læsæ Maiestatis: Emanuel Sa in Aphorism. confessoriorum in voce *Clericus*.

6 Affine istud est, Clericum debere quidem obsequi legibus Regni, sed ut id faciat cogi non posse, & ut ait Bellarminus lib. de Clericis cap. 28. *Legibus teneri Clericos obligatione non coactiva, sed solum directiva.*

7 Tyrannicè gubernans in se acquisitum dominium non potest spoliari sine publico iudicio. Lata vero sententiâ potest quilibet fieri executor Aphorismi Confessoriorum sub littera T. in voce *Tyrannus*, pag. 293 editionis Antuerpiæ.

8 Papa potest absolvere subditos Sacramento fidelitatis. Hoc docet Bellarminus toto libro in Barklaum, & ea de re prolixè inferius agetur.

9 Pontifex potest dispensare in votis & iuramentis quæ Deus ipse iussit reddi, & quorum solutio de Iure diuino est. Bellarm. in Barkl cap. 21.

10 In bono sensu dedit Christus Petro (ac proinde Papæ) potestatem faciendi de peccato non peccatum, & de non peccato peccatum. Bellarmin. in Barkl. cap. 31.

11 Cum quis nullis iustis iudicijs in ius vocatur, quia nemo tenetur se ipsum Magistratui prodere, idque lex nature satis docet, aperte & libere sine ulla tergiversatione negare potest id cuius gratia accersitur quia semper clausula illa intelligitur, ut tenear Di-

cere. Andraas Eudæmonioiohannes Cretensis, in Apologia Garnetti pag. 38. Scripsitque de Equiuocationibus Parsonius Iesuita Anglus. Extat etiam Equiuocationis tractatus in Anglia a Pontificiis editus, addita approbatione Henrici Garnetti & Blakuelli Archipresbyteri, vbi prolixè hæc disputantur. *Grassante* (inquit Tractatus) *per Angliam pestilentia, quidam Londino, vbi vis maxima erat mali Couentriam venit.* Ad portam urbis occurrit Magistratus, qui delato iureiurando ipsum interrogat *veniat necne Londino?* ille negat strenue & dictis iureiurando fidem facit. Hoc periurio quicquam peccari negat liber ille, mendatij periurijq; magister. Inter alia Garneti quæ ipse manu sua scripsit, per quæ ad varias sibi propositas quæstiones in carcere respondit, die decima Aprilis hoc responsum dedit. *Si quis suscepit aut suscepturus est consilium Regis occidendi, is non tenetur verum fateri, licet adducatur ad Legitimum magistratum, donec probationes extiterint ad conuincendum ipsum idoneæ.* En latebras paratas parricidio, en mentiendi artem. Quis mirabitur si his magistris, quibus mentiri pars est pietatis, fontes coram Iudicibus frontem perfricant, & malefactis suis obtendunt nebulam stropharum, innocenti (vt putant) periurio & legitima impudentia? Hæ sunt euasiones illæ mentales, quæ si in Ecclesiam fuerint admittæ, nemo erit qui non putet sibi licere coram Iudicibus infestis Christum & veram religionem abnegare. Sic loquendo, *Ego non sum Christianus, nec Christum colo aut curo, sed tacite secum supplendo, vt tibi dicam, aut vt teneat tibi dicere.* Vel sic,

Iuro

Vide Epist.
Casauboni
ad Fronto-
nem Duca-
um in qua
plura eius-
modi ex
publicis
scrinijs
proferun-
tur.

Iuro me numquam participaturum Sacra Coena, tum tacite secum, currendo vel saltando. Similem Arii fraudem, qua Constantino imposuit lege apud Nicephorum lib. 8. cap. 5.

12 *Nullum tantum potest esse malum cuius vitandicausa confessionem prodere liceat. Eudemoniohannes in Apologia Garneti cap. 13. & Suares tractatu de Pœnitentia. Sic Bellarminus laudat Garnetum quod rem (.i. coniurationem puluerariam) sub confessionis sigillo sibi reuelatam, noluerit reuelare. De qua nefaria doctrina abunde actum capite secundo.*

13 *Confessio est de iure diuino, sed Regum auctoritas est de iure humano, leniori ergo damno Reges omnes quotquot sunt occiderentur, quam si vel una confessio reuelaretur. Quæ fuit oratio Iesuitæ Bineti ad integerrimum virum Casaubonum, & fide dignissimum, ut ipse testatur in sua ad Frontonem Ducæum epistola.*

pag. 140.
Editionis
Londinensis.

14 *Ad perdendos inimicos licet occidere amicos, sitantum ex ea re boni prouenturum est, quantum aliquod insontium necem compensare potest. Hoc respondit Garnetus Catisbeio roganti an nefas esset insontes cum fontibus pariter exufflari: ut testantur acta publica, neque diffitetur Iesuita Eudemoniohannes in Garneti Apologia pag. 103. & quasi rectè dictum tuetur. At hic Cretensis xandy Sneloy non vidit Zeloticum istum furorem pugnare ex diametro cum Dei bonitate. Deus enim parcit malis ob bonos, hi vero nequidem bonis parciunt ob malos. Immo vero Deus ut seruet paucos bonos, ignoscit multis malis, non*

Math. 13. deleturus Sodomam si in ea inuenti fuissent quin-
 vers. 29. que iusti. Idem vetat Zizania euelli, ne bonæ se-
 mentis aliquid vna euellatur.

15 *In conspiratione aduersus Reges, licet admif-
 sos in societatem criminis sumptione Sacramenti ad si-
 lentium obstringere. Hoc factum a Garneto, Old-
 cornio, alijsq; Iesuitis vt coniuratorum conscien-
 tias iniecta religione illigarent, & sacro horrore
 percellerent. Cuius rei fidem faciunt acta publica
 & Garneti aliorumq; confessiones, neque it infici-
 cias Eudæmonio iohannes. O facinus indignum!
 ô zelotarum ad omne scelus proiectam audaciam!
 Siccine Sacramenta corporis & sanguinis Christi
 fieri proditionis incitamentum? Siccine tremenda
 myſteria adhiberi non ad firmendam erga Deum
 fidem, sed ad accendendam erga Reges perfidiam?
 non ad annuntiandam mortem Christi, sed ad pa-
 trandam cædem Principum, quos scriptura Chri-
 ſtos Dei nuncupat. Hæccine illa præparatio & sui
 consuetudo quam Paulus vult præmitti sacro con-
 uiui? aut quæ hæc est pietas datis sacrosanctis
 pignoribus quasi subditis facibus crudelitatem
 accendere?*

16 Hoc quoque pars est Iesuiticæ disciplinæ.
 Si quem habuerint adolescentem, cuius animus
 æstuet atrocis alicuius sceleris conscientia, com-
 pingunt hominem in obscurum cor claue, quod
 vocatur Camera meditationum, figuris diablo-
 rum circumpietum, ibi misellum adolescentem
 tenebris, carcere, & inedia macerant, & spectris
 terrent. Tum allegatur ad eum aliquis e Patribus
 qui grauitatem peccatorum oggerat, horrorem
 diuini

diuini iudicii oculis subiiciat, & pauitanti ac anxio persuadeat non aliam ej superesse viam ad salutem, quam si ingenti aliquo facinore & Ecclesiae salutari peccata expiet. His artibus se inligatum esse ad audendam Henrici IV. caedem Iohannes Castellus falsus est, vt testatur quaestio habita de eo, & eius confessio, quae in tabulario Curiae Parliamenti asseruatur.

17 Salas Iesuita tractatu 8. disputatione vnica, sect. 5. hæc habet. *Respondetur secundo non esse peccatum exponere se periculo violandi legem Dei incertam & dubiam: Immo interdum non esse peccatum exponere se periculo violandi legem Dei certam & indubitam, nam qui versantur inter infideles sunt in magno periculo peccandi &c. Et paulo post. Religiosus efficacissima deberet habere motiua vt probabiliter opinaretur veram esse dispensationem qua secum dispensaret Deus, vt matrimonium contraheret secundum communem legem, hætenus enim nunquam Deus dispensauit: si tamen veram probabilitatem haberet, posset ad euitanda magna inconuenientia vt dispensatione dubia & tantum probabili.*

Sanches lib. 9. de debito coniugali, disp. 46. § 15. *Docet non esse mortale obscenas brutorum partes confricare, quia inde non excitatur tam vehemens delectatio, sed modica quadam &c. Cætera citare pudor non permittit.*

Possent infinita eiusmodi congerere, ex Iesuitarum scriptis quæ non modo pessundant totam Religionem, sed & euellunt ex animis semina omnia æquitatis naturalis & honestatis ciuilis. Vnus Sanches Iesuita in ingens volumen de matrimonio

trimonio tantum concessit sordium impudica-
rum, & libidinis arcanæ artificia tanta *exempla* ex-
cussit, ut nihil ad hoc sint Sybaritici libri, & *mollis*
Elephantidos libelli. Mihi satis erit proferre in me-
dium vnum Toletum Cardinalem, virum cæteris
honestiorem, & dignitate præcipuum ac præcel-
lentem doctrina, omniq; inter Iesuitas exceptione
maiores. Is scripsit librum *de instructione Sacer-*
dotum, cui præfixa est approbatio plurimorum
doctorum, continentem capita Iesuiticæ doctri-
næ: quorum nonnulla lubet proponere.

18 *Administratores, Iudices, gubernatores seculares conuerti ab Episcopis & viris Ecclesiasticis, quod iustitiam non seruent, si quantum necessitas exegerit, absq̃ negligentia id non correxerint, post trinam admonitionem, ipso facto sunt excommunicati lib. 1. cap. 37. Cui dogmati si addas id quod idem auctor ait eiusdem libri cap. 13. Excommunicatus non potest exercere actum iurisdictionis absq̃ peccato, immo si publica est excommunicatio facta, sententie nulle sunt: facile comperiet omnes regni magistratus, & ipsum regem, cadere officio, quotiescunque liberit Papæ vel Episcopo eos excommunicare: Quo dogmate insuper datur potestas Clericis inquirendi in gesta magistratuum & iudicum, recte ne & secundum leges iudicent, vt planè necesse sit Clericis esse peritis legum civilium, si quidem de iudicum ipsorum iudicijs sunt iudicaturi.*

19 *Qui tenebantur obnoxij vinculo fidelitatis vel iuramenti alicui liberantur a tali vinculo, si is incidit in excommunicationem lib. I. cap. 13.*

20 Cum ex aliqua vehementi passione accidit, ut

in voluntate insurgat volitio vindictæ, aut alicuius mali, si talis est ut non sit pro tunc in nostra potestate non velle, non est peccatum. lib. 3. cap. 1.

21 Si femina a marito conclusa in cubiculo, a quo fugere non potest, habetq; vir pugionem ad ipsam confodiendam, expectat tamen ut ipsa quiescat, an licet uxori praeuenire & occidere virum? Dico licere, & ratio est aperta &c. lib. 5. cap. 6.

22 Sinobilis non potest fugere iniuriam notabilem, inferendam, ut ligni percussione paratam, potest tunc occidere inimicum lib. 5. cap. 6.

Addit tamen hoc non licere nisi nobilibus, quasi lex diuina de non occidendo minus nobiles quam plebeios astringeret.

23 Mentiri in confessione non semper est peccatum mortale lib. 3. cap. 9.

24 Si quis stuprum intulit virgini, & promisit illam ducere, aut cum iuramento, aut sine illo, tenetur sub mortali ducere. Si tamen esset inferioris multo conditionis sufficeret eam dotare, pag. 606.

25 Est aliquis qui iusto pretio non potest vendere vinum, vel propter iniquitatem iudicis, vel propter emptorum malitiam, tunc iste potest minuere mensuram, aut parum aquae miscere, & vendere pro puro ac pro completa mensura, iustum exigendo pretium, dum modo non dicat mendacium, lib. 8. cap. 49.

26 Mulieres accipientes pretium pro actu illicito carnis, non obligantur ad restitutionem, quia actio ista non est mala contra iustitiam, quamuis sint virgines & coniugatae & cuiuscunque conditionis. Et quamuis accipiant pecunias in excessu ultra pretium actus turpis, si libere donetur illis. lib. 5. cap. 19. Quæri posset a le-

a Iesuita quodnam sit iustum pretium positum turpi isti actui, & qua lege constitutum.

27 *Blasphemia aliquando fit cum aduertentia, aliquando sine aduertentia ut cum homo ira aliqua aut passione motus, non aduertens verba quæ proferebat, protulit blasphemiam: priori modo est peccatum, posteriori vero non semper lib. 4. cap. 13.*

28 *Qui vouit castitatem aut religionem simplici voto non potest uxorem ducere: si ducat, mortaliter peccat: tamen tenet matrimonium, sed non potest exigere debitum, sed reddere, sine Pontificia dispensatione lib. 4. cap. 18. Mira vero seruitus cum habeas uxorem, matrimonio rite copulatam, non posse cum ea consuescere nisi petita venia a Pontifice, aut nisi ipsa vxor postulet.*

29 *Fideles si sint in gratia, & ob debitum, sinem actu coniugali utantur, merentur in ipso actu, sicut in alio bono opere lib. 7. cap. 5. Magnum vero meritum & ob quod Deus ultro debeat: Ne proferamus quæ idem Cardinalis turpi & p[ro]p[ri]a persequitur capitibus 13. 16. & 24. libri 7. pudor impedit, officerent enim honestis auribus.*

30 *Libro quinto cap. 12. quærit an si vir & uxor tenentur conclusi in Ecclesia unde exire nequeant, coniugalis actio in loco sacro sit peccatum mortale & Ecclesiam polluat, Respondet Iesuita si fiat ad vitandam incontinentiam licitum esse, nec Ecclesiam pollui: si secus peccatum esse mortale.*

31 *Stiebrus non compos rationis fornicaretur, non peccaret. lib. 5. cap. 10.*

32 *Dominis temporalibus licitum est permittere usurarios, sicut permittuntur etiam meretrices ad vitanda*

tanda maiora mala. Deus enim etiam permittit peccata lib. 5. cap. 37. Concinit Bellarminus lib. 2. de amissione gratiæ, cap. 18. §. Dicet. Non peccat Magistratus si meretricibus certum locum urbis incolendum attribuat, quamvis certo sciat eo loco ipsas non bene usuras. Potest enim permittere minus malum ut maiora impediuntur.

33 Licitum est ad occultandam infamiam vel vitæ periculum filios ex adulterio exponere in hospitali lib. 5. cap. 11.

34 Adulter potest quidem uxori reddere debitum, sed non habet in ea petendi. Ibidem de masturbatio-
ne quam vocant pollutionem voluntariam, hæc habet lib. 5. cap. 13. Si quis pollutionem desideraret ob bonum finem scilicet sanitatem, vel ad levandas tentationes quibus interdum affligitur non esset peccatum. Quid quod hac in re vult esse magnum meritum? Si (inquit) voluntas cohibeat consensum, & patienter hoc ferat, est materia magni meriti. Et paulo post Si confessorius dum audit confessiones, intales incidit pollutiones, non ob id tenetur non audire alios. Vbi frons, ubi pudor? & hæc ferri & probari?

35 De eo qui rem alienam vi aut furto ablatam iniuste detinet, sic censet. Nullus tenetur cum vitæ periculo aut fame rem alterius restituere: sunt enim vita & fama nobilioris ordinis quam res. Lib. 5. cap. 37. At ego conscientiam & Dei timorem putaueram pluris esse quam famam, immo & quam vitam.

36 Cum testis accipit pecunias ut falsum testimonium dicat quamvis teneatur restituere damnum illatum alteri, tamen non tenetur restituere pecunias quas accepit

accepit ut falsum diceret. lib. 5. cap. 59.

37 De alea & taxillis sic pronunciat. Hi ludi non sic sunt prohibiti, quin ob recreationem, & cum summa parua est, liceant etiam clericis lib. 5. cap. 27. Sanctius nostri Iesuitæ Turnonenses qui pretium lusus faciant certum numerum Pater, & Ave, quem pro victore recitaturus sit qui in lusu victus fuerit.

38 Potest reus sine peccato mortali confiteri peccatum sibi falso impositum, pro cuius confessione torquetur: nec hoc est mortale, quamvis sit ob talem confessionem suspendendus. lib. 5. cap. 66. Hic tamen ipse sibi lethum consciscit, quod pessimum genus est homicidij.

39 De homine capto a latronibus & dimisso sub iureiurando se centum aureos eis datum, sic censet: Potuit equivoce iurare ratione coactionis, dicendo, iuro me datum, & intra se, si nihil buerit, & tunc non tenetur, quia absolute non iuravit datum. lib. 4. cap. 22. Idem dicit de eo qui iniuste detinetur in vinculis, & sub fide data redeundi dimittitur. Plus ergo in Ethnicis fuit honestatis & conscientie quam in his Parribus. Cicero enim primo officiorum inter malæ fidei exempla refert factum militis captivi qui insurandi fraude culpam innenerat. Cum enim Annibalis permissu exisset de castris, rediit paulo post quod se oblitum nescio quid diceret: deinde egressus e castris, iureiurando se solutum putabat: & erat verbis, re non erat.

40 De sigillo confessionis sic loquitur. Advertendum obligationem sigilli esse tantam, ut nulla proprius causa, neque etiam propter salvandam vitam propriam,

priam, nec propter salutem totius Reip. possit confessarius peccatum penitentis revelare, lib. 3. cap. 16. Nota vocem totius. Ergo multo minus ob Regis vitam.

41 De reo interrogato in iudicio an fecerit aut an habuerit confcios & participes sceleris, sic censet. Cautus debet esse reus ut talia verba proferat iuxta suam intentionem in sensu vero, puta, ut intendat dicere **NON FECI**, puta, in carcere, & **NON HABVI COMPLICES**, puta, in alys criminibus lib. 4. cap. 58.

42 De absolutione ab excommunicatione hæc ait. Potest aliquis iuuitus absolui immo & ignarus & inscius absolutionis. Potest etiam absolui, absens & per litteras, ut & potuit per litteras excommunicari. Potest quoq; fieri absolutio per procuratorem, & per commissarium seu subdeligatum, qui non sit Presbyter, nec Diaconus. Absoluitur autem peccator interdum cum verberibus. Absolutio iniusta valet. Tum si Episcopus absoluit non premissa satisfactio tenet absolutio. Hæc habes sparsa toto capite 14. lib. 1. Quibus adde quod dicit cap. sequenti. Excommunicatum & hæreticum posse dare absolutionem in articulo mortis.

43 Contritionem habere venalium peccatorum non est necessarium, hæc enim absq; contritione remitti possunt. lib. 2. cap. 5. Paulo post quærit an homo statim post peccatum teneatur de ipso conteri, & sibi respondet hoc modo: Probabilius dico cum alijs quod non teneatur statim, etiam si recordetur sepius commissi peccati. Solum enim tenetur tunc non in ipso cõplacere, tamen **NON TENETVR POE.**

NI.

NITERE, sed potest mentem alio diuertere. Excipit tamen, si sit tempus periculi vt in morbo aut tempestate.

44 Ordines etiam maiores, etiam Presbyteratum posse conferri infantibus nondum usum rationis habentibus est communis doctrina, quamuis non desint qui contrarium sentiant: Illud tamen verius, lib. 1. cap. 16. Res sane perbella audire Presbyterum vagientem in cunis: habentem proculdubio eas dotes quas Paulus 1. ad Timot. cap, 3. desiderat in eo qui Episcopatui destinatur.

45 Ligna comportantes ad comburendos hereticos non sunt irregulares & rationem addit, quia dant operam rei licite, lib. 1. cap. 86. Vidi ego leges Eliscensis Gymnasij Iesuitarum, in quibus cautum ne adollescentes spectent capitalia supplicia fontium: nisi fuerint hæretici. Hæc enim supplicia breui restituenda in Galliarum regno, augurantur: & sibi in hac spe blandiuntur Nos vero Iesuitis optamus vitam & mentem meliorem.

46 Multi sunt iusti, qui ob nulla, aut paucissima, eaq; venialia peccata que committunt, aut nullius aut paucae pœne sunt debitores. Hi quia non debent poenam satisfactione non indigent, lib. 6. cap. 21. Mirum sane inuenire homines qui frontem vsque adeo perfricent, vt aulint contra Scripturam pertendere, multos esse homines sine peccato.

47 Non quia Apostolus prohibuit bigamiam, ideo licet inferre, esse de iure diuino, cum certum sit non omnia que Apostoli instituerunt iure diuino fuisse instituta, lib. primo cap. 68. Hoc autem ait, quia Paulus vetat Episcopum esse bigamum, Papa autem

tem dispensat in bigamia, & quosdam clericos bigamos admittit.

48 Decauponatione quam Papa exercet pro absolutionibus & dispensationibus sic loquitur. *Dico non esse murmurandum contra Papam, qui exigit pro his pecunias, non per modum precij, nam ista ad sustentationem dantur, qua multum indiget tanta in Ecclesia dignitas, lib. 5. cap. 89. ubi cum multas leges attulisset contra Simoniam, addit, Papam hisce legibus non teneri.*

49 Preceptum audiendi Missam, non est verbis intendere, sed sacrificio adesse, etiam verbis non auditis unde & simul precepto Missae satisfieri potest, & precepto recitandi horas. Non est autem necesse horas persolvere, quando priuatim recitantur, nudo capite, aut genu flexo. Lib. 2. cap. 13.

50 Precepta Dei non obligant homines ad finem preceptorum qui est Charitas: sed solum ad actum inclusum in precepto. Verbi gratia, preceptum non occidere, obligat hominem ut non occidat, non tamen ne occidat ex charitate, unde impletur preceptum extra charitatem. Lib. 4. cap. 12. Mirum vero cum tota lex constet charitate, ut ait Paulus, Gal. 5. versu 14. posse impleri legem sine charitate: Cumque breuiarium legis sit amor Dei & proximi, quis credat hominem sine hoc amore posse legi obsequi?

51 Aliqui volunt quod si quis audiret mediam Missam ab uno Sacerdote, & residuum ab aliquo alio, quod satisfaceret precepto, nam Missam integram audit, : & mihi probabile videtur. Lib. 6. cap. 7.

52 Potest esse baptisimus in dicinio, brodio carminum;

vel piscium, quando non est notabilis missio, lib. 5. cap. 18. ibidem tamen dicit non posse esse baptismum in niue. Tum miram formam baptismi docet, potest (inquit) puerum in cistella positum chorda usque ad aquam putei demittere.

53 Minister baptismi secundum communem Dei legem est homo cuiusque sexus, sine vir sine femina, sine hermaphroditus, cuiusque etatis, sine puer habens tamen usum rationis, sine iuuenis sine senex: cuiusque status sine laicus, sine Ecclesiasticus: cuiuscunque conditionis sine seruus, sine liber; cuiusque vita sine Iudeus, sine Paganus, & paulo post. Licet infidelis non crederet se quidquam boni facere, & cum irrisu faceret, si tamen ad petitionem baptisandi baptisaret, intendens facere id quod facit Ecclesia Christiana, vel ut ille petit, vere baptisaret. Lib. 2. cap. 20.

54 Posset consecrare Sacerdos multos cophinos panis & vini dolium. Lib. 2. cap. 25.

Hæc sunt scita sacrae societatis, hæc sacra oportanea: quorum quidem bonam partem etiam ab aliis quos idem fanaticus Zelus perculit credi & doceri sat scio: Sed hi pauci sunt præ aliis Pontificijs qui hæc damnant, & abominantur. Non usque adeo malè agitur cum rebus humanis, ut tam nefaria pluribus placeant.

CAP. V.

Papales tituli, & in Imperatores & Reges usurpata potestas. Quantum Corona Anglicana debeat Evangelio.



EX Serenissimus in sua præfatione Monitoria reprehendens Bellarminum sub Torti nomine Papæ patrocinantem, Sic affatur Imperatorem & Reges suos fratres. Hoc verborum fundamento,

Pasce oves meas, immane quàm amplum solutumq̃ Imperium Pontifici extruat : quo ad libidinem condonare atq̃ adimere regna possit : huic tamen servituti, non alios quam Christianos Reges addicens. Nec dubito quin pro Imperij vestri Maiestate iniuriam tam Indignè authoritati vestra illatam sitis graviter laturi, præsertim cum illis omnibus e vestro numero qui Romanam amplectuntur religionem, hoc magis quam mihi providendum sit. Nam cum me hæreticis annumeret, cum Iuliano Apostata æquet, extra causam etiam gregemq̃ Pontificium esse putet necesse est. Eodem itaq̃ iure cum Ethnicis principibus censendus sum, in quos ipse nihil posse Pontificem fatetur. At vos de Pontificio grege estis : Vos magnus ille pastor instar ovium ad occisionem ducere pro libidine sua potest. Cum aselli auriculas vellet Leo pro cornibus accipi, eodem omnes sentire oportebat : & vos pura fortasse nitidaq̃ cute nihilominus ut scabie infecta oves segregandi prorsus estis, si vos censura Pontificia tales esse indicaverit : Sic novum & egregium scilicet sensum his

Christi verbis affinxit, *pasce ouas meas*, tanquam hos significarent *Tolle, proscribe, abdica Christianos principes atq; Reges*. Illis quoq; *Quodcunq;* solueris quibus potestatem Pontifici datam esse contendit in omni Iuramentorum, votorumq;, mulctarum quoque & censurarum atq; legum genere dispensandi: Immo & soluendi naturale hoc vinculum quod subditos ad obtemperandum suis Principibus adstringit.

Respondet ad hæc Bellarminus, suo more, ciuilitate, & vt decet agere cum tanto Rege. *Hæc omnia* (inquit) *mera calumnia sunt*, negatq; expositionem illam horum locorum tam inciuilem & inuerecundam a se esse allatam. Relegat ergo Cardinalis quæ scripsit lib. 5. de Romano Pontifice cap. 7. vbi ex verbis Christi, *Pasce oues*, hæc colligit. Si ergo Princeps aliquis ex oue & ariete fiat lupo, id est, ex Christiano fiat hæreticus, poterit Pastor Ecclesie eum arcere per excommunicationem, & simul iubere populo ne eum sequatur, ac proinde priuare eum dominio in subditos. Neq; hic solum, sed & sæpe alibi eadem disputat, præcipue vero cap. 3. lib. in Barklauium. Atq; hæc est ratio (inquit) cur & Gregorius VII. & Innocentius IV. in depositione Imperatorum, vt ostenderent iure se id facere, verba Domini alligauerint, *Quodcunq;* ligaueris super terram erit ligatū & in Cælis: Mat. 16 & *Pasce oues meas*, Ioh. 21. Nimirū vt significarent potestatem suam disponendi de temporalibus. Vt mirū sit quæ frōte Cardinalis ausus sit Regi crimē calumniæ impingere, aut quomodo potuerit eorum quæ ipse tā frequēter & importune inculcat obliuisci.

At Cussetellus mollius rem gerit. Si inquit Papa vellet inuadere regna loco moris veris possessoribus, aut
alios

alios pro suo arbitrio sufficere, dignus esset quē Principes ut raptorē hereditatum alienarū incurrerent, & paulo post. Nihil sibi Papa arrogat in temporalibus, &c.

Hæc sane qui dicit, oportet in historijs & Papa-
parum decretis plane sit peregrinus. Nam si quis
vellet cōgerere omnia loca in quibus Pontifex fa-
stuosis titulis intumescit, & Regum capitibus in-
sultat, is quidem esset in re vulgari frustra sedulus.
Pauca hæc sunt e multis. Gregorius VII. qui pri-
mus ausus est Imperatorē solio deturbare, in fera-
li illa abrogationis formula sic loquitur referente
Platina. *Henricū Regem Henrici quondā Imperatoris
filium qui audacter nimis & temerariē in Ecclesiam
tuam manus iniecit imperiali administratione regiaq;
deycio: & Christianos omnes imperio subiectos, iura-
mento illo absoluo, quō fidem veris Regibus præstare
consueverunt; Hæc fulguritor. Quin & exutum reg-
no, anathematis vinculo postea illigat ante strin-
gens gladium materialē quàm spiritualem. Factū
hoc anno Christi 1076. nouo & inulitato exem-
plo. Imperium autē ad Rudolphum delatum est.
qui acie victus ab Henrico & morti proximus pro
tenfa manu saucia sic familiares suos affatus est.
*Videtis manū dextram meā de vulnere sauciā, hac ego
iuravi Domino Henrico ut non nocerē ei, nec insidiarer
glorie eius. Sed iussio Apostolica Pontificūq; petitio,
me ad id deduxit, ut iuramenti transgressor, honorē mi-
hi indebitū usurparem. Atq; in hæc verba est mor-
tuus. Testis Helmoldus Presbyter, Chronici
Sclauorum cap. 29. author vt illo æuo optimus
& Abbas Stadenſis in Chrnico anni 1080. Idem-
que Helmoldus prolixè refert cap. 32. & 33.**

quomodo auctore Papa Henrici filius Henricus in patrem insurrexerit, & acie fustum ceperit. At senex Imperator, (inquit Helmoldus) mortuus est Leodij, stetitque corpus eius inhumatum in capella quadam quinque annis. Tanta enim seueritate Dominus Papa & ceteri aduersarij eius in ipsum usi sunt, ut mortuum vel humari non sinerent. Lege Auentinum in historia Boiorum libro 5. Paulum Langium in Chronico Citizenli ad annum 1105. fasciculum rerum expetendarum fol. 49. & 50. Vespergensem, & alios.

Longum esset memorare quæ Fredericus Benobarbus a Pontificibus pertulit. Coronatio eius sic est facta, referente eodem Helmoldo cap. 81. libri 1. Slauonicæ Historiæ. Veniente Adriano Papa in castra Rex festinus occurrit, & descendenti de equo strepam tenuit, duxitque per manum eum in tentorium, facto autem silentio locutus est Dominus Baunbergensis Episcopus. Summa orationis erat petitio coronæ Imperialis per manus Papæ. Ad hæc Dominus Papa respondit, verba sunt frater qualoqueris: dicis Principem tuum condignam beato Petro exhibuisse reuerentiam. Sed beatus Petrus magis videtur inhonoratus: denique cum dextram deberet tenere strepam, tenuit sinistram. Hæc cum per Interpretem Regi nunciata essent, humiliter ait. Dicite ei quia defectus hic non fuit deuotionis sed scientiæ. Non enim tenendis strepis magnopere studium dedi: enimvero ipse primus est cui tale obsequium dependi. Cui Dominus Papa, si quod facillimum fuit, propter ignorantiam neglexit, qualiter putatis expediet maxima? Tunc Rex aliquantisper motus, vellem melius instrui, unde

Vide Nau-
cler, Gener.
39. Barnū
de vicis
Pontificij.

Vnde mos iste inoluerit ex beneuolentia, an ex debito? &c. Diu itaque atque acriter disputatum est. Postremo discesserunt ab inuicem sine osculo pacis. Timentes ergo illi qui columna regni esse videbantur, ne forte rebus inactis frustra laborassent, multa persuasione enicerunt cor Regis, ut Dominum Papam renocaret in castra. Quem redeuntem suscepit Rex integro officio. Omnibus autem exhilaratis & conuentioni adgaudentibus, dixit Dominus Papa, Adhuc superest quod facere debeat Princeps vester. Requirit beato Petro Appuliam quam Vuillemus Siculus per vim possidet. En benignitatem Episcopalem, en humilitatem Apostolicam. Facile est barbato imponere Regi.

Cuiusdem Friderici Imperatoris clarissimi cervicem esse conculcatum Venetiis super gradibus Templi S. Marci, inspectante vniuerso populo additis his vocibus, *Super aspidem & basiliscum, &c.* testantur tam multi historici, ut mirum sit quenquam posse contraire. Hieronimus Bardi in victoria nauali. Naclerus generatione 40. Iacobus Bergomensis in supplemento. Petrus Iustinianus lib. 2. rerum Venerarum. Alphonsus Ciacconus de vitis Pontificum in Alexandro 3. & innumeri alij. Quin & videri est historiam illam Venetiis pictam in Atrio Scrutiniij & magni consilij; cuius tabulæ recensentur ab Hieronymo Bardi qui tractatum de his edidit.

Innocentius IV. Fredericum II. in Concilio Lugdunensi diris percussit & Principes Germaniæ ad rebellionem sollicitauit, cumque ei negotium parum procederet, ipsum Soldanum Sarra-

cenum conatus est in eum concitare, teste Alberto Abbate Stadenſi in Chronico his verbis, Etiam ad Soldanum Papa nuntios deſtinavit, eum intendens a familiaritate abſtrahere & amicitia Frederici quondam Imperatoris. Sed Soldanns religioſior, ſuaſorem perfidia abominatus, cum Frederico pacem & concordiam coluit.

Huic ſucceſſit Henricus VI. qui a nonnullis quintus dicitur; Venit is ad Papam Celeſtinum III. utque erat coronatus Papæ pedibus aduolutus eſt. Ibi quid Celeſtinus egerit diſcimus ex Baronio, qui ad annum 1191. hæc citat ex Annalibus Rogerij. Dominus Papa (inquit) ſtatim percuffit eum pede coronam Imperatoris & deiecit eam in terram, ſignificans quod ipſa poteſtatem eiciendium ab Imperio habet, ſi ille demeruerit. O fatalem Chriſtiano orbi principum illius æui vecordiam Sed alia videamus.

Liber primus Sacrarum Ceremoniarum Sectione 5. cap. 3. reſert qua pompa Imperator Romanum ingrediatur, qua humanitate a Papa excipiat. In phano (inquit) ſupra gradus baſilicæ ante primam porticum ad dextram aſcendentibus, erigitur Suggestus ornatus cum throno Pontificali & ſedibus Cardinalium, Prælatorum, & Officialium. Supra quem ſuggeſtum Pontifex pluuiali & mitra præcioſis indutus, aſcendit cum ordinibus curiæ paulo ante quam Cæſar appareat. Electus Imperator cum ſuis omnibus ſervato ordine, ut equum deſcendit, per gradus aſcendit ſuggeſtum. Et ut primum Pontificem videt detecto capite illum genu tangens terram veneratur. Et iterum cum appropinquat ad gradus ſedis genu flectit

flectit, demum ad Pontificis pedes peruenit, illos inreuerentiam Saluatoris denote osculatur. Pontifex hilarivultu Cesarem aspiciens, ad osculum manus & oris recipit. Tum Caesar iterum genu flexus aurimassam ad pedes Pontificis offert, habetq; verba ad Pontificem, gratias agens pro honore suscepto, &c. Hoc si vocari debet humilitas aut benignitas, non scio equidem quid sit superbia & tyrannis. Nam ne quidem maximus Regum Christianorum sic agit cum vilissimis mancipijs.

Neque hæc ciuiliora quæ in eodem libro leguntur capit c. 3. secundæ Sectionis eiusdem libri. Cum Papa per scalam quam superius diximus ascendit equum, maior Princeps qui presens adest, etiam si Rex esset, aut Imperator, stapham equi papalis tenet, & deinde ducit equum per frenum aliquantulum. Si Imperator aut Rex solieffent, id est, non esset alius Rex, soli equum ducerent cum dextra manu. Sin vero esset alius Rex, dignior a dextra, alius a sinistra frenum tenerent. & paulo post. Si vero Pontifex non equo sed sella veheretur, quatuor maiores Principes, etiam si inter eos Imperator aut quilibet maximus princeps adesset in honorem Saluatoris Christi sellam ipsam cum Pontifice humeris suis portare aliquantulum debent. Sequenti sectione Imperator aut Rex dat Papæ aquam manibus, idq; genu flexo: Primum ferculum infert mensæ: datur tamen hoc dignitati Imperiali quod culinam non ingreditur: Inter accumbendum, Reges post primum Cardinalem confidunt. His omnibus substernitur regula quæ in hac fastuosa disciplina eodem loco habetur quo inter Philosophos prima principia.

Quod

Quod Pontifex Romanus nemini reuerentiam faciat
lib. 13. Sectione 1. cap. 2. Atq; horum omnium
haud dubie Christus auctor & Apostoli.

Ex hoc sublimi potentia culmine cuduntur
fulmina in Reges & regna, quibus confossus Io-
hannes Rex Nauarra regnum amisit, quod absen-
te Iohanne inuasit Ferdinandus Rex Castillia,
non alio iure quam quia sic Iulio II. Pontifici
placuit, non enim deerant legitimi hæredes qui
aduersus Papam arma non mouerant. Sic Alex-
ander VI. quasi erciscundorum toto orbe regno-
rum a Deo datus arbiter, Lusitanis Indos Orien-
tales, Hispanis Occidentales attribuit, frustra ex-
postulante Atabalippa Rege Peruuiana, & pe-
tente quid hominis esset iste Papa qui sic daret
non sua. Nouissimè Pius V. Regnum Anglia
Elizabetha ademptum Philippo Hispaniarum
Regi dono dedit, nimirum eo modo quo dantur
1569. Pius quæ tradi non possunt, & quæ iubentur vi eripi.
V. regium Et Rex noster Henricus III. a Sixto V. diris
Anglia impetitus, & Regno exutus, primo fidem subdi-
proscripsit, torum, post etiam vitam amisit.
pradamque

Quid quod nullum est in Occidente regnum
quod non Papa asserat esse feudum sedis suæ, nul-
lus Rex quem non sibi vassallum & feudatarium
1572. asciscat, quasi qui ab ipso regnum feudi & bene-
Anglia ficij loco acceperit. Habes huius vsurpationis
Regina ex- titulos & instrumenta apud Steucum Bibliothe-
communi- carium Papæ libro de donatione Constantini, in
catur & tur a Pons

a quo anno 1569. hæretica fuerat denunciata, ut inde omni dominio & pote-
state in Catholicos excideret: Ipsique adeo in illam vt Ethnicam & publicanam
se posse insurgere, nec illius mandatis & legibus deinceps teneri intelligerent.

quibus

quibus Reges Angliæ, Arragoniæ, Dalmatiæ, Daniæ, Poloniæ, Hungariæ, &c. agnoscunt suum regnum esse feudum Ecclesiæ Romanæ, eoque nomine Papæ præstant homagium vt vassalli & feudatarij: Addito insuper tributo quod tenentur pendere: Enimuero a Gregorij VII. temporibus Pontifices in eo toti sunt vt ipsi soli regnent, Reges vero & Imperatores sint Reges titulo tenus.

Sed ad rem præsentem nihil tam est accom- Pag. 117.
modatum quam historia Anglicana, in qua videmus Reges Angliæ, tam indigne & turpiter habitos vt ad extremam seruitutem nihil desideretur.

Matthæus Paris monachus Benedictinus, author summa fide & diligentia, memorat anno 1170. Henricum II. satisfaciendum Thomæ Archiepiscopo Cantuariensi, bis de equo desiluisse, bis frænum equi Archiepiscopali tenuisse. Quin & miseri Regis tergum virgis concisum, cædente monachorum mandra, quorum alij ternos, alij quinos ictus eius tergo inflixerint. Neq; sic Papæ satisfactum; nam insuper iussit Regem mittere in Palæstinam manum ducentorum militum, & deinceps pati vt Angli qui in Anglia causa cecidissent, possent Romam prouocare. Quam Regis patientiam Machiauellus libro primo Historiæ Florentinæ sic miratur vt magis irrideat. *Et his*

quidem (inquit) *Henricus assensus est, subiecitq; se* Le quali cose future-
Rex tantus isti iudicio, cuius hodie pueret quem libet no da

Henrico
accettate, & sottomossi, a quel giudicio vn tanto Re, chenoggi in humo priuato, si vergognareble a soltometterfi-tanto le cose che payomo sono piu da discosto che d'appresso temute.

pore

prinatum. Quin & addit id factum illo ipso tempore quo Romani Papam infestabant & male multatum non sæpe vrbe excedere compulerant. *Vsq; adeo (inquit ille) remota creduntur in maius, & quæ admodum contemuntur remota metuentur.*

Huic Henrico successit Ricardus, quem idem Papa iussit in Syriam nauigare, quo mortuo frater Iohannes regnum capessit. Hic Iohannes conquerebatur Romanis artibus emungi Anglos argento, & plus pecuniæ ex Anglia sola quam ex vlla cis Alpes prouincia colligi. Huic, quia liberatibus Ecclesiæ (sic vocant vsurpationes Papales) dicebatur aduersus, Innocentius III. regnum abrogat, translato regno ad Philippum Augustum Galliarum Regem. Verba Matthei Paris hæc sunt. *Papa ex consilio Cardinalium, Episcoporum & aliorum virorum prudentium sententialiter definiuit ut Rex Anglorum a solio deponeretur. Ad huius quoq; sententia executionem scripsit Dominus Papa potentissimo Regi Francorum Philippo quatenus in remissionem suorum peccaminum hunc laborem assumeret. Quo metu & domesticis motibus Iohannes adductus est ad conditiones accipiendas quas Pandolphus Innocentij Legatus voluit. Conditiones fuerunt ut Iohannes ad obtinendam remissionem peccatorum, coronam suam traderet Legato in manus, & sua regna Angliæ & Hiberniæ Papæ dederet, & subiecta esse pateretur, & tanquam de feudis Ecclesiæ Romanæ, homagium Papæ exhiberet, mille marcas argenti annuas penderet Pontifici, saluis insuper denarijs beati Petri qui quotannis pendebantur in capita. Paruit Rex in-*
uitus

Matth.
Paris pag.
215. &
223.

uitus, quā & ipse pactam pecuniam ad Legati pedes deposuit, qui eam pedibus conculcauit, quasi rem indignam, simul innuens regem & regnum, Papæ pedibus esse suppositum.

At Rex tam graue iugum iniquo animo tolerabat: Quin & proceres Regni proditam ab eo regni dignitatem, & fœde mancipatam indignabantur, & res nouas non obscure affectabant. Nec minus interea Romani æruscatores sub religionis obtentu, Angliam exhauriebant. Deniq; Rex ad extremas redactus incitas, mitius secum actum iri credidit si se & sua Mahumetanis traderet. Misit ergo Legatos in Mauritaniā ad Admirāliū Murmelinū Mauritanix & Bxticæ Regem, se suasq; fortunas omnes Regi Mahumetano oblaturos, dum eius ope a Papæ tyrannide liberaretur. Renuit Rex barbarus, & Legatos re infecta dimisit. Vnde aucta regni seruitus, & durius actum cum misero Rege: Nam & repetitum est seruitutis iureiurandum, & diplomate firmatum, quod non cera vt ante, sed auro signatum est, & pro mille marcis duodecim millia extorta. Ex eo Anglia facta est pars dominij papalis & patrimonium Petri. Philippoq; interdictum ne in Angliam exercitum transmitteret.

Huic Iohanni ex ægritudine animi mortuo successit filius Henricus III. qui sine cunctatione iurauit in verba Pontificis, & homagium de suis regnis exhibuit, & tributum exoluit, monente insuper capitatione annua denariorum Petri. Ad eum Innocentius IV. Papa Othonem Cardinalem allegat; cui Rex factus obuiam ad genua vsq;

Legati

*Formam
diplomatis
habet apud
Matthæū
Paris anno
1214. pag.
234.*

Pag. 530.

Legati caput submitit, Ac sibi quidem Regis nomen seruauit, vim vero & potestatem omnem Legato concessit. Vique adeo vt in conuiuio sedem regiam superbissima bellua occuparet, rege in inferiorem locum reiecto. Verba Matthæi Paris hæc sunt. *Rex in ampliori regia Westmonasterij pransurus Legatum quem inuitauerat in eminentiori loco mensa scilicet in regali sede, qua in medio mensa erat non sine multorum obliquantibus oculis collocauit. Iamq; ornabat Legatus profectionem suam in Scotiam, plenus spei, & expectans paria Scottorum obsequia, sed ingressu in Scotiam prohibitus est a Rege dicente, se non meminisse Legatum in terra sua uidisse, neq; opus esse. Interea Romanæ harpiæ religionem miro modo cauponabantur, & mille rei faciendæ artes comminifcebantur, frustra gemente populo, & medullas ipsas sibi exugiconquerente. Vique adeo vt idem author in historia anni 1241. loquens de reditu Othonis, dicat eum plus extulisse argenti ex Anglia quam reliquisse, quæ instar vitis ab apris depaltæ & conculcatæ, in pace grauiora quam in bella patiebatur. Neq; vero id obscure fert Bellarminus, aut vsurpatam in Anglia dominationem dissimulat, In libro enim cui Torti nomen præfixit, hæc ait,*

Pag. 19.

Rex Anglorum duplici iure subiectus Papa, uno communi omnibus Christianis ratione Apostolica potestatis quæ in omnibus extenditur, iuxta illud Psalmo 44. Constitues eos Principes super omnem terram, altero proprio, ratione rectoris Domini &c. Et nouissime in Apologia sua aduersus Regem cap. 3. Constat ab Hadriano IV. Pontifice datam fuisse Hyberniam insulam

insulam Henrico II. Regi anno 1156. sub conditionibus multis quas Reges Anglia minimè seruarunt. Nempe tunc Papa dat regna, quando alicui author est inuolandi alienam possessionem. At tot bella Anglis depugnata in Hibernia, satis arguunt Anglos debere hanc insulam suæ virtuti, non cuiusquam largitioni. Neque video quæ hæc sit liberalitas iubere aliquem per vim rapere aliena: maxime vero quando potens est possessor & qui se possit armis tueri. Sic quando Pius V. dedit Philippo Hispano regnum Angliæ, poterat Philippus par pari referre, salutando Papam Archiepiscopum Armeniæ, aut dignitatem Muphti, summi inter Turcas præfulis, ei conferendo.

Hæc quidem erat facies Angliæ, tunc cum nox atra errorum Latinis Ecclesijs incumberet: neque esset qui contra hiscere auderet. In qua seruitute illud erat sæuissimum, & maxime miserabile, quod simulac aliquo regio Papali interdicto fuerat subiecta, aut Rex Regisque fautores anathemate percussi, templorum valuz oculudebantur, sacra omnia cessabant, campanis ipsis indictum silentium, passim proiecta cadauera sine honore sacræ sepulturæ, quia profanam gentem sepelire erat religio sacerdotibus. Plurimum ergo debet Anglia prædicationi Euangelij, quæ vna cum veritate attulit libertatem, & vna cum errore abstulit seruitutem. Possunt utique Reges Angliæ usurpare illud Christi, Iohannis cap. 8. *Cognoscetis veritatem & veritas vos in libertatem vindicabit.* Satan enim dum tundit hanc incudem, & Papalis Imperij fundamenta ponit, eiusq; incrementa

Toletus de
instructio-
ne Sacer-
dotum lib.
I. cap. 53.

incrementa sollicitat, offudit populis densas tenebras ignorantiae, ne peruiderent sua consilia, & sacrae scripturae lucernam sub modio linguae peregrinae occultauit.

Interea nemo non videt quantum in Occidentali plaga immutata sit facies Ecclesiae. Nam quae maior immutatio quam vertere Ecclesiam in Monarchiam, & Regnum Christi spirituale in dominationem temporalem? Est enim erectum nouum Imperium Rom. quod sub titulo religionis, veteris Romani Imperij æmuletur splendorem, & formam imitetur: qua de re posthac plenius.

Neq; vero Papa segnior est verbis quam factis, nec minus loquitur grandia quàm facit atrocias. Distinctione 22. Canone Omnes, Nicolaus Papa sic loquitur: *Christus beato Petro aeternae vitae clauigero terreni simul & caelestis Imperij iura commisit.* Si huic creditur, Petrus erat Imperator in terris. Inde & sequitur Romanos Imperatores antequam Petrus esset Romanus Episcopus nullum habuisse superiorem in terris, postquam autem Petrus coepit esse caput Ecclesiae, coepit Imperator (si Papae creditur) habere in temporalibus superiorem. Mirum vero quod Christus dederit Petro ius Imperij terreni, vires vero hanc potestatem exercendi non dederit: Imperium enim sine viribus res est titulo tenus. Mirum quoque quod saltem Neroni non fuerit ab Apostolis aut ab Ecclesia significatum, Petrum datum ei esse a Deo superiorem in temporalibus, cui obsequi teneretur, ne ignorantiae excusationem posset praetextere. Nam Nero non obsequens Petro, non potest

test, dici peccauisse, quia datum esse hoc ius in Imperium Petro ignorauit; immo ne de nomine quidem Petrum cognouit. Nec minus mirum est quod veterum nemo, saltem inter amicos, conquestus est Episcopos Romanos fraudari suo iure, nec eis permitti Imperatores deponere, aut exauctorare, aut Imperium transferre.

In Clementina pastoralis Clemens V. sic buccas inflat. *Nostam ex superioritate quam ad Imperium non dubium est nos habere, quam ex potestate in quam vacante Imperio Imperatori succedimus, &c.* Ibidemq; Siciliæ Regem vocat *suum subdium, hominem ligium & vassallum.* Et cap. fundamenta de electione in 6. *Constantinus in ipsa urbe utriusq; potestatis Monarchiam Romanis Pontificibus declarauit.* En Papas duplici nomine Monarchas. Cui decretali, nescio qua fronte ausi sint doctores canonici glossam hanc apponere: *Roma fundata a Prædonibus a hinc de primordiis retinet, dicta Roma quasi rodens manus.* Quin & additur hic versus, *Roma manus rodit quos rodere non valet odu.* Usque adeo iplis Romanis canonistis visa est intolerabilis huius decretalis arrogantia, vt voluerint eam hac glossa quasi obelo confodere.

Capite Venerabilem de electione Innocentius III. sic loquitur: *Sedes Apostolica Romanum Imperium, in persona magnifici Caroli, a Grecis transtulit in Germanos, & paulo post Ius & auctoritas examinandi personam electam in Regem & promouendam ad Imperium ad nos spectat.*

Sic Pius V. in ferali illa bulla quam in Elizabetham Reginam *peruicaciter* detronuit, ait se *Solum a*

*De sent. &
re iudicata.*

Deo constitutum principem in omnia Regna; ut euclat, destruat, perdat, dissipet, & plantet. Satis quidem pro Imperio; At cum relego epistolas Petri Apostoli cuius hic se successorem venditat, nihil tale inuenio, neq; enim iactat suos titulos, neque contorquet fulmina, nec Reges de solio præcipitat, sed meram humilitatem spirans, totus est in cohortationibus ad fidem, ad patientiam, moresq; compositos.

Concilium Lateranense sub Leone X. Papam nunc caput totius orbis Principem, Sess. 1. & Sacerdotem ac Regem, sess. 3. & Imperium sanctitatis vestrae. Tum Regale pontificum Romanorum genus. Vnde & mitra triplex qua redimitur vulgo vocatur REGNUM, neq; aliter appellatur toto libro sacrarum Ceremoniarum.

Circunferuntur Theses excusæ Neapoli, Papæ nunc regnanti inscriptæ cum hoc Elogio, *Paulo V. vicedeo, Reipublicæ Christianæ Monarchæ, Pontificiæ omnipotentie assertori inuictissimo*. Ibidem habes instar Pontificis, cui circumpictæ sunt coronæ imperiales, & Regales, Ducisque Veneti pileus corniculatus: Immo & Turcici Imperatoris apex turbinatus, quasi loquente pictura, hæc omnia pendere de Papæ nutu & subesse eius jurisdictioni.

Cui volet plura alia exempla videre, consimilis modeltæ, legat caput tertium Concilij Lateranensis sub Innocentio III. vbi Principum sibi Immorigerorum ditiones iubet ab alijs Principibus Catholicis vsurpari. Et caput ad Apostolicæ. De sententia & re iudicata, vbi Innocentius IV. in Concilio Lugdunensi Fridericum II. fulmine amburit,

amburit, Imperio exuit, subditos Sacramento fidelitatis absoluit, verbis tumidis, & stilo virulento. Et Caput solite benignitatis Tit. 33. ubi cum Innocentius III. Papam Soli, Imperatorem Lunæ comparasset, glossa sic rem explicat. *Igitur cum terra sit septies maior luna, Sol autem octies est maior terra, restat ergo ut Pontificalis dignitas quadragies septies sit maior Regali dignitate.* Inficetus Glossator rationem magnitudinum nihilo plus calluit quam sensum scripturæ: Sed hæc in libro tantæ authoritatis, & qui decreta Ecclesiæ Romanæ continet legi & ferri sane mirandum est.

Ex his omnibus puto satis superq; constare quæ sit mens Paparum, & quantum sibi iuris & potestatis arrogant, ne quis apud rerum imperitos producat Papam loquentem ficta modestia. Quod sane facit Cussetellus, asserens Papam nihil sibi iuris tribuere in temporalia: Qui dum Papa inuitos vult docere humilitatem, apud suos fidem non inuenit, & sibi apud ipsum Papam & Iesuitas multam conflauit inuidiam. Dum enim hæc scribit in Gallia, ab ipsa vrbe ἐν ἀρχῇ Bellarminus confcio Papa, ideoq; probante, edidit aduersus Barklaum librum exitialem Regibus, qui totus in eo est vt probet Papam posse Regna dare, adimere, transferre, & Reges non aliter accipere, quam opilio arietem furiosum aut cornupetam. Idemq; posse Papam in Reges malos quod Sacerdos Ioiada in Athaliam Reginam, quam idem Pontifex non modo regno, sed & vita priuauit. Nam (inquit) cap. 27. *Cum Papa iudicat Regem, vel etiam deponit, nihil agit contra ius diuinum, quo-*

niam superior inferiorem iudicat, Pastor ouem, Pater filium, Prepositus subditum. Addit paulo post, Securus affirmo potuisse Dominum nostrum Iesum Christum tempore mortalitatis sue disponere & temporalibus omnibus, & Reges ac Principes Regnis Dominiſq; priuare: & hanc potestatem sine dubio Vicario suo concessisse. Notabit Lector, Nani non est dubium quin Christus in terris agens potuerit Reges omnes deijcere folio, led & necare: In hanc potestatem si Papa successit, certum est omnium Regum fortunas, Immo & vitam esse in manu Pontificis. Hic tamen vnum est discrimen quod Christus potestate quam habuit vti noluit, ne quidem cum inter duos super diuidenda heritate electus esset arbiter: At Papa vult vti potestate quam non habet: Nam si Papa est Christi Vicarius, certum est non esse ei datam omnem potestatem quam Christus habuit, sed eam quam exercuit & Apostolis disertè tradidit.

Tam sceleratæ doctrinæ substernit fundamentum impium, cap. 21. *Dispensat* (inquit) *Pontifex in votis & iuramentis quæ Deus ipse iussit reddi, & quorum solutio est de iure diuino, vt non mirum sit si Papa liberat populos ab obedientia Regibus debita, quam Bellarminus ait esse de iure humano, cum etiam gratiam faciat iuris diuini, & (vt loquuntur) dispenset a Dei obsequio.*

Quid quod ipsos infideles & eorum Regna Papæ subijcit. *Supra, inquit, docuimus cum S. Thoma posse a summo Pontifice priuari quoscunque infideles dominio quod habent super fideles.* Cum ergo Turca inuasit dominationem in Ecclesias Syras,

ras, Græcas, & Ægyptiacas, potest a Papa, aut toto hoc Imperio, aut Imperij parte multari. Cur ergo in re tam salutari Papa non utitur sua potestate? an erga Imperatorem non pessimum tangitur misericordia, & utitur clementia? An & bene sperat de eius resipiscentia? An potius fidem Turcæ datam religiosè seruat: quia Turca non est hæreticus, sed tantum infidelis, & huic quidem fides seruanda est, illi vero non item?

Sed nihil est tam indignè ab eo dictum, neque in Principes tam sæuum, quam quod citat cap. 31, ubi loquens de sententia qua Papa Regem aliquem iniuste deposuerit, (nam & hoc posse fieri fatetur) sic ait. *Quod autem dicis iniustam sententiam non laedere eum in quem fertur, verum est quando is in quem fertur eam humiliter tolerat & obseruat, donec iniustitia vel potius nullitas eius manifeste se prodatur.* Et cap. 17. *Si forte Princeps spiritalis (id est Papa) abutatur potestate sua iniuste excommunicando Principem temporalem, vel eius subditos sine iusta causa ab obedientia eius absoluendo, & eo modo perturbet statum Reipublicæ temporalis, peccabit Princeps spiritalis, sed non poterit tamen Princeps indicium sibi sumere de spiritualibus rebus, aut spirituales Principem indicare.* Nempe vult Principem abdicatum iniuste a Pontifice, parere iniustæ sententiæ, nec contra hiscere, nequum acta eius rescindere: Proh Dei atque hominum fidem, eo ne homines deuenisse stuporis & vecordiæ ut ferant, immo & laudent homines qui volunt Reges vinctos Domini, & summos in terris Ministros accipi ut vilissima pecora, & iniuste damnatis nequidem fieri con-

querendi copiam, aut contradicendi, aut rescindendi acta istius Principis spiritualis iniuste attrectantis spiritualia? Cedant loco Principes, renuntient vltro regno, quanquam iniuste dammati a Papa, ad cuius nutum debent regnare Principes: non quidem vt vox *nutus* (ait Bellarm. cap. 19.) significet assensum, sed eo sensu quo poeta ait de Ioue

Annuit & nutu totum tremefecit olympum.

C A P. VI.

Novem temperamenta quæ affert Bellarminus, ad molliendam huius doctrinæ asperitatem.



Idit Bellarminus huic doctrinæ parata multorum odia, & Principem offensionem. Idcirco quibusdam distinctionibus conatur mitigare rei asperitatem, & præfractam illam Papæ in Reges dominationem ex abrupto in planum deducere. Distinctiones istæ seu temperamenta, numero sunt nouem: quæ quia passim infercit, & nullibi non ingerit, libet hic ponere omnia sub aspectum, & singula seorsim, expendere.

I. Prima & sexcenties ab eo repetita distinctio hæc est. Papam non habere dominationem directam in temporalia, & in regna, sed tantum indirectam: Atq; ea in re non dubitat opponere se Canonistis, & multis huius æui scriptoribus, vt Pefantio, Bosijs &c. qui Papam volunt directum esse Dominum totius orbis & omnium temporalium.

At

At profecto sub specie agendi cum regibus clementius, eis manifeste illudit : quandoquidem potestas illa indirecta tantundem habet virium ad deturbandos reges, & transferenda sceptrum quam si directa vocaretur. Habebunt ergo Reges (si Deo placet) quo gaudeant, & se abunde solentur. Nam si diris papalibus fuerint pulsi Regno, id non fiet directe, sed tantum indirectè. Ita si fontem ad capitis poenam in publicum productum altans sacrificulus ita compellet; sis bono animo mi homo, non enim decollaberis ense, sed tantum acinace, mitigaverit proculdubio fontis dolorem non mediocri solatio. At Regi exusto & pulso difficile est satisfacere distinctiunculâ. Perinde enim est ei quam ratione spoliatur imperio, quandoquidem seu directa potestate id fiat seu indirecta, semper regnum amittit. Neque vero existimo rem quæ sit iniuste via directa posse fieri iuste via indirecta. Nec si tu non debes me rapere directe credibile est te iure id facere indirectè. Nec si quis obtorto collo trahatur in carcerem, melius cum eo agitur si obliqua via trahatur quam si recta. Nec si brachio solo trahatur quam si impellatur toto corpore. Quid quod Cardinalis indirectam istam Papæ in regna potestatem fulcit argumentis quibus conficitur esse omnino directam? Sic cum asserit Papam a Christo accepisse eam potestatem in Reges & regna quam Christus habuit cum esset in terris, nonne (si hæc ratio valet) oportet Papæ potestatem in regna esse directam, quippe cum Christus iam tunc fuerit & sit directus Dominus om-

nium regnorum ? Quid autem sibi vult simile illud de pastore abigente aut segregante arietem vitiosum ? Sane si Papa habet in reges eandem potestatem quam Pastor in arietem, oportet sit directa Papæ potestas, talis enim est potestas opilionis in arietem.

2 Huic temperamento affine est alterum, eoq; pariter fraudulentum, cum dicit Papam habere potestatem in temporalia, quatenus attingunt spiritualia, & ad spiritualia ordinantur. Sed per id nihil minuitur de absoluta Papæ potestate in omnia temporalia. Immo nihil est in civili societate tam sordidum, aut tam alienum a cognitione Ecclesiastica, quod non per hanc distinctionem Papæ subijciatur: nihil enim est temporale quod non aliquo modo pertineat ad spiritualia. Est enim Christiani officium, & pars pietatis, agere bona fide & conscientia in pactis & conuentis, in emendo, vendendo, contrahendo, possidendo, regendo Rempublicam aut familiam. In his omnibus opus est bona conscientia; quod certe spirituale est. Si ergo in his omnibus Papa est Iudex, nihil erit quod non sit Pontificæ cognitionis, & sub obtentu irrogandi pœnas ob peccata, poterit Papa res alienas interuenerere, pecunias, fundos, domos ad se trahere. Et hoc facto causari se attestate temporalia respectu ad spiritualia, potestate non recta, sed indirecta. Sic Papæ erit recidere pretia mercimonij, hoc enim pertinet ad iustitiam. Figere leges sumptuarias, id enim est temperantiæ: & datis arbitris lites componere, hoc enim pertinet ad charitatem, semperq; in omnibus

bus malefactis peccatur aduersus aliquam virtutem Christianam, quæ sane est res spiritualis, & pertinet ad conscientiam. Enimvero Pontifex voce ista spiritualitatis ad se trahit temporalia: & sub titulo spiritualis potestatis vsurpat temporalem. Atque ideo vocis istius facta est latior significatio, vt quasi sagena latior plura conuerterat. Nam felici hoc sæculo spiritualia dicuntur non tantum Dei dona cælestia aut virtutes Christianæ, sed & fundi & prouentus Ecclesiastici. Hoc pacto temporalibus accreuit dignitas dum fiunt spiritualia. Nec deerunt Papæ artes per quas quæcunque sunt sub sua ditione temporalia fiant spiritualia. Sed ne his immorer, dico ego Bellarminum hac sua distinctione eo prolabi quod vitat cum maximè; & Papæ adimere omnem potestatem Reges deponendi: nam si Papa non habet potestatem in temporalia, nisi quatenus attingunt spiritualia, clarum est Papam non posse Dominos temporales punire alijs pœnis quam spiritualibus. Qualis enim est cuiusque potestas, tales pœnæ quas irrogat.

III Iam audi aliam distinctionem quæ mihi non videtur ad fidem, sed ad risum comparata. Capite 12. libri in Barklauium, & sæpe alibi hæc dicit. *Quando proprie loquimur, dicimus Pontificem habere potestatem in temporalibus, non autem habere potestatem temporalem qua Pontifex est. Tum illud, Iure diuinæ potestas in Reges non proprie temporalis, sed quæ se extendat ad temporalia, Pontifici Christi Vicario attributa est. Dignam sane laudem modestiam, & egregium temperamentum quod sic minuit.*

minuit Papæ potestatem vt magis augeat. Idem enī de Deo dici potest ; Est enim Dei potestas non temporalis, sed tamen habet potestatem in temporalia. Durum vero post res regibus ereptas, eos vocare ad litigandum de vocibus, & reges fraudibus circumuentos distingere Grammaticalibus distinctionibus, non vt recuperent amissa, sed vt sciant quem titulum debeant inscribere suæ calamitati, an scilicet id fecerit Papa potestate sua temporali, an potestate in temporalia, an directâ, an vero indirectâ. Mihi profecto si vlla superest gutta sensus communis hæc videntur ad ludibrium dicta, & maiorem contumeliam. Nam Cardinalis fatetur Reges habere summam potestatem temporalem, quam tamen eis mox adimit, dum facit Papam habere summam potestatem in temporalia. Vtique nemo dixerit Regi esse summam potestatem in temporalibus, qui potest alterius iudicio temporalibus exui. Quemadmodum igitur dicere Alexandrum esse hominem, sed non esse animal rationale ; implicat contradictionem : Ita dicere aliquem esse summum Principem temporalem, sed subesse alteri in temporalibus, plane est *ἀντιπαρῶν*, & secum pugnans. Non enim alia de causa aliquis dicitur esse summus Dominus temporalis, quam quia summè dominatur in temporalia. Quid quod ipsi Pontifices non modo agnoscunt Reges non habere Dominum aut Principem temporalem se superiorem, sed & eos non habere superiorem in temporalibus ? Capite *Per venerabilem, qui filij sint legitimi*, vbi Papa dicit, *Regem non habere superio-*

rem in temporalibus, & ibidem diserte dicitur Regem Francorum nullum in temporalibus superiores agnoscere. Debuerat Innocentius dicere Regem Francorum nullum agnoscere superiorem Principem temporalem, non vero nullum superiorem in temporalibus. Sed nullus erat tunc Bellarminus, nullus Iesuita, qui bifurcatis distinctiunculis oculos configeret.

IV Eiusdem farinae est distinctio quam Bellarminus affert cap. 31. in Barklaium ubi populum respondentem Papae & negantem esse penes Papam eximere populum a Regis obedientia, Papa sic incipit, *Iam indocile omnino te praebeas cum ad eadem semper reuolueris: Non ego tibi gratiam facio praeccepti naturalis vel diuini cum ab obedientia vinculo te absoluo, non enim permitto ut Regi non pareas quod esset contra ius diuinum: Sed facio ut ille qui tibi rex erat non sit tibi deinceps Rex.* Magnam vero Papae benignitatem, si ad perdendos Reges non adhibeas, & vno impetu sed per gradus accingitur, exauctorando prius regem, deinde populum absoluendo ab obedientia, iureiurando, promissa. Sed Bellarminus petit τὸ ἐν ἀρχῇ assumens ut concessum id quod praecipue controuertitur, Papam nimirum posse facere ut qui est hodie rex, cras non sit. Nam quomodo potuit Henrico auferre regnum quod ei non dederat? Eripiat Papa quae ipse dedit, at quae sunt diuini muneris accedente insuper consensu & Sacramento populorum attentari & violari a Papa sine flagitio non possunt. Nam ubi aut quando Deus hanc potestatem Papae concessit? ubi est vel minimus apex hac de re in

Mat. 19.
vers. 6.

in Scriptura? Quid simile vnquam factum ab Apostolis aut eorum discipulis, maximé cum deterrima monstra & belluæ magis quam homines tenerent tunc temporis gubernacula generis humani? Neque vero mirum si Papa faciat regem non esse regem, cum etiam faciat coniugem quamuis fidam & non adulteram, non esse coniugem, separans legitima coniugia Deo auctore & teste contracta, contra Christi mandatum ventantis, ne quod Deus iunxit homo separet. Pari audacia facit filium non censeri filium, immo & peccatum non esse peccatum, vt dicit idem Bellarminus cap. 31. *In bono (inquit) sensu dedit Christus Petro potestatem faciendi de peccato non peccatum, & de non peccato peccatum.*

V Idem Bellarminus ne Papa soluens vincula fidelitatis Iureiurando sancitæ, videatur pugnare cum iure diuino, subinde hanc distinctionem affert. *Non ignorabam (inquit) seruire, & obedire regi, esse iuris diuini, sed dixi esse iuris humani habere hunc aut illum Regem.* Hanc distinctionem quis sedulo perpendet, facile animaduertet Bellarminum, fateri quidem in genere obsequium erga Regem esse iuris diuini, sed id mox negare in singulis: vt si faterer hominem quidem esse rationalem quod ad speciem, mox tamen id negarem de singulis indiuiduis. Enimvero si hæc distinctio admittitur nunquam obedientia erga Regem erit de iure diuino, quia subditi nunquam iurant in verba Regis in genere, sed Henrici aut Ludouici. Quod si obsequi Regi est de iure diuino, ergo & obsequi Henrico aut Ludouico quia hi sunt Reges

ges. Nam pari ratione dicere fidem quidem seruare esse iuris diuini, at non seruare Titio aut Manio. Hic color adibitus viam sternit ad omnem perfidiam, non enim ineuntur pacta cum genere aut Idea, sed cum singulis hominibus. Quod si quis Bellarminum afficeret contumelia, non opinor admitteret se excusantem isto modo, & causantem; Deum quidem vetuisse noceri proximo, at non Roberto Bellarmino. Quod si cui probatur tam putidum effugium, cur non idem liceat dicere de pontifice? fac enim sit Apostolus, fac Petri successor, dicam tamen Christum quidem iussisse nos dicto audientes esse Pastoribus, at non Clementi aut Bonifacio: quos ut habeamus Pontifices iuris est humani, non diuini. An putamus Deo puridis distinctionibus posse fucum fieri? aut pellucente hac nebula eius oculis offusâ, posse regi subditorum ergo Reges perfidiam? Nouit enim Deus populum Sacramento esse obstrictum, non regi indefinite, sed huic Regi: quo superflite non potes sine flagitio in eum rebellare. Faciat ergo Papa ne hic Rex sit hic homo, tunc demum fatebimur posse Papam soluere vinculum obedientiæ promissæ non tantum huic Regi, sed & huic homini. Sublato vero Henrico aut Ludouico quo modo fides debita Regi in genere manebit illibata, cum nullus alius sit Rex in Gallia? Cum enim Gallia non possit esse sine rege, & ipsa mors regis defuncti proximum sanguine, illo ipso momento vestiatur Imperio, dicat mihi Cardinalis quis post exautoratum a Sixto V. Henricum III. esset Rex in

in Gallia, aut quem in eius locum suffecerit, Nam adimere Gallia suum Regem, nec alium sufficere certissima est rerum eversio. Tunc ergo scire vellem cui regi obsequi, vel iure humano, vel diuino Galli tenebantur.

In his omnibus tanta est veritatis inaperta, ut Bellarminus secum ipse dissidens, postquam concessit obsequium erga Reges esse iuris diuini, id mox neget. Probat enim Thomæ sententiam, sic loquens cap. 21. in Barklaium. *Quare idem sanctus Thomas loco citato 2. 2. q. 10. art. 10. & q. 12. art. 2. tanquam rem certam & exploratam ponit dominia & Principatus politicos non esse de iure diuino: sed de iure humano, cui nemo doctus contradicit. Atque in hac tota quæstione ita cessim pugnat & timide, ita parum se explicat, ut aut sibi ipse non credere, aut sensus suos ultro inuoluere videatur. Inde est quod declinans quæstionem, & astute flexo sermone, dicit esse iuris humani ut hunc aut illum Regem habeamus: quod sane est extra rem: Nam quæstio non est de habendo rege, sed de obsequendo regi cum habeas.*

VI Hoc quoque est inter temperamenta quibus Bellarminus Papæ potestatem mollire conatur. *Potest (inquit) Pontifex alteri regnum conferre, non pro arbitrio tamen cui libuerit: sic enim verè precario reges regnarent, sed cui iure debetur, siue successio, siue electio locum habeat. Et si forte nemini debeatur, cui ratio dictauerit esse tribuendum:* libri in Barklaium cap. 12. Hoc quidem tu contra historiarum fidem, & noua experimenta, opinor etiam contra tuam ipsius mentem. Nonne Bonifacius

nifacius VII I. conatus est regnum Galliae Phi-
 lippo pulchro ademptum ad Germanum Impera-
 torem transferre, cum tamen Philippus haberet
 filios & agnatos complures? Super hac re habeo
 diserta verba Pauli Aemilij lib. 8. *Iam Bonifacius*
Pulchrum hostem indicarat, Francia Sacris inter-
dixerat, Francorum regnum velut solia vacuo iuri di-
tionis, Imperij Augustorum attribueret ad indicareq,
ac addicere se effatur. Idemque auctor eodem li-
 bro dicit Martinum Papam attribuisse Carolo
 Valelij Comiti regnum Tarraconense, quod ta-
 men satis constat nullo iure ad eum pertinuisse.
 Quid memorem Carolum Andegauensem quem
 Clemens quartus ex Gallia exciuit ad inuaden-
 dum regnum Neapolis atque Siciliae? An habuit
 Papa rationem proximitatis? aut quoniam iure
 potuit Carolo regnum Neapolitanum debere?
 Sic Innocentius III regnum Angliae ereptum
 Iohanni dedit Philippo Augusto Regi Franco-
 rum, cum tamen haberet Iohannes Henricum
 filium admodum puerum, paternorum criminum
 (si tamen erant crimina) plane insontem. Sic Iu-
 lius II. regnum Navarrae Iohanni ereptum tran-
 stulit non ad filios aut agnatos qui erant multi:
 sed ad Regem Castilliae nullo consanguinitatis
 vinculo Iohanni deuinctum. Idem fecit Pius V.
 Elizabethae Reginae Angliae, cuius regnum dedit
 Philippo Hispaniae regi, nulla habita ratione le-
 gitimorum successorum. Quid? cum Papa Reg-
 num aut Remp. subijcit interdicto, & obijcit pri-
 mo cuique rapienti, an transfert regnum ad eum
 qui iure electionis per comitia, aut sanguinis
 proxi-

proximitate ad regnum vocatur? Perrara sunt exempla translationis regni a patre in filium aut in proximum sanguine, nisi cum Papæ geminato scelere & violatione ipsius naturæ, filium in patrem concitavit, ut factum esse ab Henrico V. quem Papa in patris perniciem instigavit, supra memorauimus. Transfert ergo Pontifex regna pro arbitrio, non habita ratione eius cui vel ex consanguinitate, vel per electionem regnum debeatur; Neque id negat Bellarminus; addit enim aut si forte regnum nemini debeatur, ei confert regnum cui ratio dictauerit esse tribuendum. At hæc ratio quid est mihi Papæ voluntas? qui pro sua sapientia iudicat & decernit de causis abdicationis, & de eo ad quem regnum sit transferendum? Eligit autem non eum cui debetur regnum iure successionis, sed eum cui plus virium; & cui Rex legitimus minus possit resistere; ut fatetur ibidem Bellarminus, *Leonem tertium Imperium Occidentale a Grecis ad Francos transtulisse, quoniam ipsi in Occidente potentissimi erant.*

Libro in
Barklaium
cap. 12.

V II Nihilo verius est quod ait Bellarminus eodem in Barklaium libro, cap. 7. *Summi Pontifices (inquit) consueverunt Principes ista ratione coercere. Ipsorum mos est primum paternè corripere. Deinde per censuram Ecclesiasticam Sacramentorum communionem priuare. Denique subditos eorum a iuramento fidelitatis absoluerunt, eosque dignitate regia, si res ita postulat, priuare.* At hunc ordinem non seruari a Papa certo certius est: Nam nec Elizabetham vnquam paternè admonuit, Nec vlla eius memo-

ratur

ratur ad Regem Atabalippam paterna commonefactio. Nec Chilpericus ante Sacramentorum communionē priuatus quam regno eiectus. Immo Gregorius VII. qui primam & acerrimam huic scuitiæ facem pertulit, ante priuauit Henricum IV. Imperio quam sacra comunione. Id testatur bullæ fulminantis verba, apud Platinam in Gregorio VII. *Henricum qui audacter nimium & temerariè in Ecclesiam manus iniecit, Imperatoria administratione Regiaque denuo & Christianos omnes imperio subiectos iuramento illo absoluo, quo fidem veris regibus prestare consueuerunt. Tum addit, Præterea cum anathematis vinculo colligo, &c.*

VIII Nunc audi aliud temperamentum Papalis potentia, cuius acumem est ioculari, & facetia modestia. Cap. 3. in Barklaium, subiicit principis infideles Pontifici, asserens Papam habere a Deo auctoritatem eos priuandi dominio quod habent infideles. Quia tamen hoc abhorret a sensu communi nec facile est percipere quid auctoritatis habeat Papa in Turcam a quo sibi male metuit, sententiam duriores mollit Cardinalis hac distinctione, *Etiamsi absolute non pertinet ad Pontificem de his qui foris sunt indicare, neq; habeat Pontifex in illos ordinariam potestatem cum ad gregem sibi commendatum non pertineat nisi in potentia: tamen in ordine ad conseruationem fidelium habet a Deo auctoritatem priuandi principes infideles dominio quod habent super fideles.* Nempe sic agit, vt si latroni dicerem: non est quidem mihi vlla in tuum caput potestas, habita tamen ratione boni publici possum te in crucem agere. Sic quæ per ludibrium

dibriū porrigit, mox ad se retrahit, vt sit puerulis, & nescio quibus dilutis distinctionibus a se orsa detexit. Nam quid refert quim ob finem Papa possit Turcæ aut Sinarum Regi abrogare Imperium si reuera potest? talibus officijs bonus Cardinalis nobis imponit, nec dici potest quantum sibi promittet de stupore lectoris cui sic impune illudst.

IX Vnum restat temperamentum Papalis potentia quod habetur, cap. 21. in Barklaium his verbis. *Dispensat Pontifex in votis & iuramentis quæ Deus ipse iussit reddi, & quorum solutio de iure diuino est. Dispensat autem non quod sit ipse super ius diuinum, sed quia interpretatur Deo placere vt in tali vel tali casu iuramentum aut votum relaxetur.* Nempe percallet Papa Dei mentem, habetq; secreta cum eo colloquia. Quapropter etsi Deus hoc aut illud iubet, faciet tamen Papa nobis istius obsequij gratiam. Non quidem quod sit supra legem Dei, sed quia interpretatur Deo non placere, vt hac in re ei pareamus. Poterit ergo Papa permittere alicui parricidium, periurium, idololatriam. Non quidē quod sit supra legem Dei hæc vetantem, sed quia interpretatur Deum nolle sibi hac in re morem geri. De quibus interpretationibus sic pronunciant Canonistæ, in Glossa Canonis *sunt quidam* *Causa 25. Quæst. 1. Papa dispensat in Euangelio interpretando ipsum.* Et titulo 8. de concess. proband. cap. *Proposuit vbi Papa dicit se posse. De iure supra ius dispensare.* Glossa annotat. *Papa contra Apostolum dispensat, item contra vetus Testamentum.* Nempe hoc est
clare

clare loqui, & sine circuitione. Merito ergo hic ambigas, maiorne sit, aut horum hominum impietas, aut populi fatalis stupor, aut Dei patientia. Quanquam & hic aliqua est Bellarmini modestia. Cum enim Papa dicat se dispensare de iure supra ius, hunc Cardinalem puduit sic loqui. Veruntamen dum negat Papam esse supra ius diuinum, re tamen ipsa facit cum Deo ipso superiorem. Nam plus est sic esse interpretem quam legislatorem, si quidem non standum est verbis legis, sed Papali interpretationi.

CAP. VII.

Causæ abdicationis Imperatorum & Regum.



EST Iusti Iudicis & boni attemperare pœnas peccatis, nec si grauiissimis sceleribus grauiissimas pœnas infligere. Cum autem nulla sit grauior pœna quam Regem anathemate confossum præcipitare de solio quisquis de Papa bene sentiet, sibi persuadebit eum non id facere nisi grauiissimis de causis & ob horrenda facinora. Quæ sint istæ causæ, quæ scelera, operæ pretium est cognoscere.

Quatuor apud Bellarminum & alios causas inuenio, ob quas Papa in Reges stringit excommunicationis telum, & ab vno in alium transfert imperium: 1. Ingenij tarditatem, 2. Imminutionem libertatis & priuilegi-

privilegiorum Ecclesiæ. 3. Hæresim. 4. Tyrannidem. De singulis pauca.

Tarditas ingenij.

Prima est tarditas Ingenij, quam nos Incapacitatem dicimus. Canon, *Alius* Causa 15. Quæst. 6. hæc habet *Romanus Pontifex Zacharias Regem Francorum non tam pro suis iniquitatibus, quam pro eo quod tanta potestati erat inutilis deposuit.* En causam destitutionis tarditatem ingenij. Ergo si ne Rex regno idoneus & par moli negotiorum, penes Papam erit Iudicium. Mittet, opinor, cognitores qui de Regis prudentia aut cerebri firmitate cognoscant. Mirum ergo quod cum noster Carolus V.I. in phrenitidem incidit, aut cum sub stirpe Merouingorum Reges tam multi essent distincto ingenio atque dissoluto, aut cum inter Imperatores Græcos & Reges Gottorum, & Longobardorum multi fuerint Semibellæ, Papa de transferendo in alterum regno nunquam cogitauerit. Illud quoque obseruet Lector quod si quis priuatus furiosus sit aut decoctor, non idcirco exiit bonis, sed relegatur ad agnatos & gentiles, & curator ei datur qui eius vice curam gerat rei familiaris: Non enim leges puniunt morbos, sed scelera. Cum Rege qui non quidem sit furiosus sed tantum obesiore naris, & minus solertis ingenij, cur durius agatur non video. Cum enim possit dari Regi administrator quem nos Regentem vocamus, & cum sacer senatus sustineat molem negotiorum, nulla ratio est cur non subueniatur

ueniatur Regi infirmo, nec æquum est vt ob cerebri imbecilitatem auito regno spoliatur, eiusq; liberi aut agnati fraudentur paterna successione; quod tamen in Chilperico factum a se esse Papa gloriatur.

Imminutio priuilegiorum Ecclesie.

Secundam causam destitutionis regum affert Bellarminus, ex Gregorio I. qui Abbatia S. Medardi hoc priuilegium concessit, vt si quis seu Rex seu Prælatus seu quicunq; alius, Abbatem S. Medardi loco mouerit, aut accusationem in eum mouerit sub testibus paucioribus quam duodecim præter accusatores, dignitate sua cadat, & omni honore priuetur: Magnum vero crimen & pian- dum Regis abdicatione. Ita nempe istius Cœno- bij Abbatibus parta est impunitas, & summa pec- candi licentia. Becani Iesuitæ, libro de contro- uersia Anglicana pag. 127. hæc sunt verba, *Reges & Principes qui violauerint priuilegia (Monasterij) a Pontifice concessa, excommunicandos & sua dignitate priuandos esse.* Neque aliam ob causam Imperato- res Germani, & Reges Angliæ, & Philippus Pul- cher Rex Francorum diris Papalibus fuerunt confossi, quam quia ἐνθρονισμὸς seu inuestituras & collationes beneficiorum a maioribus suis pos- sessas retinere conabantur. Fuitque inter hos Principes & Papam controuersia non super fide, sed super rebus temporalibus & pecuniarijs: Pontificibus obtestâtibus rationes suas a Regibus minui, & libertates quas vocant Ecclesiæ violari.

Non arguebantur hi Reges Atheismi, aut (quod grauius putatur) hærescos immo nec crudelitatis in subditos innocentes: Sed rei haud dubiæ grauioris, nempe quod Imperij sui Maiestatem collabentem aduersus nouas vsurpationes Paparum tutarentur, & Ecclesiæ rationibus aduersarentur: Nam Ecclesiæ nomine non iam amplius cœtus fidelium, sed Clerici & prouentus Clericorum significantur: libertasque Ecclesiæ non est amplius pax conscientiæ, aut libertas a Satanæ seruitute, sed exemptio a Regum subiectione, & indigna regalis potestatis decurratio.

Hic subit mirari quâ factum fuerit vt cum Gensericus Rex Arrianus inuasit Hispaniâ & deinde Africam & de Prouincia amplissima per vim occupata, fidem Catholicam expulit, Episcopus Romanus qui procul aberat nec sibi a Genserico tunc metuebat, non strinxerit fulmen in hæreticū tyrannum, nec ei abrogauerit Imperium. Nunc vero si Rex quantuncumque bonus & clemens fundos & prædia sui regni velit esse sui beneficij, & se dante ab Episcopis possideri, aut si in Abbatem, reum beneficij aut paricidij, sub vndecim tantum testibus, voluerit lege agere, illico stringitur telum excommunicationis, & priuatur Rex misellus imperio. Sic nempe habentur Reges sub ferula vt pueri, sic precario tantum regnant obnoxij durissimæ tyrannidi. Sed de his immunitatibus & priuilegijs postea plenius. Vbi & docebimus priuilegium illud S. Medardi esse euentum, & summo stupore confectum.

Nec omittendum Papas hac in resolere onerare

rare Reges fictis criminibus, nec quicquam minus optare quam ut Reges se insontes probent. Vnum exemplum è multis proferam ex Helmoldo presbytero cap. 32. Circumsteterunt Henricum IV. iam pene à suis desertum Moguntinus, Colonienfis, & Wormatiensis Episcopi, missi a Principibus coniuratis, eumque sic sunt affati: *Fac nobis reddi coronam, annulum, & purpuram, ceteraq; ad Inuestituram Imperialem pertinentia filio tuo deferenda. Illo percunctante deiectionis sue causam, responderunt dicentes; Quid quaris qua tu optime nosti? Meministi qualiter uniuersa Ecclesia tui causa maximo Scismatis errore multis iam annis laborauerit? Qualiter Episcopatus, Abbatias, prater ea omnia Ecclesia regimina fecisti uenalia, nec fuit in constituendis Episcopis vlla legitime electionis facultas, sed sola pecunia ratio. Pro his & alijs causis sanxit auctoritas Apostolica, fauitq; Principum unanimitas, te non solum regno, verum etiam Ecclesiastica communione priuandum. Quæ contra Rex ait. Dicitis quia spirituales dignitates precio vendiderimus, vestra quidem potestas est, tale crimen nobis impingere. Dic ergo Moguntine, dic adiuratus per nomen aterni Dei, quod exegimus, aut recepimus, quando te Moguntie presfecimus? Tu quoq; Colonienfis, per fidem te contestamur quid nobis dedisti pro sede cui nostra munificentia presides? Illis fatentibus nihil pecunie huius rei gratia aut oblatum aut acceptum, Rex ait Gloria Deo quia vel in hac parte fideles inuenti sumus. Certe dignitates ea due prestantissima sunt, & magnum questum Camera nostra referre poterant. Porro Dominus Wormatiensis qualis a nobis susceptus ad quid promotus, scilicet pie-*

tate vel questu erga ipsum usi fuerimus, nec vos nec ipsum latet. Condignam ergo beneficijs nostris rependitis gratiam. Nolite quæso fieri participes eorum qui leuauerunt manus aduersus Dominum & Regem suum, & temerauerunt fidem & iuramentorum Sacramenta. Ecce iam defecimus, parumq; nobis via restat senio & labore confectis, sustinete modicum, & nolite gloriam nostram confusione terminare, &c. Hæc frustra causantem Imperatorem, & surdis canentem fabulam, circumstant properi, de solio deturbant, eripiunt coronam, detrahunt purpuram, filius inuadit Imperium sic statuente Pontifice. Mortuusque senex miserabilis præ dolore, non habuit qui honore sepulturæ corpus exanime prosequeretur, ne Papæ, etiam in cadaver irati & ultra mortem sæuiantis indignationem incurreret. En causas abdicationis; en benignitatem Apostolicam, certe talis est hystoria quæ vel durissimis animis lacrymas excutiat.

Hæresis.

Tertium crimen & longe grauissimum est hæresis. Nam præ hac labe Atheismus res est leuis & digna venia, ideoque abdicationis causis non annumeratur. Sic & Iudæi Romæ viuunt summa libertate, & Christum impunè vocant Impostorem, & planum: hoc enim est inter capita Iudaicæ religionis. At si quis sacram Scripturam lingua vernacula legere ausus fuerit, aut aliquid mutire contra Purgatorium aut cauponationem indulgentiarum, statim vt piacularis victima destinatur

stinatur ignibus, & inquisitorum iudicio exquisitissimis cruciatibus necatur.

Hic vero præcipue res Regum & Imperatorum sunt iniquissimè comparatæ, cum enim Pontifices sibi in controuersijs de fide arrogant summum iudicium, & de quo nefas sit ambigere, is demum erit hæreticus quem Papa notauerit hæreseos. Vnde fit vt idem Papa sit actor & iudex. Cum enim notum sit quanta ex regnorum translatione & Regum abdicatione ad Papam redundet utilitas (fit enim per hoc Rex regum, & vnicus supra omnia imperia Monarcha) promptum erit affingere Regi crimen hæreseos aut fautoris hæreticorum.

Quin & nomen hæreseos video a Pontificibus tam laxè accipi, vt vix vllus sit hodie Pontificiorum, qui Papa ipso iudice, crimen hæreseos effugiat. Guaguinus refert Philippum Pulchrum declaratum esse hæreticum a Bonifacio VIII. quod Papæ in bello Ierosolymitano opem ferre recusaret. Altera accedebat causa quod Philippus, beneficiorum collationem sibi vindicaret. Auentinus lib. 3. Historiæ Boiorum refert Virgilium Episcopum Iuuanensem, qui Diuus habebatur, Sacerdotio & Ecclesia pulsum, quod Philosophus esset, & Antipodes esse doceret habentes nobis aduersa vestigia. Rem illo æuo ridiculam & incredibilem.

• Aeneas Syluius qui & Pius II. in Bulla recognitionis qua agnoscit se in tenebris ambulasse, & *Conciliorū.* procul à vera luce recessisse quando credidit Concilium esse supra Papam: *Contra Concily* (inquit)

(inquit) *dignitatem mutare crimen hæresis fuit.* Hoc si ita est, quotquot sunt in Gallia Pontificij, paucis demptis, sunt hæretici, quippe apud quos parua est Tridentini Concilij auctoritas: neq; enim a Regibus & Parlamentis impetrari potuit ut in Gallia obtineret. Sic & dicendi erunt hæretici quotquot non probant tertium Caput Concilij Lateranensis sub Innocentio III. quo Papa sibi arrogat potestatem regna adimendi, & ad alios transferendi. Erunt & hæretici qui non assentiuntur Concilio Niceno secundo dicenti Angelos esse corporeos, & imagines esse sacris Euangelij æquiparandas, & maiorem esse imaginem oratione. Hæretici quoq; dicendi erunt qui malunt credere synodo Laodicensæ a tot sequentibus Synodis generalibus approbatæ quæ libros Macchæorum ex Canone exterminat, quam Concilio Tridentino quod libros istos Canonicos esse decernit. Quid quod Concilium Constantiense sess. 13. fatetur a Christo institutam Eucharistiam sub utraq; specie, & ita peragi solitam a veteri Ecclesia, nihilo secius tamen audet eos pronuntiare hæreticos qui calicem esse adeptum laicis conquerrunt? Parum absuit quin Christum hæreticum venerandi Patres dixerint. Sic & hodie hæresis est credere cum Paulo Apostolo Episcopum debere esse vnius uxoris virum, aut satius esse in Ecclesia proloqui quinq; verba lingua intelligibili, quam decem millia linguâ ignotâ. Deniq; habes in bulla *Exurge* quæ est ad calcem vltimi Concilij Lateranensis hæreses Lutheri longâ serie per-textas, atq; inter has hæc duo documenta *Certum*

est (inquit Lutherus) in manu Ecclesie aut Papæ prorsus non esse statuere articulos fidei. Tum istud. Optima pœnitentia, noua vita. En hæreses horrendas, & in Rege vindicandas priuatione regni, ac proinde & morte: nam quotusquisq; regum amittit imperium nisi cum vita?

Quod si ob hæc dignus est Rex qui regno mul-
tetur, at certe non æquum est vt ab eo iudicetur
qui ipse sit hæreticus. quales fuisse multos Papas
constat. Iohannes XXIII. negabat immorta-
litate animarum, & hoc Synodus Constantien-
sis sess. 11. dicit teneri, credi, reputari publicè, palam
& notoriè. Eo igitur sedente si aliquis Rex fuisset
insimulatus hæreseos, qua fronte aut quo iure
homo in quo ne gutta quidem erat religionis, po-
tuisset de tali Rege ferre sententiam? Mirum vero
cum inter Imperatores Græcos tam multi fuerint
hæretici vt Constantius, Valens, Basiliscus, &
ipse Iustinianus qui in senectute in Aphthartodo-
citarum hæresim prolapsus est, cur nulla extet in
eos Pontificum Romanorum abdicationis sen-
tentia: nonne Reges Vandalorum in Africa, Got-
torum, & Longobardorum in Italia, Visigotto-
rum in Hispania, erant Arriani, eorumq; maxi-
ma pars parum formidabilis Pontifici? neque
tamen vnquam Papa exemit subditos eorum ab
obedientia iurata, neque eorum vllum anathema-
te aut fulmine perculit. Nouissimis sæculis Papa
vsurpauit hanc tyrannidem, & colores hos quæ-
siuit hæreseos aut stuporis quos suæ tyrannidi
prætexeret. Et nouissimis experimentis comper-
tum est, probis & pijs regibus affingi crimen hæ-
reseos,

*Editionis
Colonienfis
Tom. 3.
p. 8. 4.*

rescos, vt assuescant subditi inquirere in mentem & conscientiam suorum Regum, quorum oderunt Religionem quia oderunt dominationem : nec aliud hodie certius argumentum pietatis & probitatis, quam hæreticum appellari.

Tyrannis.

Superest tyrannis, crimen vſitatissimum & latissime patens ; in cuius vocis significatione quia sic luditur, vt etiam optimi quique Principes a Iesuitis tyranni appellentur : quid sit tyrannus necesse est cognoscere.

Notum est vel pueris tyranni nomen olim pro quolibet Rege aut Reipublicæ Principe fuisse vsurpatum. Violenta & inciuilis Regum dominatio vocem honestam in odium vertit. Duo autem sunt tyrannorum genera, alij sunt tyranni vsurpatione, alij administratione. Tyrannus vsurpatione est qui Imperium inuasit in aliena Republica, aut in sua. Tales in Dei populo Abimelech & Athalia, Athenis Pisistratidæ, & quos longum esset referre : quos quidem iure occidi posse quando in alienam possessionem irrum-punt, & quandiu per vim aliena possident, constans est prudentium sententia. Neque hic expectanda est Papæ, aut cuiusquam externi Principis sententia. *In reos Maiestatis & publicos hostes omnis homo miles est*, ait Tertullianus Apol. cap. 2. At si regnum iniuste partum iuste administrent, vt Cypselus & Periander Corinthi, Orthagoræ stirps Sicyone, Gelon & Hiero Siraculis, & desit
legitimus

legitimus successor, & inuasor alieni regni non amplius imperet inuitis sed volentibus, ac in eius verba populus, & regni ordines, & magistratus, non coacti sed vltro iurauerint, eiusmodi seu Regem seu tyrannum tollere de medio non puto fas esse aut pium. Sunt enim hodie regna non pauca florentissima & bene constituta, quibus tamen initium dedit non ius, sed vis, bellicue fortuna: nam si res a prima memoria repetas, inuenies effusos in alienum solum barbaros, allectos cupiditate prædæ, fusas acies, victorumq; fortunas cecidisse victoribus in præmium victoriæ. Non quidem quod putem posse aliena regna vsucapi, aut locum hic esse certæ præscriptioni, sed quia existimo voluntatem populorum, fidemque datam, legesque non per vim, sed ex æquo & bono constitutas, ius acquirere nouo regi, & maximum esse regis potestatis firmamentum. Adde quod non secus ac proceres arbores suo casu multas in ambitum arbusculas obterunt, ita Regum quantumlibet iniustorum casus multos innocentes pari ruina inuoluit, nec semel bene constituta Respublica potest per vim mutare dominum sine publica pernicie. Qua de re habes insignem locum Augustini in Psal. 124. *Aliquando (inquit) iniusti perueniunt ad honores sæculi, cum peruenerint & facti fuerint vel indices vel Reges, quia hoc facit Deus propter disciplinam populi sui, non potest fieri nisi ut exhibeatur illis honos, debitus potestati.*

Alterum genus est tyrannorum quod non inuasit alienum Imperium, sed abutitur suo. Differt hic Tyrannus a Rege, quod hic (vt ait Philosophus)

Aristot. phus) imperat ad subditorum vtilitatē, ille ad su-
Nicomach. am. Rex suos mores ad leges exigit, Tyrannus
lib. 8. c. 12. leges ad suos mores. Ille amari studet, hic metui.
ὁ μὲν τύραν- Ille timet subditis, hic subditos. Ille conatur re-
νος τὸ ἐλευ- linquere successori Rempublicam tranquillam,
τὴν συμε- hic vsurpat illud tyrannicum
εὐν σκο-
πῆν, ὃ δὲ
βασιλεὺς,
τῷ ἀρχο-
μένῳ.

Suetonius
in Nerone.

Εμὲ θανόντες γαῖα μὴ χήτω πύει.
ἀλλὰ ἐμὲ ζῶντες. Aristoteles tertio
 Politicorum cap. 14. addit, Regem habere custo-
 des corporis, ciues : At Tyrannum peregrinos.
 Quippe qui habet præsidium non ex subditis, sed
 contra subditos. A qua regula debent excipi Re-
 ges qui inter prætorias cohortes habent aliquas
 ex vicinis populis, non ob metum suorum, sed ad
 fœderis & pacis cum vicinis firmamentum.

Aristoteles
Polit. 3.
cap. 14.

Neque vero ideo aliquis tyrannus censendus
 est quod durius imperet subditis, & sic agat cum
 eis vt Dominus cum seruis. Si enim *δυναστεύειν* Im-
 perium fuerit legibus stabilitum, accesserit con-
 sensus populorum : tum si Rex herili illa potesta-
 te vtatur ad bonum subditorum, non erit quidem
 ille tyrannus, sed leges fortasse tyrannicæ, eritque
 culpa non hominis, sed legum, aut populorum,
 quorum ingenijs hæc regni forma est accommo-
 datior : aut qui ita sunt cerebrosi & præfactis ani-
 mis vt non possint aliter in officio contineri. Tale
 est Imperium quod Aristoteles vocat *βασιλευσίν*.
 Tum potestas Aesymnetarum quæ apud priscos
 Græciæ populos obtinuit, quæ erat *αἰρετὴ τύραννις*,
 tyrannis vltro delata a populo : Nec dissimulan-
 dum multa in hac aut illa gente haberi ciuilia quæ
 alibi essent tyrannica : multasq; virtutes posse
 desiderari

desiderari in Principe, quem tamen nequeas merito Tyrannum appellare. Sunt Principes in quibus reprehendas *τις ἀσέβεια*, & asperitatem *σοφροσύνη* ut in omnibus Regibus Parthorum notat Tacitus: aut sordes Principe indignas ut in Alexandro Mammææ, sed sine rapina: aut indifcretam liberalitatem ut in Alexandro Magno, qui tamen cætera sunt boni & amantes æqui, & erga subditos paterno affectu. At si quis potestate legibus concessa ad libidinem abutitur, & subditorum pascitur sanguine, suorum damnis insultans, hic sine dubio est tyrannus.

*Tacitus
Annal. lib.
2. prompti
adit. obuia
comitas,
ignora
Parthis
virtutes,
nona vitia.*

Eiusmodi hominem fas ne sit regno pellere, controuertitur. Ego quidem hac in re puto adhibendam distinctionem. Sunt enim Reges quidam *ἀντιστοιχοί*, & veri Monarchæ, quales sunt Reges Galliæ, maioris Britanniæ, Hispaniæ, addo etiam Turcicum Imperatorem, Æthiopem, Moscouitam, &c. Horum sceptrum aut vitam attingere nulla lex, nulla ratio subditis permittit, utcumq; tyrannicè se gerant: Monere quidem fas, & sacris arcere, & quodcumq; imperauerint iniusta, & a Deo diserte prohibita non obsequi, & quacunque ratione legibus concessa, furentes, in gyrum rationis reducere; stat enim firma illa regula, Deo potius obsequendum quam hominibus. At sunt quædam Regna in quibus Reges sic creantur electione optimatum, aut ordinum Regni. ut summa potestas penes optimates & ordines maneat, electi nimirum sub certis conditionibus, quibus violatis non teneatur Populus obsequi. In his Regnis non dubium est quin possit cum scelerato

scelerato Rege, legum & pietatis euerfore lege agi,
& quin ijdem qui ei hanc potestatem contulerunt,
possint eripere: aut si contra arma moueat, contra
armis rem gerere. Sic a Spartanis Agesilaus mul-
tatus, Agis & Pausanias occisi: erant enim Spar-

^a Obnoxij
reddenda
rationi.

^b Militare
Imperium
perpetuum.

tani Reges ^a *καὶ δ' ἄλλοι*, magisq; eorum munus
erat ^b *στρατηγία αἰδώς*, quam regia dignitas. Domi
vero vis ipsa & robur Regni erat penes Ephoros.
Quamquam prudentiæ est non venire ad hæc vl-
tima remedia nili in vltimis malis: semper enim
sacrum est nomen Regis: quod cum Deus ipse
sibi tribuat, metuendum est ne in homine Rege,
regis cœlestis Maiestas violetur.

Id quoq; addendum, alias esse partes boni viri,
alias boni Regis, vtcunque inter se conspirent & se
iuuent inuicem. Quibusdam peccatis committi-
tur in officium Christiani aut hominis, quibus-
dam in officium Principis. Nec desunt exempla
pessimorum virorum sub quorum tamen Impe-
rio fluxerunt anni felices, & pax ac Iustitia floruit,
& qui magno Reipublicæ dispendio sunt mortui:
in publico quidem graues & iusti & amantes pa-
cis, at domi occultæ ganeæ indulgentes, libidini-
bus fædi, abscondentes impietatem, conscientia
pariter & ignauia timidi: ob hæc nemo potest
dici tyrannus, nec cum eo potest agi vt cum tyran-
no, est enim tyrannis vitium Regis, qua Rex est,
non qua homo: nam etsi habet Deum vltorem
criminum, plurimum tamen ei debet Respublica.

Hæc sane sunt apprime notanda, ne quis tyran-
ni vocem ad alia trahens confingat causas Regis
exauctorandi, aut subditos in Principem suum
concitandi.

concltandi. Quod sane video fieri a Papis & Pa-
 papæ Emissarijs Iesuitis. Neque enim tyrannum
 vocant tantum eum qui in alienum Regnum irru-
 pit, sed & eum qui Pontificum libidini & avaritiæ
 non satisfacit, aut qui Papæ decreto Regno exu-
 tus, conatur illu darmis omnique ope & opere re-
 tinere, quod Henrici IV. Imperatoris exem-
 plum abunde docet. Nempe idcirco Marianus
 Henricum III. vocat tyrannum. Ribadeneira
 etiam Machiauelistam, quia Papæ fulminante
 bustus Regni tamen gubernacula retinebat, *ola-
 rumque affixus & hærens Numquam amittebat.* cum
 tamen ingenio esset vt quisquam alius facili, &
 bono, nec vllum eius extet seuius factum, nisi ad
 quod necessitate compulsus est. Sic & noster
 Henricus IV. a Cardinali Baronio in Epistola ad
 Panigarolam suis annalibus Volusianis præfixa
 vocatur impius Benadab, cum tamen non vt Be-
 nadab alienum regnum infestaret, sed suum fue-
 retur. Quid si Rex fuerit aut subiecto igne dis-
 flatus, aut immissis Sicarijs confossus, statim au-
 dies non Regem occisum, sed tyrannum: Non
 enim esse Regem cui Papa imperium abrogaue-
 rit, eoque ipso esse tyrannum. Frustra ergo tam
 operose queritur quæ sit natura, qui mores, quæ
 genera tyrannorum, vna hæc definitio sit longa
 tractationis instar. Tyrannum esse qui Papa quacum-
 que modo aduersetur. Certe pronuntiarî tyran-
 num hoc nomine prima tyrannis est.

Ribadeneira
 de Iesuita
 lib. de reli-
 gione &
 virtutibus

Principia
 lib. I. c. 15.
 Aeneid.
 lib. 3.

unio. 1.
 wibryk.

Reddunt

Genius

unio. 2.

unio. 3.

unio. 4.

unio. 5.

Capitulum VIII

notæ

CAP. VIII.

Quibus se locis Scripturae Papa Bonifacius & Bellarminus in hac causa tueantur.

Bonifac.
VIII. cap.
licet. de
Constitut.
onibus
in Constitut.



Onifices gloriantur se habere omnia iura in crinlo pectoris. In eandemque sententiam Iesul- ta constanter docent, Papam loquentem vt Papam, non vero vt Clementem errare non posse

in fide. Hic ergo audiamus Papam ipsum fundentem oracula, & proferentem scripturae loca quibus suat potestatem suam in temporalia.

Præbimus hæc de re extrauagantem, vnam sanctam, quæ est Bonifacii VIII. tunc factam, cum Bonifacius affereret Philippum Pulchrum Gallia Regem sibi subesse in temporalibus, hic autem contra pertenderet, vique adeo vt scriptis ad Bonifacium litteris eum factum & dementem appellaret. Litterarum tenor hic est, Philippus Bonifa-

Nicolaus
Aegidius

cius salutem in modicam, aut potius nullam. Sciat tua maxime factum, in temporalibus, nos alicui non subesse, aliquarum Ecclesiarum & præbendarum vacantium collationem ad nos iure regio pertinere, & proinde eorum vacatione durante nostros facere. Collationes a nobis factas & in posterum faciendas fore nullas, &

Guagni-
nus, Pan-
lus Aemi.
lius &
ali.

illis in vigore possessores contra omnes nos tueri. Secunda Quem Bonifacius vt vlcisceretur, regnum Gallia dat Alberto Imperatori Germania, omnes indulgentias Gallis datas reuocat, Regem anathemate

notat

notat: Insuper cudit Bullam extravagantem cuius rationes libet hic proponere.

I. Dominus (inquit) dicit Petro, pasc oves meas. meas inquit generaliter, non singulim oves vel illas vel per quod sibi commissas intelligitur universas. Sine ergo Græci, sive alijs dicunt Petro eiusque successoribus non esse commissas, fatentur necesse se de ovis Christi non esse, dicente Domino in Iohanne xxi. ovile tuum non esse Pastorem. Quo etiam argumento Bellarminus frequenter utitur.

Respondeo cum Augustino cap. 30. de Agone Christiano. Cum Petro dicitur, ad omnes dicitur. *Amas me, pasc oves meas.* Neque enim dicit *Pasce solus oves meas* sed tantum *Pasce oves meas.* Nam cura pascendarum omnium ovium Christi non soli Petro, sed omnibus Apostolis fuit demandata. Eos enim sine discrimine sic affatur Christus *Profecti docete omnes gentes* Matt. 28. Inde est quod Paulus 2. Cor. 11. dicit se gerere sollicitudinem omnium Ecclesiarum, quod certe est pascere omnes oves Christi. Quod si cura pascendi oves Christi non pertinuit ad ceteros Apostolos, immerito Pastores appellantur. Petrum autem peculiariter Christus compellat, quia solus Christum negauerat, unde & causa erat cur putaretur suo munere cecidisse: quocirca toties in munus restituitur quoties Christum negauerat, & triplici abnegationi apponitur triplex confessio, ut docet Augustinus tractatu 123. in Iohannem & Ambrosius in Apologia David cap. 6. Fac tamen soli Petro esse commissas oves Christi, quid hoc ad monarchiam Papæ temporalem, & vibranda in

Redditur negationi trina trina confessio, ne minus amoris lingua seruiat, quam timore.

Reges fulmina, & regna danda & eripienda? Pastores enim Ecclesiarum dicuntur pascere, cum doceant Ecclesiam, & animabus suppeditant pabulum spirituale, non vero cum eripiunt fundos, aut domos, aut regna; Hanc acceptionem vocis pascendi nunquam Ecclesia agnouit. Quis fando unquam audiuit Dei verbum tanta libidine contorqueri? Res quidem esset levis barbarè loqui, & dignior risu quam odio, nisi sub corruptione vocum glisceret corruptio doctrinæ, & per nouam Grammaticam occultè stabiliretur noua Theologia. Fingamus tamen his verbis dari Petro potestatem in Cæsarem, & totius orbis imperia, an ideo Bonifacius quod vult obtinet? Cur enim ad Episcopum Romanum esset hæc potestas potius deuoluta quam ad sedem Antiochenam & Alexandrinam, quas esse Petri sedes, & earum sedium Episcopos esse Petri successores ipse Gregorius I. Episcopus Romanus agnoscit, epistola 37. libri sexti: *Cum ergo (inquit) unius atque una sit sedes cui ex auctoritate diuina tres nunc Episcopi præsident, quicquid ego de vobis boni audio, hoc mihi imputo. Si quid de me boni creditis hoc vestris meritis imputate.* Nempe si Petrus fuit Episcopus Romanus, qui ei successerunt Romæ dum doctrinam a Petro traditam sunt secuti, fuerunt successores Petri in Episcopatu Romano, at non in Apostolatu: non secus ac Ierosolymitani Episcopi erant successores Iacobi Apostoli in Episcopatu Ierosolymitano, at non in Apostolatu. Idemq; censendum de Episcopo Antiochiæ ubi Petrus toto septennio docuisse, & ibi successores reliquisse, perhibetur.

II. Bellar-

II. Bellarminus cap. 25. in Barklajum ex hoc eodem loco sic argumentatur. Cum Petro dictum est *Pasce oves meas* data est illi facultas omnis quæ est *Pastori* necessaria ad gregem tuendum: At *Pastori* necessaria est potestas triplex, una circa lupos, ut eos arceat omni ratione qua poterit. Altera circa arietes, ut si quando cornubus ledat gregem, possit recludere (includere voluit dicere) Tertia circa oves reliquas, ut singulis tribuat convenientia pabula. Ergo hanc triplicem potestatem habet summus Pontifex.

Huius Syllogismi maior falsa est, multa enim sunt necessaria ad tuendum gregem quæ tamen noluit Deus esse in potestate pastorum: sic omnes assultus diaboli & tentationes prohibere, aut evertere regnum Principis mundi, non est penes pastores, sed in solius Dei manu: Ita nec penes eosdem Pastores est Reges inimicos Ecclesiæ trucidare, aut solio detrudere. Sed quemadmodum pastoris est Satanæ rethnas ante prospicere, & in eius insidias digitum intendere, & dare operam ut Ecclesia eius impetum corpore excipiat & bonis, conscientiam vero seruet illibatam: Sic & eorundem Pastorum est obfirmare suum gregem aduersus tyrannorum minas atq; scævitiā. Multa sunt ad salutem & tutelam Ecclesiæ necessaria quæ Deus sibi reservavit. Estque plane falsum, immo & impium quod ait Bellarminus in responsione ad tractatum Gersonis de validitate excommunicationis: ubi cum dixisset Papam merito Deum dici, & habere omnem potestatem in cælo & in terra, addit summum Pontificem posse efficere totum illud quod est necessarium ad perducendas ani-

mas in paradisi sui, & ipse omnia impedimenta remo-
uere, quæ inimicis, aut demonum, aut libris & artibus
& astutis opponere possunt. Quid? an Papa potest
dare fidem aut poenitentiam? an incredulitatem
& vitia euellere de cordibus? an illustrare mentes
luce diuina? at hæc omnia necessaria sunt ad salu-
tem animarum. Cur autem paritior tam multas
animas perire, tam multas superstitiones & here-
ses grassari, tam atram noctem errorum terris in-
cumbere, si potest omnia impedimenta obstruen-
tia paradisi introitum remouere? Quod si pote-
stas data fuit Petro abigendi lupos, & arietes cor-
ruptas incutiantes Ecclesiam, cur non fecit? Cur
Imperatores impios horribili seuitia grassantes
in Ecclesiam non abegit, aut Imperio exiit? Fa-
cultas sine viribus res est titulo tenus & iuribus,
quas tamen vires defuisse patet Ecclesie ipse Bel-
larminus fatetur. Quod licita est, dicendum erit
Episcopos Romanos huius æui magis esse Pasto-
res Petro Apostolo, quippe qui habent ista tria,
facultatem abigendi lupos, & ligandi arietes furi-
osos, & pascendi oues. At Petrus eiusque succes-
sores per multa secula duo priora non habue-
runt, contenti munere pascendi.

III. Hæc quidem luce ipsa sunt clariora.
Quapropter Cardinalis Baronius videns his ver-
bis Christi *Pasce oues meas*, non posse tam multa
superstrui, huic loco scripturæ alteram adiungit, in
Epistola qua Papam in Venetos incitat, ubi sapi-
enter obseruat non tantum dictum esse Petro
Pasce oues meas, sed & *occide, & manduca*. Per appo-
site sane & ingeniose. Conatur quidem remduri-
usculam

usculam mollire commoda explicatione. Sed quantuncumque alluet, nunquam tamen efficiet his verbis occide, & manduca. Vllam potestatem dari Petro in temporalia: Immo nec in spiritualia. His enim verbis Deus nihil dabat Petro auctoritatis aut potestatis: sed scrupulolam ciborum distinctionem antiquabat: Merito ergo tanta seu supinitas seu deprauatio scripturæ, a sapientissimo Rege in sua præratione sugillatur. Nunc ad Bonifacium redeamus.

IV. Addirigitur In hac (Ecclesia) ensa, potestate duos esse gladios, spirituales videlicet & temporales. Evangelicus dictus instrumitur. Nam dicentibus Apostolis ecce gladius duo hic in Ecclesia scilicet, cum Apostoli loquerentur, non respondit Dominus nimis esse, sed satis. Potens sane demonstratio & scientifica: Nempe vbi loca diserta desunt, ad allegorias confugitur. Locus est Lucæ 22. vbi cum Christus iussisset discipulos sibi habere crumenam & peram, tunicamque vendere, vt esset vnde enses emerent, mox ei a discipulis duo enses ostenduntur. Si ergo gladius hic significat Imperium Papale, quid erit tunica, quid pera, quid crumena? Habent ergo quo se tueantur qui Papatum emunt, si quidem iubetur emi hic gladius: Ita se hi homines suis compungunt aculeis.

V. Pari acumine Bonifacius paulo post citat illud Christi ad Petrum *Conuertere gladium tuum in vaginam* vt inde probet gladium temporalem esse in potestate Papæ.

VI. Hæc loca tam præclara cum sufficerent ad profligandam quæstionem & iugulandos hæreticos,

reticos, sua tamen sanctitas addit alia auctarij vice. Cum (inquit) dicat Apostolus, non est potestas nisi a Deo: quæ autem a Deo sunt, ordinata sunt: non essent autem ordinata nisi gladius esset sub gladio. Hinc proculdubio sequitur Papam posse Reges exauctorare, & potestatem habere in omnia temporalia. O rem ridiculam Cato & iocosam. Mitto quod locus Apostoli corrumpitur, qui dicit potestates esse a Deo constitutas, non vero ordine digestas.

VII Idem probat ex decimarum solutione, benedictione, & sanctificatione. Quæ ratio si est alicuius ponderis ad subiigenda regna & omnia temporalia Pontifici, singuli presbyteri & parochiarum Curiones eandem sibi in reges & regna potestatem vindicabunt.

VIII Pudet referre quæ sequuntur. Dicit Deus Ieremiæ cap. 1. *Ecce constitui te hodie super gentes, & regna.* Hoc Bonifacius quasi de se dictum ad se trahit, cum tamen totum contextus huius hæc dici Ieremiæ manifeste euincat. Sane debuit aliquis alius a Papa esse interpret huius sententiæ: Nec ipse in rem suam Scripturas ex sua libidine interpretari.

IX Eiusdem farinae est quod affert ex prima ad Corinth. cap. 2. *Spiritalis homo iudicat omnia, ipse autem a nemine iudicatur.* Hic homo spiritualis, Petrus est, eiusque successores. Vbi frons aut conscientia? Apostolus spirituales hominem opponit animali & carnali, cap. 2. vers. 14. & 15. & capite 3. vers. 1. Si ergo solus Petrus est homo spiritualis, cæteri Apostoli & omnes fideles erunt
carnales

carnales & animales : at Galatæ fideles, vocantur spirituales. cap. 6. vers. 1. Non ergo solus Petrus. Neque vero de Petro aut eius potestate toto illo capite, aut alibi vsquam facit mentionem Apostolus. Nec quisquam veterum, immo & nouorum ante Bonifacium hunc locum sic intellexit. Thomas commentario in hunc locum: *Spiritualis indicat omnia quia scilicet homo habens intellectum & affectum ordinatum, per Spiritum sanctum, de singulis quæ pertinent ad salutem rectum iudicium habet.*

X Succeedit locus vsuatissimus & frequenter usurpatus a Bellarmino. *Dixit Dominus Petro, quodcumque ligaueris in terra, erit ligatum in Cælis: & quodcumq; solueris in terra erit solutum in Cælo.* Hoc loco abutitur Bonifacius & Bellarminus ad probandum licere Pontificijs non solum soluere peccata per remissionem peccatorum, sed etiam soluere obstrictos voto aut iuramento : & populos liberare a debita suis Regibus obediētia. Deus bone, siccine impune illudi tuo verbo sacrosæctoꝝ nam hæc non posse extendi vsque ad solutionē fidelitatis Regibus debitæ, euincunt voces istæ *Solutum erit in Cælis.* Christus dicit. *Quodcumq; solueris in terra erit solutum in Cælis.* Huic sententiæ sensus hic ridiculus ab his hominibus affingitur. *Subditi qui p. n. vestram dispensationē non tenebuntur obsequi in terra suis Regibus, neq; tenebuntur eisdem obsequi in Cælo.* Sic cum Christus hic agat de solutione quæ fit in terris, vtuntur tamen hoc loco ad astruendam solutionem quam volunt fieri sub terra, id est in purgatorio, vt non mirum sit si pa-

ri libidine hunc locum trahunt ad solutionem
vinculi fidelitatis.

Quod si vocem hanc, *quodcumq;* sic urgent ut
velint ad omnia sine exceptione extendi, ergo &
per hunc locum poterit Papa soluere omnia ma-
trimonia, omne res alienum, omnia vincula capti-
uorū? Immo & ipsa Dei mandata ut docet Glos-
sa Canonis. *Sunt quidam* Causa 25. quæst. 1. *Pa-
pa dispensat in Euangelio interpretando ipsum.* Cuius
potestatis habes experimentum dum potestas solu-
endi peccata data Apostolis, prauā interpretati-
one torquetur ad soluenda vincula fidei & iureiu-
randi & facultas peierandi atque fallendi concedi-
tur, efficiendone peccatum sit peccatum, ne Rex
sit Rex: cur non etiam ne Deus sit Deus? Nimi-
rum ut cimba Petri nunc adhibetur ad faciendā
mercaturam, & retia eius piscatoria ad irretiendas
Regum & populorum fortunas, & clauēs Petri
ad scrutandos loculos & aperienda scrinia, ita
facultas soluendi conscientias a reatu peccati im-
probe traducitur ad soluenda fidelitatis vincula.
Mitto quod verba illa *Quodcumq;* *solueris, &c.* di-
cuntur omnibus Apostolis Matthæi cap. 18. vers.
18. ac proinde & omnibus successoribus Aposto-
lorum, quales sunt omnes fideles & pii Episcopi
insistentes vestigijs & doctrinæ Apostolorum.
Vnde fieret, omnes fideles Episcopos posse gra-
tiam facere seruandæ fidei, quod tamen Papa vult
sibi esse peculiare. Neminem enim in societatem
tam impiæ societatis admittit.

XI Nunc audi prodigiosi argumenti miri-
ficum acumen. Bonifacius sic probat vnicum
esse

esse rerum omnium caput, nempe Romanū Pontificem, *Ringere* (inquit) *duo principia falsum & hereticum iudicamus, quia restante Moysē, non in principijs, sed in principio cœli & terræ Deus creauit & terram.* Hoc vnicū principium vult esse Pontificem. Cui tam præclaro argumento, adfuit hoc *Εμὴν οὐκ*. Porro subesse Romano Pontifici omni humane creature, dicimus, definimus, & pronuntiamus omnino esse de necessitate salutis. Satis quidem pro Imperio. Est vero quod miremur stuporem hominum tam operose conquirentium loca Scripturæ quibus Papæ Monarchia fulciatur, cum statim in limine & in ipsa prima linea sacre Scripturæ occurrat tam insignis demonstratio. Hæc profecto argumenta non debent proponi nisi ab armato, tantum enim creduntur, quantum timetur qui ea profert. Immo & apud ignauissimos homines paratos ob quæstum quidlibet credere vix fidem inveniunt: Merito igitur Rex Serenissimus apologum *Asopi* hic adhibet, *Cum* (inquit) *aselli auriculas leo vellet pro cornibus accipi, idem omnes sentire oportebat*: Veniet aliquis Papa qui Gedionis lagenis aut Samsonis vulpibus abuteretur ad austruendam Pontifici in temporalibus Monarchiam, & hæc probationes vt semel ex cathedra fuerint prolata pro oraculis habebuntur.

XII. His nihilo meliora addit Bellarminus. Adducit versum 17. Psalmi. 45. *Pro patribus tuis nati sunt tibi filij, constituas eos Principes super omnem terram.* Hos principes super omnem terram Bellarminus vult esse Apostolos & Pontifices Romanos. At Psalter. hoc Psalmo agit de Christi cum

1. Pet. 2.

Apoc. 1.

cum Ecclesia vnione, quam similitudine coniugij adumbrat : Quo ex coniugio nati liberi, non sunt soli Apostoli, sed quotquot Christo nomen dederunt & in Dei filios per Christum adoptantur, qui quidem in Scriptura reges & regale Sacerdotium non semel vocantur. Si cui tamen placet hos Principes esse apostolos non pugnabo vehementer; modo de Principatu spirituali intelligatur, non de temporali. Cuius principatus portio aliqua ab Apostolis ad omnes suos successores est deriuata. Sunt autem successores Apostolorum quoque sunt Pastores boni, & fideles Episcopi, veram fidem docentes, & doctrinam Apostolicam.

XIII. Pudet referre quod profert Bellarminus cap. 15. in Barkl. ex Numer. cap. 27. vbi ait dici, *ad verbum Pontificis Eliafar, tam Iosue ipsum quam omnem populum ingredi & egredi debere.* Hæc enim falsa ab eo dicuntur: & hæc authoritas datur non Eleazaro, verum Principi Iosue. Sed corrumpere Scripturam huic Iesuitæ familiare est.

XIV. Marsilius Patavinus 2. Parte defensoris pacis cap. 3. profert quædam loca quibus Sophistæ sui temporis, Papæ potestatem coactiuam, & ius in temporalia tuebantur. Matth. 11. *Omnia est mihi tradita sunt a patre meo.* Et cap. 28. *Data est mihi omnis potestas in celo & in terra.* Unde volunt confici Papam Petri & Christi vicarium habere potestatem in omnia temporalia. Tum illud Marci 5. *Si eiecis nos, mitte nos in gregem porcorum.* Ergo Christus disponebat de tempora-

poralibus: suillum plane acumen, & quo vel Crassus disrumpatur risu. Quale etiam illud ex Iohannis, 12. *Si exaltatus fuero, omnia traham ad me.* Ergo Papa in sublime euectus, ad se trahit omnia temporalia. Quo argumento usus est Iacobus de Terrano, libro qui inscribitur Monarchialis tractatus. Addit Marsilius, alia non minoris acuminis. Quale est illud Christi Matth. 21. & Luc. 19. *Inuenietis pullum asine alligatum, soluite, & adducite mihi.* Et illud Pauli 1. Cor. 6. *Nescitis quoniam Angelos indicabimus, quanto magis secularia?* Et cap. 9. *Nunquid non habemus potestatem manducandi.* Ergo Papa habet potestatem in temporalia. Hæc quidem refellere est hominis otiosi, quemadmodum proponere vecordis est & improbi.

XV. Bellaminus lib. 5. de Romano Pontifice cap. 7. & in Barklaium cap. 21. abutitur loco Pauli 1. ad Cor. cap. 6. hoc modo. *Quod Christiani olim non deposuerunt Neronem, Dioclesianum, &c. id fuit quia deerant vires temporales. Nam quod alioqui iure potuissent id facere, patet ex Apostolo, 1. Cor. 6. ubi iubet constitui novos iudices a Christianis, ne cogerentur Christiani causam dicere coram iudice Christi persecutore. Sicut enim noni Iudices constitui potuerunt, ita & noni principes propter eandem causam, si vires adfuissent.*

Syllogismus talis est, Qui potest constituere novos Iudices, potest & novos Reges.

At Populus Corinthi potuit constituere novos Iudices. Vt docetur 1. Cor. 6.

Ergo Populus Corinthi potuit constituere novos Reges.

Primo.

Primò. Conclusio talis est quæ nec ab aduersarijs ipsis creditur. Vtraque vero propositio falsa est. Et maior quidem, quia inueniuntur Regis Ministri quibus data est potestas a Rege iudices per prouincias, pagos, & oppida deponendi & alios sufficiendi, qui tamen non possunt Regem abdicare, aut alium in Regis abdicati locum surrogare. Minor verò manifeste falsa est, nam iudices de quibus hic agit Paulus, meri fuerunt arbitri dati litibus componendis: Neque enim plebs potest spretis aut exauctoratis magistratibus regijs, alios sibi legere ad libitum. Hoc si fecissent Corinthij fuissent rei Maiestatis: Neque Ethnicus cum Christiano litigans, vnquam potuisset adduci vt se sisteret coram eiusmodi tribunali. Ipse Bellarminus cap. 21. in Barkl. fatetur hos Iudices non habuisse vim coactivam, id est, non potuisse pletere capite, aut damnare carcere, aut multas pecunias irrogare, quibus sublati, sententia iudicis mere est arbitraria, quippe cuius executio pendet a voluntate litigantium. Quod si Bellarminus vult, eosdem Christianos qui poterant creare novos iudices, potuisse quoq; creare novos Imperatores, necessarium est vt quales poterant eligere Iudices, tales quoque eligerent Imperatores. At per Bellarmini confessionem Iudices tunc lecti a Christianis non habebant vim coactivam, Ergo Imperatores quos eligissent non habuissent vim coactivam, ac proinde non fuissent Imperatores.

At (inquit Bellarminus) arbitri eliguntur a personis litigantibus, hi vero constituebantur auctoritate

toritate publica multitudinis. Idque probat Pauli Apostoli verba sed a se confectis. *Unus congregari in unum constituere vobis Iudices.* Hæc inquam verba cōmentus est Bellarminus; nuspiam enim exeant, ne quidē in versione vulgata, ut mirum sit unde illa Bellarminus hauserit. *be iup in*

○ Frustra vero contendit Paulum ibi agere de vero Iudicio; nam quis negat arbitros vere esse Iudices? Nec magis est ad rem quod afferit debuisse litigantes parere sententiæ istorum iudicum, hoc quidem nemo nescit. Sed si quis noluisse acquiescere iuxta ab eis sententiæ, nulla fuisset pœna civilis in eum constituta. Ratio vero Apostoli est multo potentior, si hic per iudices intelligantur meri arbitri, Nam si iudicaturi sumus Angelos cum auctoritate, cur non poterimus iudicare de rebus terrenis iudicio arbitrario? *N Z*

Quod si Apostolus dat Corinthijs potestatem destituendi Iudices ab Imperatore constitutos, & alios sufficere, det nobis Bellarminus testem qui id a Corinthijs aut ab alijs Christianis factum testetur, & proferat aliquid ex veteri illa memoria, quo pateat fideles vlos esse potestate illa quam ait ab Apostolo Corinthijs concessam. Nunquam faciet. Nam quo pacto id posset, qui capite 3. in Barklauium fatetur per annos a Christo septingentos summum esse ea de re silentium: Atqui audi quam mollem & languidam excusationem obtendat. Pontifices (inquit) & scriptores Ecclesie prioris temporis, ut non affirmarent ita & non negarunt esse in Apostolica sede potestatem aliquam disponendi de temporalibus. At certe si Episcopus

copus Romanus prisco illo xuo habuisset hanc potestatem disponendi de regnis & Imperijs, extitisset tamen aliquis qui causas attulisset cur data sibi a Christo potestate abstineret, aut qui se iure suo prohiberi quereretur. Nec defuissent Christiani qui ad Episcopum Romanum confugissent implorantes eius opem, & alium sibi dari ab eo Imperatorem postularent minus grauem Ecclesie aut saniozem in fide. Nec credibile est datam esse a Christo Episcopis Romanis potestatem quæ per tot sæcula esset inutilis. Aut tunc primū Pontifices cœpisse intelligere sensum verborum Christi quando facti sunt opulenti: Aut Ecclesie causam a veteribus Episcopis Romanis esse prodatam, cum Ecclesia maximè premeretur iugo sa- uissimorum Tyrannorum.

XVI. Idem Cardinalis lib. 5. de Pontifice cap. 7. & in Barklauium cap. 20 sic argumentatur. *Cap. XVII. Deuteronomius prohibetur populus eligere regē qui non sit de fratribus, id est, non Iudæum, ne videlicet pertrahat Iudæos in Idololatriam, ergo etiam Christiani prohibentur eligere Regem non Christianum.* Respondeo nihil hoc facere ad quæstionem præsentem, in qua non quæritur, qualis Rex sit eligendus, sed an liceat in regem legitimum quem vel genus & hæreditaria successio vel etiam electio dederit, rebellare Papa auctore, sub obtentu hæreseos vel tarditatis ingenij, vel tyrannidis, vel violatorum privilegiorum monasterij. Addit igitur Bellarminus, *eiusdem periculi esse eligere non Christianum & non deponere non Christianum.* Ergo tenentur Christiani non pati super se Re-

gem

gem non Christianum si ille conetur auertere populum a fide.

Prius quam respondeo lector monendus est hanc obiectionem si quid habet virum tantum valere in Regem non Christianum aut idololatram, non vero in tardos ingenio, aut Tyrannos, aut minuentes privilegia Monasteriorum. Est quoque notandum hanc obiectionem eo quidem pertinere ut Populo liceat rebellare in Principem non Christianum, at non tribuere Pontifici potestatem Reges loco mouendi & exauthorandi; Neque enim si populo fas rebellare certis de causis, idcirco ad rebellandum authoritas Papæ expectanda est. Nam si mulieri non licet eligere sibi virum hæreticum, non tamen inde sequitur Papam posse soluere matrimonium orthodoxæ cum hæretico. Ita nec si Christiani debent sibi eligere Regem hæreticum, sequitur Papam posse liberare fideles subiectione regis infidelis. Ad argumentum vero dico, enthymema esse cuius maior suppressa est data opera a Bellarmino, ne eius falsitas appareat. Hæc enim est integra ratiocinatio.

Quacumq; sunt pariter periculosa sunt pariter illicita.

At eligere Regem non Christianum, & ferre regem non Christianum pariter sunt periculosa.

Ergo hæc pariter sunt illicita.

Maior falsa est: multa enim sunt pariter noxia & periculosa, quorum tamen alterum fit licite, alterum illicite. Ut si venenum propinetur ab

K

homine

homine infcio, non minus est periculosum quam si a sciente, in vno tamen scelus est, in altero casus sine culpa. Et vt vtat exemplo quo Bellarminus ipse vtitur. In muliere peccatum est grauissimum adiungere se viro hæretico: cum vero habet virum hæreticum omnino ferendus est, nec tantum licitum est cum eo viuere, sed & necessarium: & tamen vtrobique idem est periculum. Quod enim addit Bellarminus non licere fideli cum infideli perseuerare falsissimū est, & contra Apostolū 1. Cor. cap. 7. vers. 12. & 13. *Si quis frater habet uxorem infidelem, & ea consentit habitare cum eo, ne relinquat eam, &c.*

Cum autem addit Bellarminus, *Sicut nunquam licet adire periculū salutis æternæ amittenda, ita nunquam licet perseuerare in simili periculo, modo possit illud vitari*, opinor eum loqui de vitando hoc periculo via honesta & legitima: non enim adhibenda sunt illicita remedia, nec periculis per scelera occurrendum est. At rebellionem & perfidiam in Regem nego esse legitimum remedium ad vitandum periculum. Idcirco Bellarminus videns suam causam hic labascere, statum quæstionis callide immutat, sic loquens ibidem; *Disputamus de eo qui studiose adit periculum, & studiose in eo perseuerat*. At certe non hic agitur de eo qui vltro in periculo perseuerat, sed qui cum videat periculum, non videt tamen legitimam viam occurrendi malo, aut vitandi periculum. Tales sunt subditi fideles sub Principe legitimo, sed infideli, quem sciunt se non posse sine scelere occidere, aut regno depellere: tales olim Christiani sub

sub Imperatoribus Ethnicis, quos quidem dum religiose cauent attingere suorum Principum vitam aut coronam, non est credibile lætatos hoc malo, aut ultro in periculo perseverare voluisse.

XVII Idem Cardinalis in Barklaium cap. 17. sic argumentatur. *Habuisse Apostolos potestatem aliquam disponendi de temporalibus in ordine ad spiritualia, vel ex eo constat quod statuerunt ut populi Christiani predicatorum Evangelij ex facultatibus suis alerent: idq; iusta ordinatione Domini: ut patet in Apostolo in priore ad Cor. cap. 9.* Hæc ille. At certe eiusmodi locorum coaceruatio, est confessio evidens erroris, oportet enim sit valde destitutus argumentis bonis & accommodatis qui tam infirma & remota conquirat.

Respondeo igitur præceptum de subueniendo pastoribus, nihilo plus esse præceptum Apostolorum, quam præceptum de amando Deo, aut colendis parentibus, Lex enim ista iam erat sancita sub veteri testamento, & omnino ex quo fuerunt Pastores in Ecclesia. Hoc iure vivebant Levitæ in Dei populo, nec tamen idcirco sibi ullam potestatem vendicabant in temporalia aliarum tribuum. Neque hoc in solum Petrum quadrat, sed & in omnes Pastores. Quin & pari ratione quotquot sunt mercenarii, immo & tortores ipsi possent sibi arrogare potestatem in regum, aut populorum temporalia: possunt enim mercedem suo labori pactam merito exigere.

XVIII Denique sic argumentatur Bellarminus ex Apostolo Paulo cap. 22. in Barklaium. *Cur non potest liberari populus fidelis a iugo Regis in-*

fidelis, & pertrahentes ad infidelitatem si coniux fidelis liber est ab obligatione manendi cum coniuge infideli, quando ille non vult manere cuius coniuge Christiana?

Respondeo, 1. Similibus nihil probari. 2. Adde quod, quemadmodum vxor fidelis non tenetur adhærere viro infideli inuito, nec eum sequi si ille prior eam deserat, ita lubens agnosco subditos non teneri adhærere regi, qui vltro se abdicat, & subditos suos deserit regno renunciāns : nec aliud ne fidiculis quidem ex hoc loco expreſſeris. 3. Quid, quod hoc simile nobis clare adiudicat victoriam? Paulus enim ait diserte. *Si qua mulier habet virum infidelem, & hic consentit habitare cum illa, ne deserat eum. Et nos ergo dicamus. Si quis populus habet Regem infidelem, & hic consentit regnare in eos, non deserat suum Regem, nec ab eo deficiat.* Hæc certe dici *xpi* *moda*, & insistendo vestigijs Apostoli nemo non videt. 4. Quo magis miror Bellarmini vel indiligentiam, vel potius audaciam, affingentis Apostolo contrarium sensum, & ex his eius verbis colligentis, *in matrimonio contracto inter infideles cum alter eorum conuertitur ad fidem fidelem liberum esse a cohibitione & a iugo coniugis infidelis.* O quam multæ mulieres Ethnicæ fide transiissent ad fidem Christianam, vt hoc pacto a iugo asperioris aut senioris mariti liberarentur. 5. Denique separationem istam viri ab vxore Apostolus non dicit fieri debere auctoritate Romani Pontificis. Proferat enim Bellarminus ex tota antiquitate aliquem qui sedem Romanam adierit ad obtinendum diploma

ma ~~seque~~ ab vxore infideli. Quod si Paulus separationem istam vxoris a viro relinquit in vxoris voluntate, nec vult a Petro aut eius successoribus peti permissionem, qua fronte audet Bellarminus hoc loco abuti ad probandum penes Papam esse soluere subditos a Regum legitimorum Imperio & vinculo fidelitatis iureiurando firmata?

XIX Rationibus ductis ex scriptura Bellarminus addit aliquot exempla ex veteri testamento, capite 37. in Barklaium, *Si (inquit) ob lepram corporalem poterat Sacerdos olim Regem iudicare & regno priuare, quare id non poterit nunc ob lepram spiritualem, id est, propter heresim &c. At qui Sacerdos olim priuauit Regem Osiam regno ob lepram corporalem ut docetur 2. Paralip. cap 26. Ergo, &c.*

Mira sane horum hominum solertia, quæ vel in scabie & lepra iuuenit præsidia Papalis potentia. Sed ad rem: Dico minorem huius argumenti esse falsam, neque enim Osiæ Regno vnquam priuatus fuit. Nam capite 15. libri secundi Regum, commate 2. disertè dicitur Osiæ, qui & Azarias, orsus regnum suum anno ætatis decimo sexto, & regnasse annos quinquaginta duos: vixit ergo annos sexaginta octo, & regnauit vsque ad mortem. Percussus lepra ob vsurpatum sacerdotium, vixit in seducto, vitans hominum frequentiam. Inter hæc Iotham eius filius gubernauit palatium, vt habet vulgata versio, vt vero Pagninus, *fuit præfectus pratorio*: Regis vero titulum nisi mortuo parte nunquam vsurpauit, & mortuo demum parte regnum capescit. Nam versibus 32.

& 33. tunc dicitur *cœpisse* regnare, nec regnauisse
 ultra annos sexdecim. Cumque iudice Bellar-
 mino, excommunicatio debeat præcedere depo-
 sitionem Regis, non legitur Oſias excommuni-
 catus. Nec dubium quin filius geſſerit Reipublicæ
 curam patre ſic volente: fuiſſet enim ſcelus, pa-
 trem punire per filium: nec filius, vir appri-
 me pius & ſanctus, tantum in ſe facinus amiſiſſet vt
 viuo & vidente patre & fruſtra obteſtante, impe-
 rium eius inuaderet. Ipſe Bellarminus fatetur
 Oſiæ relictum nomen & titulum regis vſque ad
 mortem cum tamen Regi diris Papalibus confeſ-
 ſo, Papa nolit nomen Regis relinquere. Neque
 vero retinuit Oſias nomen Regis ſine re, Scriptu-
 ra enim dicit eum non modo regem fuiſſe, ſed &
 regnaſſe annos quinquaginta duos. Nec fuit Oſi-
 as damnatus a Sacerdote ob crimen, ſed iudica-
 tus ob lepram, iuxta legem Leuit 13. Neque vt
 reus, ſed vt æger; Nam leproſos excidiſſe rerum
 ſuarum dominio nuſpiam legitur: cumque ante
 & poſt Oſiam fuerint alij Reges legitimi longe
 deteriores Oſia, nunquam tamen Pontifices eos
 Regno aut vito priuarunt; Iosephi quidem hæc
 ſunt verba: * χρόνον μὲν πᾶσι δὴ καὶ ἔτι τῆς πόλεως, ἰδι-
 ωτὶς ἀποζῶν βίον. Sed non eſt cum Dei verbi
 cōparanda Iosephi auctoritas, qui & eodem capi-
 te multa infercit fabuloſa: neque neceſſe eſt per
 βίον ἰδιωτὶς ἀποζῶν intelligere vitam priuatam ſine regia
 poteſtate, ſed vitam * κατ' ἰδίαν, & ſeductam a tur-
 ba, vt ſit in morbo contagioſo.

* *Antiq.*
lib. 9. cap.
 11. *Ali-*
quandiu
vixit ex. va-
ciuitatem
priuatam
vitam vi-
uens.
 * *Priua-*
tim actam.

Libro in

XX Alterum exemplum Bellarminus affert
 ex libro 2. Paralip. cap. 23. Ubi (inquit) narratur

Athalia

Athalias reginam fauentem Idolatria a Ioiada Pontifice regno & vita fuisse priuatam, & Ioas Regem in eius locum institutum. Eodem exemplo pugnant Sanderus, Becanus, & alij, vtunturque hoc argumento ad probandum idem licere Pontifici Romano, quod licuit Ioiadæ: at Ioiada Athaliā regno depulit, & iussit occidi: læua sane in miseros reges sententia, si quidē Papæ iussu possunt capite plecti, & non secus ac vilissima fontium capita ad supplicium produci. Prō Dei atq; hominū fidē! Hæccine impune dici & ab ipsis regibus probari?

Sed vt veniā ad Athalias, dico ego hoc exemplum alienum esse a presenti quæstione: hic enim agimus de depositione Regū legitimorū, non vero de eiectione tyranni, qui alienū regnū per vim occupat, populo non probante, & legitimo hærede superstitē. Talis Athalia, quæ excisa stirpe regia, vno puerulo excepto, post occupatum regnū, non aliter regno quam læua prædæ, incubabat.

Adde quod omnibus nota erat Dei volūtas Deu.

17. alienigenam vetabat regnare in Dei populum;

Athalia autem erat filia Amri regis Samariæ 2.

Paral. 22. vers. 2. Adde quod Deus sanxerat & per Prophetas sæpe declarauerat se velle Regnū

1. Reg.
11.36.

Iudæorum proprium esse domui Davidis: Regnabat ergo Athalia contra disertum Dei mantum. Maximē cum præsto esset Ioas puer de Davidis prosapia, quem e latebra extractum simulac vidit populus omnino debuit suum regem agnoscere. Sed nec Ioiada Athalias auctoritate Pontificali deposuit aut iussit occidi, neque enim vlla super hac re est instituta cognitio aut la-

ra sententia, sed clam facta militum manu, centuriones & milites in verba regis legitimi adegit, & ducem se præbuit conspirationi in foeminâ quæ **vela priuato poterat iuste occidi.** Neque id ab eo **factum vt a Pontifice,** cuius non est ducere armatam manū **sed vt a viro optimate,** qui idcirco dicitur præcipisse militibus quid & quomodo essent facturi, quia in coniuratione, omnes conscij expectant imperia ducis coniurationis. Neque vero si Ioiada intunxit Ioas in regem, idcirco ei regnum dedit: non secus ac si Præsul aliquis, Regem Francorum inungit, non idcirco putandus est Rex isti Præsuli regnum debere, quod quidem debent reges nostri suis maioribus, sortique nascendi. Alioqui & Hostiensis Episcopus dicendus fuisset conferre Papatum, quandoquidem ad eum Papæ consecratio diu pertinuit qui peragit ritum inaugurationis, non facit Regem, sed consecrat. Sed neque si Ioiada authore, populus templum Baal euerit, & templi Sacerdotem occidit, idcirco Ioiada erat Regem maior, aut habebat ordinariam potestatem in vitam Iudæorum & in bona temporalia, nam & idem ab Elia factum legimus, 1. Regum cap. 18. vbi Propheta Baal ad torrentem Cilon, Eliæ iussu necantur. Quem tamen ciuilia non attrectasse, nec habuisse aliquam potestatem in Reges Samariæ aut vitam subditorum satis constat. Multa in Scripturis leguntur facta impulsu diuino, quæ trahi ad exemplum sine imperitia non possent, immo nec sine scelere.

Quam parum autem Bellarminus fidat his exemplis Pontificum veteris testamenti, ipse satis docet

docet cap. 15. in Barklaium his verbis. *Nom est improbable in testamento veteri regem absolute maiorem fuisse Pontifice : tum quia ita docet S. Thomas in lib. 1. de Regimine principum cap. 14. tum quod in veteri testamento promissiones essent temporales &c.* Quo dicto fatetur quoque non esse improbable regem Ioas fuisse absolute maiorem Pontifice Ioiada, ac proinde se parum probabiliter argumentari, quando Ioiadæ exemplo Paparum auctoritatem in caput & fortunas regum conatur astruere.

XXI. Vnum superest exemplum ex veteri testamento allatum a Bellarmino cap. 3. in Barklaium. *Cum (inquit) post diuisionem regni Salomonis in Regnum Israelis & Regnum Iuda, inter Reges Israel nullus fuerit pius, sed omnes impij & idololatra, cur alijs multis toleratis Propheta Domini vnixerit Iehu in Regem, & iusserit vt Regem Ioram cui fidelitatem iurauerat, interficeret, quod ille continuo fecit & laudatus a Deo fuit vt habemus 4. Reg. 9. & 10. Responderet opinor sic placuisse Deo cuius iudicia inscrutabilia sunt.*

Equidem non video quid hoc exemplum faciat ad asserendam Papæ auctoritatem in Regibus creandis aut exauctorandis & occidendis. Hic enim Propheta non erat Pontifex, idque fecit inconsulto summo Pontifice. Quod si quis alius Episcopus vellet reges aut creare, aut destituere, violari iura sua Pontifex conquereretur. Quam verò sit abhorrens a ratione, extraordinariam & miraculosam prophetæ missionem trahere in exemplum : & quia aliquis propheta singulari & inusitato

usitato exemplo aliquid olim fecit, velle Papam Romanum idem posse ordinariè nemo non videt. Cur non ergo sic argumentatur Bellarminus? Elias Propheta ignem de cœlo deduxit, Ergo Papa idem potest. Elia verante toto triennio non pluit, & terra siriens alto puluere incanduit. Ergo Papa idem potest.

Sed Bellarminus non intellexit quid istis verbis *ungere in regem* significetur: quorum sensus petendus est ex primo Regum, cap. 19. versibus 15. & 16. vbi iubetur Elias ungere Haael in regem Syriæ, & Iehu in regem Israel. Nemo, opinor, tam est rudis historiæ, vt credat Prophetas aut etiam Pontifices Iudæorum habuisse ius ordinarium creandi aut destituendi Reges Syriæ, qui erant Ethnici & inimici Ecclesiæ. Sed iubetur Propheta inungere Haaelem in regem Syriæ, id est, significatione voluntatis diuinæ ad spem regni eum erigere, addita aliqua ceremonia quæ verbis adderet pondus, & pignus esset missionis Prophetæ. Idem de inunctione Iehu dicendum est, quem non dubium est postquam factus est compos rerum, noua inauguratione constitutum esse Regem.

Interim perpendet Lector, quo pertineant verba illa Bellarmini, *Iehu iussum esse a Propheta vt Regem Ioram cui fidelitatem iurauerat, interficeret: quod ille continuo fecit, & laudatus a Deo fuit.* Nam Cardinalis quasi aliud agens, hæc instillat, & obiter eiusmodi sententias inspergit, quibus cædes regum, vt iure factas laudat; vt regum vitam non tanti esse Lectori persuadeat.

Hæc

Hæc sunt quæ Bellarminus affert ex Sacra scriptura, quæ quia in opere suo aduersus Barkaium nullo ordine proponuntur, & sæpius inculcantur inutili repetitione, visum est ea collecta & ordine digesta in vnum caput conijcere, & sub oculos ponere.

CAP. IX.

Argumenta Bellarmini ex ratione ducta diluuntur.



Bellarminus locis Scripturæ contra rationem allatis, attexit quasdam rationes sine Scriptura.

i Capite septimo libri quinti de summo Pontifice primo loco ponit hanc argumentationem quæ lic formatur in syllogisum.

Omnis superior imperare potest inferiori: Atqui potestas spiritualis superior est potestate civili. Ergo &c.

Resp. Maior non est vniuersaliter vera: non enim superior potest imperare Inferiori in omnibus, sed in ijs tantum rebus in quibus est superior. Non si præceptor imperat discipulo in ijs quæ pertinent ad eam disciplinam quam docet, ideo ei potest imperare in cæteris, puta in ducenda vxore, in fundo emendo, in adeunda hæreditate, &c. Par infirmitas minoris. Neque enim spiritualis potestas superior est potestate civili in re de qua agitur, nempe in rebus civilibus. Demus tamen vtramque propositionem esse veram, & potestatem

tem spiritualement imperare ciuili : quid hoc aduersus nos, aut ad præsentem quæstionem, in qua non quæritur an illa potestas huic imperet, sed an possit eam punire pœnis ciuilibus seu temporalibus ? Neque enim si Pastor regit Magistratum, quatenus Magistratus est Christianus, idcirco exemptus est subiectione Magistratus, quatenus Magistratus est : Dum pascit Principem ut Pastor, est tamen subditus qua ciuis. Sic Princeps discens ab equisone artem frangendi equum in gyros, debet quidem obsequi docenti in rebus quæ ad eam artem pertinent : Idem tamen imperat equisoni in cæteris. Sic Rex æger subditus est medicorum voluntati, non quidem ut Rex, sed ut æger : at quatenus Rex imperat medicis, non quidem ut medicis, sed ut ciuibus, & subditis. Par ratio Regis & Pastoris.

Id vero quod infercit Bellarminus, potestatem spiritualement & temporalem esse partes eiusdem Reipublicæ, additum est ad fatigandum lectorem & offundendas tenebras, nihil enim facit ad rem, siue hæc sint partes eiusdem Reipublicæ, siue sint diuersæ Reipublicæ. Nam ex diuersitate partium non colligitur vtra alteri imperet. Nec si altera alteram regit vna in re puta in rebus sacris, idcirco regit in omnibus. Errat tamen Bellarminus cum dicit potestatem spiritualement & ciuilem partes esse Reipublicæ. Non enim munera ipsa sunt partes reipublicæ, sed homines. Cui lapsui si ignosceremus, non tamen idcirco verum esset, politiam & Ecclesiam partes esse distinctas Reipublicæ. Sic enim Ecclesia non esset de politia nec Reipublica

publica politica esset de Ecclesia. Dicendum potius vnum & idem regnum seu Rempublicam vocari Ecclesiam quatenus constat Christianis, Regnum vero aut Rempublicam qua constat ciuibus. Nunc vero ut res sunt sub Romano imperio Papali, sub quo per Ecclesiam soli clerici vulgò intelliguntur, certum est Ecclesiasticos diuersam plane Rempublicam constituere in aliena Republica, quippe qui alium agnoscunt Monarcham quam Regem, habentque suos Iudices seorsum, suos carceres: nec tenentur legum, ciuiliū subiectione, nec solutione tributorum.

II. Hanc primam suam rationem nutantem Bellarminus suffulcit alijs ratiunculis: hoc modo

Vt subordinantur fines, ita subordinantur facultates, ut ait Aristoteles Eth. I. cap. I.

At finis temporalis subordinatur fini spirituali.

Ergo & facultas temporalis subordinatur spirituali.

Resp. Maior quidem vera est, etsi Aristotelis locus falso citatur. Sed Syllogismus peccat fallacia quæ vulgò vocatur Ignoratio Elenchi: Conclusio enim nihil facit ad rem præsentem, neque sententiam nostram impugnat. Et quanquam falsa est, potest tamen sine periculo concedi. Demus enim facultatem regalem, id est scientiam regnandi, subordinari scientiæ pascendi & regendi Ecclesiam, an inde fiet pastores posse multare principes principatu aut uita? Sic Aristoteles primo posteriorum cap. 7. dicit Opticam subordinari Geometriæ; an ideo Geometra poterit Opticum expellere domo, aut multare exilio? An si ars arte superior est, idcirco homo homine?

An

An quia ars Pharmacopolarum subordinatur arti Medicorum, idcirco Medicus ius habet in fortunas aut vitam Pharmacopolarum? Apage tam putidam subtilitatem. Sciat quoque Bellarminus aliter subordinari potestatem potestati, aliter facultatem facultati. Potestas subordinatur potestati, quando superior inferiorem includit: Sic potestas Iudicum ordinariorum aut delegatorum includitur in potestate regia, eoque illi subordinatur. At facultas subordinatur facultati quando scientia aliqua sic mutuatur ab altera sua principia: ut quæ sunt conclusiones in superiori scientia sint principia seu propositiones in inferiori: Exempli gratia, Medicina docet vulnera rotunda esse curatu difficillima, quia vulneris labra ægre coeunt: Huius assertionis probatio non petenda est à Medicina, sed à Geometria: ideoque hac in re Medicina Geometriæ subordinatur. Aut quando alicuius artis finis inferuit fini alterius artis nobilioris: veluti *καλὸν ποιεῖν τι* inferuit arti equestri, & hæc bellicæ. Vnde patet quanta fraude Bellarminus hæc nectat, ex subordinatione finium inferens subordinationem potestatum: cum tamen hæc toto cœlo distent.

*Ars eudem-
di frana.*

Observabit autem Lector quam benigne Bellarminus agat cum Regibus. Libro enim in Barklauium capite 3. docet artem regiam subordinari arti Ecclesiasticæ eo modo quo ars sculptoria subordinatur regiæ. Mirum vero cur non pro sculptoria dixerit fulloniam, aut sutoriam. Nouerint ergo Reges quantum intersit inter Pa-
pam

pam & Reges, nempe quantum inter Reges & Sculptores.

Sed & in hoc frustra est Cardinalis, dum putat artes quæsturias subordinari facultati regnandi: neq; enim hæ artes petunt sua principia a scientia regnandi, nec finis sculptoris qua sculptor est, salus est Reipublicæ aut isti subordinatur. Verum quidem est posse regem edicere sculptori ne quid faciat quo societas ciuilis lædatur, aut mores corrumpantur, sed non id facit quia ars sit subordinata arti, sed quia homo subditus homini. Neq; paret sculptor regi qua sculptor, sed quia ciuis aut subditus. Nam antequam sculptoriam faceret pari subiectione tenebatur.

Nec leuius allucinatur Cardinalis, dum ait facultatem temporalem subordinari spirituali, id est scientiam regendi populum scientiæ regendi Ecclesiam. Sunt enim plurima in scientia regnandi, quæ nihil plane habent commune cum facultate spirituali, vt Tactica, & Poliorcetica, & pacta a Rege inita cum redemptoribus vectigalium. Immo & sunt multa quæ Theologus a Politico mutuatur, & in quibus Theologia subordinatur Politicæ. Nec desunt exempla pessimarum Reipublicarum in quibus vera fides obtinet, vicissim semper extiterunt aliquæ Reipublicæ florentes, quæ pacem & ciuilem iustitiam coluerunt, insuper habita religione: quas tamen veras fuisse Reipublicas nemo ambigit. Quod si in Rebus publicis Christianis, Finis temporalis, id est, pax, & concordia, & leges bonæ & iustæ pertinent ad finem spirituales: Ita & vicissim Dei cultus & pietas

pietas plurimum confert ad finem temporalem, id est, ad concordiam ciuium, & publicam tranquillitatem: pax enim & concordia est pietatis furculus, & actiones ciuilitate honestæ ex vero Dei cultu efflorescunt.

Soler quidem Bellarminus passim inculcare potestatem spiritualem esse nobiliorem temporali. Sed hoc asserit præter rem. Non enim si aliqua facultas, altera est præstantior, idcirco necesse est ut qui nobiliorem artem profitentur imperent profitentibus inferiorem. Nec si Medicus est dignior aratore aut coquo, idcirco habebit potestatem in fortunas, famam, aut caput aratorum aut coquorum. Quin & sæpe inferiorum artificum honestior est & lautior conditio. Quid splendidius publicanis? quid tenuius philosopho? Et cinisflonis aut cupedenarij honestiora sunt nomina in aulis quam Grammatici.

III. Addit Bellarminus eodem capite 7. libri 5. de Pontifice. *Reges (inquit) & Pontifices, Clerici & Laici non faciunt duas Respublicas sed unam, id est unam Ecclesiam, sumus enim omnes unum corpus. Rom. 12. & 1. Cor. 12. at in omni corpore membra sunt connexa, & dependentia unum ab alio, non autem recte asseritur spiritualia pendere a temporalibus. Ergo temporalia a spiritualibus pendunt, atque subiciuntur.*

Resp. Hæc argumentatio informis, & incondita, etsi multa habet falsa & ambigua, potest tamen sine periculo concedi. Conclusio enim questionem non attingit, neque enim quaeritur an potestas temporalis sit subdita spirituali, sed an sit subdita

subdita in temporalibus : & an potestas spiritualis possit infligere pœnas temporales , puta ademptionem regni, aut fundi, aut pecuniæ, aut vitæ. Quod nos pernegamus, Bellarminus vero non probat. Hic ergo peccat rursus ignoratione Elenchi.

IV. Eodem vitio laborat argumentum sequens. Si (inquit) *temporalis administratio impedit spirituale bonum, omnium iudicio tenetur Princeps temporalis mutare illum modum administrandi, etiam cum detrimento temporalis boni, Ergo signum est subiectam esse temporalem potestatem spirituali.*

Resp. Hæc ratio, quæstionem non attingit, nam de subiectione hic non quæritur, sed de genere pœnarum. Sane si Reges in Deum grauitèr peccauerint, pastorum est eos monere sedulo, quin & arcere sacra communione vt Theodosium Ambrosius, quanquam id non nisi in grauissimis criminibus & publicis, idque semper seruatò honore & reuerentia ac fide quam subditus debet legitimo Principi. Vt quisque pastorum viriis principis minime adblandietur, ita maxime erit fidus & obsequens, & alijs ad eandem fidelitatem præbit exemplo: Seruabitque temperamentum inter proiectam adulationem, & cerebrosam impudentiam. Non erit canis mutus, sed nec belua indomita, quam necesse sit compescere vel vinculis, vel gladio.

V. Pugnat Bellarminus alio argumento, hoc modo, *Respublica Ecclesiastica debet esse perfecta & sibi sufficiens in ordine ad suum finem. Tales enim sunt omnes Respublice bene instituta. Ergo debet ha-*

bere omnem potestatem necessariam ad suum finem consequendum, sed necessaria est ad finem spirituales potestas utendi & disponendi de temporalibus rebus, quia alioqui possent mali Principes impune fovere hereticos, & euertere religionem, igitur & hanc potestatem habet.

Resp. Hæc quidem ratio non modo infirma est; sed & impia: Arguit enim imperfectionis Ecclesiam veterem cui hæc potestas defuit. Cumque Bellarminus cap. 15. in Barklaium dicat non esse improbable in Testamento veteri regē absolute maiorem fuisse Pontifice, ac proinde Pontificem non habuisse potestatem Regis exauctorandi, eiusque sententiæ Thomam laudet auctorem, inde sequitur probabile esse Bellarmino Ecclesiam veteris Testamenti non fuisse perfectam nec bene institutam. Adde quod reges possunt detorquere in Papas idem argumentum, dicendo suam potestatem fore imperfectam si eis deessent vires disponendi de spiritualibus, & coercendi improbam malorum Pastorum libidinem: quibus alioqui impune liceret esse sceleratis, cuiusmodi homines, sedes Romana plurimos habuit, fatente ipso Baronio, plurima monstra sedem Romanam insedis. Perfectio Ecclesiæ constat, non robore, & potestate in temporalia, sed puritate doctrinæ, & integritate morum, atque disciplinæ: non secus ac perfectio Philosophiæ constat certitudine & perspicuitate ac textura demonstrationum, non vero præsidij aut armis quibus contra sentientes malè multentur, aut obturbantes cohibeantur. Deus qui nunquam Ecclesiam suam hæreticorum

reticorum veneno passus est totam penitus infici, idem quoque efficiet ne tyrannorum violentia aboleatur, nec deferet gregem tanto pretio redemptum, quem qui tangit, tangit pupillam oculi sui. Abunde cauit Deus Ecclesiæ suæ firmitati addito Christo defensore & duce, & appositis Angelis custodibus. Ipse Bellarminus lib. 4. de Ecclesia cap. 6. dicit persecutionibus Ecclesiam non modo non destrui, sed & illustrari. Quod si ad perfectionem Ecclesiæ necesse est ut Pastores possint disponere de regno & fortunis & vita tyrannorum, dicam quoque ad eandem perfectionem necesse esse ut iidem Pastores possint debellare Satanam, & in Tartara mergere, & peccata omnia funditus abolere, in quibus certe plus est necessitatis quam in regnis dandis & eripiendis, Sunt enim Satanæ assultus longe periculosiores sæuitia tyrannorum. Denique quamcunque necessitatem obtendas, nihil unquam tam erit necessarium quam Deo obsequi qui disertè iubet obedientiam erga Principes & fidem; ut docebitur capite vndecimo. Nulla unquam potest esse necessitas peccandi aut peierandi, aut aliena iniuste rapiendi.

VI. Urget Bellarminus hoc modo. *Potest qualibet Respublica, quia perfecta & sibi sufficiens esse debet, imperare alteri Reipublice non sibi subiectæ, & eam cogere ad mutandam administrationem, immo etiam deponere eius principem, & alium instituire, quando non potest aliter se defendere ab eius iniurijs. Ergo multo magis poterit spiritualis Respublica imperare temporali Reipublice sibi subiectæ, & eam co-*

gere ad mutandam administrationem, & deponere principes, atque alios instituere, quando aliter non potest bonum suum spirituale tueri.

Resp. Respondeo non mirum esse, quando opponuntur arma temporalia armis temporalibus, si Rex victus suis temporalibus excidat, at cum tyrannidi temporali opponuntur arma spiritualia, non possunt nec debent eadem effecta consequi, regis nempe regnique eversio. Addo, Bellarminum fingere quæ nunquam fuerunt, nec erunt, videlicet ut altera Respublica ad suas res tuendas cogatur Regem vicini regni deponere, & alium sufficere: nam Respublica quæ hoc potest eadem quoque facilitate inuadet regnum vicinum, & sibi subijciet, nec potest hic esse fructus victoriæ, ut victus cogatur alium sibi Regem eligere. Accedit quod si Respublica aliqua, aliquid a vicina Republica postulet, & passa repulsam, infesta arma ostendet, aut bellum indicat, non hoc vocatur imperare (ut loquitur Bellarminus) sed precibus minas addere adhibendo *πειθαρχίαν*, quod faciunt qui postulant minitabundi. Denique si Papa hoc exemplo tuetur suam potestatem dandi & eripiendi regna, certum est eadem quoque ratione confici Papam posse per vim rapere aliena, & in regnum alienum infesta arma mouere, quod certe non est Pastoris, sed Bellatoris, aut imperatoris. Immo & eadem ratione possunt Reges sibi tribuere potestatem abdicandorum pastorum, quando non possunt aliter se defendere ab eorum iniurijs.

VII. *Præterea* (inquit Bellarminus) *tolerare Regem*

Regem hereticum, vel infidelem conantem pertrahere homines ad suam sectam, est exponere religionem evidentiſſimo periculo. Idque probat exemplis Imperatorum hæreticorum, nec non Regum qui nostra memoria sua regna traxerunt ad defectionem ab Ecclesia Romana; Cui obiectioni iam abunde satisfactum est. Verum quidem est quod paulo post subdit Cardinalis, esse de iure diuino seruare veram fidem & religionem: At non est de iure diuino perfide agere, aut patrare parricidia, & sub zeli erga religionem titulo omnia susque deque inuertere. Non sunt facienda mala vt eueniant bona.

*Supra ad
Argum.*

VIII. Pergit Bellarminus. *Quando (inquit) Reges & Principes ad Ecclesiam veniunt vt Christiani fiant, recipiuntur cum pacto expresse vel tacito, vt scepra sua subijciant Christo, & polliceantur se Christi fidem seruatuſſimos & defensuros, etiam sub pœna regni perdendi: ergo quando sunt heretici, aut religioni obsunt, possunt ab Ecclesia iudicari, & etiam deponi a principatu, &c.*

Resp. Hic vero erat Cardinalis non vno modo. Nam primo falsum est, Reges sub hac pactione in Ecclesiam admitti. Neque credibile est Clodoucum qui fidem Christianam princeps in regiam familiam intulit, cum iam ante per annos quindecim regnasset, ea lege & conditione factum esse Christianum vt regno priuaretur si a fide descisceret. Quod si quis Rex veteri memoria a paganismo ad fidem conuersus, promisit se Religionem Christianam defensurum, non idcirco iurauit in verba Papæ Romani cuius in Gallia sub

primis Regibus nulla erat authoritas, sic nec Britanniae Reges primitus se ad Christianismum aggregarunt ut subessent in temporalibus Romano Pontifici: immo nec in spiritualibus, sed soli Christo. Quapropter si tunc Ecclesia Anglicana habuisset potestatem regnum abrogandi regibus hæreticis, nihil tamen hoc ad Papam Romanum pertinuisset. Fateor quidem cum Bellarmino, regem infestum fidei Christianæ dignum esse qui regnum amittat, nec esse idoneum Sacramento baptismi qui non est paratus Christo servire: At abdicationem illam debere fieri iudicio Ecclesiæ, aut Papæ, id vero pernegamus, neque scriptura dicit, neque prisca Ecclesia vnquam sibi hoc ius vendicauit, aut cum deessent vires se suo iure fraudari vnquam conquesta est. Cum vera Princeps inauguratur in hæc verba. *Tunc ego regnum aut vitam amittam si Ecclesiam fefellerò, aut deseruerò*, His verbis vindictam Dei in caput suum imprecatur, non vero Ecclesiam aut Papam in suum caput armat. Quod si quis ad regnum admitteretur sub tali pacto expresse, ut regno caderet si fidem desereret, hanc potestatem in suum regnum aut caput vellet esse in manu optimatum aut ordinum regni, eorumne qui eum ad regnum vocarunt, non vero in manu Pontificis, qui Reges quos non creauit non potest deponere, nec eripere quæ non dedit, nec super hac re vllam a Deo potestatem accepit. Et profecto nihil esset tam vietum & fluxum quam regum potestas, si esset penes Papam, conficto (ut solet) ob res minimas hærescos crimine Reges diris percussos deijcere

deijcere rerum culmine. Tum certe Regibus tutissimum esset nihil scire in religione, ne hæreseos possent arcessi. Debent ergo plurimum Pontifici, qui ne quid in religione scirent cauit sedulo.

IX. Ex illo, *Pasce oves meas*, ducit tria argumenta. Quorum primum est

Lupi sunt hæretici,

Pastor potest arcere Lupos:

Ergo Pastor potest arcere hæreticos.

Vnde infert si Princeps ex ove fiat lopus, id est ex Christiano hæreticus, Pastorem posse eum abigere, ac proinde priuare dominio in subditos.

Resp. Huius Syllogismi quanquam maior non est vniuersaliter vera, potest tamen sine periculo totus Syllogismus admitti, Nec negamus Pastorem posse arcere sacris Principem hæreticum in fidei fundamentis, aut insigniter sceleratum, & impenitentem, Ac inde sequi eum posse priuare Regem dominio, hoc vero pernegamus, neque Bellarminus vnquam probauit. Nec si faceret, tamen hoc magis ad Episcopum Romanum, quam ad Antiochenum aliosque Petri & Apostolorum successores pertineret.

X. Alterum argumentum ex eodem loco ductum tale est.

Potest pastor arietes furiosos destruentes ouile separare & recludere:

Princeps autem Catholicus fide, sed adeo malus ut obsit religioni, est aries furiosus.

Ergo poterit pastor Ecclesia eum recludere vel redigere in ordinem ouium.

Resp. Stilus barbarus, ratio incondita, termini

mini quinque. Conclusio extra questionem. In maiori *Pastor*, sumitur proprie, in conclusione figurate, eademque ambiguitas in voce *Arietis*. Nōitur autem hic Syllogismus totus falsa suppositione, quæ talis est. *Quæcunque potest pastor ouium in grege, eadem potest pastor animarum in Ecclesia*. Hoc principium falsum est. 1. Nam pastor ouium potest arietem vincire aut abigere, aut etiam necare: quia emit, & quia idem qui gregi addidit arietem ductorem, potest adimere. At Papa non emit Reges, nec habet eos sibi nexu aut mancipio addictos, nec eos addidit ductores populo, nec habet in eos vitæ & necis potestatem. Iam antequam dominationis papalis nomen Gallia innotuisset, habebat Gallia suos Reges, ut mirum sit vnde Reges facti sint arietes huius noui Pastoris, qui eos potest includere, abigere, necare. 2. Hoc quoque addendum, non mirum esse si Pastor corporeus infligat pœnas corporeas, at ut Pastor spiritualis (qualem se Papa perhibet) puniat pœnis corporeis res est abhorrens ab omni ratione. 3. Dico tertio pastorem proprie dictū nullatenus esse subditum aieti, nec de iure, nec de facto, at Episcopos Romanos de facto diu subditos fuisse Imperatoribus & Regibus, etiam Christianis, Bellarminus non negat. Nec inuenietur pastor ouium qui se indignum seruum arietis profiteatur, qualem se Gregorius I. nominat, scribens ad Mauritium Imperatorem, ut docebitur plenius capite 4. Quid quod in Papas potest retorqueri hoc argumentum quos monstra & belluas Baronius ipse & Platina, & alij Pontificij frequenter appellant?

appellant? tunc ergo includendi aut abigendi ab ijs quibus Deus omnem animam, ac proinde Episcopos voluit esse subditos. 5. Obseruabit quoque Lector hanc obiectionem perinde esse accommodatam ad probandum Papam posse Reges occidere, ac ad probandum posse eum Reges solio detrahere, Pastor enim in arietem vtrumque potest.

XI Tertia eius ratio ex eodem loco ducta sic formatur.

Omnis Princeps tenetur Deo seruire.

At Pastor potest cogere Principem ad id omne quod tenetur.

Ergo, Pastor potest cogere Principem Deo seruire.

Resp. 1. Negamus assumptionem. Princeps enim, non secus ac subditi, ad multa tenetur ad quæ non potest cogi ab vilo homine, veluti ad amandum Deum toto corde, & Proximum tanquam se, & fidem locandam in Christo. 2. Immo nec si Bellarmino totum Syllogismum concederemus, haberet tamen quod intendit, nam ipse addit paulo post Principem debere cogi per commodas rationes, inter quas nego esse abdicationem Regis, aut instigationem subditorum in suum regem legitimum.

XII Capite quinto in Barklauium Bellarminus hæc habet: *Cum dicimus ex Pontificum sententia regum terrenorum potestatem esse a Deo, non intelligimus esse a Deo immediate, quomodo est a Deo potestas summi Pontificis, sed esse a Deo quia Deus voluit esse in genere humano politicum regimen, & ideo*

ideo instinctum quendam naturalem dedit hominibus, ut eligant Magistratus a quibus regantur. Addit ibidem. Deus non dedit Immediate regnum huic aut illi, sed dicitur potestas regum esse a Deo, quia Deus voluit inter homines esse potestatem politicam.

Resp. Hæc a Cardinali dicuntur ad eleuandam & minuendam Regum dignitatem. Sed hæc nebulæ nullo negotio diffantur. Cum enim dicimus Reges a Deo immediate esse non sic intelligimus, quasi Deus de Cælo immediate detonerit & cœlesti oraculo hunc aut illum regem pronuntiauerit. Hoc sensu ne quidem Romanum Pontificem esse a Deo nec Bellarminus ipse affirmauerit: tota enim electio suffragijs hominum transigitur, qui suam vocem alicui precio addixerunt. Si tamen Bellarminus contendit ad electionem huius aut illius, mentes Cardinalium diuino spiritu afflari, Deumque tantis discordijs & anxietatibus disciplinæ, venalibusque suffragijs interesse, & efficere ut horsum aut illorsum inclinent, cur non nobis quoque fas erit dicere regum inaugurationem fieri Deo auspice & ductore? maximè cum regum Christianorum alios natura ipsa, ac proinde Deus dederit, alios ἐξ ἐκδοτικῶν παραγγελῶν euehat ad regnum optimatum electio? idque multo maiori grauitate & integritate quam electio Pontificum?

Ex prius-
is cuna-
bulis.

Quisquis ergo vult scire quo sensu Reges dicantur esse immediate a Deo sic habeat, id dici quia Deus in verbo clarè & disertè iubet nos esse obsequentes regibus, vnde fit ut eorum authoritas non humana opinione nitatur, sed authoritate diuina,

uina, Tum quia perfidia & violatio iusiurandi & parricidium sic vetantur in Dei verbo, vt ab hac lege nulla lex humana possit nos eximere. Rex igitur quantumuis electus mediantibus hominibus, tamen vt semel in eius verba iuratum est, Deum habet immediate suæ potestatis assertorem. Vbi obiter fraus Bellarmini notanda, dum de rebus eligendis loquitur, non enim quæstio est de electione regis, quem satis constat non immediate a Deo eligi; sed de auctoritate & potestate Regis quem iam habeas. Neque vero quia instinctus datus est hominibus ad eligendos sibi magistratus, idcirco sequitur magistratus esse a deo mediatè: nam pariratione paterna auctoritas, aut vinculum coniugale non, essent a Deo immediate, quia ad colendos parentes & ad coniugale vinculum homines feruntur propensione naturali. Immo vero cum ad hunc instinctum non facti, sed nati, non iustituti sed imbuti simus, certum est Magistratus auctoritatem Deum vnum habere authorem. Quod vt palam faceret, primos suæ Ecclesiæ Reges Saulem & Dauidem oraculo suo & cælesti electione voluit consecrari: quibus adde si vis Regem Iehu vinctum a Propheta extraordinaria vñctione: vnde & Reges dicebantur Vñcti Domini, quippe Deo auctore & auspice inaugurati. Frustra obtenditur Saulem sorte ad regnum vocatum, Nam vt ait perapposite Rex in sua præfatione. *Si electio per sortes non est, immediate a Deo, ergo nec Matthias, qui eodem modo ad Apostolatam promotus est a Deo immediate electus est, ex quo sequitur & illum qui sedem*

Act. i.

dem Apostolicam occupat, sine rubore non ausurum se immediate a Deo constitutum predicare: cum & Matthias ipse in locum Iudæ successit, & Apostolis annumeratus, non immediate sit electus. Hæc & plura alia in eam sententiam Rex sapientissimus, quibus demonstrat eiusdem esse impietatis negare Saulem a Deo immediate esse lectum, & negare Matthiam a Deo immediate esse allectum Apostolis; Est enim insignis super hac re Salomonis sententia Prouerborum 16. Sortes mittuntur in gremium, euentus autem est a Domino.

Quod si ad eligendos Reges, Deus vritur hominum opera non idcirco minor est regū auctoritas: non secus ac si quid Rex per facialem aut accensum denuntiat non minus dicitur esse a Rege, quam si Rex ipse coram proloqueretur. Ac profecto nihil est hoc dogmate pestilentius, nec vlla capitalior doctrina quam hæc quæ ad id vnum est comparata, vt de animis populorum euellatur reuerentia erga Reges & religiosus metus. Tolle enim hanc opinionem Regum sceptrum esse a Deo immediate, simul & funditus sustuleris omne obsequium & fidem subditorum, & per hoc pacem in rebus humanis atque concordiam. Sed interest Pontificis despiciatam habere regiam potestatem, quandoquidem ex eius ruinis Pontificia dignitas extruitur.

XIII Placet sibi Bellarminus in hoc simili quo Ecclesiasticam auctoritatem comparat spiritui, temporalem vero carni. Vnde colligit temporalem potestatem debere gubernari a spirituali, id est (vt ipse intelligit) a Papa. Egregia sane proba-

probatio. *Spiritus imperat carni, ergo Papa Regibus.* Carnis vero nomine non intelligit corpus, sed facultatem animalem & non regeneratam, per spiritum vero animum regeneratum Dei spiritu, quē Paulus solet vocare nouum hominem.

R. sp. Hoc quidem simile haberet aliquem colorem, si quemadmodum spiritus seu nouus homo semper pronus est ad bona, & nihil nisi iusta suggerit, ita potestas Ecclesiastica, nunquam iuberet praua & nulla corruptione inquinaretur. At non desunt exempla in eadem Republica optimorum Regum & pessimorum Episcoporum, ita penes Reges spiritus, penes Episcopos esset caro. Quocirca multi Reges sæpe politiam spiritualem nutantem sustentarunt, aut perturbatam ordinauerunt, aut vitiatam emendauerunt: vt Dauid, Iosaphat, Ezechias, Iosias. Nam in homine fidei, caro nunquam regit spiritum, etsi sæpe obturbat. At in Republica potestas temporalis sæpe gubernauit spiritualem, non tantum in temporalibus vt semper, sed in spiritualibus vt sæpe. 2. Quid quod hoc simile petit iugulum Bellarmini, nam quemadmodum cum caro deliquit, spiritus carnem non occidit, nec aliam in eius locum sufficit, ita nec si Rex peccauerit potest Pastor alium Regem loco eius statuere, aut regnum transferre, aut de Regis capite vel dignitate decernere. 3. Denique pars ista Christiani quæ spiritus seu nouus homo nuncupatur, additur a Deo carni vt rector & dominus, ideoque nunquam in hac vita est sine carne, vt pote ad id vnum datus vt carnem regat. At potestas spiritualis sæpe non habet Magistratus

tus temporales quos regat vt tempore Apostolorum, & sub veteri Ecclesia, & tamen erat vera potestas spiritualis. Denique dici non potest quantum claudicat hoc simile, Quæ vitia si abessent, notum est tamen similibus nihil probari.

XIV Capite 27. in Barklauium sic disputat. *Cum Papa indicat Regem vel etiam deponit, nihil agit contra ius diuinum, quoniam superior inferiorem indicat, Pastor ouem, Pater filium, Præpositus subditum.*

Resp. Multa hic petuntur, & precario supponuntur. Primo Papam esse Pastorem, Tum esse bonum pastorem. Tum reges ei esse subditos. Quæ sunt maxima *ai m u a l a*, non secus ac si quis supponeret circulum habere angulos. Fac tamen hæc ita sint. Audi Reges sunt subditi Papæ vt principi spirituali, idcirco potest eos exuere dominio temporali? Immo vero cum potestas eius sit merè spiritualis, non alias potest irrogare pœnas quam spirituales.

XV Eodem capite extremo sic loquitur. *Securus affirmo potuisse Dominum nostrum Iesum Christum tempore mortalitatis suæ, disponere de temporalibus omnibus, & Reges ac Principes Regnis Dominusque priuare, & hanc potestatem vicario suo sine dubio concessisse, vt ea vtatur quando necessarium iudicauerit ad salutem animarum.*

Syllogismus talis est,

Quamcunque potestatem habuit Christus tempore mortalitatis suæ eam reliquit Vicario suo Papæ.

At potestatem disponendi de omnibus temporalibus

poralibus. habuit Christus cum esset in terris.

Ergo, &c.

Resp. Hoc argumentum si quas habet vires, non solum probat Papam posse priuare Reges regno, sed & vita, vtrumque enim Christus pariter poterat. Sed & inde pariter posset confici Papæ datam esse a Christo potestatem suscitandi mortuos, sanandi ægros, sedandi tempestates. Maiorem igitur huius Syllogismi contendimus falsam esse ac temerariam. Et contra pertendimus Papam si esset Vicarius generalis Christi in terris, non tamen habiturum omnem potestatem quam Christus habuit, sed eam tantum qua Christus vsus est & quam diserte suis Vicariis (si qui sunt) tradiderit. At Christus nunquam vsus est hac potestate in Reges, vtroque abstinuit, nempe quia hoc quidem erat potestatis suæ, sed non muneris, quippe ad hoc non missus: vsque adeo vt in ciuili causa super eriscunda hæreditate vocatus arbiter, adesse noluerit: & subinde illud inculcasset regnum suum non esse de hoc mundo. Sed nec hinc excedens cuiquam tradidit hanc potestatem, qui in regnis adimendis & dandis vices suas obiret. Non si quis Regis est legatus aut Vicarius, parem habet auctoritatem cum Rege, sed eam solum quam Rex voluerit eum habere & certis limitibus circumscripserit. Hic ergo habemus insigne discrimen inter Christum & Papam: Quod Christus dum esset in terris vires quidem & potestatem habuerit Reges abdicandi, & regno ac vita priuandi, sed non munus, nec voluntatem vtendi

vtendi ista potestate. At Papa vires non habens, munus tamen sibi arrogat.

Adhibet Bellarminus hunc colorem: hoc fieri a Papa quando Iudicat necessarium esse ad salutem animarum, quasi vero non fuerit par necessitas, immo maior quando Imperatores Ethnici Ecclesiam ferrent, agerent, discerperent: nec tamen tunc Papæ hac potestate utebantur. An erat necessarium ad salutem animarum vt regnum Franciæ a Philippo Pulchro ad Imperatorem Germaniæ transferetur? Aut vt Rex Castillia Ferdinandus regnum Nauarræ inuaderet auctore Iulio II. in fraudem Iohannis Regis Nauarreni? Aut vt Henricus III. Pontifici additissimus regno Gallia excideret?

Interea notabit Lector quam non dissimulante, & sine circuitione Bellarminus hic asserat, *Papam posse disponere de omnibus temporalibus*, id est de omnibus fundis, pecunijs, muneribus & dignitatibus ac regnis totius orbis. Quæ quidem ab alijs miseris homuncionibus tantisper possidentur, donec Papæ visum fuerit, his erepta ad alios transferre. Hoc certe est esse absolute dominum & Regem totius mundi.

XVI Capite 21. in Barklauium Bellarminus agnoscit obsequium filiorum erga parentes, & obseruationem iuramenti & voti esse iuris diuini. Asserit tamen Papam in his dispensare, & iuramenti ac voti implendi gratiam facere: eademque potestate Papam soluere subditos sacramento fidelitatis erga Principes. Id vero quomodo fieri possit, docet exemplo a legibus ciuilibus petito.

Est (inquit) iuris naturalis a Deo confirmati, & ab Apostolis declarati: (ad Ephes. 6.) ut filij obediant parentibus & serui Dominis: & tamen filij emancipari, & serui libertate donari possunt, & per hoc fieri potest ut nec illi parentibus, nec isti dominis obedire teneantur. At Bellarminus hic frustra est: neque enim vnquam emancipantur filij, ut eis liceat, in patrem rebellare, aut alium patrem sibi eligere pulso priori. Non ergo facit hoc exemplum ad prætexendam rebellionem subditorum in Principes. Tum si quis filius aut seruus emancipatur, id fit a proprio patre aut Domino. At Papa subditos emancipat inconsultis Principibus & invitis. Sed rædet tam vana & futilia diutius persequi. Stercus fodit gladio qui cum tam putidis argumentationibus diutius confligit.

CAP. X.

Exempla a Bellarmino ex Historiis prolata, partim esse falsa, partim inutilia.



Robert Bellarminus aliquot exempla ex Historijs, quibus Papæ potestatem in Regibus abdicandis astruere conatur.

Primum exemplum est Ambrosij Mediolanensis Episcopi 1.
qui Theodosium Imperatorem excommunicauit propter eadem Thessalonica factam, eumque coegit legem ferre, ne sententiæ latæ de eade aut
M publica-

publicatione bonorum essent rata ante triginta dies a pronuntiatione sententiæ. Vnde colligit ab Episcopo posse iudicari Imperatorem, quod si ab Episcopo, quanto magis a Papa?

Resp. Hoc quidem exemplum non bona fide profertur a Cardinali, neque enim Ambrosius coegit Imperatorem hanc ferre legem, sed Imperator suadenti Ambrosio ultro assensus est. Quod si Theodosius noluisset Ambrosio hac in re obsequi, non erant in manu Ambrosij pœnæ temporales, quibus Theodosium vel cogeret, vel vlcisceretur. Post patratam Thessalonicæ cædem Imperator Ecclesia abstinuit, neque ei Ambrosius ullam pœnam nisi spirituales irrogavit. Octauo demum mense cum Imperator venisset ad Ambrosium poscens solui excommunicationis vinculum, tantum abfuit ut Ambrosius vel minaretur se soluturum subditos sacramento fidelitatis, vel ei abrogaturum Imperium, ut ultro se ad cædem offerret, sic loquens, ut refert Theodoretus, εἰς τὴν ἐξ ἐξουσίαν τῆς βασιλείας μεδίσησι, δέχομαι ἢ ἀγὼ μὲν ἡδονῆς τῶν σφαγῶν. *Si regnum flectit in tyrannidem, en me paratum occidi.* Idem vir sanctus, cum Arianī, sic volente Valentiniano, vnam de Basilicis Mediolanensis Ecclesiæ vellent occupare, & iam vela suspenderent: obstitit Ambrosius & plebs catholica, sed ea modestia quæ subditos decet, & supplicantium verbis. *Rogamus Auguste, non pugnamus. Non timemus, sed rogamus.* Denique se mactandum potius offerebat Ambrosius quam Basilicam hæreticis traderet. *Si patrimonium impetitur (inquit) innadite: si corpus, occurrā. Vultis in*
vincula

vincula rapere? vultis in mortem? voluptati est mihi.
 Tantum ergo aberat a multando Valentiniano bonis, aut parte Imperij, ut suis ipse bonis paratus esset cedere, Immo & vita: hæc habes epistola 33. Idem Præsul in Apologia David cap. 10. Rex utiq; erat David, nullis ipse legibus tenebatur: quia liberi sunt Reges a vinculis delictorum: neq; enim ullis ad pœnam vocantur legibus tunc Imperij potestate. Homini ergo non peccavit, cui non tenebatur obnoxius. Sed quamvis tutus imperio, devotione tamen ac fide erat Deo subditus. Sciebat ergo Ambrosius Reges etsi legi diuinæ subiectos, pœnis tamen ciuilibus non teneri, eosque non habere Iudicem superiorē inter homines qui eos pœnis aut abdicatione coerceat. Nec putauit minorem esse potestatem Theodosij, aut ius deterius quam Davidis.

Sed mihi videtur Bellarminus hoc exemplo plurimum suæ causæ officere, & peccare in Papæ commoda. Nam Ambrosius non erat Episcopus Romanus. Ausus est tamen stringere censuram Ecclesiasticam in Theodosium inconsulto Romano Episcopo. Qua in re si non peccauit Ambrosius, non dubium est quin idem possit quilibet Episcopus. Quod si fit, non video quid Papa plus habiturus sit quam cæteri Episcopi. Neque sane Papa hodie ferret Episcopum Parisiensem, aut Lugdunensem, qui se inscio aut non iubente Regem excommunicaret, aut Imperio exueret.

Secundum exemplum est Gregorij I. in priuilegio quod concessit Monasterio Sueffionum, S. 11
 Medardi, quod priuilegium assutum est fini epi- Exemplum
 stolarum

Stolarum Gregorij: summa priuilegij est ne possit ob crimen capitale Abbas S. Medardi deponi nisi in Concilio, vbi se sistant accusatores, quorum vnusquisque duodecim testes secum habeat. Si quis Rex contra hæc iuerit, iubetur sua dignitate priuari.

Resp. Hoc priuilegium, aio, non modo esse iniustum, sed & falsum & supposititium. Iniustitia patet, quia aduersatur Apostoli præcepto. 1. Tim. 5. 19. verantis admittere accusationem aduersus presbyterum, nisi sub duobus aut tribus testibus. Si ergo fuerint duo aut tres testes, potest admitti accusatio, & facti cognitio institui. Quod si quis non potest accusari nisi sub duodecim testibus præter accusatores, vix vnquam poterit in eum vlla moueri quæstio, aut in eius mores inquiri: cum paucissima crimina fiant sub oculis tot testium, & sæpe qui viderunt, nolint testes adesse iudicio. Neque video cur hi Abbates fruantur hoc priuilegio, alij vero non fruantur. Sed de huius priuilegij seu potius prauilegij iniustitia pluribus actum est cap. 7.

Idem priuilegium falsum esse & eumentitum multa euincunt. Ibi enim possessiones & villæ vocantur *mansæ*. Ibidem fundi dominij regij appellantur *fisci regij*. Et Sanctus Medardus vocatur *Dominus Medardus*. Denique tota oratio redolet stilum Capitularium Caroli aut Ludouici, magisque accedit ad Francicam barbariem posterioris æui quam ad Italicam venam. Quid quod isti priuilegio subscribunt Alexandrinus & Carthaginensis Episcopi, quibus non credibile est Abbati-

am Sueffionum ne de nomiue quidem notam fu-
 iſſe? An Patriarcha Alexandrinus emenſus eſt
 tot maria, vt Romam veniret & priuilegium S.
 Medardi ſubſignaret? At ſaltem delatus ei fuiſſet
 hic honos, vt inter primos ſubſcriberet, non vero
 in turba, & poſt vulgus Italorum Epiſcoporum.
 Vltimus omnium ſubſcribit Rex Theodoricus,
 tunc apprimē puer, nondum habens tunc tempo-
 ris Sueffiones ſub ſua ditione. Sed nec annus qua-
 drat, nec annotatio temporis: quæ talis eſt, *Da-
 tum VII Cal. Iunij, Anno ab incarnatione Domini
 593. Indictione XI.* falſa omnia, nam annus Chri-
 ſti 593. erat indictio decima: neque tunc tempo-
 ris mos adhuc inoleuerat numerandi per æram
 Chriſti, Neq; Epiſtolæ Gregorij per æram Chri-
 ſti vnquam notantur, ſed per indictiones.

Maxime vero arguunt falſitatem illius priui-
 legij, verba illa faſtuosa quibus Gregorius ſibi in
 Reges & regna poteſtatem arrogat, quali in manu
 eius eſſet reges ſpoliare imperio. Nihil enim tam
 alienum fuit a mente Gregorij & forma qua ſolet
 Imperatores in ſuis epiſtolis alloqui, Nam in E-
 piſtola 6. lib. 3. ſic aſſatur Mauritium. *Ego au-
 tem indignus pietatiſtue ſeruus.* Et paulo poſt *Ego
 vero hac Dominis meis loquens, quid ſum niſi puluis
 & vermis?* Ipſe ſereniſſimus Rex in Apologia pro
 iuramento fidelitatis citat Gregorium ſic loquen-
 tem Mauritio, ſuper lege quadam, ne reciperetur
 miles in Monafterium nondum expleta militia.
 Vbi poſtquam ſe indignum famulum pieratis Im-
 peratoriæ appellauit, tandem hæc ſubdit. *Ego
 quidem iſſioni ſubiectus, eam tem legem per diuerſas*

terrarum partes transmitti feci. Et quia lex ipsa omnipotenti Domino minime concordet, ecce per suggestionis mee paginam serenissimis Dominis nunciaui. Vtrobique ergo qua debui exolui, qui & Imperatori obedientiam praebeui, & pro Deo, quod sensi minime taceui. Hæc habentur Epistola 61. libri secundi.

III.
Exemplum

Succedit Gregorius II. qui (si fides Bellarmino, Leoni Imperatori Iconomacho se excommunicato prohibuit vectigalia solui ab Italis, ac proinde eum Imperij parte multauit.

Resp. Hoc exemplum si verum est, nihil tamen ad rem facit. Cum enim hæc prohibitio vectigalium contigerit anno circiter 726. a Christo: parum est auctoritatis in exemplo. Iam enim fluxerant septem sæcula a Christo nato, iam multa ab Imperatoribus erant facta improbe & in Ecclesiam iniuste: neque tamen tale quid vnquam fuerat tentatum ab Episcopis Romanis, nec tot retro seculis ausi fuerant violare iura Imperatorum, aut auertere vectigalia. Sed cum vires Imperatorum in Occidente essent fractæ, in Oriente a Sarracenis attritæ, Italiam vero totam Longobardi excepto Exarchatu Rauennæ & Ducatu Romano occuparent, & Imperatores Sarracenico bello impliciti Italiam quasi pro derelicto haberent, Papis aucta est libertas sub debilibus dominis; iidemque rerum secundarum allabente æstu subuecti, cum quærerent occasionem rebel-landi, ecce opportunè sese obtulit controuersia super imaginibus, quo colore vsus Gregorius, populos ad defectionem ab Imperatore sollicitauit, Quæ artes illi tam prosperè cesserunt vt Romam

& Italiae partem ad se traxerit, & ex Episcopo factus sit Princeps temporalis, teste Sigonio his verbis. *Ita Roma Romanusque Ducatus a Grecis ad Romanum Pontificem, propter nefandam eorum haresim impietatemque peruenit.* Nouum sane genus censuræ Pastoralis, irruptio in bona aliena, & ereptio alieni dominij. Non secus ac si presbyter in penitentiam peccati, eriperet pallium, aut secaret crumenam peccatori, Eleuant ergo auctoritatem huius exempli, fructus & opes quæ ad Papam hoc facto peruenerunt. At si Imperatorum in Italia fuissent vires integræ, Papa non modo non fuisset incentor rebellionis, sed & imagines euertisset, iubente Augusto, secutus exemplum Gregorij I. qui legem quam ipse. censebat iniustam, promulgauit tamen, vt Imperatori morem gereret, & se indignum Imperatoris seruum, ac puluerem & vermiculum (vt ante Gregorius) appellasset.

Hic tamen apprime notandum, Papam non prohibuisse vectigalia solui vt Iudicem, aut vt habentem potestatem in Imperatorem, sed vt suasorem facti & instigatorem. Nulla enim super hac re pronuntiata est sententia, aut instituta cognitio. Vis non facit ius: nec si quis facem præfert rebellionis, dicendus est id facere vt iudex, aut vt dominus, legitimam habens potestatem aliena rapiendi. Quod si Gregorius II. vi istius potestatis quam Papa sibi in Reges arrogat, sententiam condemnationis tulisset in Leonem, non modo cum Italiae vectigalibus, sed & toto imperio spoliasset. Non enim Leo magis erat Tyrannus in

Italia quam in Græcia, aut Asia, ubi in Iconolatrias asperius sæuebat. Et profecto, quanquam nostro tempore Papæ vires sunt longe maiores quam tempore Gregorij II. si tamen Rex nostro vellet adimere solam Picardiam aut Occitaniam, reliquum vero regnum ei per Papalem indulgentiam concederet, se regibus & populis ridendum sine dubio propinaret. Nec tamen ideo Gregorius post hanc rebellionem desijt se Imperatoris subditum agnoscere & profiteri. Nam Gregorius III. successor huius Gregorij Leonem suum Dominum agnoscit, & suis Epistolis annum Imperij Dominorum suorum adnotat. Extant eius duæ Epistolæ ad Bonifacium insertæ secundo tomo Conciliorum, quorum hæc est clausula, *Data 10. Cal. Decembris. Imperante Domino piissimo Augusto Leone a Deo coronato, magno Imperatore, anno decimo Imperij eius &c.* His similia habet sequens Epistola.

IIII.
Exemplum

Subijcit Bellarminus exemplum Zachariæ Pontificis, qui rogatus a primoribus Franciæ Childericum deposuit, & in eius locum Pipinum Caroli Magni patrem creari iussit.

Resp. Respondeo non magni esse momenti sitne hoc exemplum verum an falsum. Plus enim potest Dei verbum, Christi que ac Apostolorum exempla totiusque veteris Ecclesiæ per septingentos annos consensus, quam quæ a Pontificibus cœpta sunt nouissimis sæculis. Dico tamen hoc exemplum non fideliter a Bellarmino proferri. Nam antequam Pipinus, Papa suadente, regis nomen sumeret, iam re ipsa Rex erat, penesque cum erat

erat totius regni potestas. Est enim constans historicorum testimonium, Merouingios quorum Childericus ultimus fuit tunc temporis nomine tenus Reges fuisse. Aimoinus lib. 4. cap. 61. ait *Nomen tantum Regis, sed nullam potestatem Regiam habuisse.* Abbas Urspergensis in Chronico ad Annum 753. *Hildericus vero qui falso Regis nomine fungebatur, tonsa capite in Monasterium missus.* Eadem habent Sigebertus Abbas Stadenſis, Eginardus, & alij. Facile ergo fuit Pipino regis nomen larvæ umbratili eripere, & nomen sumere cum rem possideret. Titulū autē Regis assumpsit, non quidem eligente Papa, sed eligentibus Francis, Childerici vecordiam pertaxis, Papa vero suadente, non autem jubente. Testis Ado Vienneſis iſtī ſeculo proximus. *Franci (inquit) per consilium legatorum & Zacharie Pontificis, electum Pipinum sibi regem constituunt.* Trithemius in compendio Annalium, *Hildericus Rex Francorum tanquam inutilis regno, de unanimi omnium procerum consensu, Zacharia quoque Papa Romano prestante consilium, a regno deicitur.* Eadem habet Gotfridus Viterbiensis Chron. part. 17. Guaguinus in Pipino. *Per Ricardum Archiepiscopum Buturicensem & Furaldum presbyterum domesticum & familiarem requisivit consilium Pape Zacharie. Uter regum aptior esset ad gubernandam Rempublicam, &c.* Hoc vero consilium petebatur a Pipino magis dicis causa quam quod ita opus esse crederet, sed ad pellendum Childericum vel leuiculus color quærebatur. Cum enim in Gallia summa inoleuisset barbaries, & Episcopi pierique essent milites & duces

duces copiarum, iudicesque rerum civilium, nec
vlla esset in Gallijs Academia, nulla Theologia
facultas, aut cœtus Doctorum, facile Pontifex
Romanus præ cæteris eminebat, maximè cum
post recens occupatum Ducatum Romæ, non
parum creuissent eius opes, & per opes auctoritas.
At si Papa iussisset Pipinum, aut aliquem alium
Regem amatum a suis regno cedere, exceptus fu-
isset Francorum risu, nec expertus fuisset eos obse-
quentiores quam cum multis post sæculis Boni-
facius Phillippum Pulchrum, & Iulius II. Lu-
douicum XII. regno exuere conati sunt.

Exemplum Profert quoque Bellarminus capite 4. libri in
Barklauium exemplum Adriani primi, quem asse-
rit Carolo magno dignitatem Patriciatus con-
tulisse.

Quicumque nouit quæ fuerit tunc dignitas Pa-
tricij, nunquam credet hanc dignitatem a Papa
dari potuisse. Patriciorum sub Imperatoribus
Græcis summa fuit dignitas. Hi Augusto erant a
consilijs, dicebanturque Patres Imperatoris & per
hanc dignitatem patria potestate exigebantur, vt
ait Iustinianus lib. 1. Institutionum Titulo 12.
Ex constitutione nostra summa Patritiatus dignitas.
Illico Imperialibus codicillis prestitis filium a patria
potestate liberat. Idem habes in Authenticis Col-
lat. 6. Tit. 10. Cui honori non absimilis est in
Gallia dignitas Parium, in Hispania Magnatum
seu Grandium. Hic honor non poterat deferri
quoquam nisi ab ipso Imperatore. Qui enim Pa-
tricijs alligebatur, eum Imperatoria celsitudo sibi
in Patrem eligebat, vt habetur eodem Titulo.

An

An potuit Papa dare inuito Imperatori hominem qui ei esset a Consilijs, aut eius pater diceretur? Nam si hoc potuit, cur non etiam nunc eligit Pares Gallix aut Equites Periscelidis Britannix? Maximè cum Reges Gallix hodie Papis cedant, at Imperatores Romani tunc haberent Papas sibi subditos? Aut ergo historia illa falsa est, aut (quod pòtius crediderim) Patricij nomen, iam adulta inter Italos barbarie significationem perdiderat: Et per Patricium Romanum patronus aut defensor Urbis & rei Romanæ intelligebatur. Sub quo titulo Ricimer ante annos trecentos, Imperium occidentale administrauerat. Cum enim Romarum sibi præsidij esse aduersus Longobardos in Imperatore esse experiretur, Caroli Francorū Regis patrociniū sibi asciuit. Nec tantum eum voluit sibi protectorem: sed & ius eligendi Pontificem, & Ecclesiam ordinandi ei concessit; ut testatur Sigonius lib. 3. de Regno Italiæ. Itaque (inquit) *uniuerso procerum consentiente conuentu, decretem ut Carolus Patricius Romanus esset, per singulas prouincias Archiepiscopos & Episcopos institueret, ita ut nisi ab eo laudarentur & instituerentur a nemine sacrarentur. Et ut Pontificem eligeret, sedemque Apostolicam ordinaret. Eadem habeo Can. Adrianus dist. 63. Adrianus autem Papa cum uniuersa Synodo tradiderunt Carolo ius & potestatem eligendi Pontificem, & ordinandi Apostolicam sedem, dignitatem quoque Patriciatu ei contulit. Et Otto. Frisingensis lib. 1. cap. 28. Carolus acclamante populo uniuerso Patricius Romanorum appellatur. Vbi vides dignitatem istam non à Papa solo, sed*

sed a Synodo & Populo esse collatam. Et Patricij dignitatem non fuisse Patriciatum Imperij Romani, sed electum fuisse Patricium Romanorum, id est, vrbis Romanæ, vt dignitas ista tantum ad tutelam vrbis extenderetur.

VI.
Enemolum

Succedit Leo III. quem Bellarminus ait Imperium a Græcis ad Latinos transtulisse. Ex eo ait Imperatorem Germanorum teneri præstare iuramentum fidelitatis Papæ.

Ioculare sane commentum, & mira fingendi audacia. Nam quid est Imperium transferre ab vno in alterum, nisi ereptum vni, dare alteri? An ergo Leo papa exuit Irenem aut Nicephorum, Carolo *συγχρόνως*, imperio, aut imperij titulo? Fabulæ. Dicit fortasse Bellarminus, non quidem ereptum esse Imperatori Græco, Imperium Orientis, sed Occidentis: Sed neque hoc verum est, nam Imperatores Græci pridē amiserant Imperium Occidentale. Non potuit ergo ipsis eripi quod non habebant. Quod si Papa fecit Carolum Imperatorem peto an dederit ei Imperium ipsum, an titulum Imperatoris? Imperium certe non dedit, nam ex eo Carolus nihilo factus est ditior, nec teruntio vno locupletior, nec per id vlla vrbis aut prouincia in potestatem eius concessit. Restat ergo vt Leo merum titulū Imperatoris Carolo detulerit. Nempe post tam multas pugnas depugnatas, post tot labores exantlatos, post subactam Germaniam, Pannoniam, Italiam, & Hispaniæ partem, facile fuit eum vocare Imperatorem qui iam in manu sua haberet vires Imperij. Sic si noster Rex hodie subigeret Hispanias, & a Tolentino

tano Præsule Rex Hispaniæ proclamaretur, non idcirco titulum illum deberet Toletano Archiepiscopo, sed suæ virtuti. Quanquam & falsum est titulum illum a Papa delatum esse Carolo. Sed cum Romanum imperium in Occidente pro derelicto haberetur Romani proceres & populus titulum Imperatoris Carolo obtulerunt, quem vel eis inuitis capere potuisset. Sigebertus, ad annum 801. *Romani vno omnium consensu, Carolo regi Imperatorias laudes acclamant, eumq; per manus Leonis Papæ coronant Casarem & Augustum appellant.* Marianus Scotus lib 3. Chron. *Carolus hoc tempore a Romanis Augustus appellatus est.* Et Platina a Leone II. Carolum ait inauguratum populi Romani scito & precibus. Sigonius libro quarto. *Carolo Imperatorius titulus a populo confirmatus est* Onuphrius. *Senatus Populique suffragio Carolus Magnus Imperator & Augustus appellatur.* Quod si Carolus Papæ debuisset Imperium, non dubium est quin illico pedibus eius aduolutus obedientiam & fidelitatem ei iurasset, quod tantū abest vt factum sit, vt Carolus ipse fuerit a Leone adoratus Adon author illi æuo proximus, *Perfectis laudibus a Pontifice more principum antiquorum adoratus est.* Paulus Petauius vir clarissimus, in suprema curia Parisiensi Senator præfixit Chronico Eusebij, Hieronymi & Sigeberti, tractatum eruditum de Epocha incarnationis, in quo citat historicum sic loquentem. *Cum facta oratione Carolus surgeret, Leo Papa coronam capiti imposuit, & a cuncto populo acclamatum est, Carolo Augusto, a Deo coronato, Magno & Pacifico, Imperatori Ro-*

manorum vita & victoria. & post, ab Apostolico more Romanorum principum adoratus est. Fuitque tam tenuis potestas Papæ in vrbe Roma præsentis Carolo, vt non habuerit potestatem vitæ & necis in quenquam, ne quidem in eos qui Papam ipsum verberibus concisum, & lingua naribusque truncatum, indignis modis acceperant. Addit enim Ado. Hic postquam Romam ingressus Imperatoris & Augustini nomen sumpsit, iussit eos qui Pontificem Leonem tam inhoneste deponendo contumeliasauerant sibi exhiberi & questione de eis habita lege Romana, vt rei maiestatis capite damnati sunt. Pro quorum tamen vita Pontifex benignissime intercessit: Cuius precibus Imperator eis vitam & membra perdonauit, in exilium tamen pro facinoris multitudine pulsati sunt. Quid quod Ludouicus Caroli magni pronepos Imperium adeptus est Romanorum fauore, inuito Iohanne Papa, qui Imperium ad Ludouicum Balbum Franciæ Regem transferre conabatur, vt testatur Sigebertus ad annum 878. Addit Platina, in hac concertatione, Papam a Romanis captum & in vincula coniectum fuisse. Quocirca Sigebertus, agens de Imperatoribus qui Romæ imperiū susceperunt, non dicit eos a Papa coronam aut imperium sed benedictionem accepisse: vide annos 882. & 912. & 937. & 963.

Cætera exempla quæ Bellarminus attexit, Gregorij V. & Gregorij VII. &c. petita sunt ex vltimorum sæculorum fece, iam adulta tyrannide, mille & eo amplius annis post Christum: ideoque indigna sunt quæ memorentur. Nam si exempla hæc falsa sunt non debuerant a Bellarmino proferri

ferri. Si vera, quid aliud quam accusant veteres Papas vecordiae, qui gladium istum temporalem vnco appensum passi sunt per tot secula rubigine confici? Donec Gregorius aliquis arreptum strinxit, & rem per tot secula inaudita primus aggressus est? Non enim veteribus Pontificibus defuerunt occasiones, sed ius, & voluntas. At Papae recentiores quotidianis incrementis alleuati, & vbi Principum ignorantia ad res suas constabiliendas, ausi sunt tandem, quae nec credi vnquam nec expectari potuissent.

CAP. XI.

Veritas defenditur autoritate sacrae Scripturae.



Ac in controuersia si Scripturae, id est Dei, iudicio statur, tam clara est veritas, vt Solis radio scripta videatur.

I. Plena est Scriptura exemplis obsequij exhibiti non modo pijs regibus, sed & impijs & persecutoribus. Israelitae in Aegypto parebant Pharaoni, & quam Deo miraculis extraordinarijs, quali extento brachio eis opem ferente, noluerunt tamen egredi Aegypto nisi Pharaone annuente & permittente.

II. Sic cum Achaz & Manasse Reges Iuda ^{2 Reg. c. 16. & 21.} Dei cultum euertissent, & templum ipsum idolis polluisent, non idcirco Pontificum decreto hi Reges

Reges pulsi sunt, nec populus ad rebellionem instigatus.

III. Nebucadnezar Iudæam vastauerat, Ierosolyma ceperat, templum & urbem solo æquauerat, omnia cæde compleuerat, reliquias populi captiuas abduxerat, captiuos ad Idolum adorandum vi cogebat, vt habetur Danielis cap. 3. Nihilominus tamen Ieremias iubet populum ei esse subditum, cap. 27. *Submittite colla vestra iugo regis Babylonij, & seruite ei populoq; eius.* Et cap. 29. *Querite pacem eius ciuitatis ad quam ego vos transtuli, & orate Dominum pro eo, quoniam cum pace eius conuincta erit pax vestra.*

IV. Cum esset promulgatum edictum quo Iudæi omnes per totum Imperium iussu regis Assueri trucidari oportebat, promptum erat Mardocheo suadere Reginae Ester vt Regem tolleret veneno vel gladio: at illis nihil tale in mentem venit, sed potius conuersi sunt ad preces atq; ieiunium.

V. Quid tetrius Dominio Nerone, qui Ecclesiam in ipsis pene cunabulis voluit suffocare? Nihilominus Paulus Apostolus ad Rom. cap 13. com. 5. iubet Christianos *ei esse subditos non tantum ob iram, id est, metum pœne, sed & ob conscientiam.* Nempe quia vel malis Principibus obsequentem esse in rebus ciuilibus, pars est pietatis erga Deum, & conscientiam. Idem Actorum 25. vers. 11. ad Cæsarem vt ad suum legitimum iudicem prouocat. Nec toties fuissent ab eo implorata ciuitatis Romanæ iura nisi se subditum Imperatoris agnouisset, vt Rex obseruat in sua præfatione.

Nec

Nec dubium est quin causa quæ agebatur fuerit cognitionis Cæsaris cū Paulus tractus esset in ius ob crimē confectum moræ seditionis, cap 24. vers. 5. non verorantum ob controuersiam de religione, vt fingit Bellarminus.

VI. Petrus 1. Epist. cap. 2. *Subiecti estote cuius humane creature propter Dominum, siue Regit tanquam præcellenti, siue presidibus ut qui per eum mittuntur ad ultionem quidem nocentium, &c.* Mirum sanè quod Petrus iusserit Christianos obsequentes esse impio Imperatori. Cur non potius tam fœdam belluam fulmine percussam deiecit Imperio? cur non Imperium transtulit ad meliorem virum? At deerant vires, inquit Bellarminus; Nempe (si huic creditur) Petrus hortatus est Christianos ad obsequium exhibendum Principi infideli, non quod ita sentiret, sed metu, adactus: aliter loquuturus si vires adfuissent, ne quis hæc Petri documenta imputet humilitati aut fidelitati, sed necessitati. Hoc certe nescio quid possit dici improbius, aut magis ad sancti huius Apostoli contumeliam: quam malo Regi ipsius verbis quam meis refellere. Omnino (inquit) humilitatis ac patientiæ splendorem illum qui in prima illa & adhuc Oriente Ecclesia, ac præsertim sub persecutionum sententia natus, Bellarminus fœda turpiq; labe maculat, si hæc ingens Martyry & Christianæ patientiæ gloria, non demissioni animi spontaneæ, sed necessitati ascribat: quod aut viribus aut animis defecti (instar Iudeorum aut Turcicorum mancipiorum) fortioribus aduersariis cederent, contra S. S. Pauli Petrique præcepta, qui propter conscientiam

subditos esse iubent: contra illam etiam Tertulliani pro Christianis Apologiam, & antiquorum patrum apertam professionem & ubiq; repetitam. Sed bene cum illorum temporum Christianis, qui sub Imperatoribus Ethnicis degebant, actum est, quod hac noua insolensq; doctrina nondum emerferat; Alioquin funditus extirpati sublatiq; ne suis quidem malis aliquos ingemiscientes inuenissent. Cum periculosa in Repub. factio atque secta iure videri posset, que vellet parere duntaxat, donec auctis viribus Imperium excutere aut innadere potuisset. Grauiissima sane oratio, & cui Bellarminus nihil habuit quod opponeret.

VII Daniel sic affatur Regem Nebucadnezar cap. 2. com. 37. *Tu Rex Regum es, & Deus cæli regnum, potentiam, robur, & decus tibi dedit.* In eandemque sententiam Ieremias cap. 27. *Nunc autem tradidi omnes regiones istas potestati Nabucadnezar Regis Babilonis serui mei.* Concinit Paulus ad Rom. cap. 13. *Non est potestas nisi a Deo: que vero sunt potestates, ordinate sunt a Deo. Itaq; quisquis resistit potestati, Dei ordinationi resistit.* Quo loco certum est Apostolum agere de potestatibus temporalibus, addit enim, *Non frustra gladium gestat.* Et paulo post, *Propter hoc etiam vectigalia soluitis.* Constat autem nullū Apostolū tunc temporis gessisse gladium, aut exegisse vectigalia. Hæc ergo potestas si a Deo est, non potest a Papa auferri. Quod Deus dedit non est hominis eripere. Neque refert sitne hæc potestas a Deo immediatè an mediate. Nam Deo quocunq; modo iubenti obsequendum est. Si Rex aliquid per

per internuncium mihi imperat, non minus debeo obsequi quam si ipse coram mihi loqueretur. Veruntamen potestatem Regiam a Deo esse immediate abunde docuimus, cap. 9.

VIII. Quid quod ipse Christus, Mat. 22. prolato denario cui imago Cæsaris erat impressa, iubet reddere Cæsari quæ sunt Cæsaris, eique solui vectigal? quin & ipse soluit *τὸ δίδραχμα*, Mat. 17. quâvis Imperator esset Ethnicus, & ipse esset filius Dei, eoq; maior Imperatore. Tantumque abfuit a suadenda rebellionē, aut concitanda seditione, aut ferenda sententia de regnis adimendis & transferendis, vt delatum arbitrium diuidendæ hereditatulæ recusauerit. Respondet Bellarm. in Barklauium cap 3. *Imperatoris tunc temporis non coegisse Iudeos ad Idololatriam.* At iam dixi Nabucadnezar voluisse cogere Iudæos ad Idololatriam, cui tamen Ieremias voluit Iudæos esse subiectos. Idem factum a multis Imperatoribus Romanis & Regibus Persarum, in quos tamen Christiani nunquam rebellarunt. Bellarminus addit, *Imperatorem tunc nondum fuisse depositum ab vlla legitima potestate.* At quænam ista erat legitima potestas? hic tacet Cardinalis: Eum enim puduit dicere Tiberium potuisse a Pontifice Anna aut Caiapha deponi, aut Imperio exui.

IX. Habemus & regulam Matthæi 5. & særalibi, quæ iubet seruare iusiurandum, & vetat per iuria. Subditi ergo iuramento obstricti ad fidele obsequium, omnino debent liberare fidem, nec possunt vllius authoritate hoc vinculo exolui. Oportet enim maior sit Deo qui gratiam facit

obsequendi Deo. Quod si Papa fatetur hoc aut illud quidem lege Dei imperari, attamen Deum nolle sibi in hac re aut illa morem geri, quomodo poterimus scire Papam hac in re mentem Dei pernosse? & Papæ declarationi potius standum quam mandato legis diuinæ. Quonam pacto Papa nobis fidem faciet id sibi a Deo reuelatum? Nam si Papa aliquem regem odit, quid facilius ei quam fingere sibi a Deo reuelatum, non esse fidem seruandam huic regi, nec ibi habendam esse rationem legis diuinæ? Non ab simili scelere inter Canonistas disputatur an soluenda sit pecunia debita excommunicato. Habes in Glossa Causæ 15. Quæst. 6. in Canonem *Alius*, præclaram hac de re Canonistarum sententiam. *Probabiliter dici potest quod excommunicato non sit soluendum, cum nemo debeat participare cum eo.* Præclara religio. Periculum enim est ne soluendo quod debes hæticis, hæretico polluaris afflatu. At debuerat par religio eos incellere quando hæretici ijs soluant quod debent aut quauero alicuius bona rapiuntur in pœnam hæreseos.

X. Non leue est quod Christus ait *Regnum suum non esse de hoc mundo.* Ioh. 18. 36. Quæ quidem est illa præclara confessio quam Paulus 1. Tim. 6. ait factam a Christo coram Pilato, quæ quomodo possit vsurpari a Papa non video.

XI. Confer autem humilitatem Apostolorum, cum Regali splendore Pontificis. Illorum pedum cum huius triplici corona. Illos multo labore Prædicantes Euangelium, cum hoc obtinente terrenum Imperium. Illos dura passos

ab Imperatoribus, cum hoc premente pedibus ceruicem Imperatoris, & pedis ictu decutiente Imperialem coronam. Illos perdentes res suas, cum hoc inuadente alienas. Christum pendentem tributum imperatori, cum Papa capiente tributum ab Imperatore. Christum lauans pedes discipulis, cum Papa porrigente pedem osculandum regibus. Christum recusantem arbitrium de diuidenda hæreditacula, cum Papa iudicante de rebus omnibus ciuilibus. Hæc quisquis inter se contulerit, facile comperiet non serio, sed ad maius ludibrium Christi nomen, obtendi, & sub specie obeundi vices Christi in terris, Christum conspui. *Reges gentium dominantur eis, & qui obtinent potestatem in eas, benefactores vocantur, vos autem non sic.* Luc. 22. Sed hæc Christi verba iam pridem fidem amiserunt. Conferatur Epistolarum Petri simplex & zelo ardens doctrina cum tumore decretalium & Bullarum Papalium, titulos grandes, & terrificas minas crepantium. Ne viuam si nox diei magis est absimilis.

XII. Quid si Papa vicem Christi in terris sustinet, cur ea facit quibus Christus sedulo abstinent? Aut si Papæ munus latius patet quam officium quod Christus in terris habuit, proferat titulos, & instrumenta istius potestatis; doceat ubi, aut quibus sacræ scripturæ verbis data ei sit ista facultas, & in temporalia potestas. Certe de hac re in scriptura summum silentium.

CAP. XII.

Idem probatur ratione.

*Bell lib. in
Barlk. cap.
21. Di-
spensat
Pontifex
in votis &
iuramentis
qua Deus
ipse iussit
reddi, &
quorum
solutio est
de iure di-
uino.*



Rincipio mihi Bellarminus videtur causam suam aperte prodere, dum asserit Papam eadem potestate qua liberat subditos ab obedientia Principum suorum, liberare quoque filios ab obedientia parentum, & soluere matrimonia rite sociata, & dispensare in votis & iuramentis, ut loquuntur Canonistæ. Nimirum ut Reges sciant pari scelere suam dignitatem violari quo paterna authoritas, & fides coniugalis, & iurandi religio proculcatur.

II. Adde quod nihil tam dedecet iudicem spirituales & Ecclesiasticum, quam in fontem punire ob fontis culpam. At nunquam Papa eripuit regnum patri quin id fieret in fraudem filij, aut eius agnatorum. Erat Henricus infans nec paternæ culpæ affinis, quando Innocentius III regnum Iohanni ereptum dedit Philippo Galliarum regi. Quod si Henricus fuisset adultus, & culpa carens, non potuisset tamen Pontifex sine scelere, filium armare in patrem, & culpam patris punire parricidio.

III. Accedunt experimenta. Nam quotiescunque Papa voluit regnum ab uno in alterum transferre, aut frustra fuit, populis flocci facientibus bruta eius fulmina, aut nemine auso rebella-

rein suum principem : vt docent exempla Philippi Pulchri, Caroli VI. Ludouici XII. Elizabethæ Reginæ Angliæ: quibus adde Florentinos, qui diras Sixti IV. bello vlti sunt, vt narrat Volaterranus lib. 5. Gregorij. Ipse Hildebrandus, qui primus Imperatoribus hanc telam orsus est, temeritatis suæ pœnas commeritas luit, Mortuus enim est Salerni exul, ex animi ægitudine: Cumque ageiet animam, aduocauit, (vt refert Sigebertus ad annum 1085.) Cardinalem sibi præ cæteris charum, & fassus est Sancto Petro & toti Ecclesie, se valde peccasse in pastoralis cura, quæ ei ad regendum commissæ erat, & suadente diabolo contra humani genus odium & iram concitasse; Cum emisit suum confessorum ad Imperatorem, & ad totam Ecclesiam vt optaret illi indulgentiam quia finem vite sue aspiciebat. Hæc Sigebertus aut si quando eius fulmina non fuerunt irrita, tot tamen cædes, tot rapinæ, tot euersiones populorum & vrbiũ inde secutæ sunt vt Pontifices ipsos facti pœniteret, & totus orbis Christianus ingemisceret. Est enim grauissima Augustini sententia lib. 3. contra Epistolam Parmeniani cap. 2. *Non potest esse salubris multorum correptio, nisi cum ille corripitur qui non habet sociam multitudinem.* Non debuit ergo Gregorius VII. Henricum IV. nec Alexander III. Fredericum Oenobarbum excommunicare, quos tot regna, tot exercitus sequebantur. Falsum enim est quod ait Bellarminus in Barkl. c. 9. Gregorium excommunicasse Henricum solum. Verba enim formulæ anathematis, vt recitatur a Platina, hæc sunt. *Ipsum Henricum eiusque fautores*

Anathematis vinculo colligo. Denique quid iudicandum sit de regis Henrici III. abdicatione a Sixto V. horribilis per tot annos Gallia vastitas & desolatio, tot prælia, tot proditioes, regisque ipsius parricidium abunde docuit. Ne Henricum V. Imperatorem in patris sui caput & dignitatem instigatum, & patris cadauer a filio indigne habitum, & plurima eiusmodi portenta potius quam scelera consecretur.

IV. Quid quod Pontifex in hac potestate exercenda sic se gerit, ut illis ipsis quibus dat regnum alienum, manifeste illudat: & in ipso beneficio plus sit contumeliæ? Nam Papa vel dat alicui quæ iam habet: & liberalis est titulorum erga eos qui rem ipsam possident, ut fecit Pipino, & Carolo magno: eodem plane modo quo qui æris pulsu laboranti Lunæ auxiliantur, volunt credi Eclipsim desinere artis suæ ope, cum id fiat causis naturalibus. Vel dat alicui regnum alterius, sed ea lege ut id armis subigat. Quod si res non cesserit, & qui alienam possessionem attentat in cladem inciderit, & vel regnum vel vitam amiserit, non alia huius obsequij erga Papam merces quam pudor, & clades, & æternum opprobrium. Ut accidit Rudolpho Sueviæ Duci in Henricum IV. rebellanti, & pluribus alijs. Si vero res prospere cesserit (ut Carolo Andegauensi, qui auctore Papa Clemente IV. regnum Manfredi inualit) tunc Papa vult haberi pro dono, quod qui debet suæ fortitudini, & inuasor alieni regni ex eo fit Papæ cliens, & feudatarius, & tributo obnoxius. Nam ante Carolum Andegauensem, Regnum Neapolitanum,

Anno
Cor. I: 67.

Neapolitanum, non pendebat tributum Pontifici. Durius actum cum Philippo Augusto, cui *Math.*
Innocentius III. dedit Angliæ regnum. Con- *Paris.*
scripserat Rex ingentes copias, classem maximam
instruxerat, iamque instabat dies profectionis,
cum Papa misso propere legato vetat Philippum
Gallia excedere, & quod ei dederat, eripit: Labo-
ris merces nulla, sumptuum nulla restitutio. Sic
nostris Regibus illudebatur. Rem sanè fecerit
iustam, qui tali dono auctus a Papa, ei reposuerit
par beneficium, eique vicissim dederit dignitatem
Abuna Abyssini, aut Caliphæ Babilonij.

V. Est quoque familiare Pontificibus, si in
Imperatoris inauguratione præfuerint cærimo-
niæ, & coronam imposuerint nouo Principi, glo-
riari se ei Regnum aut Imperium detulisse. Quod
si iure sibi arrogat, dicendum est Hostiensem E-
piscopum dedisse Papatum Episcopo Romano,
quia ad eum consecratio & coronatio Papæ diu
pertinuit. Aut Episcopos Mediolanenses dedisse
Imperatoribus regnum Italiæ, quia coronatio eo-
rum in Reges Italiæ diu fuit muneris Mediola-
nensis Episcopi.

VI. His adde quod notum est omnibus, &
docet sensus communis, neminem posse dare quæ
non habet. Quomodo ergo Papa potest dare
quæ non sunt sua? An Christo recusante regna ei
oblata. *Math. 4. vers. 9.* Papa conditionem ac-
cepit? Sic Bellarminus dicit Hiberniam datam
esse Regibus Angliæ a Pontifice; at non dicit quis
Hiberniam dederit Pontifici. Bella vero a Regi-
bus Angliæ gesta in ista insula, & fractos tot præ-
lijs

lijs indigenas pro nihilo computat. Mirum vero ni & ipsam Angliam Papa Regibus dono dederit.

VII. Id quoque scire velim, si Rex innocens Papali fulmine fuerit contactus, regnoque excussus, & rex sibi factam iniuriam conqueratur, quis futurus sit Iudex in hac disceptatione? An Papa erit actor & iudex? Et cum ex Regum abdicatone tantum emolumentum ad Papam perveniat, quippe cum per id fiat Rex regum, & regna fiant sua dona, an æquum est ut ipse sit iudex in sua causa? Maxime cum Bellarminus fateatur Papam posse errare in questione facti, ac proinde etiam iniuste iudicare, quandoquidem ex factis iura nascuntur? Quæro ergo an Rex iniuste damnatus, possit aut debeat opponere se iniustæ damnationi, & possit invito Papa regnum retinere. Bellarminus negat cap. 31. in Barkl. *Quod autem dicis iniustam sententiam non ledere eum in quem fertur, verum est quando is in quem fertur, eam humiliter tolerat & observat, donec iustitia vel potius nullitas eius manifeste se prodatur.* Clementer sane & erga Regem benigne, cui non nocebit iniusta sententia abdicationis & excommunicationis dummodo regno patienter cedat & expectet donec inuasor regni, cognita iniustitia sententiæ, eum reuocet & ultro invito solio collocet, sic enim bona fide res geruntur inter Principes. Similia habes cap. 17. in Barkl. *Si forte Princeps spiritualis abutatur potestate sua iniuste excommunicando temporalem Principem, vel eius subditos sine iusta causa ab obedientia eius absolviendo, & eo modo perturbet statum Reipublice temporalis:*

poralis : peccabit princeps spiritualis, sed non poterit tamen Princeps temporalis iudicium sibi sumere de temporalibus rebus. Proh Dei atque hominum fidem ! Huccine res Regum rediisse, ut durior sit eorum conditio quam seruulorum aut mercenariorum quibus datur actio in dominos, si fuerint pacta mercede fraudati ? Nimirum Papa est omni exceptione maior, nec in eum quantumlibet iniuste iudicantem fas est hiscere. At constans semper fuit omnium bonorum sententia ; Iniustam sententiam Pastoris non nocere condemnato, & gladium spiritualem mucrone arreptum lœdere solum tractantem. Augustinus sermone 16. de verbis Domini. *Cœpisti habere fratrem tuum tanquam publicanum, ligas eum in terra, sed ut iniuste alliges vide. Nam iniusta vincula dirumpit iustitia.* Causa 11. Quæst. 3. Can. Cui est. *Si sententia iniusta est tanto curare eam non debet quanto apud Deum & Ecclesiam neminem potest gravare iniqua sententia.* Et Can. Temerarium, *Temerarium iudicium plerumq; nihil nocet ei de quo temere indicatur, ei autem qui temere indicat, ipsa temeritas necesse est ut noceat.* Et Canone sequenti. *Quid obest homini quod ex illa tabula vult eum delere humana ignorantia, si de libro viventium non deleat iniqua conscientia ?* Et mox senti de Augustino quicquid libet, sola me in oculis Dei conscientia non accuset. Hæc omnia ex Augustino. Quocirca Ludouicus noster XII. & ante eum Philippus Pulcher ausi sunt contra hoc fulmen oppedere, & in ipsum Papam maiori vi retorque: Vterq; enim effecit ut Papa frequenti Episcoporum suorum conuentu hæreticus pronuntiaretur.

VIII. Neque vero video cur sententia *Nulla* non lædat, at *Iniusta* lædat, cum sæpe iniustitia sit nullitate deterior. Nam nullitas nascitur ex defectu formæ & ordinis legitimi, & sæpe fit ut sententia *nulla*, quod ad rem ipsam sit iusta & æqua, sed inualida. At iniustitia nunquam est sine scelere, nec qualibet formalitate addita potest fieri iusta, quod de sententia *nulla* dici non potest.

IX. Mirum vero cur Papa sibi plus iuris sumpserit in Reges & Principes quàm in priuatos. Nam si pater male educat liberos, aut si dominus in seruos sæuit inclementius, non idcirco Papa iubet eos rebellare in patrem aut dominum. Tum si quis e populo peccauerit, non solet Pastor illum exuere patrimonio, aut fundis, aut domo. Dicit quidem Bellarminus cap. 3. in Barklauium, posse priuatos homines cogi ab Episcopis in foro exteriori,* & multari pœna pecuniaria, vel etiam carceribus mancipari, idque ait sancitum a Concilio Tridentino Sess. 25 cap. 3. Sed hæc sanctio non nititur authoritate Scripturæ, & ab ipsis Pontificijs exploditur: nec in Gallia obseruatur. Nec quidquam est tam abhorrens ab Apostolica illa simplicitate quam castigatio peccatorum per multas pecuniarias, aut carcerem, aut pignoris-captationem. Nec credibile Tridentinos patres voluisse hoc decretum in omnes laicos extendi, sed in eos tantum qui subsunt Episcopis in temporalibus. Hinc liquet Papam putauisse suæ esse dignitatis præcipue sœuire in Reges, quia horum casu potestas Papalis in immensum attollitur, nam hoc pacto coronæ & sceptrum fiunt dona,

&

* Concilii-
is Latera-
mensis sub
Leone X.
Sessione IX
multat
blasphē-
mantem
multa 27
denatoriū.

& missilia Pontificis.

X Qualis cuiusque potestas tales pœnæ quas infligit ; At Papæ potestas, fatente Bellarmino, spiritualis est, non autem temporalis. Ergo pœnæ quas infligit debent esse spiriruales, non vero temporales.

XI. Immo si fingamus Papam esse caput Ecclesiæ, eoque Regibus superiorem, oportet eius potestas sit superior regali in eadem specie potestatis, id est quatenus est caput Ecclesiæ, & Episcoporum princeps, non vero quatenus Dominus rerum temporalium, seu directe seu indirecte. Non si in naui regenda nauclerus plus habet potestatis quam princeps qui vehitur, idcirco principi reliquisque vectoribus in cæteris imperat. Erit ergo Papa superior Principe in rebus Ecclesiasticis, non vero in temporalibus. Nec dissimulat ipse Papa Innocentius III. Cap. *Per venerabilem, Qui filij sunt legitimi*, ubi non modo ait Regem non habere superiorem temporalem, sed ait *Regem non habere superiorem in temporalibus*.

XII. Denique hæc doctrina reddit religionem Christianam Principibus odiosam, quippe quæ per hoc dogma fit incentiuium seditionis, & occasio rebellandi. Tum si Rex Ethnicus fidem Christianam amplectatur, hoc ipso diminuitur capite, & cogitur agnoscere dominum in temporalibus, & precario tantum, & ad nutum Pontificis imperare, pellendus illico regno si quid contra Papam aut religionem Romanam peccaue- rit. Per pauci sane erunt Principes qui sub his conditionibus volent se ad Ecclesiam aggregare.

CAP.

CAP. XIII.

Idem probatur testimonijs veteris Ecclesiæ.



Quod si statur testimonio Antiquitatis, quæstio hæc penitus est profligata, vel fatente ipso Bellarmino, quia Barklaio prouocatus ad iudicium antiquitatis, cum non haberet quo se tueretur, sic declinat iudicium. *Non recte (inquit) de Ecclesia Christi sentit qui nihil admittit, nisi quod expresse in veteri Ecclesia scriptum aut factum esse legit, quasi Ecclesia posterioris temporis aut desierit esse Ecclesia, aut facultatem non habeat explicandi & declarandi, CONSTITVENDI etiam & iubendi, que ad fidem & mores pertinent.* Quapropter cum in frontem libri sui magnam multitudinem authorum profefacientium congesserit, antiquissimus tamen eorum est Gregorius VII. qui primus anno Christi 1076. in Imperatorem ferale carmen occinere ausus est. Hæc est illa præclara antiquitas qua nititur Papæ potestas in temporalibus. Habemus ergo hic non modo confidentem reum: sed & conuellentem quæcunque ex Scriptura & Patribus in sua scripta congescit. Nam quid opus est deinceps conquirere loca scripturæ, aut scrutari Patres aut Concilia vetera si sufficit solam authoritatem Romanæ Ecclesiæ posterioris æui obtrudere? aut si ad tuendam Papæ authoritatem, nuperi authores & Papæ mancipia sunt testes idonei?

At

At si rem volueris a prima memoria repetere, inuenies veritatem tam claram & perspicuam, vt vel nolentibus oculos feriat. Ecclesia enim per annos fere trecentos passa est sub Imperatoribus Ethnicis decem persecutiones grauissimas, neque tamen vllus Episcoporum Christianos ad rebel- landum instigauit, nec Pontifex Romanus vn- quam cogitauit de abrogando Cæsaribus Impe- rio. De summa illa Papæ potestate in tempora- lia, aut de regnorum translatione nulla apud vete- res mentio. Neque vero id factum quia deerant vires, vult Bellarminus: erat enim tunc tempo- ris maxima pars orbis Christiana. Testis Tertul- lianus Apologetici. cap. 37: *Si (inquit) hostes ex- ternos, non tantum vindices occultos agere vellemus, deesset nobis vis numerorum & copiarum? Plures ni- mirum Mauri, & Marcomanni, ipsiq; Parthi, vel quantacunq;, vnius tamen loci & suorum finium gentes quam totius orbis? Hesterni sumus & vestra omnia impleuimus, vrbes, insulas, castella, municipia, conci- liabula, castra ipsa, tribus, decurias, palatium, sena- tum, forum. Sola vobis relinquimus templa. Et pau- lo post. Sit tanta vis hominum in aliquem orbis remo- ti sinum abruptissemus a vobis, suffudisset vniq; domi- nationem vestram tot qualicunq; ciuium amissio, im- mo & ipsa destitutione punisset. Proculdubio expa- niscetis ad solitudinem vestram, ad silentium rerum; & stuporem quemdam quasi mortue vrbis: quæsisse- tis quibus in ea Imperassetis. Similia dicit Cypria- nus ad Demetrianum. Nemo nostrorum quando ap- prehenditur reluctatur, nec se aduersus iniustam vio- lentiam vestram, quamuis nimis & copiosus sit popu-
lus*

Ius ulciscitur. Sic nec Christiani in Perside vnquam rebellarunt aduersus Reges Persas immaniter saeuientes. Nec Orthodoxi in Africa aduersus Reges Vandalos Arianos, Nec quisquam eorum vnquam mouit quæstionem, an fides sit seruanda Regi hæretico, aut an Rex a Papa non probatus iure possit exigi regno, aut occidi. Constantius erat Arianus, in quem tamen Liberius Episcopus Romanus nunquam intorsit fulmen, nec aliquem alium imperio induit, sed iubente Constantio, Berocam Thraciæ in exilium concessit, obtulit ei Constantius in viaticum (vt ait Theodoretus lib. 2. c. 16.) *πεντακοσίαις ἐλοχρίαις*: quos bonus Papa recusauit; tanta fuit Episcoporum Romanorum illo æuo, tum tenuitas tum innocentia.

Interpres
vertit

quingentos
solidos.

Constantio successit Iulianus, qui nihil intentatum reliquit quo Ecclesiam pessundaret. De quo Baronius ad annum Christi 361. Primo ait eum voluisse sibi Christianorum animos conciliare, quippe quorum magnæ vires essent. Hic lege sanxit vt omnes milites sacrificarent idolis, eiurarentque vel Christi fidem, vel cingulum. Sane si vnquã licuit religionis causa rebellare in Principem, non alia potuit dari causa iustior quam hæc fuit. Neque vnquam maior fuit facilitas rebellandi, cum totum ferme imperium esset Christianum, & eius exercitus maxima ex parte constaret militibus Christianis, vt testantur Ruffinus lib. 2. cap. 1. Theodoretus lib. 4. cap. 1. Socrates lib. 2. cap. 19. Enimvero perempto Iuliano, exercitus ad Iouianum Principem Christianum detulit imperium. Quod ille cum recusaret, causatus

se cum Christianus esset nolle Ethnicis imperare, exercitus frequens vno ore conclamavit. *Et nos Christiani sumus.* Versabatur ergo Iulianus inter manus, inter tela Christianorum: Sed cum texit Imperij religio, & sacrum nomen Imperatoris, quod nefas est a subdito attentari. Nempe (ut habet Canon Iulianus, Causa 11. Quæst. 3. ex Ambrosio) Iulianus Imperator quamvis esset Apostata habuit tamen sub se Christianos milites, quibus cum dicebat producite aciem cum defensione Reip. obediebant ei; cum autem diceret eis producite arma in Christianos, tunc cognoscebant Imperatorem cæli. Augustinus in Psalmum 124. de iisdem militibus Iuliani, hoc ait. *Milites Christiani serui erunt Imperatori infideli.* Vbi veniebat ad causam Christi, non agnoscebant nisi illum qui in celo erat. Quando volebat ut idola colerent, ut thurificarent, proponebant illi Deum. Quando autem dicebat producite aciem ite contra illam gentem statim obtemperabant. Distinguebant dominum eternum a domino temporali, & tamen subditi erant, propter Dominum eternum, etiam domino temporali. Idem Pater paulo ante dixerat. *Aliquando iniusti perueniunt ad honores sæculi, cum peruenerint & facti fuerint vel iudices, vel reges, quia hoc facit Deus propter disciplinam plebis sue, propter disciplinam populi sui, non potest fieri nisi ut exhibeatur illis honor debitus potestati.* Nimirum velle de Dei manibus eripere fulmen aut flagellum, & legitimum Regem asperius regantem velle de medio tollere, par est crimen, & non absimilis audacia.

His exemplis adde Valentem Arianum & persecutorem cuius cum populus, Duces, officialesque Palatini, maxima ex parte essent Orthodoxi, nun-

quam

quam tamen populi aut prócerum religio in superstitutionem cessit.

De Ambrosij obsequio erga Valentinianum Arianum abunde diximus cap. 10. quibus adde eiusdem Ambrosij sententiam, in oratione contra Auxentium quæ est inter Epistolas libri 5. *Volens nunquam ius deferam, coactus repugnare non novi. Dolere potero, potero flere, potero gemere, aduersus arma, milites, Gotthos quoq, lacryma mea arma sunt. Talia enim munimenta sunt sacerdotis. Aliiter nec debeo nec possum resistere.* Vides Ambrosium non modo non potuisse, sed nec debuisse aliter resistere quam precibus & lacrymis, ne Bellarminus dicat Ambrosio vires, sed non voluntatem defuisse.

Sub idem tempus Maximus Tyrannus, fide Orthodoxus in Gratianum, mox & in Valentinianum Imperatorem Arianum arma mouet : Iam superauerat Alpes, iam Valentinianum Gallia & Britannia imperio exuerat, princeps alioqui fortis, & Catholicus. Non tamen idcirco Catholici a Valentiniano defecerunt, aut in eum rebellarunt. Immo vero, Valentinianus a Theodosio Orthodoxo in Imperium restitutus est, cæso ad Aquileam Maximo, quæ res Valentiniano fuit utilis & ad deponendam hæresim, & ad recuperandum Imperium.

Insignis vero est locus Gregorij I. citatus a Rege in Apologia Iuramenti ex Epist. 1. lib. 7. ubi sic loquitur. *Si in morte vel Longobardorum me miscere voluissem, hodie Longobardorum gens, nec regem, nec duces, nec comites haberet : atq, in summa*
confusione

confusione esset diuisa, sed quia Deum timeo in mortem cuiuslibet hominis me miscere formido. Vides Gregorio fuisse facultatem perdendi regnum Longobardorum Ecclesiæ Romanæ infestum, quo tamen conatu abstinuit, ne Deum offenderet.

Denique in re tam perspicua superflua est diligentia: Nam quæ alia turpior potest inuri macula priscis Episcopis & populo Christiano, quam si credatur obsequium illud delatum principibus fuisse simulatum? & ascribendum non virtuti, sed necessitati? Ergo si quæ extant in eorum scriptis sententiæ, testantes obsequium & reuerentiam erga Principes, putandæ erunt fictæ, & extortæ metu, mentieturque Gregorius I. quando Mauricium non modo appellat Dominum, sed & *Dominum suum*, & fatetur se eius iussioni esse subiectum.

Neq; vero credibile est Christum dedisse Ecclesiæ potestatem quæ per tot sæcula torperet inutilis: quemadmodum si cui darem ensẽ quem nefas esset nisi post mille annos stringere. Multo minus credibile est tunc primum datam Ecclesiæ Romanæ facultatem vtendi hac potestate quando interciderunt virtutes, finemque probitatis fuisse initium legitimæ potentie. Nam iam ante Gregorij VII. tempora, collapsam omnẽ Romanæ Ecclesiæ disciplinam: & omnia luxu, ambitione, auaritia, ac libidine corrupta testantur historia, & Baronius ipse lamentatur.

Quod si olim Pontifici Romano in abdicandis principibus non voluntas sed vires defuerunt, dari posset aliquis Papa qui se hoc iure fraudari conquiretur, aut qui causam diceret cur aduer-

sis Ecclesiæ temporibus abstineret potestate sibi a Christo concessa. Aut extaret aliquod exemplum alicuius qui Papam cunctantem hortatus esset ad stringendum mucronem temporalem, & liberandam Ecclesiam tyrannide.

Cur autem cum Deus misertus Ecclesiæ dedit Imperatores Christianos & bonos, Constantinum, Gratianum, Valentinianos, Theodosios, Romani Pontifices non renouarunt ius illud suum intermortuum? & non cauerunt ne potestas illa regna dandi & Imperatores abdicandi obliuione oblitteraretur? Cur non significarunt Imperatoribus clementibus & pijs, se quidem nondum vsos potestate data a Christo, sic poscentibus rebus Ecclesiæ, at nunc rebus aliter constitutis, velle se porro vti suo iure? ne forte veteris Ecclesiæ imbecillitas ipsis esset fraudi, aut consuetudo præscriptionem induceret?

Quod si vires faciunt ius, & hæc non licent nisi cum possunt fieri, cur Papa ausus est Philippo Pulchro regnum abrogare? cur Ludouico XII. Cur Henrico VIII. Regi Angliæ, cur Elizabethæ Reginae, in quibus amburendis fulmine, Papa vires suas Imbecillas expertus est?

Denique tempus ipsum quo Papa primum ausus est dare regna, & adimere plane euincit captam ab eo occasionem ex attritis Imperij Romani viribus, quibus stantibus & integris, nunquam ausus fuisset concipere animo tantos spiritus. Sed quemadmodum ad casum proceræ arboris concurratur, & sibi quisque quod potest securi amputat, ita de imperio prostrato Papa quod potuit ad se

se traxit, & sedem suam quantum potuit Imperialibus titulis induit, vt postea docebitur.

Aduersus tantum totius vetustatis consensum Bellarminus vnum Gregorij Nazianzeni locum obtendit, ex oratione *ὁ εἰς πολιτάρχους Ναζιανζοῦ ἀγωνιῶντας*, vbi Gregorius Magistratum sic alloquitur.

ὁ τῷ Χριστῷ νόμῳ ὑποτάσσιν ὑμᾶς τῇ ἐμῇ δουλείᾳ, καὶ τοῖς ἐμῶν βήμασι, ἀρχαῖς καὶ αὐτοῖς. προσέφη δὲ ὅτι καὶ τὸν μαρζονα καὶ τελιοτίαν ἀρχαί: ἢ δὲ τὸ πᾶν ὑποχωρήσαι τῇ σαρκί: &c. Responsio in promptu est, Gregorio quidem principatum spiritualem visum esse digniorem principatu temporali, At non idcirco putauit principatum spiritualem imperare temporali in temporalibus. Non si Theologus dignior est milite, idcirco Theologia militiæ imperat. Sed Bellarminus dissimulat verba Gregorij præcedentia, quæ sic habent. *Ἦνα ἐστὶν (inquirit) de nostris legibus optime constitutis a spiritu, qui possibile cum honesto probauit & lege sanxit, ut quemadmodum seruieris, & uxores viris, ut domina, & discipuli pastoribus & doctores, ita & subijciamur omnibus potestatibus, supereminentibus, non tantum ob iram, sed & ob conscientiam, quippe ὑποτακτικῶς φόρου vectigales & tributo obnoxii.* Quid quod vita Gregorij operibus eius præfixa testatur eum quamuis Episcopum, ab Arianis * tractum ad tribunal consulare; vnde dimissus *μεστῶν καὶ αἰκίας χαρῆς* sine verberibus & ignominia. Vnde constat eum poenæ corporalis periculum adiuisse? Tantum absuit ab Imperatoribus aut Magistratibus exauctorandis, vir zelo quidem ardens, sed quem humilitate & modestia temperabat.

*Lex Christi
si subijcit
nos meæ
potestati,
& meæ
dignam
& nos
principatum
gerimus;
ad
dignam
etiam
maiores
& perfectiores
principatus
An oportet
spiritui
cedere
carni. &c.*

** συνελθόντες
ἐμὲ καὶ
αὐτὸν πρὸς
τὸν ὑπατα-
χὸν παρ-
έστησαν βή-
ματι.*

CAP. XIII.

Imperatores Romanos, & Reges Italiæ habuisse potestatem in caput, fortunas, & sedem Pontificis Romani. Papam non ita pridem cepisse Romam possidere sub titulo supremi Principis.



Constantinus, pace Ecclesijs parta, Episcopos liberaliter habuit, Nec dubium est quin Episcopum Romanum pari munificentia sit prosecutus quæ cæteros. At quo usque se extenderit eius liberalitas non satis constat. Nam Donatio Constantini quæ habetur. Dist. 96. Can. *Constantinus*, tam stolidè conficta est, ut nemini possit imponere; nisi qui ultro vult decipi.

1 In ea Constantinus dat Papæ imperium totius occidentis, Romam, Italiam, Hispaniam, &c. diadema aureum, collare Imperatorium, sceptrum imperiale, turmam equitum præcedentem, clerum in equis albis, & quæ piget referre: Res sane quas nec Constantinus dare potuit, nec Papa unquam possedit, nec oblatas recusavit.

2 Eiusdem farinæ sunt fabulæ ibi insertæ de lepra Constantini, de balneo ex puerorum sanguine, de duodecim terræ cophinis Constantini humeris in templi ædificationem illatis, De Constantino baptisato a Sylvestro: Eum enim baptisatum esse sub mortis tempus Nicodemix ab Eusebio Nicomediensi constans est veterum historicorum testimonium Eusebij lib. 4. de vita Constantini cap.

cap. 62. Hieronymi in Chronico. Socratis lib. 1. cap. ult. Theodoret. lib. 1. cap. 31. Ambrosij de obitu Theodosij.

3 Quid quod in bella ista donatione fit mentio Satraparum Constantini, cum Satrapæ nomen semper fuerit Romanis auribus insolens. Nonsecus ac si Augusti Cæsaris Marescallos, aut Alexandri Comites stabuli diceres.

4 Tale est quod Ibidem dicitur donatio ista facta de sententia totius Senatus, quem tamen Ethnicum fuisse non modo imperante Constantino, sed & vsque ad tempora Gratiani, Theodosij & Arcadij euincunt Epistolæ Symmachi ad hos Imperatores.

5 Æque absurdum est quod Constantinus ibi tribuit Episcopo Romano principatum in quatuor præcipuas sedes, Antiochiam, Alexandriam, Ierosolyma, Constantinopolim; Nam sub Syluestro, ne Constantinopolis quidem erat, nec Episcopus Byzantinus viuo Constantino Patriarchæ *αἰθια* vnquam obtinuit.

6 Clauduntur hæc figmenta diro anathemate quo addicitur cruciatibus inferni quisquis cōtra hæc ierit. Ergo Constantinus ipse se hac execratione induit, dum Romam & Occidentis Imperium filio Constantino reliquit testamento. Immo per hoc anathema quotquot Imperatores & Reges ex eo Italiam tenuerunt, ipsique Reges Galliæ & Hispaniæ quotquot fuerunt præcipitantur in Tartara, vtpote qui possederunt & possident partem Occidentalis Imperij.

7 Et ne quid desit ad summam vecordiam,

dicitur donatio illa facta Consulatu quarto Constantini filij & Gallicani quos nunquam vna fuisse Consules docet Chronicon Ammiani, Cassiodorus in Chronico, Onuphrius iu Fastis.

8 Nempe hæc pari acumine & fide conficta sunt, quo dicitur eadem donatio facta sub Melchiade Siluestri decessore, plusculis annis antequam Constantinus fieret Christianus. Causa 12. q. 1. can. *futuram*.

Nimirum hæc plane conficta sunt in nostrorum Regum fraudem & contumeliam, ne Papa eis quicquam debere crederetur. Nam quicquid Papa possidet in Italia, beneficium est Pipini, Caroli Magni, & Ludouici pij: sed auctor istius præclaræ donationis, voluit altius ducto canali hoc beneficium aliunde deriuare, & eius memoriam auertere. Quæ iniuria ferenda esset, nisi Papa ad tanti beneficii mercedem Francos quotidie emungeret argento, Reges ipsos exauctoraret ad libitum, & diris ac fulminibus in Regum capita intonans, cædibus & seditionibus Galliam impleret, vsque adeo vt Iulius II. bellum mouens in Ludouicum XII. plenam indulgentiam proposuerit cui libet qui Gallum occideret. Sic agens vt qui securi amputat ramos arboris cuius fructus carpsit, & cuius vmbra recreatus est. Nota est, Ludouici Pij erga sedem Romanam immensa liberalitas: cuius immemor Gregorius Papa, filios aduersus optimū patrē rebellantes summo scelere adiuuit. Vt testatur Sigebertus ad annū 832. *Gregorius Papa in Galliam veniens, contra Imperatorem cum filiis agebat.*

Non

Non possum tamen non mirari, quo modo pontifices se hac donatione tueantur, quæ eis plurimum obest. Nam si primatū suum habent dono Constantini, qua fronte audent eam asserere ex verbo diuino?

His laruis disiectis quæ aditum obsidebant, historiæ filum persequamur. Augustinus Epistola 162. & Eusebius historiæ lib. 10. cap. 5. referunt Donatistas postulasse a Constantino cognitores suæ causæ. Ille autem dedit Miltiadem Episcopum Romanum, Rheticum, Maternum, & Marinum, quibus iudicibus Donatistæ causa ceciderunt. At illis factam sibi iniuriam clamantibus, Imperator voluit de eorum causa iterum cognosci in ampliori cœtu: quod & factum Arelatis frequenti Synodo. Neque vero Episcopus Romanus conquestus est latam a se sententiam retractari, aut iniuste facere Constantinū, qui vellet a Papæ Iudicio ad aliorum Episcoporum iudicium prouocari.

Constantini filius Constantius Liberium Pontificem exuit Episcopatu, & Beræum iussit deportari, suffecto in eius locū Felice. Fuit quidem Constantius Arianus & Liberium Athanasio patrocinantem oderat. Sed non ideo damnatur a veteribus quod in Papam sibi assumeret potestatem, sed quod rectæ fidei aduersaretur. Quod si Liberius tunc fuisset Arianus, nemo illum iniuste ab Imperatore pulsum conquestus fuisset.

Sub Valentiniano Primo, anno Christi 367. Damasus & Ursicinus Episcopatum Romanum
pari

pari contentione ambiebant : Eumque vterque suum riualem supplantare summâ ope niteretur, tandem mota seditione ad arma concursus est ; Vno die centum triginta septem reperta sunt cadauera peremptorum. Nec finis fuit, donec Damasus victor Episcopatum obtinuit, vt refert Ammianus historix lib. 27. Non multo post Honorius vt talibus in posterum seditionibus iret obuiam, legem sanxit quæ habetur Canone : *Si duo forte Dist. 79. verba legis sunt, Si duo forte contra fas temeritate concertantium fuerint ordinati nullum ex eis futurum Sacerdotem permittimus.* Ipse Bonifacius Episcopus ad eundem Honorium his verbis scribit. *Precamur sacra causa religionis, vt in vrbe vestra mansuetudinis, hoc animo quo postulatis & annuitis, in perpetuum Statui vniuersalis Ecclesie consulatis.* Quæ sane fidem faciunt quæ fuerit Imperatoris in Episcopum Romanum & Ecclesiam Romanam potestas, vel fatente ipso Pontifice.

Anno Christi 420. hinc Bonifacius, illinc Eulalius cõtrarijs populi studijs eliguntur in Papas. Quod vbi renuntiatum esset Honorio qui tunc Chediolani agebat, vtrunque vrbe pellit : mox tamen Bonifacium reuocatum in sedem restituit. Platina, Sigebertus, & alij.

Anno Christi 451. conuocata est Synodus Chalcedonenfis iussu Theodosij iunioris, post etiam Martiani Imperatoris frustra rogante Leone I. Papa Romano vt in Italia congregaretur. Vt testatur Leonis Epistola 123. At non placuit Imperatori, iussusque est Leo venire Chalcedonem, aut Legatos mittere. Missi Pefchalinus & Lucen-

tius, qui quotiescunque alloquuntur, præsidēs & Patricios quos Martianus voluit Synodo præsidere, non aliter loquuntur, ac subditi, & pēdentes ab Imperio præsidū. Sic Actione 16. locuturi veniā sic præfantur. *Si imperat magnificentia vestra habemus quadam referre vobis. Gloriosissimi Iudices dixerunt, quod vultis dicite.* Idem Legati addunt, *Hesternā die post quā potestas vestra surrexit, & humilitas nostra vestigia vestra secuta est, &c.* Quanta igitur demissione vñ essent erga ipsum Imperatorem?

Non multis post Honorium annis Heruli duce Odoacre, mox Gotthi inuasunt regnum Italiæ sub Rege Theodorico qui Ioannem I. Papam legatum misit ad Iustinianum Imperatorem, reuersum re male gesta in carcere necauit.

Habes apud Cassiodorum plurimas Epistolas Regis Theodorici ad Senatum & populum Romanum in quibus res vrbs ad libitum ordinat: Præfecto vrbs, & Vicario vrbs Romæ formulam administrationis præscribit lib. 6. & 7. Variarum: Episcopo Romano insuper habito, cuius inter tam multas ad Senatum Romanum & Præfectos vrbs, & Vicarios, epistolas, nulla mentio. Vnde patet regimen vrbs ad Episcopum tunc non pertinuisse. Hoc Theodorico regnante Anastasius Papa moritur anno Christi 498. Riuales duo Symmachus & Laurentius de Episcopatu usque ad cædes & rapinas contenderunt. Quibus malis vt occurreretur, vterque ad Theodoricum Regem, quamuis Arianum, profectus est, qui Symmachum, vt prius electum, Pontificem esse iussit. Sed hic paulo post multorum scelerum co-

ram

An. 496. **ram** Theodoro arcessitus vadimonium obijit, **Misit** Rex cognitorem Petrum Altinæ ciuitatis Episcopum, quem Sigebertus vocat visitatorem sedis Apostolicæ. Testes Anastasius, Diaconus, Liber Pontificalis, Platina, & alij. Tantaque erat Papæ tunc temporis tenuitas, vt tertio Synodus Romana sub Symmacho cap. 4. adimat Papæ potestatem alienandi vel commutandi vnicum exiguum prædiolum.

Anno 525. cum Iustinianus in Arianos sæuisset, eaque res Theodoricum male haberet, Iohannes Papa a Theodoro legatus ad Iustinianum mittitur, paruit Pontifex, & Theodoro iubente pro Arianis intercessit. Eundem Theodoricus in Italiam reuersum in carcere necauit, Anastasius, Platina, liber Pontificalis, &c.

Theodoro mortuo succedit Athalaricus puer, qui Iohannem Episcopum Romanum impense coluit, vt testatur eius Epistola quæ est 24. libri 8. Variarum Cassiodori. Vbi vetat clericum Romanum apud Iudicem ciuilem primo conueniri, sed vult Episcopi iudicio rem transigi. Veruntamen addit, *Siforte, quod credi nefas est, competens desiderium fuerit petitoris elusum, tunc ad secularia fora iurgaturus occurrat.* Nimirum causas clericorum permittit cognitioni Pontificis, sed ea lege vt inde ad secularia iudicia detur prouocatio. Idem Rex lib. 9. Variarum Cassiodori. Sic alloquitur Papam vt Princeps subditum non suadentis aut supplicantis voce, sed iubentis. Sic enim loquitur. *Sanctitas vestra statuisset nos præsentis definitione cognoscat, quod etiam ad vniuersos Patriarchas atq[ue]*
Mehop.

Metropolitanas Ecclesias volumus pertinere, &c.
Deniq; prolixè sub grauib; pœnis vetat ne quis
affectans Episcopatum Romanum, suffragia cau-
ponetur, & largitione aut sacrorum vasorum ven-
ditione sacrilegii se alliget.

Athalarico succedit Theodatus anno 536. qui
Agapetum Papam a se creatum misit Constanti-
nopolim, acturum cum Iustiniano de conditio-
nibus pacis: Quo, in legatione ipsa mortuo, The-
odatus Syluerium per vim in sedem Romanam
intrudit, qui biennio post a Belisario duce copi-
arum Iustiniani loco motus Pataram Lyciæ rele-
gatur. Vigilius pecunia Pontificatum emit a Be-
lisario. Syluerius quanquam exul Vigilium Ana-
themate percutit, qui iussu Theodoræ Imperatri-
cis paulo post Constantinopolim vi tractus in-
ter initia quidem honorifice habitus est a Iusti-
niano, At cum Imperatori & Theodoræ liberius
obloqueretur, Ita (vt ait Platina) *casus est, vt pau-
lum absuerit quin occideretur. Fugiens itaq; in Tem-
plum Sanctæ Euphemia quod haud procul aberat inde
a grassatoribus trahitur, & iniecto in collum eius fune
tanquam latro per totam urbem usq; ad vesperam
trahitur. Deinde vero carceri inclusus pane &
aqua tantummodo aliquandiu vitam duxit.* Hæc
Platina.

Recuperata Italia a Belisario & Narsete, ite-
rum Roma eiusque Pontifex in Imperatoris
Græci potestatem concessit, Qua veneratione &
obsequio Papæ illius xui sint Imperatores prosc-
cuti, testantur eorum Epistolæ. Præ cæteris vero
Epistolæ Gregorij I. ex quibus Serenissimus Rex
Maioris

Maioris Britanniae in Apologia pro iuramento multa apte & fideliter excerptis, Epistola 61. lib. 2. scribens ad Mauritium de lege quadam ne reciperetur miles in Monasterium nondum expletâ militiâ. *Omnipotenti Deo (inquit) reus est qui serenissimis Dominis in omne quod agit & loquitur purus non est.* Deinde se appellans indignum famulum pietatis eius, Sic Epistolam concludit. *Ego quidem iussioni subiectus eandem legem per diuersas terrarum partes transmitti feci. Et quia lex ipsa omnipotenti Deo minime concordet, ecce per suggestionis meae paginam serenissimis Dominis nuntiaui. Vtrobique ergo quæ DE BVI exolui, qui & Imperatori obedientiam prabui, & pro Deo quod sensi minime tacui. Qui obedientiam præbuit Imperatori in re quam putabat iniustam, quid fecisset in re quam iustam existimasset?* Et Epistola 6. lib. 3. sic affatur Imperatorem. *Ego autem indignus pietatis tuae seruus. Et ibidem. Ego vero hæc Dominis meis loquens quid sum nisi pulvis & vermis?* Vbi non tantum vocat Imperatores Dominos quæ est vox honoris, sed & suos Dominos, quæ est vox potestatis. Idem habes Epistola 64. ad Theodorum lib. 2. & lib. 8. Epist. 2. Quin & ex prima Epistola lib. 7. liquet Gregorium nequidem ausum ordinari Episcopum nisi consulto Imperatore. Erat autem (vt ait Platina in Seuerino I.) vana tunc temporis electio cleri ac populi, nisi id Imperatores, aut eorum Exarchi confirmassent.

Anno Christi 654. Constans Imperator Martinum Papam catenis onerat, & Cherfonam in exilium deportari iubet vbi & mortuus est. Pla-

tina,

tina, Baronius. Sigebertus ad annum 659.

Anno Christi 676. Imperator Constantinus IV. Sacram mittit ad Donum Episcopum Romanum, qua jubet Papam mittere ad Concilium Constantinopolitanum, tres viros selectos. Sic autem loquitur. *Per omnia IVBEMVS vestram paternam beatitudinem minime effici impedimentum voluntati Dei, sed eos dirigere.* Respondet Agatho Doni successor humilitate qua decuit. *Secundum* (inquit) *piissimam iussionem mansuetudinis vestre, pro obedientia quam debuimus &c.* Et paulo post. *Flexo mentis poplite suppliciter vestram clementiam deprecamur.* Et paulo post. *Non nobis eorum legatorum scientia confidentiam dedit, ut ad pia vestra vestigia eos auderemus dirigere. Sed hoc Imperialis vestra benignitas clementer iubens hortata est, & nostra pusillitas quod iussu est obsequiter implevit.* Hæc habentur initio Concilij Constantinop. IV. & Actione IV. ex quibus nemo non perspicit hunc Papam nesciuisse Imperatorem sibi esse subditum, & se posse Cæsari Imperium adimere, aut si fuerit aries furiosus, eum aut vincere, aut jubere occidi.

Et quanquam post annum a Christo septingentesimum debile esset Imperium Romanum in Italia, Longobardis maximam Italix partem tenentibus, & Exarchis ad propulsandos barbaros inualidis, Papa ipso iam res novas agitante, & defensionem imaginum aduersus Imperatores, suæ ambitioni prætexente: Pontifices tamen adhuc appellabant Imperatorem suum dominum, & cæterorum subditorum more suas Epistolas de
anno

anno Imperij suorum Dominorum denotabant;
vt fidem facit clausula extrema Epistolarum Gre-
gorij II. & III.

Insignis vero est oratio Hadriani Papæ sic com-
pellantis Constantinum & Irenen in fine Episto-
læ euz inserta est concilio Niceno II. Act. 2.
Hæc (inquit) mitissimis vestris Imperijs legenda tra-
didimus, obtestantes interim & ex animi seruire ve-
stram mansuetudinem obtestando, & veluti presen-
tes genibus aduoluti, & coram vestigia pedum volu-
tando, ego cum fratribus meis coram Deo supplico,
obtestor, adiuro, quo ipsas imagines in pristinum sta-
tum restitui & firmari iubeatis. Nempe tunc rem-
poris Papæ Imperatorum genibus aduoluebant-
tur, qui postea coacti fuerunt lambere Pontifi-
cum vestigia.

Et hic quidem status fuit & conditio Pontifi-
cis Romani vsque ad Pipini & Caroli magni
tempora.

Nam quod ad Paparum electionem attinet,
satis constat eam olim factam suffragijs populi &
cleri Romani; accedente Imperatoris consensu.
De Theodorico & cæteris Italiæ regibus iam di-
ctum est qua ratione Pontifices exauctorauerint
& creauerint ad libitum. Theodoricus autem
regnare cœpit anno 493. Ante eum penes Impe-
ratores erat hæc potestas vt testatur Platina in
Syluerio. Deletis Gotthis a Narsete, ea potestas
ad Imperatores & eorum Exarchos redijt, vt do-
cet Platina in Benedicto II.

Anno Christi 581. Gregorius Archidiaconus
a populo Romano & clero ad Tiberium Impera-
torem

totem mittitur, causas expositurus cur electus fuerit Pelagius non expectato Imperatoris assensu. Causabatur vias interclusas excursionibus Longobardorum, & inundationibus aquarum. Idem Gregorius paulo post electus a populo & clero suppliciter postulavit ab Imperatore Mauricio ne electionem suam ratam haberet. Anno 679. Agatho Pontifex obnixepostulat a Constantino Pogonato relaxationem tributi quod Pontifices pendebant Imperatori pro sua inauguratione, ut doctè & vere Rex Serenissimus observavit. Summa fuit viginti libræ auri, ut docet Authentica 123. Iustinianis cap. 3. ubi & discimus eidem taxationi fuisse obnoxias sedes alias Patriarchales, idque ex veteri consuetudine.

Sigeb. ad an. 680. Agatho Papa suscepit diualem iussu nem principum, per quam relecta est quantitas que dari solebat in ordinatione.

Constantinus quidem abstinuit sua illa potestate, sed beneficium eius fuit inofficiosum; quia exercitum Romanum pro se substituit, quippe sanxit ut quem populus, clerusq; & exercitus Romanus elegissent, is esset Pontifex, unde turbæ & seditiones circa electionem oriebantur, ad quas compescendas ad Exarchum subinde recurrebatur: ut fidem facit electio Canonis I. & Sergij I. annis Christi 686. & 688. Fateor quidem veteres Imperatores Constantinum, Valentinianum, Gravianum, de electione Papæ Romani parum fuisse sollicitos, quando nempe Pontifices sola spiritualia curabant. At ex quo cœperunt immiscere se negotiis temporalibus, & attrectare per ambitionem ciuilia, non mirum est si Imperatores voluerunt habere Papas beneficio sibi diuinctos, & a se in sede collocatos.

Imperium Occidentis vnà cum Italiz regno ad Francos translato, Papæ dignitas immensum quantum aucta est liberalitate Caroli Magni & Ludouici Pij : Nihil o secius tamen ius Papam electum approbandi & confirmandi apud Imperatores mansit. Isque honos vltro delatus Carolo Magno ab Adriano I. vt docetur Canone Hadrianus. Dist. 63. Nec multo post Paschalis I. mittit ad Ludouicum Pium qui causas redderet cur contra morem & ius in sua electione non fuerit expectata sententia Imperatoris. Hunc Ludouicum falso* perhibent renuntiasse isti potestati. Nam sub idem tempus Gregorius IV. noluit Papatum adipisci, nisi post electionem suam Ludouici assensu firmatam, vt testantur Sigonius & Platina qui & idem asserit de Benedicto III. Anno 867. Legati Ludouici intercesserunt electioni Hadriani I. asserentes eum vitio creatum, quod ad eius creationem voluntas Regis non accessisset : Quo loco obiter notandum quot criminibus falsi fœdatum sit deceretum Romanum. Nam in Distinctione 63. Canone *Cum Adrianus*, Papa Gregorius IV. ait Adrianum II. electum absque Imperatoris assensu, at hic Gregorius IV. longe antiquior est Adriano II. nam inter hunc & illum quinque Pontifices intercesserunt. Pari fraude confictus est canon. *Ego Ludouicus*, eadem distinctione, vt ante probauimus. Anno 854. Anastasius Pontificatum inuadit, mox a legatis Lotharij in carcerem compingitur, Sigebertus.

Inter hæc Normanni a Septentrione in Gal-
lias

has effusi, quasi immanis procella, Occidentale imperium affligerunt: In quibus summouendis Imperatores occupati, facti sunt circa res Italiae indiligentiores, & Berengarijs data facultas inuadendi Regnum Italiae. Tunc sedes Romana quasi rectore excusso, caedibus, libidinibus, veneficijs impleta est, ipso Baronio teste qui tunc temporis multa monstra sedem Papalem insedisse vltro agnoscit. Igitur Romana Ecclesia in tantis malis, coacta est opem poscere a Rege Berengario. Nec multo post Otho I. Imperator pulso Iohanne XIII. Leonem VIII. laicum Pontificem elegit, & electionem Paparum voluntati Imperatoris in perpetuum submisit, cuius submissionis formulam habes Can. *In Synodo*, Dist. 63. Addit Sigonius Leonem censuisse non sine causa Adrianum I. Carolo Magna tribuisse vt Ecclesiam ordinaret, & Pontificem legeret, libertate populo reddita Romanos in dies deteriores effectos. Idem Otho Leone mortuo elegit Iohannem XIV. vt memorant Sigonius, Platina, & alij. Secutusque exemplum Otho III. anno 995. Gregorium V, creauit, ne quidem expectatis populi suffragijs. Eiusdem autoritate creatus est Syluester II. pactione facta cum Diabolo Papatum adeptus, si fides Sigeberto Martino Polono, Malmesburiensi, Stella, Platina, Bennoni Cardinali in vita Hildebrandi. Anno 1024. factio Comitis Tusculani tunc Romae praepollens Iohannem XXI. ad Papatum euexit. Anno 1047. Imperator Henricus II. tres Papas Pontificatu exiit, Benedictum IX. Syluestrum III. Gregorium VI. quos Platina

Anno. 963

Sigonius

p. 372.

Platina in

Clemente

II.

tria monstra appellat ut fideliter notavit Serenissimus Rex. Assentitur Stella Monachus Venerus, Henricus (inquit) *Caesar habita Synodo Benedictum praedictum & Sylvestrum & hunc Gregorium, abdicare se Pontificatu coegit.* Idem Henricus Romanos ad renouandum iniuerandum adegit, quo pollicebantur se ne quidem inter futuros electioni sui Episcopi nisi ex Imperatoris mandato. Iuxta hanc legem creati sunt Papae sequentes Leo IX. Nicolaus II. Honorius II. Sigonius ad annum 1064. refert Hannonem Archiepiscopum grauiter expostulasse cum Papa Alexandro quod in sedem irrepsisset inconsulto Henrico Caesare, *quam (inquit) sedem multos iam per annos nemo nisi a Rege probatus ausus esset attingere.* Ipse Gregorius VII. flagellum Imperatorum, an. 1075. ab Henrico IV. confirmatus est. Ex eo cecidit Imperatorum Maiestas, qui non modo regno Italiae a Pontificibus sunt excussi, sed & Imperij titulum non nisi ad Papae nutum, & precario habere, & ad Paparum pedes coronam suam submittere coacti sunt. Quantum in hac contentione fufum sit sanguinis, quot stragibus populorum, quot euerfionibus regnorum & Principum mutatio illa constiterit, nouit qui historias istius aui euoluit. Qua de re operae precium est audire iudicium Sigeberti, qui vixit sub hoc Gregorio. Is ad annum 1088. sic loquitur. *Nimirum, ut pace omnium bonorum dixerim hac sola nouitas, ne dicam haeresis, nec dum in mundo emerserat, ut Sacerdotes illius, qui dicunt Regi Apostata, & qui regnare facit hypocritam propter peccata populi, deceant populum quod malis Regibus nullam debeant*

debeant subiectionem, & licet ei Sacramentum fidelitatis fecerint, nullam tamen fidelitatem debeant, &c. Et Benno Cardinalis in vita Hildebrandi, ait, Simul ac ad excommunicandum Cesarem de sede surrexit, sedem eius Dei nutu terribiliter, scissam in plures partes, ut manifeste daretur intelligi. Sessor ille tam periculosa excommunicatione, tant a presumptione quanta quamque terribilia scismata seminare contra Ecclesiam Christi, &c.

Ceterum ipsius urbis Romæ summum principatum quomodo Papa adeptus sit non facile est dicere. Nam ante dominationem Gotthorum in Italia, Imperatores Constantinopolitanos Romam tenuisse vel pueris notum est. Constantius sic affatur Liberium, Nos quod Christianus esses, dignum te iudicauimus. *Episcopatu VRBIS NOSTRÆ*. Theodoretus lib. 2. historię cap. 16. Eodem modo. Dist. 97. Can. Ecclesia Bonifacius Papa sic alloquitur Honorium. *Precamur sacre causa religionis, ut in urbe vestra mansuetudinis* (Romam intelligit) *hoc animo quo postulatis & annuitis, in perpetuum statui vniuersali Ecclesię consulas*. Sub Gotthis quomodo istius urbis imperium fuerit penes Reges Gotthos abunde docuimus. Deleto Gotthorum Regno Exarchus in Italia constitutus qui vices Imperatoris in Italia gereret. Sigonius ad annum 687. dicit Exarchos solitos mittere Iudices Romam qui populo Romano ius dicerent. Idem ait Platina in vita Sergij II. qui primus Immuratione nominis in Papatum intulit, cum ante *Os porci* vocaretur. Anno Chr. 677. habita est Synodus Constantinopoli-

tana quarta, cuius fronti præfixa est sacra Imperatoris Constantini I V. in qua Donum Papam sic compellat. *Dono sanctissimo ac beatissimo Archiepiscopo NOSTRÆ ROMÆ.* Cui Epistolæ respondens Agatho Scilicet I V. Concilij, postquā dixit *Studiosa obedientia suum famulatum iussa Imperatoris impleuisse*, subiungit, *personas quasdam de hac servili vestri Serenissimi Principatus Romana urbe, vel proxima dirigere procuramus.*

Nec aliter se res habuit sub dominatione Francorum & Germanorum. Sigonius lib. 3. de regno Italiæ. *Carolus Exarchatum Ravennatem, Pentapolim, Ducatum Romanum, Tuscum, & Campanum, in re principatus & ditione sibi retenta Pontifici permisit.* Platina in vita Eugenij I L. ait Lotharium in Italiam venientem Magistratum delegisse qui populo Romano ius diceret. Sigonij verba disertata sunt lib. 7. *Historiæ de Regno Italiæ ad annum 973. Pontifex (inquit) Romam Ravennamq; & ditiones reliquas tenebat auctoritate magis quam Imperio, quod civitates Pontificem ut Reip. principem, Regem vero ut Summum Dominum intuerentur, atq; ei tributa obsequiaque præberent.* Anno circiter millesimo Gerbertus qui & Silvester II. Othonis III. prædagogus voluntate Othonis Papatum adeptus est. Extat Decretum imperiale de electione Gerberti sub finem Epistolarum eiusdem Gerberti, in quo Imperator Romam vocat suam regiam urbem; his verbis. *Pontifices non solum que extra urbem esse videbantur vendiderunt, & quibusdam colluvijs a Lare Sancti Petri abalienauerunt, sed (quod absque colore non dicimus) si quid in HAC*

NO-

NOSTRA URBE REGIA habuerunt, ut maiori licentia euagarentur, &c. Ipse Papa Paschalis anno 1111 ultro agnoscit ad Henricum V. Romanæ urbis coronam & imperium pertinere Sigeb. anno 1111. Anno 1132 erat Romæ Lotharius Imperator ubi & in ipsa urbe condidit leges Romanis, & valuis templi Beati Petri affixit: quæ leges habentur inter constitutiones Imperiales lib. 1. de feudis Tit. 19. Hæc cum ita sint, velim quidem doceri qua ratione & sub quo titulo summus Principatus urbis & territorij Romani venerit in Papæ potestatem. An bello quæsiuit? an dono accepit ab aliquo Henrici successore? An pecuniâ emit, aut permutatione? An vero in vacua venit, & (ut initio orbis fiebat) res possessoribus destituta cessit in potestatem primi occupantis? Aut cur Papa ipse Imperatorem Germaniæ vocat Imperatorem Romanum quem Romano principatu expulit? Ego sane perendo Papam non posse proferre titulos huius possessionis, nec dicere a quo habeat, aut quo iure possideat. Quam vero noua sit hæc possessio, & quomodo sublati Baderetis, Papa sit factus summus Princeps Romanus, qui volet pernoctare, legat Volateranum, Blondum, & Sabellicum.

CAP. XV.

In qualibet gente Episcopos & Clericos semper fuisse subditos Regibus & Principibus illius gentis.



D vero quod licuit Imperatoribus in Pontifices Romanos, non dubium est quin in alios Patriarchas & Episcopos licuerit. De Ambrosij electione in Episcopatu Mediolanensem Ruffinus sic loquitur lib.

2. cap. 11. *Diffidentis populi subito clamor & vox una consurgit, & Ambrosium Episcopum postulant, baptizari hunc protinus clamant (erat enim catechumenus) & sibi Episcopum dari, nec aliter unum populum fore atque unam fidem, nisi & Ambrosius sibi daretur sacerdos. Obstante illi & plurimum resistente, ad Imperatorem relatum Populi desiderium, omni auctoritate iubetur impleri. De Nectarij electione in Episcopum Byzantinum Sozomenus hæc refert lib. 7. cap. 8. Cum Sacerdotibus nomina eorum quas ad ordinationem dignos iudicabant cartæ inscribere Imperator iussisset, ac sibi ipsi ex ijs omnibus, unius electionem reservasset, alij alios in album retulerunt: Imperator perlecto inscriptorum catalogo, substituit in Nectario, cunctis ordine percurrit, ac Nectarium eligit. Is autem nequidem baptisatus erat: Romani Episcopi nullum hic suffragium, Nicephorus lib. 17. historiæ cap. 26. hæc ait. Ierosolymis episcopatum administravit post Petrum Macarius, cum Imperator nondum Episcopatum eius comprobasset. Quapropter*

Socrates
lib. 4. c.
24.

propter etiam Ecclesiastica deturbatus est Cathedra. Idem lib. 16. cap. 10. Zeno Imperator Petrum Cnaphenum, ut qui a Basilisco renocatus esset Antiochia expulit, & Calandioni Stephani successoris episcopatum restituit. Paulum item Epheso exegit, Nestorium item Tarso, & Cyrum Hierapoli, Romanum Chalcedone &c. habes similia exempla eiusdem libri cap. 2. & lib. 6. cap. 29. Neque tantum in electione aut abdicatione Episcoporum, sed & in tota gubernatione Ecclesiastica magna potestas Imperatorum fuit. Nam & conuocabant concilia; Papa Romano non consulto aliquando etiam reclamante, ut de Leone I. Papa probauimus, & turbatis rebus Ecclesiæ, authoritate sua res componebant. Superiore capite audiuius Bonifacium suppliciter rogantem Honorium ut Ecclesiæ Romanæ statui prospiceret. Habes in codice Iustiniano Titulos de summa Trinitate, & fide Catholica. De sacrosanctis Ecclesijs. De Episcopis & Clericis. De episcopali audientia. De Hæreticis & Manichæis ac Samaritis. Ne sanctum Baptisma iteretur. De Apostatis. De Iudæis & Cœlicolis. De paganis sacrificijs, & templis. De ijs qui ad Ecclesias confugiunt, vel ibi exclamant. De ijs qui in Ecclesijs manumittuntur. Tum Nouellæ Iustiniani plenæ sunt constitutionibus quibus maxima pars politiæ Ecclesiasticæ ordinatur, ad quas constituendas Papa Romanus nunquam abhibitus est, nec eius Iudicium quæsitum, aut expectatum. Authentica Iustiniani 123. c. 1. sic loquitur, *Si quis autem extra memoratam obseruationem Episcopus ordinatur, iubeamus hunc omnibus modis*

modis Episcopatu depelli, Sed etiam illum qui præter hoc præsumpserit ordinare segregari uno anno a sacro ministerio, & omnem eius substantiam quæ quolibet tempore aut modo in eius dominium deducta est, propter culpam quam facit, dominio Ecclesie cuius est Episcopus vindicari.

Sic quoque penes veteres Franciæ reges fuisse potestatem in Episcopos & res Ecclesiasticas, infinitis probationibus euincitur, Concilij Aurelianensis I. caput 6. tale est. *De ordinationibus Clericorum id obseruandum esse decreuimus, ut nullus secularium ad clericatus officium presumat accedere nisi aut cum regis iussione, aut cum Iudicis voluntate.* Vbi tunc Papa Romanus? aut quis hodie hæc ferret? Historia Gregorij Turonensis plena est exemplis potestatis regum in Episcopos & Clericos, lib. 4. cap. 15. Clotharius sic alloquitur Turonicos. *Præceperam ut Cato presbyter illic ordinaretur, & cur est spreta iussio nostra?* & cap. 18. Pascentius fit Episcopus Parisiensis ex iussu regis Chariberti. Cap. 26. Idem rex indignatus Emerium pulsum Episcopatu Xantonensi, presbyterum ad se missum excusandi causa iubet arripi, & plaustro spinis oppleto imponi, & in exilium propere abripi. Lib. 6. cap. 39. Sulpitius in ipsa urbe Biturigam ad Sacerdotium Cuntramno rege fauente, præeligitur. Nam cum multi munera offerrent, rex episcopatum querentibus respondisse fertur. *Non est principatus nostri consuetudo sacerdotium venundare sub pretio.* Lib. 8. cap. 22. Rex data præceptione, iussit Gondesilum Santonum comitem cognomento Dedonem, episcopum ordinari: gestumque est ita. & cap. 39. Obijt Euan-
tius

tius Viennensis Episcopus, in cuius sedem Vnus presby-
 ter de Senatoribus Regē eligente substituitur. Nulla
 hic mentio Papæ, nec annatarum, nec diploma-
 tis enthronistici, seu litterarum inuestiturae. In
 synodo Francica quæ est Tomo 3. Conciliorum
 Carlomānus Francorum princeps & Dux sic lo-
 quitur. Ex consilio Sacerdotum & optimatum meo-
 rum, ordinauimus per ciuitates Episcopos, & consti-
 tuimus super eos Archiepiscopum Bonifacium qui est
 missus S. Petri. Statuimusq; per annos singulos syno-
 dum congregari, ut nobis presentibus canonum decre-
 ta & Ecclesie iura restarentur, & religio Christia-
 na emendetur, Sigonius lib. 3. de regno Italiae, de
 Carolo magno loquens. Vniuerso (inquit) pro-
 cerum consentiente conuenta decretum ut Carolus Pa-
 tricius Romanus esset, per singulas provincias Archi-
 episcopos & Episcopos institueret, ita ut nisi ab eo lau-
 darentur & instituerentur a nemine sacrarentur, &
 ut Pontificem eligeret sedemq; Apostolicam ordina-
 ret. Hac fretus potentia Henricus III. Impera-
 tor Anno 1004 Bambergensem Ecclesiam erigit
 in sedem Episcopalem. Sic & Henricus V anno
 1111. dat Episcopatus & Abbatibus inuestituras
 per virgam & annulum ipso Papa Paschali annu-
 ente & probante, ut prolixè refert Sigebertus in
 fine suæ historiæ.

Editionis
 Colon. pag.
 39.

Exempla
 Episcoporum
 abdicatorum
 a Carolo
 Martello
 & Ludouico
 Pio
 habes apud
 Sigebertum
 An. 723.
 & 835.

Concilium Moguntinum sub Carolo Magno
 Anno Christi 813. sic incipit Carolo Augusto vera
 religionis Reſtori ac defensori sanctæ Dei Ecclesie. Si-
 milique titulo secundum Concilium Mogunti-
 num insignit Ludouicum Pium. Ludouico vera
 religionis serenissimo reſtori. Nec abs re cum Da-
 uid,

uid, cum Iosaphat, Ezechias & Iosias res Ecclesia perturbatas ordinarint, collapsamque disciplinam & verum cultum Dei instaurauerint. Quod nisi Reges vitia Sacerdotum & Pastorum sæpe cohibuissent, multis in locis actum fuisset de fide & religione.

*Salutem
modicam,
aut potius
nullam.*

At cum Pontifices Regum potentiam accidere ausi, egerunt cū nostris Regibus proteruius nō defuerunt Principes & sapientes viri qui ius suum tueri, & contra hoc fulmen oppedere (quanquam in tenebroso sæculo) ausi sunt. Qua de re Serenissimus rex in sua Præfatione sic loquitur. *Ex Francorum* (inquit) *monimentis primum etiam Philippi (cui Pulchro cognomen fuit) illas celebres ad Bonifacium octauum lateras, quarum (post ridiculam salutationem) initium in hæc verba conceptum est. Sciat tua maxima fatuitas nos in temporalibus alicui non subesse &c.*

*Anno
1228.*

Ludonicus quoq; nonus, qui Sanctus usurpatur, publica sanctione quam Pragmaticam appellant omnes curie Papalis exactiones intra regnum suum prohibuit. Sub initia deinde Ludonici undecimi Pius II. Pontifex sanctionem illam ante tot annos latam egre ferens legatum cum solemnibus publicisq; litteris ad Ludonicum transmisit, quibus vehementer efflagitabat illius promissi fidem, quo se Ludonicus cum tantum Delphinatus Princeps esset, obstrinxerat, si quando Francico sceptro potiretur, se pragmaticam sanctionem antiquaturum. Rex ad Parisiense Concilium cui rem cognoscendam commiserat Legatum litterasq; reiecit. Vbi cum negotium agitare ceptum esset, Pontificum primum postulatio a Iohanne Romano regis aduocato acriter

eriter oppugnata : in cuius sententiam cum Parisiensis Academia inisset, a Pontificijs conatibus ad primum generale Concilium provocatum est. Ita Cardinalis warum plenius re infecta discessit. Hæc sapientissimus Rex, qui & hæc addit : Tanto studio a Regis Ecclesiæ, Gallicana partibus Sorbonista steterunt, ut senserint, si Pontifex Romanus Regi de eiusmodi rebus controuersiam mouisset, posse Ecclesiam Gallicanam sibi Patriarcham constituere & a Romana sede deficere. Et Gersonus ille, cetera Romana fidei rigidus propugnator, tantum absuit ut ius istud seculare Pontificibus assereret ut contra de Auferibilitate Papa ab Ecclesia liberum scripserit, quanto magis a Regum cervicibus?

His adde Carolum V. qui edidit curauit librum aduersus technas & tyrannidem Romanam, cui titulus *Somnium Viridary*, qui etiam nunc legitur. Anno 1400. Rex Carolus VI. obuiam iturus æruscationibus & rapinis Curia Romanæ Galliam exugentibus, sub titulo annatarum, reservationum, expectatiuarum, & dispensationum, Gallia expulit omnes æruscatores & collectores pecuniæ a Papa missos. Iratus Benedictus maledictionem suam strinxit, Regem, proceres, fautores, sacris interdixit. Quin & libellum conuictionum in Regem misit per hominem qui se tabellarium Tholosanum mentiebatur. Sed riserunt Galli brutum hoc fulmen, & diras irritas. Quin & Senatusconsulto libellus iste publice laceratus 4. Idus Iunij. 1401. Decem diebus postquam hæc gesta sunt, consurgente Senatu circa vndecimam matutinam, producti sunt duo bullistæ excommunicat

municationis istius geruli, qui post satisfactionem honorariam super Scalas Palatii, impositi plauistro tortoris, per urbis compita, mitellati & fœdo amictu induti, circumducti sunt, & populi sibilis ac pipulo excepti. At Benedictus nihilo secius corradere nummos, & mille rapiendi artes comminisci. Donec tandem, Rex & Curia Parlamenti, grauiſſimo Senatusconsulto, quod Arrestum vocant, sub grauiſſimis pœnis vetuit nummos ullos Regno efferre sub religionis colore, tum inhibita Annata & tota Romana cauponatio. Hoc Arrestum habes descriptum & notis accuratissimis illustratum a Carolo Molineo in Commentario *Contra paruas Datas, & abusus Curie Romane.*

Exemplum patris secutus Carolus VII. anno 1437. Episcopos suos vetuit ire Ferrariam ad Concilium a Papa Eugenio indictum; Idemq; anno sequente, regni sui comitia de more Bituricum conuocauit, quorum consilio & suffragijs Pragmatica sanctio constituta Anno 1440. Regium diploma frequenti Senatu lectum & publicatum, quo cautum erat sub grauiſſimis pœnis ne vllæ bullæ Papales citationum vel præuentionum, vel censurarum Papalium in Galliam inferrentur. Obtinuitque ista sanctio vsque ad conuentionem inter Franciscum I. & Leonem X. qua Rex facilis Papæ quæ voluit indulſit.

Cæterum ne quis Episcopus accitus ad Synodum, eo iret Rege non permittente iam ante uenerat Concilium Agathense II. Can. S. Episcopus. Dist. 18. *Postpositis omnibus (excepta graui firmitate*

firmitate corporis aut praeceptione regia) ad constitutum diem adesse non differant.

Anni sunt centum, cum Iulius II Ludouicum XII. bello adortus Regi optimo regnum abrogauit, & Galliam interdicto subiecit. At Rex regni sui optimatibus, necnon Episcopis ac Prælati Turonum conuenire iussis, de re tota ad eos retulit, ibique vnanimi omnium suffragio decretum, licere se opponere Papalibus censuris, quippe nullis & abulius, profectis non a capite Ecclesiæ, sed ab hoste Regis & regni. Aliud esse opponere se Iuliano Ruuere (hoc erat Iulio nomen) aliud Pontifici. Ausus etiam Rex fortissimus percutere monetam auream, cum hac inscriptione, LVD. XII. D. G. FRANC. REX DVX MEDIOLANI, altrinsecus vero PERDAM NOMEN BABYLONIS, vsque adeo Papæ fulmina, vt aniles bombos, & puerilia *μωμολύχια* contemnebat.

Anno 1561. cum quidam Tanquerellus Theologiae Baccalaureus frequenti Sorbona thesina hanc defendisset. *Regem si deserat fidem Catholicam posse a Papa deponi*; Senatusconsulto iudicatum, propositionem istam falsam esse & temerariam, iussusque Tanquerellus palinodiam canere, fateri errorem, poenamque deprecari, quam profiteretur id a se dictum, *doctrinaliter tantum non in iudicè*, vt scholæ balbutiunt.

Novissime cum Sixtus V. Henricum III. anathemate notasset & regno exuisset, Curia Parliamenti Turoni congregata, bullam papalem frequenti Senatu damnauit, & accensi manu palam cremari

cremari iussit. Hæc quidem erant vltima suspiria morientis libertatis.

Quam in rem obiter notandum nunquam Pontifices talia orsos, nisi rebus Galliarum turbatis, nec ausos in Galliarum Reges detonare, nisi quando eos viderunt implicatos difficillimo bello civili, aut externo, ut res iam turbatas pessundarent, & ruentem Rempublicam impellerent. Confecto vero bello, quotiescunque Papa vidit Regem ictum fulmine, retinere tamen rerum gubernacula, & perrupisse obstantia, præsto semper fuit victori plena indulgentia, & reuocatioouis errantis, & declaratio nihil per ante acta derogatum esse Regis optimi, & Ecclesiarum filij, potestati & iuri. Cuius rei est insigne exemplum, Extravagans *Meruit*. Nam cum Bonifacius VIII. a Philippo Pulchro fuisset duriter habitus, & in carcerem compactus, in quo miserabiliter vitam finijt, Rege indignante Bonifacium asserere, Galliarum Reges sibi subesse in temporalibus, & in extravaganti *Vnam Sanctam* ius summum utriusque gladij sibi vindicare, Clemenstamen V. Bonifacij successor non modo non vlciscitur mortem sui decessoris, sed & aliam Extravagantem cudit, cuius hæc verba sunt. *Meruit charissimi filij nostri Philippi Regis Francorum illustris sincera affectionis ad nos & Ecclesiam Romanam integritas, & progenitorum suorum præclara merita meruerunt. Meruit insuper regnicolarum puritas: ac deuotionis sinceritas ut tam Regem quam regnum fauore beneuolo prosequamur. Hic est quod nos regi & regno per designationem & declarationem bonæ memoriæ Bonifacij Pape VIII. pred.*

*Extram.
Meruit.*

pred. nostri que incipit Vnam Sanctam nullum volumus vel intendimus praeiudicium generari. Perbenigne sane & profecto Rex, etsi sauior paulo, dignus erat misericordia. Quam facile consequuntur qui non ambiunt, aut qui metuuntur.

Habet & Regnum Angliæ sua exempla. De quo quædam proferuntur a Serenissimo Rege ex Archivis sui Regni. Henricus (inquit) id nominis post Conquestum primus, concessit Episcopatum Win-
toniensem Willielmo Gifford, & continuo de possessionibus cunctis ad Episcopatum pertinentibus, contra
vni Concilii statuta inuestiuit. p. 34.
Math. Paris in Henr.
1. anno.
1100.

Idem Henricus dedit Archiepiscopatum Cantuariensem Radulpho Londenensi Episcopo, & illum per
annulum & pastorem baculum inuestiuit. Idem ibid.
an. 1113.

Sed & Papa Calixtus Rhemis Concilium tenuit, ad quod Rex Henricus quosdam Angliæ & Norman-
niæ Episcopos destinavit. Turstanus quoque Archiepiscopus Eboracensis electus, illuc veniendi licentiam a Rege impetrauit, interposita fide, quod benedictionem ab eo non reciperet. Qui ad Concilium veniens Romanos (sicut mos est) in suum fauorem largitatis beneficio transtulit: & per eos ut a Papa consecraretur, impetrauit. Quod ut Regi Anglorum innotuit, omnem ei locum sue dominationis interdixit. Idem ibid.
an. 1119.

Rex Eduardus I. Abbatem de Waltham, & Decanum Ecclesie S. Pauli interdixit, ne decimas bonorum cuiusquam usque in Hierosolymitani belli sumptum colligerent, quam hanc prouisionem illis Pontifex tribus Bullis demandasset: Decanus vero, Abbate interim mortuo, Regi, Regioque se stitit consilio, promisitque se, qua erat in Regem observantia, nihil ultra, nisi iussu nutuque Re-

gir in eo negotio gesturum. Hic hominem Ecclesiasticum teneo, qui Papa non paruit, ut Regi suo pareret, in rebus quoque Ecclesiasticis: nondum scilicet noua hac Iesuitarum Theologia orbi innotuerat.

Ita enim ille Eduardus, diem Decano sacelli de Woluerhampton dici iussit, quod contra Regni privilegia ex sacelli sui Præbendis unam, ad Pontificis mandatum, cuidam contulisset. Decanus autem comparuit, culpamque confessus sese Regi clementia permisit. Sed & Dunelmensem Episcopum prerogatiuis ac privilegijs omnibus idem Rex spoliauit, quod prohibitorio cui-dam interdicto minime paruisset. Inde palam est, nequaquam illius sæculi Principes credidisse, Clericos a sua iurisdictione esse exemptos. Sed nunc sublimior quadam nobis & Seraphica in contrarium doctrina proponitur.

Denique ad pleniorẽ huius rei fidem faciendam Ioannis de Istock accedat exemplum, qui in Carcerem ab eodem Eduardo coniectus est, quod totos septem annos apud Romana Curie Iudices, super Nuechurchiensi Rectoratu contendisset.

Eduardus secundus paternis vestigijs insistens, Abbatem de Walden, quod sancti Albani Abbatem cum alijs aliquot ad Romanam Curiam citauisset, primo ad causæ dictionem vocari, mox & in custodiam duci iussit.

Eadem ratione, cum Bamburiensis quidam Præbendarius, Bencersotum quendam ad Romanam Curiam traxisset, litteræ statim Regi intercesserunt, quibus capi Præbendarius, & custodiæ mādari iubebatur.

Nec vero Eduardus tertius ab his Aui, Patriſque exemplis abiuit. Cum Lichensis Rector diem Priori sancti

sancti Osnualdi dixisset, ut se Pontifici Anenione sisteret, quod apud Iudices in Curia Domini Regis pensionem quandam contra ipsum recuperasset: Rex imperauit, ut in temporalia simul ac spiritualia eiusdem Regis bona inuaderetur. Idem cum Haruoden quidam, Pontificiam Bullam contra sententiam a suis Iudicibus latam impetrasset, reum esse, dignumq; in quem animaduerneretur, pronuntiauit.

Sic & illum qui Pontificijs Bullis fretus seipsum in Barnuellensis Prioratus possessionem miserat deduci in Turrim Londinensem iussit, & in ea custodia Regis arbitrium exspectare.

CAP. XVI.

Papam ius conuocandi cōcilia, & in eis præsidendi, Imperatoribus & Regibus ademptum, ad se traxisse.



Quæ sint Concilia vniuersalia seu Generalia, & quid differat a nationalibus & provincialibus accuratè differere, non est huius loci. Id tantum obiter monendum, maxima illa Concilia Nicenum I. Constantinopolitanum I. Ephesinum I. Calchedonense &c. vocata esse Vniuersalia quia constabant Episcopis coactis ex vniuerso imperio Romano; Quod quia maximam partem Orbis noti tunc occupabat, factum est ut hæ synodi Oecumenicæ appellarentur: Pari abusu quo Episcopus Byzantinus se Oecumenicum Patriarcham

Act. 1. Cō-
cilij Chal-
ced. Imbe-
ratores vo-
cantur Do-
mini vni-
uersi mun-
di.

vocabat, vtpote sedens in vrbe quæ dicebatur Im-
perare τῇ οἰκουμένη, etiam tunc cum Imperium valde
esset accisum, & angustis limitibus circumscribere-
tur. Enimvero Concilia ista quantumuis magna,
non tamen extendebantur extra terminos Impe-
rij Romani: Neque enim ex Perside, India, Æ-
thiopia, aut Intima Arabia veniebatur ad ista
Concilia, quia Ecclesiæ illæ non suberant Imperio
Romano. Immo nec ex Gallia, Britannia, Hispa-
nia, postquam ab Imperio auulsæ in aliorum
Principum subiectionem concesserunt. Ac pro-
fecto magnitudinem veterum conciliorum debe-
mus magnitudini Imperij Romani. Inde est quod
Concilia decreuerunt decrescente Imperio. Mag-
nitudinem vero Conciliorum æstimo non ex nu-
mero hominum, qui potest esse maximus, quam-
uis conuocetur ex angusto regno: sed ex terrarum
& regionum amplitudine quæ subsint Concilio,
& de suis Causis ecclesiasticis & controuersijs ad
Concilium referant. Non alio sensu Concilia di-
ci Vniuersalia facile credet qui sciet omnia vetera
Concilia ab Imperatoribus fuisse conuocata; mis-
sis quoque versum epistolis ad Episcopos, quas
Diuales seu Sacras nuncupabant. Imperatores
autem scripsisse ad Episcopos alieni Imperij, &
eos iussisse ad diem & locum præstitutum se siste-
re, nec consentaneum est, nec possibile: neque id
Rex vicinus vnquam passus fuisset. Maxime cum
Imperatores soliti essent suppeditare sumptus iti-
neris, equos, vehicula, & præstationes quæ pa-
rangarizæ appellabantur quæ *χορηγία* non fit nisi
subditis, aut legatis Regum externorum. Hodie
Concilia

Concilia vocantur Vniuersalia quæ conuocata sunt ex Vniuerso Imperio Romano Papali. Nam ex quo Papa inualit dominationem in Ecclesias Occidentales, & coepit ad se trahere iura Imperij Romani, ius quoque arripuit concilia conuocandi, & in eis præsidēdi: Imperatores vero & Reges coeperunt esse nullo loco neque numero, & esse in concilijs *χωρὰ τοῦ παπᾶ*: nec in alium finem interesse Concilijs per se aut per legatos quā ad amplificandā Papalē auctoritatem professione obedientiæ, & sessione ad pedes Pontificis.

Hæc fieri in fraudem Imperatorum & Regum, ad quos hæc potestas diu pertinuit tam clarum est vt mirum sit quenquam posse contra pertendere.

Eusebius qui synodo Nicenæ interfuit lib. 3. de vita Constantini cap. 6. *ὁ Σουλῶδον οἰκουμενικῶν συνεκρότει τοὺς ἀπαντὰς ἁγίους τοὺς ἐπισκόπους καὶ ἱερεῖς πρὸς τὸν βασιλέα.* Constantinus generalem Synodū cōgregauit, luteris honorarijs omnes Episcopos, ad proper adū instigās. & Socrates lib. 1. c. 8. de eodē Imperatore *σύνεθρον οἰκουμενικῶν συνέκροτει τοὺς πανταχόθεν ἐπισκόπους καὶ ἱερεῖς καὶ πρὸς τὸν βασιλέα παρακαλῶν.* Synodum Oecumenicam congregauit, Episcopos undiq; Nicæam conuenire per epistolas iubens. Et Theodoretus lib.

1. cap. 7. *τὸ πολυθρύλλετον ἐκείνῳ πρὶν, εἰς τὴν Νικαίαν συνέκροτει συνέθρον.* Celeberrimum illud & fidele Concilium in urbe Nicæna congregauit. Idem habes in Sozomeno lib. 1. c. 17 & Epiphanius libro 2. hæresi vltima quæ est *ἀρειομανίας* hæc habet: *ὁ βασιλεὺς συνέκροτει οἰκουμενικῶν συνέθρον.* Conuocatum vero Cōcilium iussu aut auctoritate Siluestri Pontificis tā falsum est, vt ne quidem Siluester tū viueret, si cre-

ditur Athanasio in Apol. 2. qui intererat Concilio. Zozomeno lib. 1. cap. 17. Nicephoro lib. 8. cap. 14. Immo & ipsi patres Nicæni in Epistola Synodica ad Ecclesiam Alexandrinam quæ habetur apud Theodoretum lib. 11. cap. 9. testantur se iussu Constantini coijisse.

Secundum Concilium Generale, nempe Constantinopolitanum primum, a Theodosio seniore indictum est, teste ipso Concilio cuius epistola ad Imperatorem præfixa Canonibus Cōcilij hæc habet *συνοελδόντες εἰς τὴν Κωνσταντινέπολιν ἐπὶ τῷ χαρίσματι τῆς οἰκουμενικῆς ἐκκλησίας. Congregati Constantinopoli iuxta tua pietatis litteras. Socrates lib. 5. cap. 7. ἡ δὲ βασιλεὺς ἐξέδωκε τὴν ἐκκλησίαν ὁποῦ ὅπου συνέχευε. Rex. nulla mora interposita synodum Episcoporum convocat. Eadem habent Sozomenus lib. 7. cap. 7. & Theodoretus lib. 5. cap. 9 & Nicephorus lib. 12. cap. 10. Bellarminus lib. 1. de Concilijs cap. 13. nihil habens quod opponeret commentus est rem summa audacia confictam. Theodoretus (inquit) refert Theodosium non tam illud indixisse, quam litteras Pontificis Damasi, quibus Concilium indicebatur ad Episcopos misisse. Sic enim scribunt Episcopi congregati in illo concilio ad Damasum Pontificem apud Theodoretum lib. 5. Hist. cap. 9. Mandato litterarum superiore anno a vestra reuerentia ad sanctissimum Imperatorem Theodosium missarum, ad iter tantum Constantinopolitanum nos praparamimus. Hæc Bellarminus, sed falsa, & suo more conficta. Nam Epistolæ illæ quarum meminerunt Episcopi Orientales qui erant in Concilio, non sunt Epistolæ Damasi, sed synodi Aquileiensis, cui nequidem Damasus*

Damasus interfuit. Neque Episcopi orientales scribunt ad Damasum solum, sed ad omnes Episcopos Occidentales. Tum verba hæc quæ profert Bellarminus *Mandata litterarum* &c. sunt conficta, & falso aditæ a Bellarmino, ut & pleraque illius loci.

Tertia synodus generalis fuit Ephesina prima quæ a Theodosio Iunioris indicta est. Testis Eua-

grius lib. 1. cap. 2. dicens. * *ἐκείνη τῇ ἡμέρᾳ συνήλθεν ἡ ἐκκλησία ἐν ἐφέσῳ*

Immo & ipsa Synodus cuius Canones sic incipiunt. *Ἡ ἀγία καὶ οἰκουμενικὴ σύνοδος*

ἐκκλησίας καθολικῆς καὶ ἀποστολικῆς

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

ἐν ἐφέσῳ ἐκκλησίας

* *ἐκκλησία*
nioris The-
odosii prio-
rem Ephesi
Synodum
congrega-
tam esse.

Quartum Vniuersale Concilium fuit Chalcedonense, quod a Valentiniano primum post etiā

a Martino conuocatum esse testantur ipsa acta concilij initio primæ actionis his verbis, *In Chalcedonensi ciuitate metropoli prouincia Bythinie facta est Synodus ex decreto piissimorum & fidelissimorum Imperatorum Valentiniani & Martiani*. Ipse Martianus id testatur, *Lege 4. Cod. de summa Trinitate. Quæ nunc de Christiana fide, a Sacerdotibus qui Chalcedone conuenerunt per nostra precepta, statuta sunt, iuxta Apostolicas expositiones desinere esse noscuntur*. Futilia sunt quæ contra affert Bellarminus: Martianum rogasse Leonem ut veniret ad Concilium: aut si nequeat, per litteras significaret. Quasi vero non tolerent Principes loqui verbis rogantis, etiam cum iubent. Profert quoque quandam Epistolam Episcoporum Mœsiae aut fictam, aut mendacem, nam quis non potius credat ipsis Patribus Concilij quam talibus Epistolis quæ possunt ad sui concilij 2. Maxime cum ipse Papa Leo suppliciter petierit ab Imperatore ne fieret Concilium alibi quam in Italia nec potuerit impetrare ut mox docebimus.

Concilium Constantinopolitanum I. In quibus ponitur inter Generalia. Hoc Concilium indixit Imperator Iustinianus. Id testatur Nicephorus lib. 17. cap. 27. *Imperator Iustinianus Sanctam quintam Oecumenicam Synodum, Episcopis Ecclesiarum primum conuocatis coegit*. Ipse Imperator id testatur in Epistola ad Synodum quæ inserta est primæ Collationi Synodi his verbis, *Vocauimus vos ad regiam urbem, hortantes, &c.*

De sexta Synodo Vniuersali quæ est Constantinopolitana III. habes testimonium Gratiani Dist.

Tomo 2.

Con p. 496

Edit Colon

Dist. 16. Can. Habeo librum. Sancta Synodus
 Vniuersalis sexta post promulgatam ab eo definitionem
 contra Monothelitas Constantino Imperatore quicquam
 congregauerat non multo post defuncto, &c. Quiri &
 habes initio Concilij Sacras Imperatoris Constani-
 tini ad Donū Episcopum Romanū & ad Georgi-
 um Episcopum Constantinopolitanum indicen-
 tes concilium & iubentes, vt Episcopi ad condi-
 ctam diem & locum conuenerent ad Concilium.

Sed & Constantinus & Irene conuocant
 Consilium Nicenum secundum vt testatur sacra
 ad Synodum. Sic loquens. Huic igitur petitioni
 annuere dum visū est meoq; nutu iussi conuenire: Immo
 vt verius loquar Deo sic volente, vobis vero preconi-
 bus congregaui vos. Ipsa Synodus initio Actionis
 Primæ hæc habet. Conueniente vniuersali Synodo
 qua per gratiā diuinā piumq; illarū Imperatorū decre-
 tum congregata est in clarissima Nicensī Metropoli.

Par veterum Imperatorum authoritas in co-
 gendis Synodis particularibus. Theodoretus lib.
 1. cap. 27. Eusebius & Theodorus persuadent Impe-
 ratori vt Synodum cogeret Casarea Palesine. Et
 paulo post. Habebat fidem illis Imperatoris Sacer-
 dosibus, Imperauitq; fieri quod petierant. Sed non
 comparente Athanasio iussit Cæsar Synodum
 transferri Tyrum.

Concilium Sardicense ab Iulio Imperatoris
 filijs indictum. Sulpitius Seuerus lib. 2. historiz
 Res ad Constantinū refertur, iubet ex toto orbe apud
 Sardicā Episcopos congregari. Socrates lib. 2. cap.
 16. Edicitur Consilium Generale vt omnes Sardicam
 conuenirent idq; de sententia duorum Imperatorum. I-

dem

Actione 1.

Synodi.

Tomo ter-

tio Concil.

editionis

Colom. p.

51.

dem testatur Athanasius Apologia secunda. Theodoretus lib. 2. cap. 4. *Constantius indicit Concilium Sardicæ.*

Tom. I.
Con. p. 472
editionis
Colan.

Idem Constantius indicit consilium Mediolani ait Theodoretus lib. 2. cap. 15. Idem paulo post conuocat Concilium Ariminense. cap. 18. Tum aliud Seleuciæ cap. 27. Synodus Aquileiensis sic scribit ad Imperatores Gratianum & Valentinianum. *Iuxta mansuetudinis vestra statuta conuenimus, &c.* Sigeberti verba sunt ad annum 435. Iussu Valentiniani Imperatoris Romæ congregatur Synodus. Nempe in ipse vrbe Roma Romanus Pontifex non potuit nisi ex Cæsaris Imperio Synodum conuocare.

Ac ne infinita eiusmodi exempla conlecter, habemus luculentissimum testimoniū Hieronymi Apol. 1. aduersus Ruffinum, *Responde quaeso Synodus a qua excommunicatus est, in qua vrbe fuit? Dic Episcoporum vocabula: profer sententias subscriptionum, vel diuersitatem, vel consonantiam? Dico qui eo anno Consules fuerunt, quis Imperator hanc Synodū iusserit congregari?*

Hæc quidem a nobis nimia fortasse diligentia prolata sunt. Sed putavi operæ pretium palam facere quam contra veritatem historię, & suam ipsius conscientiam Bellarminus lib. de Concilijs cap. 13. dicat quæ sequuntur. *Secundo dico posse nos opponere consuetudinem consuetudini, si enim quatuor aut quinque Consilia Imperatores indixerunt plura quam didicimus indixerunt Pontifices, ut aduersarij etiam fatentur. At hoc nemo nostrum fatetur; Immo nullum inuenietur Consilium alicuius nominis*

minis in tota antiquitate quod constet Papæ mandato esse conuocatum. Enimuero cum Imperatores sufficerent sumptos in Synodos, & illi ipsi quos Episcopus Romanus ad Synodus suo nomine mittebat Imperatorum liberalitate alerentur; manifestū est eos ab Imperatore accitos, & eius voluntate retentos aut dimissos.

Quapropter Bellarminus victus euidentia veritatis fatetur tandem Concilia ab Imperatoribus indicta fuisse, sed ex Pontificum sententia & consensu.

§ Lib. Con.

cap. 13.

§ Habe-

mus &

§ Quarto.

Non negauerim quidem preces Episcoporum Romani, Alexandrini, Antiocheni, Constantinopolitani & aliorum, sæpe inpetrauisse ab Imperatoribus vt Concilia conuocarent: sed falsum est consensum Pontificis Romani ad celebrationem Concilij necessarium fuisse. Nam contra videas Episcopos Romanos passim suppliciter petere ab Imperatoribus indictionem Concilij. Sic Liberius apud Theodoretum lib. 2. cap. 16. petit a Constantio vt Concilium velit conuocare. Sed Imperator nequidem vlla responsione super hac re eum dignatus est. Sozomenus lib. 8. cap. ultimo, memorat, Innocentium Episcopum vrbis Romæ, misisse quinque Episcopos Ecclesiæ Romanæ, & Presbiteros duos ad Arcadium & Honorium, vt Synodum, eiusque definitum locum & tempus impetrarent, sed hi Legati cum contumelia re infecta dimissi sunt. Leo Papa epist. 23. & 31. obnixè petit a Theodosio Synodum eius mandato conuocari in Italia. *Omnes (inquit) mansuetudinem vestram cum gemitibus & lacrymis supplicant*

*supplicant Sacerdotes generalem Synodum iubeatis
 intra Italiam celebrari. Sed frustra fuit Leo, nec
 habita est eius ratio, sed coactum est Concilium
 Chalcedone, ad quod Leo misit qui vices suas im-
 plerent, qui Imperatoris sumptibus pro more a-
 lebantur. Sic cum Imperatores conuocaturi
 Concilia, solerent ad omnes Episcopos mittere
 Sacras, indicentes Episcopis locum & tempus
 Concilij frequentes sunt Sacre ad Episcopos Ro-
 manos, quibus iubentur aut venire ipsi, aut sub-
 delegatos mittere. Concilio sexto Vniuersali præ-
 fixa est Diualis sacra ad Donum Episcopum ve-
 teris Romæ, in qua imperator sic loquitur: *Per
 omnia IUBEMUS vestram paternam beatitudinem
 minime effici impedimentum voluntati Dei, sed eos
 dirigere.* Loquitur autem de mittendis ad Con-
 cilium legatis qui Doni vices obeant. Sic Synodo
 Nicenæ secundæ præposita est Epistola Tharasilij
 Patriarchæ Constantinopolitani sic loquens.
*Inquam Synodum & nos, & Sacerdotes veri Vicarij
 scilicet Pape veteris Romæ, & Orientis summorum
 Sacerdotum, preterea Dei amantes Episcopi plurimi
 secundum mandatum priorum nostrorum Imperatorum
 convenimus. Quin & mandatis Imperatorijs com-
 minationes non raro addebantur. Epistolis Con-
 stantini ad Synodum Tyri incerta est hæc com-
 minatio. Quod si quis reiecto & spreto mandato no-
 stro adesse noluerit, delegabimus aliquem qui regia
 illum auctoritate in exilium eicelum docebit hominem
 minime decere summi Imperatoris præceptionibus ad
 tuendam veritatem editis resistere.* Eusebius lib. 4.
 de vita Constantini cap. 42. Parique authorita-*

re Theodosius apud Nicephorum lib. 14. cap. 34 sic scribit ad omnes Episcopos: *Neminem se vel apud Deū vel apud homines excusaturū esse, qui nō statim ad designatam Sanctæ Pentecostes diem præsto ibi esset.*

Id vero maxime obseruandum, omnia vetera Consilia Romæ habita vix vllius esse ponderis, & vix inter particularia computari. Enimvero in Consilijs vniuersalibus frequens mentio Canonum Synodi Gangrensis, Laodicensis, Neocæsariensis, & Antiochenæ, quæ fuerunt Synodi particulares. At Romanorum Canonum nulla vsquam recitatio. Nec passi sunt Imperatores vllum Concilium vniuersale haberi Romæ nec in Italia. Vnde factum vt Episcopus Romanus priscis Concilijs Vniuersalibus nunquam potuerit interesse, vtpote in quibus sententiæ dicebantur Sermonem Græco, qui ab Episcopis Romanis non intelligebatur. Sic ante Concilium Ephesinum Papa Celëstinus prolixè se excusat apud Nestorium, quod eius litteris tardius respōderit, plusculū enim temporis abiuisse dum Græca Nestorij epistola in Latinū Sermonē verteretur. Ipse Gregorius I. quanquam cognomento Magnus, fatetur tamen se nescire Græce, Epistola 29. libri 6. Erant ergo Legati Romani in Concilijs vniuersalibus *κωφὰ ὁρίσονται*, & pedanei iudices: itaque in Concilio Niceno Osius præcedit. In Constantiopolitano I. Nectarius. In Ephesino primo Anatolius. In Chalcedonenſi Cyrillus. In Sexto Concilio Menas & Eutiches. In Niceno II. Tharasius. Sed legatorum Roma missorum, nul-

læ

la propemodum partes. Præcipue vero dignum est videre quomodo in Concilio Niceno secundo vnus Tharadius Constantinopolitanus regat Concilium, & omnia moderetur, passim loquens & decernens : at legati Romani sedent propemodum muti, suntque singulare exemplum modestiæ.

His opinor satis probatur, Concilia solita indici ab Imperatoribus non modo sine assensu Pontificis, sed etiam contra eius voluntatem. Causam affert Bellarminus eodem capite 13. lib. 1. de Concilijs. *Quarta ratio* (inquit) *est quia eo tempore Pontifex et si in spiritualibus esset caput omnium, etiam Imperatorum, tamen in temporalibus subiiciebat se Imperatoribus, & ideo non poterat inuito Imperatore aliquid agere. Quin & addit, Quia Dominum suum temporalem eum agnoscebat, supplicabat ut iuberet conuocari Synodum: At post illa tempora istæ omnes causæ mutatae sunt. Habemus ergo confitentem reum, & Bellarminum fatentem Imperatores exutos potestate quam habebant. Quæ iniusta fuit, cur Papa eos spoliavit suo jure? Si iniusta, cur Papa aut aliquis alius eos non monuit, ne jura Papæ Romani inuolarent: & alienam potestatem vsurparent? Cur non saltem cum deliquerunt Imperatores timeri in Italia. Papæ se suo jure hæcenus fraudatos conquesti sunt? Est Ergo notatu digna Confessio Cardinalis, hoc tempore omnia esse immutata: Nam quæ maior mutatio quam cum qui seruus erat, fit dominus si i domini?*

Erit fortasse qui putet prærogatiuam hanc fuisse veteris Romani Imperij, quæ non possit ab

alijs

alijs Regibus & Principibus in suis Regnis & Principatibus sine temeritate vsurpari. At & hinc historię posterioris sæculi fauent regibus. *Quarta Synodus Romana* sic incipit. *Sancta Synodus apud urbem Romam ex praecepto gloriosissimi regis Theodorici diuersis è regionibus congregata.* Nam quæ paulo post dicuntur ab Episcopis, asserentibus Symmachi fuisse Synodum conuocare, vt dicta a suffraganeis Episcopi Romani eique obnoxij, nullius sunt momenti. Initio Concilij Aurelianensis I. Episcopi Regni Franciæ sic alloquuntur Regem Clodouzum. *Domino suo Catholica Ecclesia filio Clodonao gloriosissimo Regi, omnes sacerdotes quos ad concilium venire iussistis.* Aruernense concilium non longe ab initio hæc habet. *Cum in Dei nomine congregante sancto spiritu, consentiente Domino gloriosissimo pioque rege Theodeberto in Aruerniam urbem sancta Synodus conuenisset.* Aurelianense Concilium V. hæc habet. *Cum clementissimus princeps triumphorum titulis inuictissimus Childebertus Rex pro amore sacre fidei studio religionis in Aurelianensium urbem congregasset in unum Sacerdotes.* Sub eodem Rege Parisiense Concilium sic incipit. *Cum in urbem Parisiensem ad inuitationem Domini regis gloriosissimi Childeberti venissemus.* Toletani Concilij III. primum caput tale est. *Cum pro fidei sue sinceritate idem gloriosissimus princeps Reccaredus omnes regiminis sui Pontifices in unum conuenire mandasset.* Matisconensis Synodus sic incipit. *Cum ex euocatione gloriosissimi Domini Guatramni Regis nostra mediocritas conuenisset.* Idemque initium Synodi Valentiniæ sub eodem Rege

Vide Siegb.
ad annum
512.

Rege & Synodi Bracarenſis primæ ſub Ariano Rege Gottho. Longum eſſet referre Concilia quæ Aquisgrani, Parilijs, Francofordi, Moguntia a Pipino, Carolo magno, Ludouico Lothario, Carolo Caluo &c. conuocata ſunt, nulla facta mentione Papalis mandati, immo nec ſuaſionis. Lege Sigebertum ad annum 813.

Quid quod illo ipſo tempore quo plene reuelatum erat myſterium iniquitatis, & Papæ principum capitibus inſultabant, Imperatores tamen & Reges auſi ſunt cogere concilia, non modo ſine Papa, ſed & contra Papam? Sic anno 959. Otho conuocauit concilium Romæ aduerſus Iohannem XII. & Henricus III. ſecutus exemplum, frequentij Concilio tres Papas abdicauit, Benedictum 9. Sylueſtrum 3. & Gregorium 6. quos Platina appellat tria monſtra. Ac ne ſuperuacuis immorer, nouiſſime Ludouicus XII. Gallia Rex, indiſto Piſis Concilio Iulium II. damnauit.

Aduerſus hæc Bellarminus nihil habet quod ex Antiquitate opponat, niſi quendam canonem quem vocat Antiquiſſimum, vetantem celebrare Concilia præter ſententiam Epifcopi Romani.

In verſione Verba ſunt Iulij I. apud Socratem lib. 2. cap. 17. *eſt cap. 13.* vbi Iulius Synodi Antiochenæ authoritatem conatur infringere quia ipſe non fuerat vocatus ad Synodum τὸ ἐκκλησιαστικὸν κανὼν καλεῖ οὐκ ὄντος μὴ δὲ τῶν πατρῶν τὸ ἐπισκοπικὸν κανὼνίζει τὰς ἐκκλησίας, id eſt, Ne abſque ſententia Epifcopi Romæ Eccleſiæ decreta ſanciantur. His ſimilia refert Sozomenus lib. 3. cap. 9. Quin & Bellarminus citat Synodum Alexandrinam aſſerentem in Epiftoſa ad Felicem

ida Concilio Niceno esse constitutum.

Principio epistola illa seu genuina est, seu supposititia, pugnat cum veritate. Nam ea de re in Concilij Niceni Canonibus *est* *xxv*. De cuius Concilij canonum numero etsi varie discepratur, constat tamen non plures quam viginti Canones de Ecclesiastica politia ibi esse constitutos. Teste ipso decreto Romano Dist. 17. Can. *Viginti*. Theodoretus lib. 1. Hist. cap. 8. *ἡ δὲ ἐκκλησία τῆς πόλεως οὐκ ἔχει ἄλλους κανόνας πλὴν τῶν ἐν τῇ ἐπιστολῇ τῇ ἐκ τοῦ Νικαίου συνελθόντων*. & Concilio Carthaginensi sexto recitantur viginti statuta Niceni Concilij planè similia viginti Canonibus quæ hodie extant. Neque istud Conciliū Alexandrinum vspiciam extat.

Quanta vero improbitate confictæ sint Epistolæ insertæ Tomis Conciliorum, siue sint Decretales Paparum, siue Epistolæ Concilij assutæ notum est omnibus, & Bellarminus passim agnoscit. Tum notum est Papas pridem solitos supponere falsos Canones Concilij Niceni, ut patuit in Synodo Africana ubi Bonifacius & Celestinus conabantur obtrudere Afris fictum Canonem Synodi Nicenæ, ut sub hoc obreñtu prouocationes Ecclesiarum Africanarum ad se traherent. Quam ob fraudem grauitur corripitur Celestinus ab Episcopis Afris in Epistola Synodo Africana inserta.

Fac tamen Iulium non mentitum, & fuisse hanc Ecclesiasticam constitutionem: nihil tamen ad rem facit, non enim hoc canone datur authoritas Episcopo Romano convocandi Concilia, sed decernitur tantum non debere sine eo
R concilia

concilia celebrari, aut Canones condi: Quod fuit priuilegium omnium Patriarcharum, quibus non conscijs & non vocatis non debebat Concilium generale conuocari. Inde est quod Iohannes Antiochenus ausus est Cyrillum excommunicare, quod se non expectato Synodum Ephesinam inchoasset. Mirum vero quod Synodus Constantinopolitana prima censetur Vniuersalis, ad quam tamen Episcopus Romanus non fuit vocatus, nec adfuit, per se, nec per legatos. Neque conquestus est sibi fieri iniuriam & canonem istum violari, qui nondum innotuerat.

Cætera quæ Bellarminus affert, Christum commisisse Ecclesiam Petro, non Imperatori, & eiusm odi leuicula, nituntur duabus falsis suppositionibus quarum prima est Christum Petro soli commisisse omnes suas oues, eumque habuisse iurisdictionem in cæteros Apostolos. Altera Papam esse successorem Petri non modo in Episcopatu Romano, sed & in Apostolatu, & officio capitis Ecclesiæ, Quæ quia sunt maxima αἰτηματα, & a nobis alibi confutata, nobis hic satis sit hæc simpliciter negare.

Neque vero dici potest, conuocationem Concilij generalis aut nationalis, rem esse mere Ecclesiasticam, ideoque ad Pastorum tantum curam pertinere. Nam etsi decernere de Controversijs fidei res sit mere Ecclesiastica, designatio tamen loci & temporis Concilij, res est ciuilis & cognitionis Regiæ. Tum Regis est videre ne sub religionis obtentu ciuilia tractentur, vnde digni-

tas regia aut Reipub. status aliquid detrimenti
 capiat. Adde quod causarum Ecclesiasticarum &
 politicarum maxima sæpe est cognatio, & breue confi-
 nium. Nec omittendum quod in Concilijs sub-
 nascuntur iurgia & simulacra inter Episcopos,
 quæ Principis auctoritate sæpe necesse est aut in-
 cidi aut solui: quod factum est a Constantino in
 Concilio Nicæno, cum libellos supplices Episco-
 porum de mutuis iniurijs exposulantium sua
 manu cremavit. Tum ad ea exequenda quæ a
 Concilio decreta sunt opus est Magistratus aux-
 ilio. Quod si insuper ad synodos habendas ab
 Imperatore aut Rege sumptus suppeditantur,
 non mirum est si ad earum conuocationem Prin-
 cipis expectatur Imperium. Certe si vnus aliquis
 Episcopus iure diuino præfset omnibus Eccle-
 sijs orbis aut Imperij, facilius concedi posset non
 posse conuocari concilia absque eius assensu aut
 voluntate: At cum Dei verbum nulli pastori
 det tantam auctoritatem, non alium inuenies
 cui Deo authore imposta sit cura Ecclesiarum
 totius Imperij, quam Imperatorem aut Regem,
 qui celestis oraculi voce nutricius Ecclesiæ nun-
 cupatur, & cuius fidei & industrie Ecclesia Dei
 commissa est. His omnibus fidem astruit, quod si
 totam scripturam sacram euoluas, nusquam in-
 uenies imperatâ Concilia Vniuersalia, quorum
 etsi magna vtilitas (quicquid contra sentiat Na-
 tianzenus) dummodo absit tyrannis, & sacræ
 Scripturæ iudicio lletur, certum est tamen con-
 suetudinem istam magis niti saluari prudentia
 quam institutione diuina. Nec si Deus talia con-

Ef. 49. 23.

Eo. 24. 2.

χρηστέ-
 τας, εἰ δὲ
 τὰν δὲ
 καὶ ἐν ὁ-
 σε παῖτε
 σὺν ὅλον
 ἐδὲ χρεῖ-
 πὸν ὁπω-
 ὅτι μὴ δε-
 μις σὺν ὁ-
 δὲ τὰν
 εἰδὼν
 χρηστέ-
 τας

cilia diserte iussisset, possent tamen Reges ab eorum conuocatione excludi. Cuicumque soli ad præclarum opus & salutare Ecclesiæ peragendum Deus vires largitus est, debet credere se ad illud præstandum a Deo vocari, nec sibi soli concessas vires Ecclesiam adiuuandi vt torpeant inutilis.

His de causis ~~degenia~~ quam nos præsentiam vocamus concessa est Imperatoribus sine controuersia in Generalibus concilijs.

Constantinus præsidet Concilio Niceno teste ipso Papa Melchiade Can. Futuram. Causa. 12. quæst. 1. *Idem Constantinus præsidens sanctæ synodo quæ apud Niceam congregata est.* Eademque verba habentur Can. Continua. Causa 11. Quæst. 1. Id ipsum testantur gesta a Constantino in Synodo, vbi inciuilius se gerentes repressit, dissidentes conciliauit, libellosque supplices Episcoporum cremauit. Quapropter ab Eusebio vocatur *καὶ τοῦ ἐκκλησιαστικῆς*, quali diceret *Episcopum vniuersalem.* At legatos Romani pontificis Vitum & Vincentium in quartum locum rejicit Sozomenus. lib. 1. cap. 17. Subscribunt autem secundo loco, post Hosium, hoc modo

Hosius Episcopus ciuitatis Cordubensis provincie Hispania dixit, Itacredo sicut superius scriptum est.

Victor & Vincentius presbyteri urbis Rome: pro venerabili Papamstro subscripsimus.

Hosium vero asserere fuisse legatum Episcopi Romani, nullo teste, sed ex mera coniectura, summa est temeritatis. Nam nemo veterum hoc dicit,

cit, Tum subscriptiones non fuissent seorsim positæ, sed vno filo sic subscripsissent: *Hosius, Vitus & Vincentius legati Papa Romani subscripsimus.*

Imperator Theodosius senior interfuit primo Concilio Constantinopolitano: testis Zonaras Annal. Tomo. 3. & Theodoretus lib. 5. cap. 9. unde isti synodo accreuit authoritas. Cum enim eodem tempore Damasus Episcopus Romanus celebraret Concilium in Italia: ad quod etiam Episcopos Orientales inuitauerat, Synodus tamen constans solis Episcopis Orientalibus, cui Damasus nec per se interfuit nec per legatos, imo quam Damasus impedire voluit & in Italiam transferre, censetur vniuersalis. Ex aduerso Synodus cui præfuit Damasus vix est alicuius nominis, & est infra plurima Concilia particularia.

*In Epistola
Synodica
Constanti-
nopolitana
Synodi ad
Damasum,
Ambrosium,
&c.*

Tertiam synodo, quæ fuit Ephesina. i. Leo Papa Epistola. 45. ait Cyrillum Alexandrinum præfuisse & in Cod. lib. 1. tit. 8. cap. 8. sic scribitur *Ephesina Synodus cui beata memoria Cyrillus præfuit.* Quem honorem cum Leo sciret vltro deberi Cyrillo, viro inter sui æui Episcopos facile Principi, Leo Romanus noluit interesse Concilio, sed astute Cyrillum rogauit vt partes suas imple-
ret. Imperator vero non interfuit Concilio, sed cum audiret res in Concilio per tumultum geri, euocauit ad se patres Concilij vt de re tota cognosceret. Nicephor. lib. 14 cap. 35. Sic Augustus quantumvis procul ab Epheso, Ephesinæ tamen synodo moderabatur.

*Leo ep. 45.
Priori au-
tem Ephe-
sina Synod
cui sancta
memoria
Cyrillus
tunc præ-
seduit. &c.*

Secunda Synodus Ephesina vtcunque desinit, turpiter, & *Asperum* dicatur, congregata tamen

est legitimè, quippe indicta mandato Imperatoris, & firmata consensu omnium Patriarcharum, qui omnes adfuerunt excepto Leone Romano, qui conscius sibi ignorantie sermonis Græci, & metuens alteri postponi, Iulium misit qui suas vices obiret. Dioscorus vero Alexandrinus ab absente Imperatore iussus est præsidere Synodo, ut testatur Epistola Imperatoris ad Dioscorum inserta primæ actioni synodi Chalcedonenſis, in qua Imperator sic affatur Dioscorum: *authoritatem & primum tue præbemus magnitudini*: Hic vero Bellarminus suo more falsarius est, dum ait Dioscorum extorsisse præſidentiam illam ab Imperatore, idque probat testimonio Zonaræ & Euagrii lib. 1. cap. 10. apud quos hac de re ne verbum quidem.

Synodum Chalcedonenſem Marcianus Augustus aperuit, præfatusque est graviter & sanctè. Idemque Iudices dedit synodo, viros Patricios, Exconsules, Magistros, Comites, qui longa serie recensentur initio primæ Actionis, ex quorum auctoritate pendebat Synodus & nihil fiebat nisi cum eorum venia: Idem tumultuantes Episcopos compescebant. Sic prima Actione cum cuncta clamore confuso perstreperent, *Gloriosissimi Iudices & Amplissimus senatus dixerunt Acclamationes istæ populares neque Episcopos decent, neque partes iuvant, patimini ergo uniuersorum fieri lectionem*, Idem siquid dubij inciderat, quid fieri aut statui oporteret decernebant. Sic apud Euagrium lib. 2. cap. 4. *εἰ ἀπὸ τῆς συζητήσεως λαυλῆς ἐγένετο πῶς*. Hi in medio sedebant, pro cancellis sacra mensa

mensæ seu altaris, confidentibus a læua vicarijs Episcopi Romani, & Anatolio Episcopo Constantinopolitano: a dextris vero, (quæ sedes erat dignior læuâ), Dioscorus Alexandrinus & Iuuenalis Hierosolymitanus. Cæterum ex Actis constat præcipuas partes fuisse Anatolij qui & frequentissimè loquitur, & ante legatos Episcopi Romani.

Concilio Constantinopolitano II. non præfuit quidem Iustinianus, sed voluit Menam Patriarcham Constantinopolitanum ei præesse, legatos vero Episcopi Romani ei assistere, vt testatur Actio Prima consilij his verbis. *Post consulatum Clarissimi Flauij Bellisarij pridie Nonas Iunias indict. 14. in Deo amata & regia urbe Constantinopoli, presidente autem sanctissimo & beatissimo Domino nostro Oecumenico & Patriarcha Mena & a dextera quidem parte confidentibus illi coadutoribus iuxta pium iussum a Christo amati & Deo custodij Imperatoris Iustiniani excellentissimis & sanctissimis Episcopis Sabino Canusy, Epiphanio Esculanorum &c. ex Italica regione ab Apostolica sede nuper missis.* Frustra vero hic disputatur an hæc synodus inter initia fuerit Vniuersalis, satis nobis est Menam præfuisse, & locū coepisse ante episcopi Romani legatos, iussu Imperatoris, Nam si Papa est caput vniuersalis ecclesiæ; siue loco depellatur in generali synodo siue in particulari, par est iniuria.

Sextæ synodo Constantinopolitanæ præsedit Constantinus Augustus, vt testatur ipsa synodus Actione prima *Prosi lent: eodem pyssimo & Christo delecto*

delecto magno Imperatore Constantino in secretario magnipalaty quod cognominatur Trullus. Eademq; verba repetuntur fere in singulis Actionibus statim ab initio. Sed tota Synodo passim loquuntur iudices ab Imperatore electi, & pro suo iure decernunt.

In Nicena quoque Synodo secunda ubique fit mentio Gloriosissimorum Iudicum qui ab Imperatore dati fuerant Synodo.

Synodo Francofurdensi praesedit Carolus Magnus ut testatur ipsius Synodi Epistola ad praesules Hispaniae. Anno Christi 963. Otho Magnus Synodum coegit Romae in qua & praesedit, Testes Lambertus Scafnaburgensis & Regino. Sic & Annales Gallici plenisunt exemplis Regum praesidentium Synodis. Iohannes Maior secunda parte scismatum dicit sub annum 1226. venisse in Galliam Legatum, cui *Romano* erat nomen, Regisque assensu convocatam Synodum cui Rex & Legatus praesederunt. Anno 1286. Philippus Pulcher habuit Concilium aduersus Bonifacium VIII. Idem Iohannes Maior docet Ludovicum XI. coegisse Concilium Ecclesiae Gallicanae, nec non universitatum in ciuitate Aurelianensi ad explicandam quaestionem de Pragmatica sanctione, eique Concilio Praeseditille Ducem Petrum Burbonium Regis loco. Willhelmus cognomento conquestor Angliae Rex & Normanniae Dux, concilium habuit Rotomagi anno 1073. in quo ipse praesedit, testis Matthaeus Westmonasteriensis.

Neque vero per haec facio Reges aut Imperatores

res summos iudices de capitibus fidei. Aliud enim est præsidere Concilio, aliud iudicare de fide. Potest Princeps moderari Concilio & providere ut omnia fiant decēter, & cerebrofiores si qui sunt in ordinem cogere, & ad imitationem Constantini hortari Episcopos. ut ex diuinis oraculis dirimant controuersias: nec tamen idcirco ius sibi arrogare decernendi summo iure de articulis fidei, nec sibi tribuere *ei a iudicari* ut Pontifex, aut omnia iura inclusa scrinio sui pectoris. Sed neque video causam cur Rex quoque non possit in Concilio dicere sententiam de Religione, cum & ipse a Deo vnctus sit, & Ecclesiæ cura ei demandata: & probi Reges sub veteri Testamento, immo & sub nouo Ecclesiam sæpe ordinauerint & emendauerint, & rectæ fidei sint patrocinati.

CAP. XVII.

Concilio posterioris æui, & a veterum Conciliorum forma, & doctrina plurimum abcessisse. Forma & ordo Conciliorum Papalium exponitur.



Votiescunque aliqua controuersia mouetur super capitibus fidei, & Ecclesia Romana coram tribunali sacræ scripturæ corruptæ religionis accessit, illico Conciliorum Maiestas nobis opponitur, quasi caput Medusæ, quod homines injecta religione obstupesciat, & nos exceptione rei iam iudicatæ summoueat. Hæc quidem oggeruntur

truntur imperitis, at eadem ab hominibus non plane ignaris antiquitatis excipiuntur risu. Nam ut vetera Concilia veneramus, & eorum fidem agnoscimus esse consentaneam sacre scripturæ. Sic vicissim in Concilijs posterioris æui nihil agnoscimus quod accedat ad puritatem & simplicitatem Conciliorum antiquorum, siue doctrinam spectes faciem externam & ordinem.

Cōtinenti-
am cum
propria vx-
ore concu-
bitum,

Atque ut ordiar a doctrina, Synodus Nicæna assensu est Paphnutio vocanti *ὁμογενεῖν τῶν ὁρίων τῶν ἐκκλησιῶν*, & patrocinanti matrimonio clericorum, ut refert Sozomenus lib. 1. cap. 23. & Socrates lib. 1. cap. 8. & Nicephorus 8. lib. cap. 19. Immo & Decretum Romanum, Dist. 32. Can. Nicæna.

Synodus Eliberina Nicenæ *ὁμογενεῖν* can. 36. Placuit in Ecclesia picturas esse non debere, ne quod adoratur in parietibus depingatur.

Synodi Laodiceenæ Canon ultimus, libros Tobie, Iudith, Maccabæorum &c. ex Canone scripturæ exterminat. Cuius Concilij tanta fuit auctoritas, ut eius Canones essent inserti Nomocanoni, qui initio Conciliorum Vniuersalium solebat legi. Eademque Synodus approbatur a Synodo sexta Vniuersali Trullanæ.

Synodus Chalcedonenſis Actione 15. decernit Episcopum Constantinopolitanum æqualia habere priuilegia cum Episcopo Romano, & æqualem ei esse in omnibus rebus, etiam in Ecclesiasticis.

Synodus Charthaginensis III. Can. 26. hæc habet. *Ut p. unæ sedis Episcop. is non appelletur Princeps*

ceps Sacerdotum aut summus sacerdos, aut aliquid huiusmodi, sed tantum primæ sedis Episcopus.

Synodus Carthagenensis IV. libros Maccabeorum ex Canone expungit, si fides potius habetur Græcis Canonibus editis a Tileto & Balsamone quam Tomis Latinis Conciliorum fœdè corruptis.

Synodus Africana, cui præfuit Aurelius, interfuit Augustinus monet gravissima epistola Celestinum Episcopum Romanum, ne fumosum typhum seu fastum sæculi in Ecclesiam introduceret; nec causas Africæ ad se traheret, nec Nicenæ Synodo falsos Canones affingeret, malisque artibus ad suam ambitionem velificaretur.

Concilium Mileitanum in Africa can. 22. agens de ijs qui damnati sunt a proprijs Episcopis hæc ait. *Quod si & ab eis provocandum putaverint non provocent nisi ad Africana Concilia, vel ad Primates Provinciarum suarum. Ad transmarina autem qui putaverit appellandam a nulla intra Africam in communionem suscipiatur. Per transmarina autem Italiam intelligi nemo ambigit.*

Concilium V. & VI. Generale Honorium Episcopum Romanum damnat hæreseos, & ut Monothelitam infamat, iubetque eius nomen eradi ex diptychis.

Concilium sextum, quod Canones in Trullo condidit. Can. 13. sancit & probat coniugia Clericorum, veratque dissolui, quin & nominatim ac diserte damnat morem Ecclesiæ Romanæ adimentem diaconis & presbyteris coniuges.

Idem Concilium Canone 55. damnat Ecclesiæ Romanæ

Depositi-
onis & se-
gregatio-
nis.

Romanæ morē ieiunandi Sabbatho in Quadra-
gesima, iubetque eam discedere a praua consue-
tudine sub pœnis constitutis Canone Apostolo-
rum Sexagesimo quinto. *ad scriptorē* in clerico,
apocryphus in laico. An hæc Synodus credidit Eccle-
siam Romanam errare non posse.

Idem Concilium Can. 32. profert canōnem
Synodi Carthaginēsis cuius hæc sunt verba, *In sa-
crā nīhil plus quam corpus & Sanguis Domini offera-
tur, ut ipse Dominus tradidit, id est panis & vinum a-
qua mixtum.* At Ecclesia Romana non probat
hanc interpretationem verborum Christi in Sa-
cramento.

Concilium Constantinopolitanum I V. 338.
Episcopis frequens, Sacramentum quod à fideli-
bus in Eucharistia accipitur, vocat *Vinificantis cor-
poris imaginem*, eoque nomine reprehenditur a
Pseudosynodo Nicæna I I. Actione 6. eadem-
que Synodo damnantur & abolentur imagines.
Quod decretum a Synodo Francofordensi sub
Carolo Magno, & a Synodo Parisiensi sub Ludo-
uico Pio confirmatum est.

Ac ne singula conſeſter, Papa & eius aduſatores
commenti ſunt nouum dogma quō patres omnes
veterum Conciliorum ſtultitiæ & ridiculi ſtupo-
ris inculſantur. Nam ſi Papa loquens vt Papa &
de cathedra Papali non poteſt errare in fide,
quid attinebat tam operoſa, tantis ſumptibus, con-
cilia conuocare Et Episcopos per totum Imperiū
Romanū abſtrahere a ſuis Eccleſijs per pluſculos
annos, qui in deliberādo de rebus fidei inſume-
bantur? Cur non potius ſimul ac enata erat aliqua
controuerſia,

controuerſia, conſulebant Papale oraculum & Pontificem his verbis per epiftolas compellabāt: *Supplices rogamus tuam Sanctitatem vt hanc controuerſiam nobis enodet, & ad quaſita reſpondeat non vt homo, ſed vt Papa, non quidem loquens, & ſe de primata, ſed e cathedra Pontificali.* Hæc ſane via fuillet longe compendioſior, immo & certior. Eſt enim longe tutius habere vnum iudicem quem ſcias non poſſe labi, quam multos quorum ſinguli ſint errori obnoxij, & quos in Concilio (vt fit) videas plerunque inter ſe commiſſos. Hoc quidem ignorauit antiquitas, nam in Concilijs Legati Epifcopi Romani ſententiam ferebant, cum cæteris & Pontificis ſui fidem & ſenſum exponebant, in quorum ſententiam non ſemper diſcedebatur, ſed multa decernebantur, inuitis legatis Epifcopi Romani, & contra obſtantibus: vt factum in Synodo Calcedonenſi & in Africana.

Eſt quoque ~~perperam~~ & in priſca Concilia contumelioſum illud quod magna contentione defenditur, ea demum Concilia eſſe bona & legitima quæ a Papa fuerint probata, hæc autem approbatio non poteſt fieri niſi poſt concilium. Ego ſane, qui meus eſt ſtupor, putaueram Papam approbare Concilia quia bona ſunt. At nunc contra eſt: nā bona cenſentur quia Papa ea probauit. Ergo & dicendum erit Concilium errauiſſe quia Papa illud improbat, vnde conficitur vt nondum errauerit antequam Papa illud improbare. Riddle plane. Neque enim approbato Concilij facta poſt Concilium, poteſt efficere ne Concilium errauerit. Omnino qui inconſulto Papa conuocat

uocat Conciliū, non expectat eius approbationem: At iam docuimus pleraque vetera Concilia fuisse conuocata ab Imperatoribus, inconsulto Papa, quædam etiam inuito. Neque credibile est Synodum Sextam vniuersalem damnantem Honorium Episcopum Romanum, ab Episcopo Romano istius damnationis approbationem expectauisse. Aut Papam posse aut debere constitui iudicem eorum decretorum in quibus Papa damnatur, cumque in sua causa debere esse iudicem. Quod si Papa sit a fide deuus, ut dicitur Can. SI PAPA Distinct. 40. & super hæresi a Concilio damnetur, an hæc sententia tunc demum erit rata, quando Papa ad suam ipsius condemnationem conuocauerit Conciliū, & ipse se reum sistere voluerit, & sententiam in se latam probauerit? Longum in tempus expectationem nostram extrahit qui sibi in tam inepta spe blanditur.

Sed neque consentaneum est potius adhibendam fidem vni Episcopo Romano quam Sexcentis triginta Episcopis pijs & probis ex toto Romano orbe conuocatis (totidem enim fuerunt Calcedone): & cum agitur de ipsius Papæ dignitate, potius credendum soli Papæ quam Concilio vniuersali.

Hæc pauca de doctrina veterum Conciliorum. De forma vero seu ordine externo dictum est abunde capite præcedenti.

Cum his qui contulerit Concilia posterioris æui, quæret Conciliū in Concilio, nec quidquam inueniet nisi scædam corruptelam & drama ad Pontificis

Pontificis libidinem confictum. Denique coetum nihil differentem a Consistorio Papali, nisi quod numerus amplior est, & maior splendor. De doctrina quædam libabimus, post de ordine seu forma externa. Concilium Nicenum II. anno Christi 787. coactum est: in quo Episcopi Romani auctoritas parua fuit, sed eo tantum annitente fœdi errores sunt stabiliti: Nam in hoc Concilio anathema dicitur hæsitantibus circa adorationem imaginum, & decernitur imagines esse adorandas, & Iconomachorum error pronunciatu pessimus omnium hærescon. Actione quarta imagines asseruntur æquipollere sacris Euangelis, & eadem Sessione *Maiores est imago quam oratio.* Et Actione quinta: *Ecclesia sentit Angelos non omnino esse corporis expertes & inuisibiles, verum t. n i corpore præditos & æreo sine igneo.* En puritatem & sanam fidem Concilij quod Generale vocatur, & probatur ab Ecclesia Romana.

Anno Christi 1215. sub Innocentio tertio Concilium Lateranense Romæ celebratum est, Cuius capite primo asseritur, & credi iubetur transsubstantiatio panis in corpus Christi. Capite tertio eiusdem Concilij tribuitur Papæ potestas liberandi subditos a fidelitate seu subiectione Principum, & tradendi ditionem eorum alteri occupandam. Annexæ est Concilio bulla Expeditionis ad recuperandum terram sanctam, cuius hæc sunt verba. *Omnes qui laborem propriis personis subierint & expensis, plenam suorum peccaminum de quibus liberaliter fuerint corde contriti & confessi veniam indulgens: & in retributione iustorum*

rum salutis eterne pollicemur augmentum. Vir singularis modestiæ, promus, condus thesauri celestis, promittit peregrinis gradum felicitatis supra vulgus sanctorum. Quid quod in ultimo Iudicii die se cum Deo fore iudicem profitetur? Sic enim alloquitur tardos aut ingratos: Sciant se super hoc nobis in nouissimo die districti examinis Dei coram tremendo iudice responsuros.

Anno Christi 1414. habita est synodus Constantia, In qua damnatus Iohannes XXIII. ob multa crimina, quorum hoc vnum est quod negaret immortalitatem animarum, Sess. XI. Idem Concilium iudicauit fidem datam hæreticis non esse seruandam, crematis per fidem & contra fidem publicam Iohanne Hus & Hieronymo Pragensi, qui *ad vias* seu saluum conductum veniendi ad Concilium habebant, interposita fide & iusiurando Imperatoris Sigismundi: At Concilium censuit Imperatorem non debere fidem seruare. Decretum consilij ita conceptum est. Sess. XIX. *Præsent S. Synodus nullum impedimentum præstari posse seu debere declarat, quo minus dicto saluo conductu non obstante, liceat Iudici competenti, & Ecclesiastico de huiusmodi personarum erroribus inquirere, & alias contra eos debite procedere, eosdemque punire quantum iustitia suadebit, si suos errores renouare pertinaciter recusauerint, etiamsi de saluo conductu confisi, ad locum venerint iudicii, alias non venturi: nec sic promittentem cum fecerit quod in ipso est, ex hoc in aliquo remanere obligatum. Eiusdem Concilij sessione XIII. Concilium agnoscit Christum sub utraque specie administrasse suis discipulis Sacramen-*

mentum panis & vini, & ita receptum esse hoc Sacramentum a fidelibus in primitiua Ecclesia. Nihilò secius tamen præclara synodus decernit consuetudinem dandi populo alteram tantum speciem habendam esse pro lege, & pertinaciter asserentes oppositum tanquam hereticos arcendos & graviter puniendos. &c. Parum absuit quin veneranda synodus Christum ipsum notaret hæreses, os, aut inquisitioni subijceret: si quidem Christum imitari eique obsequi hæresis est plectenda supplicio.

Concilium Florentinum Anno Christi 1440. sessione vltima, decernit Ecclesiam Romanam posse addere symbolo. Papam obtinere primum in vniuersum orbem, & esse caput totius Ecclesie, & Purgatorium esse credendum.

Concilium Lateranense vltimum sub Iulio II. & Leone X. nihil reliqui fecit ad summam impietatem. Sessione primâ sacræ scripturæ ponuntur ad pedes Pontificis & adhibito iuramento ab officialibus tanguntur. Eadem sessione Papa vocatur *Princeps totius Orbis*, & Iulius dicitur Petri successor, autoritate non minor Petro. Sessione secunda Papa dicitur *Sacerdos & Rex, vniuersis populis adorandus, & Deo simillimus*. Sessione tertiâ Gallie regnum interdicto subijcitur a Iulio II. Nundinæ Lugduno Geneuam transferuntur, Res nempe synodalis cognitionis, & antiquorum conciliorum imitatio. Sessione quarta pragmatica sanctio aduersa cauponationi Ecclesiasticæ rescinditur, Papa asseritur tenere locum *Eterni Regis* in terris quanquam *Imparibus meritis*. Insigne

sane exemplum demissionis animi fateri se Deo meritis imparem. Sess. quinta Iulius Moritur, Leo succedit quem affatur synodus per Modrusiensem Episcopum, & hic quidem sic compellat Ecclesiam. *Ne fleueris filia Sion, quia ecce venit Leo de tribu Iuda, radix David. Ecce tibi suscitauit Deus saluatorem &c. Te Leo beatissime saluatorem expectamus, te liberatorem venturum sperauimus.* Sessio VIII. iubet obseruari decreta in synodo sub pœna excommunicationis latae sententiæ a qua nemo, nisi a Romano Pontifice (excepto mortis articulo) absolui possit. Sessione IX. Leo edicit imperatori, Regibus &c. ne venientes ad Concilium impediunt, *sub diuina (inquit) maiestatis & indignationis nostrae incursu & pœnis &c.* Parum fuerat obtendere diuinam maiestatem, nisi papalis indignatio ad maius pondus adderetur. Eademque sessione blasphemantibus indicitur pœna his verbis. *Laicus blasphemans, si nobilis fuerit pœna 25. ducatorum mulietur, & prosecunda uice 50. Fabrica basilica principis Apostolorum de urbe applicandis.* Tales pœnas a veteribus inflictas, sane non memini. Eademque sessione synodus per Antonium Puccium Clericum Camerae sic affatur Papam. *Diuina Maiestatis tuae conspectus rutilanti cuius fulgore imbecillos oculi mei caligant. & paulo post. Regale pontificum Romanorum genus. Tum illud: In te uno vero atque legitimo Christi & Dei vicario, propheticum illud debuit rursus impleri, Adorabunt eum omnes reges terra, omnes gentes seruiunt ei. Quid quod additur. Non ignari omnem tibi uni in caelo & in terra traditam a Domino potestatem. Tum Ecclesia induci-*
tur

tur sic alloquens Papam. *Hæcine ego, suauissime sponse, unica illa dilecta tua atq; formosa, quæ iam clamare possum Noli me considerare quia fusca sum. &c.* Toto vero concilio nulla deliberatio inter patres, nulla suffragia, sed Manliana imperia Papæ iu-
bentis & decernentis. Initium Decretorum tale est. *Leo Episcopus seruus seruorum Dei ad perpetuam rei memoriam, approbante concilio &c.* Sed Concilij nomen dicis causa additur & tantum ad speciem, Enimuero Concilium Papæ decreta lecta, per aliquem ex patribus, nutu approbat dicens *Placet.* Hæcine potest appellari Concilium? aut quid simile vnquam factum aut vsurpatum in veteribus synodis? Hæcine nobis Concilia obtrudi! quæ nil nisi bullas crepant & fulmina, & horrendas in Deum blasphemias? Sed neque omit-
tenda est Leonis bulla assuta Concilio in qua Lutheri horrendæ hæreses longa serie percensentur, inter quæ duæ sunt quæ summo scelere referuntur inter hæreses. Hæresis Lutheri septima hæc est *Optima poenitentia, noua vita.* Hæresis 26 hæc est, *Certum est in manu Ecclesie aut Papæ prorsus non esse statuer articulos fidei.*

Quid Concilium Tridentinum mentorem, quod cœptum est Anno 1545. desijt anno 1567? tantum temporis absumptum est in nobis dam-
nandis indicta causa, & texendis articulis ambiguis, & sensum Patrum vltro abscondentibus. Paulus III. indixit hoc Conciliū: Bulla indictio-
nis ait consilium indictū ad extirpandas hæreses, sic enim vocat nostram religionem. Vt iam ante consilium adimeretur spes reformationis, & iam

ante initam deliberationem prædamnamur. Quarta demum sessione attinguntur fidei capita quæ sunt controuersa, ibique statim ab initio nulla disquisitione facta, & sine examine, decernitur *Traditiones pari cum scriptura pietatis affectu & reuerentia suscipiendas & venerandas*. Scripturam quoque non esse interpretandam *contra eum sensum quem tenuit & tenet mater Ecclesia &c.* Denique contra omnem legitimum ordinem conclusio ponitur ante præmissas, & absque examine vllò confirmatur & probatur doctrina Ecclesiæ Romanæ, & in ipso limine canitur *ἐμπύριον*. Tota vero actio tam tyrannicè gesta est, & tanta versutia sessiones in longum extractæ, vt Nostri Reges & gens tota quanquam Pontifici plus æquo addicta, consilium hoc respuerit, nec potuerint vnquam in Gallia leges istæ perferri.

Hæc cinesunt illa Concilia quæ nobis obtruduntur vt exceptione omni maiora & aduersus quæ nefas sit hiscere? Vbi hic frons? Vbi minima pietatis gutta? His quidem mandes si quid recte curatum velis. Ita Deus Ecclesiæ suæ afflictæ faueat, vt hæc Concilia sunt mera aduersus Christum & Euangelium conspiratio.

Forma et
ordo cōcil-
liorum
Papalium.

Quæ vero sit forma horum Conciliorum, quis ordo seruetur, paucis accipe: Principio a Papa cōcilium indicitur, locus & tempus designatur. In interioribus templi adytis delignatur area, quæ includitur asserebus: In capite areæ erigitur thronus ad quem tribus gradibus ascenditur, cuius planum in summo latum est palmos decem, longus duodecim. Ibi locatur sedes Papalis, cui immi-

net

net aureus umbo: utrinque scabellum duo, sedes Diaconorum ministrantium Papæ. Ad dextram Pontificalis throni locatur sedes imperatoris, nullo umbone tecta, habens præ se scabellum exiguum viride: Huius sedis Imperialis summa pars ne altior sit pedibus Papæ sedulo vetatur Regibus si qui adsunt, dantur, sedes post Imperatorem, non splendidius ornata quam sedes Cardinalium & a dextra quidem longa serie sedent Cardinales Episcopi, à læva Cardinales Diaconi, sic tamen ut eorum sedes altitudine palmi emineant supra sedem presbyterorum, sintque instrata pretiosioribus pannis: In infima cauea infra omnes Cardinales è regione Papæ locatae sunt sedes quatuor Patriarchales, Patriarchis si qui adsunt destinatae. Factum hoc ad Patriarcharum contumeliam, & ad ulciscendos homines qui olim ausi sunt cum Papa de Primatu contendere: nunc enim infra Papæ Ministros detruduntur. Ideoque hæc sedes ut plurimum sunt vacuæ, nisi cum miscellus aliquis Patriarcha imaginarius, ibi locatur, mercede, conductus. In medio areæ loco sedent Prælati inferioris notæ, quibus attributa sunt sedes puræ sine postergali. Principes laici cuiuscunque fuerint dignitatis excepto Imperatore & Regibus post omnes Diaconos sedent.

In hoc consilio soli Prælati & Abbates dicunt sententiam. Imperator vero & Reges non habent ius suffragij, sed sunt meri auditores & cōsultores, parati ad obsequium. Nemo in concilium admittitur nisi relatus in Catalogum a Ministris quos Papa ei curæ imposuit. Sedes assignatur singulis a

Clericis & cæremoniarum.

In omnibus (inquit liber Cæremoniarum sacrarum) Si Papa erit præsens ipse erit rector, moderator, ac dispensator, & deputationes, collegia, magistratus, & rerum omnium ordinem pro suo arbitrio constituet.

Lib. I. Sect.
14.

Papæ & omnibus Cardinalibus amictus est purpureus. Papa venit ad Concilium infulatus, gerens triplicem illam mitram geminis coruscantem, quæ regnum appellatur.

Post missam spiritus sancti, Papa in solio locatur a Cardinalibus, quid more ei assurgunt venerabundi. Idque fit in initio cuiusque sessionis.

Peractis ritibus quibusdam sacris, quibus Dei fauor procuratur, prodit Diaconus Cardinalis, legitque clara voce decreta facienda: & primo quidem rogat Papam an placeant, ille placere respondet. Eodemque modo respondet cæteri *Placet*. Tunc protonotarius Apostolicus, & Clerici cameræ referunt decretum in acta, & in formam redigunt, & obsignant sigillo Apostolico. Decreti forma, si Papa est præsens, est eiusmodi. *Martinus Episcopus servus servorum Dei, sacro approbante Concilio &c.* Sic factum in Concilio Constantensi, sic in Lateranensi ultimo. Si Papa abest, decreta concipiuntur in hanc formam. *Sacrosancta generalis synodus in spiritu sancto legitime congregata decrevit. &c.*

Antequam Acta Concilij publicentur, Protonotarij, &c Clerici cameræ ac Secretarij Papæ, ea exhibent suæ sanctitati recognoscenda & emendanda, cui curæ Papa delectos & sibi in primis fi-

dos deputat. Confidunt Patres ad summum ter in septimana: sed & sæpe aliquot menses feriat intercedunt sessionibus, usque adeo ut Concilium Tridentinum ad annos 23. fuerit extractum: Inter quas moras mortui sunt tres Papæ stante Concilio, ad quod non relatum est de electione summi Pontificis, sed facta est a paucis Cardinalibus conclauis inclusis. Sic & Apotheoses sanctorum ad Papam & Consistorium pertinent quamuis stante Concilio. Hæc accuratius pertractata vide lib. 1. Sacrarum Cærem. Sect. 14.

Hæc sunt Generalia Concilia sub papatu: Nam particularium Synodorum Romanarum usus pridem exoleuit, in earumque locum & ius successit Consistorium Papale.

Hæc tu mihi, sodes, compone cum Synodo Nicæna, aut Constantinopolitana, aut Ephesina prima, aut Chalcedonenli, quibus Papa nec interfuit, nec præfuit. In quibus legati Pontificis Romani, si qui erant sententiam suam dicebant inter cæteros, & Iudicum datorum ab Imperatore expectabant imperium, & accepto viatico ab Imperatore, ad sua reuertebantur. Adeone quisquam est perfrectæ frontis ut hæc tam impura, & tam noua tueatur veteribus exemplis, & Imperitorum animis obijciat nomen antiquitatis?

CAP. XVIII.

Ventilatur quæstio de Exemptionibus Clericorum.



Concilium Constantiense sess. 31. decernit & declarat laicos in clericos nullam habere iurisdictionem & potestatem : Nouissime Concilium Tridentinum sess. 25. cap. 20. *Personarum Ecclesiasticarum iramunitas* De ordinatione & canonicis sanctionibus instituta est. Plura eius generis vide Causa 11. Quæst. 1. ubi deterrimum illud est Bonifacij. Quæcunq; contentiones inter Christianos oriuntur, ad Ecclesiam deferantur : & ab Ecclesiasticis viris terminentur, & si obedire noluerint, quousq; obediunt a liminibus Ecclesie excludantur : Voluit vir modesti singularis omnes Magistratus ciuiles abrogare, & tribunalia omnia secularia præclaro hoc decreto, deserta reddere. Bellarmini verba hæc sunt lib. de Clericis cap. 28. Clerici non possunt a Indice politico puniri, vel vlllo modo trahi ad secularis magistratus tribunal. Et eodem capite. Summus Pontifex clericos exemit a subiectione Principum : non sunt amplius Reges Clericorum superiores. Et in Barklium cap. 34. asserit Clericos non solo priuilegio principum, sed etiam decretis summorum Pontificum, & quod maius est, diuino iure exemptos fuisse. ac per hoc exemptos fuisse, antequam Principum priuilegio eximerentur.

§ Tercia

§ Respon-
deo

Hæc cum fiant in fraudem Regum, & Principum

pum qui inde maximam Immunitionem sui Imperij patiuntur: Rex serenissimus in sua præfatione monitoria eos prolixè & grauiter sic admonet. Si potentissimus quisq; vestrum alte seriòq; recogitet, pene tertiam Populi soliòq; vestri partem, Ecclesia esse dicatam, nonne illius, queso, iactura sensus animos vestros percutiet, quæ tantum hominum fundorumq; vestro iuri subtrahat, ut ubiq; Pontifici colonie provincieq; constituantur? Immo, quantum spinarum & tribulorum in medijs vestris ditionibus relinquitur, cum asseratur tam potens hominum factio sub Imperijs vestris nasci, educari, opimisq; prædijs frui posse, quæ a vestra potestate immunis sit, nec ullo iure vestris legibus iudicijsq; subiecta? Adco, ut cum antiquitus Clerici nihil ultra decimas appetere, ijsq; contenti viuerent: nunc Papa Clericorum caput, non nisi tertia ciuium & bonorum ac fundorum parte, in omnibus Regnis & prouincijs accepta, acquiescat.

Hæc a sapientissimo Rege merito dici clamat experientia nobis tacentibus. Nam vnum Galliarum Regnum habet ultra trecenta hominum millia, quæ sub obtentu clericatus & monachatus functionisque Ecclesiasticæ iugum Regis excusserunt, aliumque a Rege summum Principem agnoscunt, non modo in spiritualibus, sed & in temporalibus. Hi non possunt coram ciuili iudice conueniri: hi suos habent iudices peculiare, quos Officiales vocant, suos carceres, suas pœnas, & prouocationes Romam. Quin & liberi, simul ac societati isti Ecclesiasticæ nomen dederunt, exempti sunt a paterna potestate. Hi possident trientem & eo amplius fundorum & possessionum totius regni

CAP. XVIII.

Ventilatur quæstio de Exemptionibus Clericorum.



Oncilium Constantiense sess. 31. decernit & declarat laicos in clericos nullam habere iurisdictionem & potestatem : Nouissime Concilium Tridentinum sess. 25. cap. 20. Personarum Ecclesiasticarum

inamunitas De ordinatione & canonicis sanctionibus instituta est. Plura eius generis vide Causa

11. Quæst. 1. ubi deterrimum illud est Bonifacij. Quæcunq; contentiones inter Christianos oriuntur, ad Ecclesiam deferantur : & ab Ecclesiasticis viris terminentur, & si obedire noluerint, quouq; obediunt alij in iudiciis Ecclesie excludantur : Voluit vir modestiæ singularis omnes Magistratus ciuiles abrogare, & tribunalia omnia secularia præclaro hoc decreto, desertare reddere. Bellarmini verba hæc sunt lib. de Clericis cap. 28. Clerici non possunt a Iudice politico puniri, vel ullo modo trahi ad secularis magistratus tribunal. Et eodem capite. Summus Pontifex clericos exemit a subiectione Principum : non sunt amplius Reges Clericorum superiores. Et in Barklium cap. 34. asserit Clericos non solo privilegio principum, sed etiam decretis summorum Pontificum, & quod maius est, diuino iure exemptos fuisse. ac per hoc exemptos fuisse, antequam Principum privilegio eximerentur.

Hæc cum fiant in fraudem Regum, & Principum

§ Tercia

§ Respon-
deo

pum qui inde maximam Immunitationem sui Imperij patiuntur: Rex serenissimus in sua præfatione monitoria eos prolixè & grauitè sic admonet. Si potentissimus quisq; vestrum alte seriòq; recogitet, pene tertiam Populi soli q; vestri partem, Ecclesia esse dicatam, nonne illius, queso, iactura sensus animos vestros percutiet, quæ tantum hominum fundorumq; vestro iuri subtrahat, ut ubiq; Pontifici colonie provincieq; constituantur? Immo, quantum spinarum & tribulorum in medijs vestris ditionibus relinquitur, cum asseratur tam potens hominum factio sub Imperijs vestris nasci, educari, opimisq; prædijs frui posse, quæ a vestra potestate immunis sit, nec ullo iure vestris legibus iudicijsq; subiecta? Adco, ut cum antiquitus Clerici nihil ultra decimas appetere, iisque contenti viuerent: nunc Papa Clericorum caput, non nisi tertia ciuium & bonorum ac fundorum parte, in omnibus Regnis & prouincijs accepta, acquiescat.

Hæc a sapientissimo Rege merito dici clamat experientia nobis tacentibus. Nam vnum Galliarum Regnum habet ultra trecenta hominum millia, quæ sub obtentu clericatus & monachatus functionisque Ecclesiasticæ iugum Regis excusserunt, aliumque a Rege summum Principem agnoscunt, non modo in spiritualibus, sed & in temporalibus. Hi non possunt coram ciuili iudice conueniri: hi suos habent iudices peculiare, quos Officiales vocant, suos carceres, suas pœnas, & prouocationes Romam. Quin & liberi, simul ac societati isti Ecclesiasticæ nomen dederunt, exempti sunt a paterna potestate. Hi possident trientem & eo amplius fundorum & possessionum totius regni

regni sub titulo immunitatis, Neque enim sunt vectigales, nec pendunt tributa : nec suo Regi laboranti tenentur ferre suppetias, nec debent nomine fundorum & prædiorum quæ possident, suo Regi vlla seruitia personalia, aut adiumenta pecuniaria : vt vetatur Titulo de immunitate Eccles. cap. 3. in 6. Tuti quidem Regis præsidio sed nihil conferentes ad regni tutelam & defensionem Reipublicæ. Quantum autem Rex inde capiat detrimenti hinc constat : quod laicus feudatarius seu Valuasor feudum aliquod possidens, tenetur ad Domini sui defensionem, equos, arma, vitamque ipsam conferre, & Regi vocanti sedulus assistere. Idem si moriatur, vel si fundum suum alteri vendat, & possessio quocunque modo mutet dominum, semper ad Dominum feudalem fructus aliquis perueit, & homagium sacramentumque fidelitatis renouatur. Domino alioqui non datur inuestituram feudi, nec missuro acquirentem in possessionem rei emptæ. Par ratio in fundis plebeijs, seu censualibus quæ in lodijs & venditionibus fructum afferunt Domino feudali, seu duodecima pars pretij ad eum pertinet, seu quid aliud pro varietate consuetudinum municipalium. Tum si feudum possidens aut Vassallus in Dominum suum deliquerit, si eius vitæ fuerit insidiatus, si in acie vulneratum ab hostibus deseruerit : vel (vt dicitur lib. 1. de Feudis Tit. V.) Si Dominum cucurbutauerit, id est cum eius vxore aut filia consueuerit, tunc feudatarius aut vassallus possessione sua excidit. At simul ac feudum aut prædium plebeium venit in manus Ecclesiæ, excidit Rex,

Rex, & quilibet Dominus suo iure, & in æternum dominio suo fraudatur. Nam Ecclesia (sic enim Clericos vocant, quasi cæteri sint extra Ecclesiam) corpus est nunquam moriens, & in cuius manum postquam venerunt possessiones ac feuda, vix unquam ac ne vix quidem accidit vt Dominum mutant, & in laicorum veniant potestatem. Sed & Ecclesia quæ feudum acquisiuit nullum eo nomine debet seruitium personale. Quin & per id Rex amittit iura Albinatus, & exherentia, ac Confiscationis. Neque enim potest Princeps delinquente Abbate, Priore, aut Episcopo, vel in regis ipsius caput conspirate, fundos quos possidet quatenus Abbas aut Episcopus fisco addicere in poenâ criminis, quâvis compertum fuerit proventus istorum fundorum ad subsidia hostium fuisse conuersos. Quæ res nisi, tempestiuè occurritur, tandem in pestem regni & vltimam perniciem redundabit. Nam Clericorum bona semper augentur. Sic enim vsu venit vt omnium artium quæ vitij hominum sustentantur, lucrum semper augeatur. At nullius vitij tam propera sunt Incrementa quam superstitionis, quippe quæ non alijs finibus includitur quam scrupulosus vulgi timor, & ingeniosa clericorum auaritia: & tanto acrius intenditur, quanto speciosiori religionis titulo pretextitur. Ergo Clericos videas in dies augere rem, prædia opima adipisci, adire amplissima patrimonium, captare locupletum morientium testamenta. Quibus diuitijs idem accidit quod animantibus euntibus ad specum Leonis ægri, quorum vestigia omnia aduersa nulla auersa videbantur. Nam

Clerici

Ius Albinatus in Gallia est quo Rex succedit aduenis & peregrinis Ius exherentia; est quo Rex caducas hereditales sibi vendicat defectu heredis.

Clerici ad excipiendas laicorum fortunas vias habent innumeras, ad reddendas vero & ad refundendum quod acceperint nullam. Quemadmodum igitur turgescente ventre crura & brachia tenuantur. Sic in corpore Reip. nobilitas & populus qui sunt quasi lacerti & crura, concidunt macie, dum Clericale abdomē enormi tumore attollitur. Hinc est quod olim Reges nostri ex Regno longe minori longē maiorem conscribebant exercitum: nam Clerici erant pauci, præ ista infinita multitudine clericorum & monachorum quæ forum, quæ curiam, quæ tabernas, quæ exercitus impleret: & nobilitas hodie ad minorem numerum redacta & nudata fortunis quæ ab Ecclesia, possidentur, non habet quo debita Regi seruitia obeat.

Contra ipsam Romanam Ecclesiam censuram, vel contra alias Ecclesias quadraginariam præscriptio legitima sit completa vide Cod. lib. 1. Tit. 2. de Sacros. Eccles. l. 23 & Nouellam bonam quam tamen fuisse ait per fraudem laicam fuisse.

In eundem finem Clerici voluerunt Ecclesiam semper esse pupillam & annis minorem ut si quid ut sit, in pactis & conuentis ab eis fuerit commissum in suā ipsorū fraudē, semper detur restitutio in integrum. Cumque vulgo possessio triginta annorum præscriptionem inducat, aduersus Ecclesiam Romanā opus est centenaria præscriptione, ut habetur Tit. de Præscrip. cap. 2. in 6. Eadem fruuntur prærogatiua Templarij Equites. Aliæ Ecclesiæ habent quadraginariam præscriptionem. At Concilium Calchedonense canone 17. iubet præscriptionem esse *τετακτομένη* i. triginta annis definiri.

Neque vero satis fuit Papæ tertiam Galliarum partem quæ ab Ecclesiasticis possidetur, habere subditam suo imperio, & inde ut ex sua ditione

ione capere amplissima vectigalia sub titulo Annatarum, Datarum, Dispensationum &c. Sed & ista tertia populi Gallici parte vitur ad alias duas sibi subijciendas, etiam in temporalibus. Causæ sunt inuentæ & colores sub quorum obtentu laici emunguntur argento, & causæ civiles miseræ plebis sunt Ecclesiasticæ cognitionis. Nam iudicium de causis matrimonialibus Papa ad se trahit; soluens matrimonia contracta, gradus affinitatis aut consanguinitatis vetitos in sacra Scriptura permittens, aut permisos vetans: Sic & absolutionis peccatorum, aut exemptionis, aut commutationis votorum, aut liberationis animulæ alicuius e Purgatorio diplomata petuntur Roma, & certo pretio emuntur: quibus non debuit subscribi *Datum Roma* sed *Venditum*. Hæc quidem consuta sunt admirando artificio, cui quicquid unquam fuit astutiae non comparo. Nam quid tam stupendum quam inuenisse viam stabilendi regnum in alieno regno, idque tam speciosè ut ipse Rex fraudatus, & misere circumductus ultro debeat, & beneficium sibi factum existimet.

His æruscationibus ut irent obuiam nostri Reges Ludouicus IX. Carolus VI. grauissimas leges fixerunt; & Carolus VII. constituit Pragmaticam Sanctionem ad id comparatam ut priuilegia Ecclesiæ Gallicanæ manerent illibata. Quanquam in ipsa voce priuilegij, seu potius prauilegij, contumelia est. Sic enim assuefacti sunt nostri Reges agnoscere quicquid Ecclesiæ sui reg-

ni habet libertatis, id obtinere non Dei dono, sed Papæ privilegio : Quasi dominum esse rerum suarum privilegium esset & prærogatiua peculiaris. Si ergo de quatuor viatoribus tres iugulantur a latronibus, quartus vero parte pecuniae multatus dimittitur, privilegium est & prærogatiua huic beatulo concessa.

Sed & turpius nobis illuditur sub voce privilegij : Sunt enim quædam pauca crimina clericorum, quorum cognitio permittitur civili magistratui : Cætera crimina clericorum de quibus vulgo cognoscit Episcopus, vocantur delicta communia. Loculare sane acumen, & mira vocum inuersio. Quicquid enim Episcopi habent potestatis iudicandi de criminibus clericorum, id totum habent privilegio, & ex principum indulgentia. At nunc vice versa si in clericorum causis, paucorum quorundam criminum cognitio permittitur Magistratui civili, privilegium vocatur : quasi id non habeat iure, sed tantum precario, & concessione liberali Ecclesiasticorum. Non aliter ac si quis me spoliatum omnibus fortunis patiatum tamen vnciolam de tota summa retinere, & id vocet privilegium : Benigne ergo agitur cum Principibus & magistratibus, si potestatis a Deo datæ portiunculam privilegio possideant : veluti regalia quæ vocant & prouocationes vtab abusu, & collationem aliquorum beneficiorum.

Sed neque hic finis fraudi : nam crimina illa clericorum quorum cognitio Magistratui permittitur, sunt crimina in quibus violatur dignitas Ecclesiæ Romanæ ad quam tuendam Magistratus

tus non tam iudex quam vindex & auxiliator ac-
 cersitur. Nempe clericum hæreseos insimulatum
 Ecclesia tradit brachio seculari: Tum si quis fal- *Cap. ad a-*
 sum admisit in litteris Papalibus. Aut si Episco- *bolendam*
 po intulit contumeliam, His criminibus quia Pa- *extra. de*
 pæ aut Episcopi dignitas imminuitur, adhibetur *hereticis.*
 Magistratus minister potius & ultor quam iudex. *Cap. ad fal-*
 At si peccauerit clericus in publicam honesta- *sariorum*
 tem, si se furto aut adulterio aut homicidio pollue- *Extra de*
 rit, quia his criminibus non tentatur dignitas *crimine*
 Ecclesiastica, nefas hic est Magistratui Ecclesia- *falsi. Can. si*
 sticos limites irrumperere, aut de vita clerici cogni- *quis Sacer-*
 tionem instituere, quandiu est clericus. *dotis II.*
Quest. I.

Maxime vero perniciosum est, & pessimi exem-
 pli in ipsis regni visceribus tot conspici homines
 exleges & immunes a poenis lege cum muni con-
 stitutis. Enimvero, si fides Bellarmino, quoties-
 cunque clericus adulteravit monetam, aut Regis
 latus fida apperierit, si est incendiarius, si venefi-
 cus, si occulta habet cum hostibus consilia, nefas
 tamen Principi iniicere manus in hominem, nisi
 cum Episcopi venia, nec poterit puniri nisi placu-
 erit Episcopo eum exauctoratum, clericorum al-
 bo expungere. Testis mihi illustris Venetorum
 Respublica, in quam parum absuit quin nouissi-
 me Papa detonuerit interdicto, ut hac ratione
 primo occupanti rapienda obijceretur, idq; quia
 Magistratus ausus fuerat lege agere in quosdam
 clericos, incestæ libidinis & nefandæ cædis com-
 pertos, qui sub tutela Ecclesiæ impune lasciuient-
 es putabant sibi nihil non licere.

Vestiuntur hæc omnia titulo libertatis Eccle-
 siæ.

lia. Sic enim proteruè illuditur sacrae scripturae, quae per libertatem nobis a Christo partam nihil aliud intelligit quam aut liberationem à maledictione, & a Satanæ ac peccati iugo: Aut liberationem ab onere caeremoniarum sub quo Ecclesia veteris Testamenti quasi sub graui iugo tenebatur. At hodie sacrosanctum hoc beneficium tanto pretio emptum, ad immunitatem a tributis, & exemptionem a Regum & legum ciuiliū subiectione vnde clericis acquiritur peccandi licentia improbè traducitur.

Quæ cum ita sint, quis miretur si Rex Optimus & sapientissimus tactus commiseratione erga Reges vicinos quos videt misere circumuentos, & a Papa ex sublimi in planum deductos, eos hortatur ad dirumpenda hæc vincula quæ possunt solo spiritu diffilare? & stans in ripa manum porrigit fratribus abreptis æstu prauæ consuetudinis?

Hæc quidem ego loquens, profiteor me non loqui de personis clericorum: sed de regulis & legibus Ecclesiæ Romanæ. Scio quidem inter Gallicos clericos esse non paucos qui pro regis suis salute vltro velint adire capitis discrimen, quibus tonsura clericalis non abstulit Gallicam ingenuitatem, & in quibus amor Regis sui & patriæ potior est Italica disciplina. At hoc quicquid est probitatis aut fidei debent suo ingenio, non vero institutis & legibus Ecclesiæ Romanæ.

CAP. XIX.

Exemptionem Clericorum aduersari

sacræ Scripturæ.



Hic si audiatur verbum Dei, res confecta est. Nam nec Leuitæ nec Summus Pontifex alio vñ sunt iure in Republica Israelitica quam communi. Nec habuerunt Iudices Ecclesiasticos diuersos a ciuilibus, qui de causis ciuilibus Leuitarum cognoscerent. Nec habuerunt carceres Leuiticos: Nec ius fuit Pontifici quandocunque in Republica esset Rex aut Princeps secularis, poenas corporeas aut pecuniarias infligere. Tantum vero abfuit vt haberent fundos immunes attributo, vt nequidem haberent portionem in partitione terræ Canaan.

Quod si historiæ sacræ creditur, David non aliter imperauit Pontificibus quam Rex subditis, ideoque non dubitat Sacerdotem Sadok & Nathan Prophetam vocare seruos suos: sic enim eos affatur lib. 1. Regum cap. 1. *Sumite vobiscum seruos Domini vestri, & vehite Solomonem filium meum mula mea &c.* Ideoque & Solomon non modo Sacerdotem Abiathar loco mouet, sed & eum declarat reum mortis lib. 1. Regum cap. 2. com. 26. Tamen ab nauatam operam. Davidi patri, satis ei fuit hominem sacerdotio exutum in agelli sui angustias concludere. Quam in rem dici non

T

potest

potest quam perplexe agat Bellarminus in Barklaium cap. 15. Nam primo fatetur probabile esse tunc Regem absolute maiorem fuisse Pontifice, ut docet Thomas lib. 1. de Regimine Principum cap. 14. Vnde necessario conficitur esse probabile, falsa esse quæ contra hæc postea Bellarminus affert. Immo vero hac confessione enervat quæcunque toto libro disserit de potestate & eminentia dignitatis spiritualis supra temporalem: Nam easdem illas rationes quibus hoc tuetur, easdem vires tunc temporis habuisse oportuit: potestas enim spiritualis semper spiritualis est.

Frigidum vero est quod subiicit: Solomonem hoc fecisse ut Prophetam: Quasi vero iudicare de pœna fontis muneris esset Prophetici, aut quasi Prophetam maior esset Rege aut Sacerdote. Neque consentaneum est cum idem Rex vna cum Abiathar, Adoniam, Semei & Ioab cuiusdem criminis reos damnauerit, in cæteris Regem, in hoc vno Prophetam egisse. Demustamen hac in re Solomonem fuisse afflatum Prophetico instinctu, an inde sequitur cum in ferenda hac sententia non usum fuisse regia potestate? An credibile est Abiathar cedentem loco, obsequutum esse Solomoni ut Prophetæ, non vero ut suo Regi & Domino.

Quocirca Cardinalis videns in hoc effugio parum esse præsidij, eo tandem redit, ut dicat in Scriptura sacra narrari factum Solomonis sed nõ definiri iurè ne an iniuria id fecerit. Reges multa facere ex potestate non ex iustitia. Satis quidem præfidenter. At sacra Scriptura Solomoni hoc testimonium perhibet, cum inter initia regni De-
um

um amasse, & ambulasse secundum documenta quæ a Dauide acceperat 1. Reg. 3. v. 3. Nec potuit in eo scelerate agere si (vt vult Bellarminus) ad hanc actionem prophetico afflatu impulsus est.

Ad nouum testamentum si venit, eadem veritas, immo & clarior. Christus Matthæi 17. soluit vna cum Petro τὸ Ἰσραὴλ. Qua de re habes Canonem *Magnum quidem*, Causa. 11. Quest. 1. ex Ambrosio *Magnum quidem est & speciale documentum quo Christiani viri sublimioribus potestatibus docentur esse subiecti, ne quis constitutionem terreni Regis putet esse soluendam. Si enim censum filius Dei soluit, quis tu tantus es qui putas esse non soluendum?* Idem sistens se coram tribunali Pilati agnoscit hanc potestatem datam esse Pilato cœlitus Ioh. 19. 11.

Paulus Apostolus prouocat ad Cæsarem non ad Petrum. At ne quis putet astu declinatum esse ab eo periculum; Lucas Actor. 23. 11. docet id ab eo factum impulsore Spiritu sancto. Agnouit ergo Cæsarem iudicem suum legitimum. Allucinatur enim Bellarminus cap 3. in Barklaium, vbi asserit causam Pauli fuisse spirituales, videlicet & resurrectione & ceremonijs, ideòq; eius cognitionem ad Principem Ethnicum non pertinuisse. Aliud enim fuisse caput accusationis, idque præcipuum docent verba Tertulli accusatoris Act. 24. v. 5. *Inuenimus hunc hominem pestilentem, & mouentem seditionem inter omnes Iudeos toto orbe.* & c. 25. v. 7. *Iudei multis grauibus criminationibus Paulum onerant, quas non poterant probare.* Ipse Paulus. v. 8. sic agit vt in causa ciuili. *Neque (inquit) in legem*

Iudeorum, neque in templum, neque in Caesarem quicquam peccavi. Neque sane credibile est tantum Apostolum qui mortem pro causa Evangelij ultro expetebat, Act. 20. 24 & cap. 21. 13. voluisse metum mortis declinare ad Iudicem illegitimum, & pessimo exemplo Ecclesiae commodis praedjudicare.

Hoc quoque scire velim qui sint quos Petrus vocat *genus electum, regale sacerdotium, gentem sanctam* &c. 1. Petr. cap. 2. An hi tituli ad populum solum pertinent? an non etiam ad Pastores Ecclesiae? At certe eosdem quos tot titulis insigniuit paulo post sic alloquitur. *Subiecti estote cuius ordinationis humana propter Deum, seu Regi, ut supereminenti: Seu praesidibus ut qui per eum mittantur, tum ad ultionem improborum,* &c. Obserua voces istas propter Deum, ne quis putet id fieri oportere metu hominum.

Sed praecipue diserta sunt verba Pauli Apostoli ad Rom. cap. 13. vbi iubet *omnem animam subijci potestatibus superioribus quia non est potestas nisi a Deo, & quae sunt potestates sunt ordinate a Deo. Itaque quisquis se opponit potestati, Dei ordinationi resistit.* &c. De potestate autem civili seu seculari non vero de Ecclesiastica Apostolum agere sequentia verba indicant, *Non geris (inquit) gladium frustra. Tum illud: Idcirco soluitis tributa. Nam Apostoli tempore non alia potestas gerebat gladium, & tributa capiebat, quam civilis. Astipulator Glosa interlinearis, in hac verba potestatib. sublimioribus, id est, Secularibus bonis vel malis. Eundem locum sic interpretatur Chrysostomus homil. 23. in Epistolam ad Romanos, * πᾶσι τῶν τι διατάσσεται,*

Omni-
bus
haec iubet
& sacer-
dotibus &
monachis
non tantis
secularibus
vel si fueris
Apostolus
aut Evan-
gelista, vel
propheta
ad alius
quilibet.

ἐκείνοι καὶ ἰσχυροῖς, καὶ ταῖς βιωταῖς μόνον καὶ ἐπὶ τοῦ
καὶ ἀγγελίης, καὶ πρὸς ἡμῶν, καὶ οὐκ ἔστιν. Ac ne Bellar-

minus regerat parendum fuisse principibus Eth-
nicis cogente necessitate, at secus se rem habere
sub Principe Christiano, Chrysostomus prior
occupat, sic loquens * οἱ δὲ ἄλλοι ὡν ἔργων ἦτε τῶν ἐθ-
νικῶν τοῦ ἐνομοτέδου, πόσω μάλλον ἐπὶ τῶν πρὸς τὸν
κύριον Χρῆ. Concinit Tertullianus lib. de Idolo-
lat. cap. 15. hunc locum citans. Et ipse Bernardus
in Epistola 42. ad Archiepiscopum Senonensem.
Cum honorem honorem, Omnis anima potestatibus sub-
limioribus subdita sit, si omnis, & vestra. Quis vos
excipit ab universitate? si quis tentat excipere, cona-
tur decipere. Et paulo post reprehendit eos qui
hæc instillabant Archiepiscopo; *Servate vestrae
sedis honorem*, quali suæ sedis honore integro non
posset magistratibus obsequi

Ac ne putetur Apostolus hæc dicere simulate, & Quinta,
& ficta erga Principes Ethnicos reuerentia, non
sic locutus si vires adfuissent ad excutiendum
iugum, subdit clausulam quæ omnem dubitatio-
nem eximit. cum vult Magistratibus morem ge-
ri, non tantum ob iram, sed & ob conscientiam: Id est
non tantum metu pœnæ, sed & quia hoc etiam
pars est pietatis cultusque diuini. Neque vero re-
mere factum est quod cum hæc regula ad omnes
Christianos pertineat, peculiariter tamen ad Ro-
manos scripta sit, quos Spiritus sanctus Aposto-
lum afflans, præciebat in hanc regulam præci-
pue peccaturos.


Quid quod hic habemus confidentem reum?
Nam Bellarminus ipse cap. 28. libri de Clericis

hunc locum citat, & fatetur hoc Pauli præcepto clericos astringi, & paulo post sic loquitur. *Nulum potest proferri Dei verbum quo ista exceptio (clericorum) confirmetur: quo dicto ipse refellit exemplum a se paulo ante allatum ex Genes. 47. ubi (inquit) Ioseph subiecit Pharaoni omnes Egyptios, voluitque eos certum tributum pendere, exceptis solum sacerdotibus quos immunes & liberos debere esse iudicavit.* Nempe quia decrant Cardinali exempla petita ab historia Ecclesiæ, vltus est exemplis Ethnicorum. Quanquam & hoc exemplum falso ab eo citatur. Neque enim Moses ait Sacerdotum agros fuisse immunes, sed tantum sacerdotes non fuisse coactos per egestatem vendere suos agros, aut eos redimere data Pharaoni quinta parte proventus annui. Ab omni vero tributo immunes fuisse non dicit. Falsum quoque est Iosephū censuisse illos debere esse immunes; Nunquā enim vir sanctus iudicasset impios sacerdotes dignos esse honore, aut debere mercedem capere sceleris & idololatriæ. An Ioseph putasset ideo debere aliquem prærogatiuis honorari, quia diabolū colit?

Observandum quoque quam parum sibi constet Bellarminus (quod accidit loquentibus contra suam mentem) Cum enim cap. 34, in Barclaium affirmet *Clericos exemptos esse non solo privilegio Principum, sed & iure divino: hoc loco fatetur nullum posse proferri Dei verbum quo ista exceptio confirmetur.* Agnoscens tacite Paparum decreta non esse verbum divinum.

CAP. XX.

Idem probatur rationibus.

I  ddantur rationes validæ & perspicuæ. Ac primū nulla ratio est cur qui Regis curâ, præsidio, & impensis defenditur, non debeat regi obsequium; An Rex conscribet copias ad protegendos homines suo imperio nō subditos. Si ergo hostis incurset clericorum prædia, si eos cedat, agat, rapiat: nulla est causa cur Princeps teneatur opponere se hosti, ad eorum defensionem. Dicit enim se teneri ad defensionem subditorum: hos vero non esse suos subditos. Eis alium esse Principem, nempe Papam, qui ex prædijs & possessionibus Ecclesiasticis Galliarum magna copia emolumenta, ad quem debent recurrere: Eius esse sumptum facere qui fructum percepit.

II. Omnis ciuis Reipub. necessario aut princeps est aut subditus Principi. Clericus in Republica non est Princeps; ergo subditus Principi.

III. Ipse Bellarminus lib. de Clericis cap. 28. fatetur Clericos esse ciues & partes Reipublicæ. Quemadmodum igitur nullum est membrum in corpore quod non subsit capiti, Ita non potest dici membrum Reip. qui non subest capiti Reipublicæ, id est Regi, aut summo Magistratui.

IV. Quod si Ludouicus est Rex totius Fran-

cix, nonne necesse est vt omnes Franci eum Regem suum agnoscant, eoque sint ei subditi? An natus in Francia, parentibus Francis, desijt esse Francus ex quo cœpit esse clericus, & per gradum clericalem patriam ac Regem suum eiurauit? Aut quibus vnquam legibus receptum est vt natus in medio regno, & ibidem viuens, ortus parentibus ciuibus, habeat alium Dominum in temporalibus quam Regem suum? & alio iure vtatur quam legibus regni & Reip. cuius est ciuis?

V. Certé, non secus ac Baptismus ac professio Christianismi non efficit ne sis ciuis, ita nec clericatus, nec te hic titulus plus quam ille liberat subiectione Regis tui legitimi. Maximé cum Christianum esse, sit aliquid maius quam esse Clericum. Nam sine titulo Clerici multi seruantur, sine titulo Christiani nemo. Tum dignitas Clerici cum hac vita desinit, at dignitas Christiani est æterna.

VI. Hoc quoque certum est; religionem Christianam non inem priuare suo dominio, aut possessione qua fruebatur antequam Christo nomen daret. An quia Maius factus est Christianus idcirco domũ aut fundũ amittet? An Rex conuersus ad fidem ideo minus erit Rex quã cum esset Ethnicus? Sic Clodoueus noster antequam fieret Christianus omnes Frãcos & omnia Frãcorũ prædia æqualiter habebat sibi subiecta, nullo discrimine Ecclesiastici aut secularis. An igitur aggregatio eius ad fidẽ eum spoliauit parte regni? Idem dico de regibus Christianis, qui cum laicum habeant sibi seruum & subditum, non est æquum

ut Papa eum eripiat suo domino, & priuet Regem suo iure. Hoc enim si ita fit, quemcunque Papa voluerit, vertice strictim attonso suum facere, & in suam clientelam recipere, subtrahetur suo Domino naturali. Ita fiet ut Rex nullum habeat subditum nisi precario & quem Papa permiserit. Non mirum ergo si Papa clericos studet esse maximo numero, in eumque finem quotidie nova monasteria, nouique monachorum ordines statuuntur, & inaudita patribus nostris nomina: totidem (ut ait Rex) papalis imperij coloniae. Inde est quod monachi qui olim erant laici, nunc accensentur clero. Inde est quod Bonifacius VIII. voluit clericos contrahentes matrimonium, retinere tamen privilegia clericorum, vetans huiusmodi clericos coniugatos ob crimina trahi ad tribunal seculare. Tit. 2. cap. 1. de Clericis coniug. in 6. Sic & Clericus qui per undecim menses fecerit histrioniam retinet tamen privilegium clericale. Toletus De instructione Sacerdotum lib. 1. cap. 33.

Ad hanc objectionem respondet Bellarminus cap. 35. in Barklaium per exemptionem clericorum non priuare principes iure quod habebant in eosdem, antequam clerici essent, per se & proprio, sed consequenter & quasi per accidens quemadmodum cum filius familias euehitur ad Episcopale fastigium, eximitur a patria potestate, nec tamen fit iniuria patri, quoniam non priuatur pater iure suo per se, sed consequenter. Non enim intendit Ecclesia priuare patrem iure patrie potestatis, sed euehere personam illam ad gradum quo dignus est, quamuis inde sequatur illa priua-

titio paterna potestatis. Acute plané, sic enim excusare possis hominem qui Mæuius sit furatus pecuniam quam Titio daret in eleemosynam; non id ab eo factum esse quòd intenderet, Mæuius iniuriam facere, sed quia voluit Titij subuenire indigentia, factam ergo iniuriam illi non per se & propriè, sed per accidens, & consequenter. At quid refert an Mæuius spoliatur per se an per accidens, si utrobique spoliatur? An cum Rege melius agitur si Papa ei subditos eripit non quidem in Regis ipsius odiù, sed in alterius fauorè? An facienda sunt mala ut eueniant bona? Nullane ratione alia potest consuli honori clericorù, quàm fraudando laicos suo iure, siue primo & propriè id fiat, siue consequenter? Profecto non abs re dubitari potest leuiori ne contumelia reges suis spolientur quam tam frigidis distinctionibus post illatam iniuriam, eis illuditur. Sic enim ad damnum adiicitur contumelia, & quasi fatuis os sublinitur. Neque credibile est Papam minus ægre laturum, si quis eum Papatu extradat, non quidem quod ei intendat inferre iniuriam, sed ut detur locus in meliori, & hominem de gradu præcipitet non per se, sed per accidens.

Eadem differit Cardinalis prolixius cap. 34. ubi explanat simili quo pacto Papa Clericum eximat a subiectione Regum. *Euehit* (inquit) *Rex priuatum hominem qui subiectus erat Comiti ad Principatum, & consequenter priuat Comitem iure quod in illo habebat, & fortasse Comitem subijciet illi Principiam effecto.* Obserua collationem. Comparatur enim Papa summo Principi: Clericus Principi inferiori

inferiori quem summus Princeps ad eum honorem euexerit. Rex Comiti qui Principe isto inferiore sit factus inferior : Ita Rex in infimum gradum detruditur, & clericus quilibet a Papa supra Regem attollitur. Hæc quidem Romæ tuto dicuntur, ubi reges flocci fiunt : non vero in ijs locis ubi Regia potestas nondum concidit.

VII. Hinc vero liquet quanto scelere clerici a subiectione Principum eximantur, quod Bellarminus cap. 34. non potuit alijs quam nequissimis exemplis factum illud defendere. Primum exemplum eius hoc est *Ius habebat maritus infidelis in coniugem infidelem; conuertitur mulier ad fidem, & consequenter liberatur a subiectione viri infidelis, & sine iniuria ulla lex Christi priuat virum infidelem iure quod in uxorem suam habebat.*

At debuerat Bellarminus proferre ipsa verba Scripturæ, quibus vxor fidelis liberatur iugo mariti infidelis. Nam Paulus contra est 1. Cor. 7. vers. 13. *Si que mulier habet virum infidelem, & ipse consentit habitare eum ea, ne relinquat eum.* Enimvero si vxor fidelis voluerit relinquere maritum infidelem, quid fiet liberis communibus? an vxor fidelis eos vi eripiet patri? an eos relinquet in manu patris infidelis educandos impie, & consecrandos idolo? Quod si maritus infidelis per incontinentiam non possit carere vxore, nonne vxor fidelis suo discessu causa erit viro se prouoluendi in libidines & adulteria?

VIII. Secundum exemplum Bellarmini tale *Eodem ca-* est. *Per matrimonium per verba de presenti contra-* *pise 34-* *ctum, acquirit vir Christianus ius in uxorem Christia-*

nam :

nam: & tamen si intra tempus a iure prescriptum, velit illa ad professionem vite altioris ascendere & sanctimonialis fieri, lex Christi priuat virum iure quod acquisierat, non per se, sed consequenter, non enim intendit lex Christi virum illum priuare suo iure, sed foeminam ad altiorem gradum euectum honorare.

Eph. 5.

Omnino planum fit quid iudicandum sit de exemptione clericorum dum tam sceleratis exemplis defenditur. Nam regula Christi super matrimonio generalis est. Matthæi 19. *Quod Deus coniunxit, homo ne separet.* Ibidem Christus omnem separationem vxoris a viro vetat, excepta causa adulterij: vt mirum sit cur Bellarminus separationem vxoris a viro ob monasticum votum, vocet legem Christi: cum lex Christi sit, plene contraria. Cum enim vir & vxor sint caro una, teste Scriptura, non potest solui nexus tam arctus, & quem Deus vetat ab homine solui, sub obtentu vite perfectionis quam scriptura plane ignorat, Quæ perfectio si par esset Angelicæ, non esset tamen ad eam transeundum per violationem præcepti diuini, nec ad bonum finem, malis medijs esset perueniendum. Quamquam quæ sit ista perfectio immo quæ labores ipsa iudicat, Vicumque inflectat titulis, dum monachorum alij se Angelos, alij Archangelos, alij Cherubim, alij Seraphim, alij spiritus, alij illuminatos nuncupant, non tam ad suum honorem quam ad dedecus Angelorum. Quod si in ista vita sanctimoniali tantopere est perfectionis vt ad eam amplectendam rumpenda sint vincula fidei coniugalis, & eo perueniendum sit per iurio, qui fit vt Clericis quibusdam

dam Papa permittat adire coniugium, & renuntiare perfectioni Angelicæ? Responderetur, non id concedi nisi viris principibus & potentibus, idque grauissimis de causis. Nempe (si Papæ fides) hoc est priuilegium Principum, facultas renuntiandi perfectioni, & deserendi inceptam sanctitatem.

IX. Tertium exemplum nihilo est honestius. Euehitur (inquit) filius familias in Episcopum, priuatur Pater ipsius potestate patria, non ut ipse afficiatur iniuria, sed quia non decet Patrem spiritualem subijci potestati parentis carnalis.

Nempe hæc ideo dicuntur ut sciant Principes eodem scelere clericos suo Imperio eximi, quo violantur filiorum erga parentes obsequia. Sane quidem lex illa *Honora patrem & matrem*, omnes homines astringit, ergo & clericos. Honoris autem nomine etiam obsequium intelligit. Immo si Lex Dei hoc taceret, naturalis tamen instinctus ad id omnes homines formauit. Sic cum in alijs peccatis sit violatio iustitiæ, in rebellionem filij aduersus patrem est euersio naturæ. Ibi scelus est, hic prodigium & *monstrum*. An pietas euerit naturam? An clericalis character pugnat cum lege Dei? An si pater recta iubeat & honesta, filius non tenebitur obsequi, quia clericus est, ideoque patre dignior? An si patri seni & infirmo vnicus sit filius, cuius ministerium & auxilium sit necessarium patri ad subsidium senectutis, non tenebitur filius patri poscenti operam ferre, quia se filius patre inconsulto aut etiam inuito monasterio includit? Obserua autem hic agi de obedientia, quam subditi debent Principi iure diuino, ac proinde etiam

tiam de obsequio quod filij debent parentibus jure diuino, alioqui exemplum Bellarmini non esset accommodatum. Quod ideo dico quia in paterna potestate quædam sunt constituta jure diuino, quædam jure ciuili, quibus immutatis jus diuinum & natura non violatur. Nam liberatio a paterna potestate quæ conceditur Episcopis a Iustiniano Nouella Const. 81. cap. 3. non rescindit ius naturale nec ius diuinum, sed per hanc liberationem fit potestas Episcopo contrahendi, testandi, &c. inconsulto patre.

Si quis ergo contendat presbyterum aut monachum liberari ab ea patria potestate quæ est juris diuini plane pugnabit cum lege Dei. At si agitur de ea potestate quæ est juris ciuilis, certum est clericum non posse ab ea liberari inuito aut inconsulto principe, quia eius potestati ciuilia jura commissa sunt: At Bellarminus in Barklauium. cap. 34. affirmat Papam posse liberare clericos subiectione Principum, *Etiam inconsultis Principibus*. Si inconsultis, certe etiam inuitis.

X. Quod ad crimina vero attinet. Cum Princeps debeat reddere Deo rationem populi sibi commissi, quid tam æquum quam vt sit instructus potestate ad coerendos eos qui in sua ditione viuientes conantur turbare publicam pacem, aut proterue insultare legibus, aut populum malis moribus corrumpere? Omnino si cui a Deo cura rerum ciuiliū demandata est, debet posse coercere peccantes in societatem ciuilem. At cura rerum ciuiliū non est demandata Episcopis, sed regibus. Si ergo Episcopus peccauerit in societatem

tem civilem, oportet coerceatur a Rege.

XI. Quod si Episcopus noluerit gradu mouere clericum impurum, aut factiosum, an idcirco impune ei erit vita scelerata? & populi salus sub obtentu honoris Ecclesiastici in periculum adducetur?

XII. Cumque in causis tum civilibus, tum criminalibus, pleraque decidantur ex jure civili, si talis causa clerico aduersus clericum inciderit, oportet Episcopus sit consultus juris civilis, ad cognoscendum de tali causa. At Paulus Apostolus longa serie recensens virtutes & officia Episcopi 1. Tim. 3. hanc virtutem omisit, nec voluit Episcopum peritum esse rerum civilium, & iuris dicundi. Immo vero 2. ad Timot. cap. 2. *Nemo militans implicat se negotijs huius vite, ut placeat* *πρατολογῆσαι*: cum autem loqui de fidelis Christi ministri militia indicat versus præcedens. *Tu igitur mala perfer, ut strenuus miles Iesus Christi.*

XIII. In genere autem quicquid habent clerici exemptionis, id eos non debere Pontifici, sed meræ Imperatorum & Regum liberalitati, hinc euidentissime constat quod omnia Paparum Decreta quæ statuunt clericos debere esse immunes, sunt posteriora tempore constitutionibus Imperatorum quibus Clericis prærogatiuæ tales conceduntur.

CAP. XXI.

Distinctiones & ratiunculæ Bellarmini,
& aliorum diluantur.



Quæ contra hæc affert Bellarminus tam sunt diluta, vt referre pigeat. Coactus enim rei euidencia fateri clericos esse subditos legibus civilibus, distinctionulam puerilem quasi pellucentem nebulam offundit. Nam 28. cap. lib. de clericis dicit clericos esse subditos legibus civilibus *obligatione non coactiva, sed directiva*. Tum illud passim inculcat, clericos teneri obsequi *vi rationis, non vi legis*. Quæ trix eo tendunt vt clerici quidem obsequantur legibus civilibus, si velint, si vero nolint, non possint cogi, & totum id ab eorum arbitrio & ratione pendeat.

Ego vero nego legem esse legem quæ relinquitur subditorum arbitrio. Eiusmodi lex mera est suasio. Frustra iubet, qui non potest cogere, aut inamorigerum vlisci. Futilis est sanctio quæ nullis pœnis sancita est. Omnis enim sanctio pœnam includit. Quod Virgilius voces vsurpans cum delectu innuit hoc versu *Æneid. 12.*

Audiat hæc genitor, qui fœdera fulmine sancit.

In quem locum Seruius Sanctio vocatur *parvula legis, quæ eam violentibus pœna prescribitur*. Nihil est autem tam frequens Imperatoribus Romanis quam leges suas *sanctiones* vocare, etiam eas quæ Episcopis & Clericis statuuntur. vt l. 1. & 42. § *Præterea*

terea Cod. de Episc. & Cler. Quod si Rex leges fert clericis, sed sine pœnis, Legislatoris conditio sequior erit quâ subditi. Ille enim tenebitur iusta suggerere, hic vero non tenebitur obsequi, aut si tenetur, non tamen potest cogi si nolit. Concinit ius civile lege 7. D. De legibus. *Legis virtus hæc est, imperare, vetare, permittere, punire.* Tolle igitur pœnas, legis virtus concidit.

II. Non minus diluta est altera Bellarmini distinctio, qua ait Clericos debere obsequi *Non vi legis, sed rationis.* Quasi ipsa recta ratio non esset Lex, aut quasi lex vlla esset sine ratione. Quæro tamen cur ratio clericum astringat ad obedientiam? an quia ratio exposcit honestè vivere & iuste? at hoc ipsum lex Dei exposcit, sic ratio ista erit ipsa lex. An ratio ista est opinio mera? at hæc opinio sæpe irrationalis est & contraria rectæ rationi. Neque video quo modo cum Clerico melius agatur si laqueo aut gladio perimatur vi rationis, quam si vi legis. Quod si vis rationis obligat clericum ad subiectionem legi, eadem vis rationis obligabit Principem ad puniendum clericum immorigerum.

III. Sed apprimè digna sunt exempla obedientiæ quam Bellarminus in clerico requirit cap. 38. lib. de Clericis. *Loquimur (inquit) præcipue de legibus politicis quæ dirigunt actiones humanas in rebus temporalibus, ut cum Princeps lege sua constituit precia rebus venalibus, vel iubet nocturnum neminem incedere cum armis, aut sine lumine. At debuisse addere, Vel cum Princeps vetat monetam adulterinam cudere, aut patriam suam hosti prodere,*

aut eadem vel parricidium patrare. Timuit Cardinalis ne si maioris momenti exempla afferret, aliquid de dignitate clericorum recideretur: quia in his maioribus criminibus velle clericum subijci legibus, sic tamen ut non possit puniri, summa esset non modo vanitas, sed & scelus. His ergo exemplis sedulo abstinuit. At in emptione panni, aut gestatione laternæ, vult clericum uti iure communi, sic tamen ut si quid peccauerit non possit coerceri.

§ Ad quin-
tam.

IV. Pari ludibrio cap. 35. in Barklauium, agnoscit Reges esse Reges non modo laicorum, sed & clericorum. At quomodo sit clericorum Rex sic explicat: nempe in eo quod *Clerici leges Regis politicas libere servant*. Nota vocem *libere*, nam seruare legem Regis libere, id sanè est non esse subditum, sic legem ab aliquo patrefamilias statutam in sua familia possum obseruare in mea, non per subiectionem sed per imitationem: non vi legis, sed vi rationis, ut ait Bellarminus, & ex meo arbitrio. Non ergo ob id Rex est Rex clericorum, quia idem potest fieri a peregrino. Addit Bellarminus *Regem esse Regem clericorum, quia causas quas cum laicis habent cum actores sunt, ad tribunal ipsius deferunt, & iudicio ac sententia eius in eiusmodi causis acquiescunt*. At hoc idem fit a peregrinis si actores sint in causa aduersus ciuem. Semper enim actor sequitur forum rei. Eiusdem farinae est quod addit *Clericos honorare reges, & pro eis orare*. At hæc etiam fieri possunt & debent a peregrino. Ut iam Regi in clericos nil nisi merum nomen Regis relictum sit. Et sane assurgere Regi trans-
untj

unti levis est remuneratio pro salute sua quam debent Regis curæ, & pro tot opibus quibus Regni robur fractum quasi maciæ concidit, & tabe conficitur.

V. At indecorum (inquit Bellarminus) *Si quis pastorem suum iudicet*, Respondeo Reges esse Pastores clericorum in temporalibus, unde & Reges *πῆμλως λαὸν* apud Homerum. Et Psal. 78. David Rex ait se a Deo vocatum *ad pascendum Iacob populum suum*. Debuerat Cardinalis addere indignum esse si pastor æger pareat legibus medici.

VI. Addit Cardinalis. *Adhuc absurdus esset, si hodie Prætor posset vocari ad tribunal Episcopi, & eras Episcopus ad tribunal Prætoris*. At nihil hic absurdi, dummodo tribunal Episcopi civilibus rebus abstineat, & res est apud nos frequens. Quanquam astute Bellarminus Prætorem posuit pro Rege, quia durius visum fuisset Regem vocari ad tribunal Episcopi: At de Regis potestate hic præcipue agitur: quem Bellarminus non vult posse trahere Episcopum ad suum tribunal. Ambiguitas est quoque in voce *trahendi*, Nam Magistratus non potest trahi ad tribunal Episcopi, sed debent adhiberi commonefactiones, & sacra *πῆμλως*, & in extrema peruicacia & contemptu exclusio a comunione. At Episcopus potest vi trahi ad tribunal Magistratus, & resistenti possunt manus iniici, & poenæ infligi, ut ex sacra scriptura & ex historijs docuimus.

VII. *At indecorum (inquit) ut terrenus Iudex summi iudicis se nos sacrosque homines capiat*.

vel puniat. Quasi vero Rex non esset seruus summi iudicis & sacra persona. Nam Reges vocare profanos frequens est Bellarmino, qui tamen vincti domini passim vocantur, & consecrati. Ps. 2. com. 6. Fac tamen sint profani, an ideo indignum est clerico iudicari a iudice profano? Nonne clerico longe indignius est esse furem quam furti arcessi? Non alius Princeps magis meruit dici profanus quam Nero, attamen Paulus non putauit indignum si *omnis anima* id est quilibet homo ac proinde & clerici ei tributa penderent, & gladium eius metuerent ob malefacta. Nec quicquam istius est quam clericum viuentem profano more; legibus profanis, sed tamen iustis, pro merito puniri. Denique cum Regis dignitas, & persona sit sacra, fundi vero & pecuniæ clericorum sint res profanæ, quid mirum si rei sacræ res profana subijcitur?

VIII. Dicit aliquis Ecclesiam cognoscere debere de omni crimine. Et verè quidem: nihil enim est in actionibus moralibus de quo Theologia non definiat, sed eatenus vt declaret quid sit peccatum aut non sit, & quibus censuris Ecclesiasticis puniendum, veruntamen si Theologus peccauerit in leges ciuiles, poterit a iudice ciuili poena commerita affici.

IX. Sunt qui victi euidentia veritatis, fatentur exemptionem clericorum non esse juris diuini, sed natam esse a Principum indulgentia, & priuilegijs pridem concessis, quæ tamen quia usu inualuerunt & vim habent legis non sunt commouenda, nec minuenda. Quo dicto fatentur ius
istud

istud singulare esse contra tenorem rationis, ut dicitur Dig. lib. 1. Tit. 3. v. 16. *Ius singulare est quod contra tenorem rationis propter aliquam utilitatem auctoritate instituentium introductum est.*

Hæc opinio aduersatur Canonistis omnibus & Concilio Lateranensi ultimo Sess. 11. Sic loquenti

Iure tam diuino quam humano laicis potestas nulla in Ecclesiasticas personas concessa est. Et ipsi Papæ Bonifacio VIII. qui asserit clericos iure diuino & humano liberos esse ab exactionibus. Bellarmi-
Cap. Quan-
quam De
sensu
in 6.

nus hic secum ipse dissidet, & sensus suos sic inuoluit ut videatur noluisse credi, immo nec intelligi. Nam cap. 28. libri de clericis hæc habet. *Exceptio Clericorum in rebus politicis tam quo ad personas quod ad bona iure humano introducta est non diuino.*

Fatetur nullum posse proferri Dei verbum quo ista exceptio confirmetur. Immo ibidem impugnat exemptionem istam testimonio Pauli Rom.

§ Quinta.
§ Probat

13. ubi vult illud *Omnis anima* includere clericos. Vnde fit ut talis exemptio sit contraria iuri diuino. Idem tamen eodem capite defendit immunitatem istam ex Geneseos 47. tum dicit *Papam* *ex-misse clericos a subiectione principum.* At ijs quæ a Pontifice jubentur & definiuntur obsequi putatur esse juris diuini. Profert quoque Concilia aliquot in eam rem: At Concilia probata a Papa & Ecclesia Romana pro verbo Dei habentur. Et hæc quidem in rebus politicis seu ciuilibus. At in criminibus urene diuino an tantum humano nitatur exemptio clericorum, non definit. Verum cap. 34 in Barklauium hoc quicquid est priuilegij vult esse juris diuini, sic loquens *Respondeo Clericos*

non solo privilegio Principum, sed etiam decretis summorum pontificum, & quod maius est divino iure exemptos fuisse, & per hoc exemptos fuisse antequam Principum privilegio eximerentur. Quibus in verbis multa notanda sunt. Primo quod Decreta Pontificum fateatur non esse iuris Divini. Secundo quod agnoscit privilegia Principum, mox tamen ea evertit dum dicit hanc exemptionem esse iuris divini. Quod enim a Deo datum est, humano privilegio non potest concedi. Tertio quod ait Clericos exemptos fuisse iure divino ante privilegia concessa: Datum ergo est eis privilegio quod iam habebant. Qui vera diceret, nunquam secū ipse pugnaret, nec tam perplexē loqueretur. Nec post impugnata in rebus civilibus exemptionem clericorum testimonijs Pauli Apostoli, diceret istam exemptionem non esse iuris divini.

X. Sed neque verum est exemptionem Clericorum qualis hodie statuitur, nisi privilegio principum. Nam præterquam quod tota antiquitas reclamatione ut mox docebimus, ratio ipsa aduersatur. Nam certum est Regem nunquam dare privilegia aduersus seipsum. Potest quidem ad tempus & certis de causis eximere aliquem iurisdictione inferioris magistratus, at non potest liberare obsequio Regi debito, nisi velit legem Dei euertere, & pessimo exemplo iura regni conuellere.

XI. Nec dubium est quin Rex quæ dedit subdito privilegia possit eripere, si videat subditum, abuti Principis beneficio ad perniciem publicam. Cum enim Princeps possit cuilibet perduelli eripere

ripere & fisco addicere bona quæ non dedit, quanto magis quæ dedit? Maxime cum hoc tempore clerici negent se hæc habere beneficio Principum sed profiteantur se totum hoc quicquid est acceptum referre Romano Pontifici, qui, ut ait Bellarminus, potest liberare a subiectione principum *etiam inconsultis principibus*. Quisquis negat se beneficium accepisse, cum acceperit, dignus est amittere.

XII. Quod si cui Principi placet liberalem esse erga aliquos subditos, cum imminutione suæ dignitatis, personalis est hæc liberalitas, nec potest successor huius Regis pari lege astringi. Semper fuit penes Principes emendare quæ obesse Reip. experimento compertum est. Neque video cur Principi cui licet augere privilegia clericorum, non liceat eadem minuere: præcipue si ex concessione præcedenti Resp. aliquid detrimenti capiat.

XIII. Maius est quod dicturus sum. Pertendo enim Principes ne quidem si maxime cupiant posse eximere clericos ab omni civili potestate, quandoquidem Deus vult eos potestatibus superioribus subijci. Benefacta quæ sunt contra bonos mores & Dei mandatum, sunt malefacta. Sic pater non potest liberare filium ab obsequio sibi debito, nec gratiam facere obsequij isti mandato quod iubet Honotare patrem & matrem, nec improba indulgentia laxare vincula naturalia, aut refigere iura diuina: Emancipatio enim liberorum recepta legibus, non liberat filios a lege Dei, aut iure naturali, sed a civilibus quibusdam constitutioni-

bus quæ adimunt liberis potestatem contrahendi inconsulto patre. Sic cum extaret disertum Dei mandatum de premendis arcta seruitute reliquijs Cananæorum, non potuissent Reges Israelis sine scelere eos facere exleges, & plane immunes.

XIV. Adde quod Imperatores & Reges poterant concedere magnas Immunitates clericis, paruo regni sui dispendio, quando clerici erant paruo numero: nec ciuilia tractabant: & erant in re non valde lauta. At nunc cum clericorum & monachorū mādraz omnia cōpleant multitudine innumerabili: & Reges ipsos longe superent opibus, & immisceant se negotijs ciuilibus, & causas ciuiles, mutato nomine ad se trahant: quin & bonam partem laicorum habeant sibi obstrictam abatijs & opimis beneficijs: habeantque suas congregationes, sua capitula, & arcanā consilia, ad quæ Princeps non admittitur, ipsi vero intersint Regio consistorio, sæpe etiam præsent: quis non videt quantum interlit regum hæc tam immania priuilegia recidere, & consulere sui imperij non modo dignitati sed etiam salutis? Quanquam quæ fuerint ista priuilegia primitus concessa a Principibus postquam cognouerimus apparebit longe plus esse vsurpatum ab eis quam fuerat concessum. Cuius rei explanationi caput sequens dabitur.

CAP. XXII.

Veritas defenditur testimonijs antiquitatis & constitutionibus ac legibus Imperatorum.



Va nobis testimonijs antiquitatis probanda sunt. 1. Clericos olim fuisse obnoxios iudicijs & pœnis civilibus. 2. In causis civilibus & criminalibus Clericorum, Episcopis forum & iudicia fuisse concessa, Principum indulgentia, sed ita vt Episcopi magis essent arbitri quam Iudices. 3. Fundos & prædia clericorum fuisse vectigalia, & tributo obnoxia.

I. Vt ergo ordiamur a primo, decem persecutiones Ecclesiæ quæ per trecentos annos Ecclesiam afflixerunt satis euincunt Episcopos & Presbyteros solitos trahi ad tribunalia Imperatorum Ethnicorum. Neque id tantum de facto vt loquitur Bellarminus, sed & de iure. Nullus enim clericus Martyr aut confessor vnquam conquestus est se sisti coram iudice non idoneo: nec causatus est clericorum priuilegia imminui. Frustra regeritur id ab eis factum metu; nam quid potest timere qui mortem non timet? Nonne eadem illà constantiâ quæ Episcopos inter tormenta obfirmabat, eos quoque ad declinandum iudicem non idoneum incitasset.

Constantino magno præsidenti synodo Nice-

na

nz Episcopi obtulerunt magnam vim libellorum supplicum quibus de iniurijs inuicem expostulabant. Hos libellos bonus Imperator cremauit, ratus prudentius ista sopiri quam excuti, & hos rixarum nodos melius incidi quam solui: Habemus ergo omnes Episcopos nobilissimæ synodi profitentes se agnoscere Constantinum Iudicem suarum causarum. Quorum confessioni potius credendum quam inhærendum vnus Constantini modestiæ qui harum contentionem noluit instituire cognitionem. Quanquam & dum sopit controuersias, dum igne ipso fixas extinguit, egit sine dubio partes iudicis, & eo ipso iudicat dum vetat iudicari.

Non fuisse autem eam Constantino mentem, vt sese omnipotestate & Imperio in clericos exueret, arguunt eius facta quamplurima. Nam Theodoretus cap. 19. lib. 1. historię recitat fragmentum epistolæ Constantini ad Nicomedienses in quo multa conquestus de Eusebio Nicomediensi eiusque adiutoribus hæc addit. *Eam ob rem hoc cepimus aduersus ingratos istos consilium, vt iubere-
mus arreptos ipsos in remotissima loca deportari. & paulo post. Quod si quis audacter inconsulteque ad
memoriam, aut laudem pestium istarum exarserit, il-
lius statim audacia ministri Dei hoc est mea executio-
ne coercetur.* Idem Imperator scribens ad syno-
dum Tyri sic loquitur. *Quod si quis reiecto & spreto
mandato nostro adesse noluerit, delegabimus aliquem,
qui regia illum auctoritate in exilium eiectum docebit,
hominem minime decere summi Imperatoris præcepti-
onibus adtuendam veritatem editis resistere.* Euseb.
lib.

lib. 4. de Vita Constantini cap. 42.

III Huius filius Constantius Liberium Romanum Episcopum Berœam relegavit: Theodor. lib. 2. hist. cap. 16.

IV. Cum Constantinopoli ignis domos aliquas corripuisset, incidit suspicio factum id a quibusdam clericis peregrinis, qui paulo post liberati, vinculis iussu sunt vrbe excedere edicto Arcadij & Honorij, fisco quoque adiudicatz domus, quæ (inquiunt A. A.) *Episcopos vel Clericos peregrinos post publicationem edictorum & nostra serenitatis affatus probabitur suscepisse. l. 37. quoniam persona Cod. Theod. de Episc. Eccles. & Cler.*

V. Gregorium Nazianzenum tractum fuisse ad tribunal consulare, non sine periculo pœnæ corporalis, ibique causam dixisse ex vita eius operibus præfixa, iam ante retulimus.

VI. Apud Sulpitium Severum lib. 2. Historiæ. Maximus Imperator Episcopos in hæresim Gnosticorum prolapsos, capite plectit.

VII. Cum Symmachus Episcopus Romanus multorum criminum esset postulatus, Rex Theodoricus cognitionem causæ instituit, misitque cognitorem Petrum Altinæ ciuitatis episcopum. Idem Iohannem Papam in carcere necavit.

*Anastasius
Diaconus:
liber Pontificalis,
Platina
&c.*

VIII. Vigilius Papa Iustiniani iussu grauiiter cæsus, parum absuit quin occideretur, vt ait Platina, cui similia refert Nicephorus. lib. 26 cap. 17. *Eo insolentia progressus est vt & Menam à communionem quatuor mensibus exclusit. Idem & sane Menas aduersus eum fecit. Sedenim Iustinianus rebus eiusmodi ad iram commotus qui eum comprehenderent misit.*

misit. Vigilius autem sibi metuens ad Sergij martyris aram confugit, & sacris ibi fistulis implicitus, non prius inde extractus est quam illas euerit.

Quoties Reges nostri Episcopos exilio & pœna corporea multauerint, vel vnus Gregorius Turonensis potest esse testis locupletissimus, quippe scribens quæ vidit, & quorum pars fuit. Cum ageretur causa Prætextati Archiepiscopi Rotomagensis, Gregorius Chilpericum Regem sic affatus est. Si quis de nobis ō Rex iustitia tramitem transcendere voluerit, a te corrigi potest. Si vero tu excefferis, quis te corripet? Loquimur enim tibi, sed si volueris, audis: si autem nolueris, quis te condemnabit, nisi is qui se pronuntiauit esse iustitiam? Causa variè acta est, & Rege asperius se gerente Prætextatus a nostris (inquit Gregorius) oculis raptus in cœlestodiam positus est. De qua fugere tentans, nocte grauissime casus in Insulam maris quod adiacet ciuitati Constantine in exilium detrusus est. Hæc Gregorius lib. 5. historię cap. 18. Idem lib. 9. cap. 20. refert Bosonem morte damnatum ad Magnericum Episcopum confugisse. At Regem Gūthramnum hoc audito sic loquutum. Incute ignem in domum, & si exire nequierit Episcopus pariter concremetur. Adde in Chronico testatur Episcopum qui filiam Chilperici baptisauerat, & matri eam tenere non prohibuerat exilio damnatum. Nulla hi aut vsquam a libi comminatio Episcopi Romani: nullæ querelæ clericorum clamantium violari iura & libertates Ecclesiæ, clericos habere suum forum, suos iudices, suas pœnas, & prouocationes Romam.

Leges vero Imperatorum qui huc voluerit congerere

congerere, frustra fuerit diligens in re vulgari. Hæ paucæ sufficient ex multis. Authent. Presbyteri. Cod. de Episcopis & Clericis. Presbyteri seu Diaconi si falsum testimonium perhibuisse conuincantur, si quidem in causa pecuniaria, a diuino ministerio duntaxat per tres annos separati, monasterijs pro tormentis tradantur. Sed si in criminali, clericatus honore nudati legitimis pœnis afficiendi sunt. Ceteri vero clerici, communi iure ab officio Ecclesiastico repulsi sine delectu cause, verberibus coerceantur.

Eiusdem Tituli lex 28. hæc habet. Caueant autem hi qui ita exhibent ex monasterijs ne de religione vel doctrina disputent, vel conciliabulis præsent, vel turba concitata simpliciorum animo seducant: scituri quod si nostra pietatis statuta neglexerint legum auctoritati subijcientur. Est autem Lex Leonis & Anthemij. A. A.

Eiusdem Augusti lege 31. eiusdem Tituli hæc faciunt. Si quis hanc sanctam & venerandam antistitis sedem pecunia interuentu subiisse: aut si quis ut alterum ordinaret vel eligeret aliquid accepisse detegitur, ad instar publici criminis & læsæ Maiestatis accusatione proposita a gradu sacerdotij retrahatur, nec hoc solum deinceps honore priuari, sed perpetuo quoque Infamie damnari decernimus.

Cod. lib. 1. Tit. 6. Ne sanctum Baptisma iteretur Honorius & Theodos. A. A. hæc edicunt. Si quis rebaptizare quersipiam & ministris Catholica seclæ fuerit detectus, unum cum eo qui piaculari crimen commisit (sitamen criminis per etatem capax sit) & hic cui persuasit ultimo supplicio percellatur.

Iustinus Augustus lege 41. eiusdem tituli de Episc.

Episc. & Clericis. *Absurdum clericis est, immo opprobriosum, si peritos se velint ostendere disceptationum forensium: temeratoribus huius sanctionis poena quinquaginta librarum auri feriendis.*

Lex sequens quæ est Iustiniani, sic concluditur. *Invenimus eos qui in suspicionem venerint aliquid horum ausu temerario pratermisisse, primum quidem ex Domini Dei iudicio periculum, ac deinde positas in hac lege poenas sustinere.* Clericos autem alloquitur.

Lege 2. si Clericus Cod. lib. 1. de Episcopali audientia. *Si Clericus ante definitivam sententiam frustratoria dilationis causa ad appellationis auxilium convolaverit: multam quinquaginta librarum argenti quam contra eiusmodi appellatores sanctio generalis imponit cogatur expendere.* Est autem Lex Valentiniani & Valentis Augustorum.

Eodem titulo lege 6. *Si tanta clericorum aut monachorum audacia est, ut bellum potius quam iudicium futurum esse existimetur ad clementiam nostram commissæ referantur, ut arbitrio nostro mox seuerior ultio procedat.* Estque Lex Arcadij & Honorij A. A. In quibus omnibus legibus, hoc præcipue observandum est, eas esse scriptas non ad Episcopos aut Magistratus Ecclesiasticos, qui nulli tunc erant, sed ad Præfectos Prætorio & Magistratus civiles.

Denique Iustinianus quanquam summâ in Clericos indulgentiâ: seueras leges edicit in clericos aleatores & indulgentes spectaculis præcipue vero l. Certissime. Cod. de Episcopali Audientia.

Nihil molliet de harum legum rigore & auctoritate qui dixerit clericos non fuisse subditos po-

nis civilibus nisi post exauktionem ab Episcopo, nam par auctoritas Principis siue non exauktionem puniat, siue puniat post exauktionem ab Episcopo iussu Principis factam: & Episcopus teneatur in eo obsequi Principi: Ideoque Reges & Curia Parlamenti vsi saepe sunt legis rigore erga clericos fontes quos Episcopi gradu mouere cunctabantur.

Clericos vero debuisse se sistere coram tribunali civili docet clare l. omnes 33. Cod. lib. 1. De Episc. & Clericis. *Omnes qui ubiq; sunt vel posthac fuerint orthodoxae fidei sacerdotes & clerici cuiuscunq; gradus sint, monachi quoq; in causis civilibus ex nullius penitus maioris minorisue sententia Iudicis ad extranea iudicia pertrahantur, aut prouinciam, aut locum, aut regionem quam habitant exire cogantur: nullus eorum Ecclesias vel monasteria propria relinquere miserabili necessitate inbeatur, sed apud suos iudices ordinarios, id est prouinciarum rectores in quibus locis degunt, Ecclesiarum ministerijs obsecundent, omniumq; contra se agentium excipiant actiones. &c.*

Ex lege 37 *Omnes praeterea, virorum clarissimorum prouincias moderantium sententijs, absq; ulla privilegij differentia (qui tamen praesidiali iurisdictioni subiecti sunt) siue Episcopi, vel quilibet Clerici aut Monachi, aut cuiuslibet conditionis sint pariter respondere decernimus &c.*

Episcopis vero forum & Iudicia in rebus civilibus clericorum habere concessum, sed vt arbitris sponte electis, & sine iurisdictione coactiua, docet l. Si quis Cod. lib. 1. De Episcopali audientia. *Si qui ex consensu apud sacrae legis antistitem litigare voluerint,*

fiscalia perurgeri. *Uniuersos namq[ue] clericos possessores duntaxat provinciales pensitationes fiscalium translationesq[ue] faciendas recognoscere iubemus. & l. In Ecclesijs quæ est XI. Clerici non ex alia possessione vel vico, sed ex eo ubi Ecclesiam esse constituerit ordinentur, ut propria capitationis onus & sarcinam recognoscant.* & Nouella 131. De Ecclesiasticis titulis cap. 5. Iustinianus vult possessiones Ecclesiasticas ad sternenda itinera; & ædificationem ac reparationem pontium perinde ac cæteros obligari. Sed & agri Ecclesiæ pendebant tributum teste Ambrosio oratione de tradendis basilicis. *Si tributum petit, non negatur: Agri Ecclesiæ soluunt tributum.* Et ipse Papa Urbanus agnoscit *Causa 23. q. 8. Can. Tributum agnoscit. Tributum in ore piscis piscante Petro inuentum est: quia de exterioribus suis quæ palam cunctis apparent, Ecclesia tributum reddit.* Ipse Bellarminus cap. 28. lib. de Clericis citat Epistolam quandam Valentiniani ad Episcopos Asiæ sic loquentem, *boni Episcopi tributa pensitant Regibus.* Idem Imperator author est legis cuius meminit Hieronymus in Epistola ad Nepotianum his verbis. *Pudet dicere, sacerdotes Idolorum, auriga, mimi & scorta hereditates capiunt: solis clericis & monachis hoc lege prohibetur: & prohibetur non a persecutoribus, sed a principibus Christianis. Neq[ue] de lege conqueror, sed doleo cur meruimus hanc legem.*

Extant quidem in Cod. Theodosiano aliquot leges quæ Clericis plurimum indulgent: Sed nulla uspiam inuenietur quæ neget Clericos esse Subditos Imperatori. Tum aliæ leges longe plures, eiusmodi

eiufmodi constitutiones aut mutant, aut interpretantur. Denique Iustinianus iuris Romani recognitor, quicquid erat ambiguum in hac causa sedulo explanauit, & leges clericis fixit Imperatoria authoritate, non secus ac reliquis subditis, quarum summa fuit semper vis, & inuiolabilis authoritas, donec Papæ excusso Imperatorum Iugo, aucti Regum Francorum immensa liberalitate cœperunt Imperium affectare, & Ecclesiam toto conatu transformare in Monarchiam temporalem.

Ridiculus fuerit qui hic Imperatorē incusauerit tyrannidem in Ecclesiam, aut ignorantiam: non enim est credibile pios Imperatores Constantinum, Valentinianum, Gratianum, Theodosios, qui dabant sua, voluisse rapere aliena: & qui suas opes in Ecclesiam profundeabant, conatos esse Ecclesiam fraudare, aut spoliare, aut premere indigna seruitute. Nec sibi defuissent illius cui Episcopi quin apud clementissimos Imperatores, de iniuria sibi facta expostulassent. A quibus querelis tantum absuerunt; ut etiam ultro se plurimum debere fassi sint, & eoram civilibus tribunalibus obiuerint vadimonia, & tributa soluerint, & Imperatores suos Dominos agnouerint. Quā in rē protulimus exēpla Chrysostomi, Ambrosij, Nazianzeni, Hieronymi, Gregorij, & Urbani Pontificū: qui cū cæteris in rebus essent acerrimi defensores Ecclesiæ, nō est consentaneū eos in hac vna causa Ecclesiæ dignitatem & libertatem prodidisse: & eos qui ausi sunt aduersus malorum conatus *ad depreſſionē* non ausos fuisse apud fauen-

voluerint, non vetabuntur : sed experientur illius in civili duntaxat negotio, more arbitri, sponte residentis iudicium. Quod his obesse non poterit, nec debebit quos ad prædicti cognitoris examen conuentos potius abfuisse quam sponte venisse constiterit. Nec minus diferta est Nouella Valentiniāni. 3. Tit. 12. de Episcopali Iudicio. Cum inter Clericos iurgium vertitur, & ipsis litigatoribus conuenit, habeat Episcopus licentiam indicandi præeunte tamen vinculo commissi, quod & de laicis si consentiant auctoritas nostra permittit aliter eos indices esse non possumus, nisi voluntas iurgantium interposita, (Sicut dictum est) conditione præcedat, quoniam constat Episcopos & Presbyteros forum legibus non habere, nec de aliis causis secundum Arcadij & Honorij diuina constituta, quæ Theodosianum corpus ostendit, præter religionem posse cognoscere. Si ambo eiusdem officij litigatores nolint, vel alteruter, agant publicis legibus & iure communi.

Semper autem ad principem, & Civilem Magistratum dabatur prouocatio, vt habetur In Authent. si ex Imperiali. Cod. de Episcopali audientia. Si ex Imperiali iussione aut Iudiciali præcepto Episcopus iudicat inter quascunq; personas : appellatio aut ad principem, aut ad eum qui transmisit negotium transferatur. & Nouellæ 83. Rubrica hæc est. Ut clerici apud proprios Iudices conueniantur, & post hoc apud civiles indices. Quæ etiam fuit sanctio Regum Gotthorum in Italia, vt legitur apud Cassiodorum Variarum. lib. 8. Ep. 24. & semper licuit litigantibus declinare forum Episcopi vt docet l. 29. eiusdem tituli § Has autem. Si civilium rerum controuersia sit, volentes questionem apud anti-

fices

stites instituere patiemur, inuitos tamen non cogemus: cum Iudicia ciuilia sint, si ea adire malint, apud qua licet etiam de criminibus cognoscere.

Carceres autem ne quis habeat sine iussu Imperatoris cautum eodem titulo l. 22. Tantum iubentur Episcopi semel septimana coniectos in vincula visitare.

Iam quod ad Immunitates attinet, inueniuntur quidem leges plurimæ Imperatorum quibus clerici a sordidis muneribus, & a personalibus ministerijs & parangaria præstatione, & a tutela seu testamentaria, seu legitima, seu datiuæ, & a cura pupillorum eximuntur. Sed hoc totum priuilegium fuisse & indulgentiam principum, generaliter quidem omnibus clericis, peculiariter vero Romanæ vrbs clero concessum, docet l. Generaliter. § 2. Cod. de Episc. & Cler. verba legis sunt. Propter hoc ipsum beneficium eis indulgemus, ut alijs omnibus derelictis Dei omnipotentis ministerijs inhereant. hoc non solum in vetere Roma, vel in hac regia ciuitate: sed & in omni terra obtinere sancimus. Cum ergo Clerici hodie tractent ciuilia, debent iuxta hanc legem excidere suis priuilegijs.

Ac ne forte Clerici putarent se his immunitatibus plane exemptos a Subiectione Imperatorum, prudentia Principum noluit eos in omnibus esse immunes. Sic Constantinus & Iulianus Cæsares scribunt ad Taurum præfectum prætorio lege 3. Cod. de Episc. & Clericis. De his Clericis qui prædia possident, sublimis auctoritas tua non solum eos aliena iuga nequaquam statuet excusare: sed etiam proprijs prædijs quæ ab ipsis possidentur, eosdem ad pensanda

Cod. lib. 6.
Tit. 2. de
sacrof. Ec.
cles. leg. 12
& 11. &
Tit. 3. de
Episc. &
Clericis l. 2
& 6. &
§ 2.

fiscalia perurgeri. Uniuersos namq̃ clericos possessores duntaxat proninciales pensitationes fiscalium translationesq̃ faciendas recognoscere iubemus. & l. In Ecclesijs quæ est XI. Clerici non ex alia possessione vel vico, sed ex eo ubi Ecclesiam esse constiterit ordinentur, ut propria capitationis onus & sarcinam recognoscant. & Nouella 131. De Ecclesiasticis titulis cap. 5. Iustinianus vult possessiones Ecclesiasticas ad sternenda itinera; & ædificationem ac reparationem pontium perinde ac cæteros obligari. Sed & agri Ecclesiæ pendebant tributum teste Ambrosio oratione de tradendis basilicis. Si tributum petit, non negatur: Agri Ecclesie soluunt tributum. Et ipse Papa Urbanns agnoscit Causa 23. q. 8. Can. Tributum agnoscit. Tributum in ore piscis piscante Petro inuentum est: quia de exterioribus suis que palam cunctis apparent, Ecclesia tributum reddit. Ipse Bellarminus cap. 28. lib. de Clericis citat Epistolam quandam Valentiniani ad Episcopos Aliæ sic loquentem, boni Episcopi tributa pensitant Regibus. Idem Imperator author est legis cuius meminit Hieronymus in Epistola ad Nepotianum his verbis. Pudet dicere, sacerdotes Idolorum, auriga, mimi & scorta hereditates capiunt: solis clericis & monachis hoc lege prohibetur: & prohibetur non a persecutoribus, sed a principibus Christianis. Neq̃ de lege conqueror, sed doleo cur meruimus hanc legem.

Extant quidem in Cod. Theodosiano aliquot leges quæ Clericis plurimum indulgent: Sed nulla vsquam inuenietur quæ neget Clericos esse Subditos Imperatori. Tum aliæ leges longe plures, eiusmodi

eiufmodi constitutiones aut mutant, aut interpretantur. Denique Iustinianus iuris Romani recognitor, quicquid erat ambiguum in hac causa sedulo explanauit, & leges clericis fixit Imperatoria authoritate, non secus ac reliquis subditis, quarum summa fuit semper vis, & inuiolabilis authoritas, donec Papæ excusso Imperatorum Iugo, aucti Regum Francorum immensa liberalitate cœperunt Imperium affectare, & Ecclesiam toto conatu transformare in Monarchiam temporalem.

Ridiculus fuerit qui hic Imperatorē incusauerit tyrannidem in Ecclesiam, aut ignorantiam: non enim est credibile pios Imperatores Constantinum, Valentinianum, Gratianum, Theodosios, qui dabant sua, voluisse rapere aliena: & qui suas opes in Ecclesiam profundeabant, conatos esse Ecclesiam fraudare, aut spoliare, aut premere indigna seruitute. Nec sibi defuissent illius æui Episcopi quin apud clementissimos Imperatores, de iniuria sibi facta expostulassent. A quibus querelis tantum abfuerunt; ut etiam ultro se plurimum debere fassi sint, & eorum civilibus tribunalibus obiuerint vadimonia, & tributa soluerint, & Imperatores suos Dominos agnouerint. Quā in rē protulimus exēpla Chrysostomi, Ambrosij, Nazianzeni, Hieronymi, Gregorij, & Urbani Pontificū: qui cū cæteris in rebus essent acerriimi defensores Ecclesiæ, nō est consentaneū eos in hac vna causa Ecclesiæ dignitatem & libertatem prodidisse: & eos qui ausi sunt aduersus malorum conatus *ex Ad. de p. q. i. v.* non ausos fuisse apud fauen-

εἰ τις κλη-
 ρικός ἢ
 κληρικόν
 ὡς γὰρ
 ἔχοι μὴ ἐ-
 γκαταλιμ-
 πῶν ἐπεὶ
 οἰκείον
 ἐπὶ κοινῇ
 καὶ ἐπὶ κο-
 σμικῇ δι-
 κασίᾳ
 κατατε-
 χέτω, ἀλ-
 λὰ ὡς τε-
 τε, ὅτι
 ἡ ἀδελφότης
 γυνάξῃ
 τὸ πάθος
 τὸ ἰδίον
 ἐπισκέπῃ.

tes & benevolos Principes veritatem proloqui-
 His tamen Imperatorum legibus Bellarminus
 lib. de Clericis c. 28 opponit Canonem nonum
 Concilij Chalcedonenſis. *Si Clericus aduersus*
Clericum habet negotium non relinquat Episcopum
ſuum, & ad ſecularia iudicia recurrat &c. Sed omit-
 tit ſumma fraude, verba ſequentia, *Sed prius venti-*
letur res apud proprium Episcopum. Nam hæc vox
 PRIUS, perſpicuè ſupponit poſt cognitionem
 Episcopi poſſe iri ad iudicia ſecularia : tum vox
 γυνάξῃ πο ventiletur, non eſt accommodata ad ſig-
 nificandum iudicium definitiuum, & cui neceſſario
 acquieſcendum ſit.

Subiungit Cardinalis Synodi Agathenſis Ca-
 nonem 32. *Clericum nullus preſumat apud ſecula-*
rem Episcopo non permittente pulſare &c. Sed & hic
 quoque inſignis falſitas & corruptela. Omnes e-
 nim codices Synodi Agathenſis habent, *Clericus*
nullum preſumat, non vero Clericum nullus preſu-
mat. Auctor falſitatis iſtius Gratianus 11. queſt.
 1. Can. Clericum. Conſimili fraude lex Codicis
 Theodoſiani 23. *Qui mos eſt, deprauatur Cauſa*
 11. Queſt. 1. Can. Continua. Continua lege ſan-
 ctius ut nullus Episcoporum, vel eorum qui Eccleſie
 neceſſitatibus ſeruiunt ad iudicia ſive ordinariorum
 ſive extraordinariorum iudicium pertrahatur, habent
 enim illi ſuos iudices, nec quicquam his eſt publicis cō-
 mune cum legibus. Haſtenus Gratianus : at omi-
 ſit verba ſequentia, quantum ad cauſas tamen Eccle-
 ſiaſticas pertinet.

Fateor quidem inueniri Canones Conciliorum
 qui iubent ortas inter clericos contentiones co-

ram Episcopo transigi, & declinari a Clericis iudicia secularia: At nullus Canon fundos & prædia Ecclesiastica vetat esse *ὑποταλῆ*. Nullus Canon negat clericos esse subditos Imperatori. Nullus vetat Magistratum civilem de causis aut criminibus Clericorum instituere cognitionem, aut vetat Clericos vocatos ad civile tribunal respondere. Nec si quis clericus reus est atrocis alicuius facinoris, definitum vnquam est eum non posse capite plecti Principis iudicio. Cumque actor sequatur vulgo forum rei, nusquam Concilia voluerunt laicum reum trahi ad tribunal Episcopi, aut prohibuerunt in causis civilibus prouocationem ab Episcopo ad Principem, aut actori laico eripuerunt rem adiudicandam, aut iusserunt causam a Iudice seculari iudicandam retractari coram Episcopo. Sed Clerici ex compacto inter se declinabant forum civile, quia erat indecens clerico lites sequi, aut circa forum conteri, & curam rerum sacrarum litis sufflamine retardari. Quod si Concilia clericum notant, aut puniunt qui in civili vicerit: non ideo rescindunt sententiam Iudicis. Nam idem potest fieri a quolibet priuato. Sic testator aut donator potest donationibus suis & legatis inferere eiusmodi conditiones: ne legatarius, neue hæres apud Iudicem de hac aut illa causa agat. Si fecerit, donatione aut hæreditate excidat.

Porro etsi nihil habent antiqua concilia quæ nobis obsint, non est tamen dissimulandum, Episcopos auctores horum canonum non fuisse idoneos iudices exemptionis clericorum, utpote factæ in rem suam. Nunquam enim tulissent ipsi

in se sententiam. Nec quisquam est qui consultus an velit esse liber, an vero subiectus, non præferat libertatem subiectioni.

Obijcit quoque Bellarminus cap. 35. in Barklaium legem septimam De Episcopis & Clericis, In Cod. Theodos. vbi vetantur clerici ad curias deuocari, & iubentur plena immunitate potiri. Sed Bellarminum fefellit ignoratio Latini sermonis, dum putat *ad curias deuocari* idem esse quod trahi ad tribunal seculare, aut Iudicia Imperatoris. Sed errat toto cælo, nam ad curias reuocari nihil aliud est quam redigi in numerum Curialium, & a functione Ecclesiastica ad munus seu functionem ciuilem transferri: Curiales enim erant qui per oppida exercebant ciuilia munera; quos lex 53. Tituli III. de Episcopis & Clericis, vocat *βουλευτῆς*, & curiam *βουλή*. & Nouella 123. cap. 1. vetat Episcopum ordinari *curialem vel officialem*. Cum autem in functione curialium, qui & curiones & decuriones arpellabantur, plus esset oneris quam honoris, & mos esset ditissimos cuiusque oppidi vel inuitos vocare ad curiam, id est ad capessendum munus curionis vel decurionis, a quibus muneribus resilire & eximi non possent: Imperatorum lege clerici eximuntur ab hac necessitate eisque conceditur ne possint ad curialia munera vocari. Non secus ac in Gallia pagis & oppidulis non leue priuilegium putatur, non posse clericos collectores tributorum. Inde est quod tot leges vetant curiales deserta curia transire in clerum, & Monachi desertores propositi in poenam peccati traduntur curia *Χρηματιστῆς καὶ ἐκτελεστὴς*

**Visus-
neant mi-
nistria
questuaria
seu pecuni-
aria.*

ἡ πόλις λατὴν ὑπὲρ ἑαυτῆς, Si fuerint in re lautiori : Sin vero
pauperes, corporales, vt iubetur lege 53. Cod. de
Episc. & Clericis. Plura de Curialibus vide in
Cod. Theodosiano. l. de Curialib. & agnatione.
Tit. 1.

CAP. XXIII.

Monarchiam Papalem enatum ex ruinis
Imperij Romani.



T animantium ita Imperiorum
quædam est adolescentia, quæ-
dam stata ætas, quædam sene-
ctus atque decrementa. Ergo &
Imperij Romani quo non ali-
ud exitit post homines natos
maius aut melius constitutum, finis quidam fuit.
Cuius dum vires erant integræ, Episcopus vrbis
Romæ sola spiritualia tractabat, idque authorita-
te magis quam imperio. Nec Episcopus Vniuer-
salis. aut totius Ecclesiæ caput, sed primæ sedis E-
piscopus vocabatur, idque ob prærogatiuam vr-
bis, non ob Petri sedem, nam & Antiochena &
Alexâdrina pari successione gloriabantur, & Ro-
manam sedem antiquitate superabant. Quæ prior
dicebatur ordine, non potestate, nihil habens iu-
risdictionis in cæteras.

At postquam Romanum Imperium concidit in
Occidente, Herculis, Gottis, Francis, Burgundis
ad eius casum accurrentibus, non secus ac ad ca-
sum procera: arboris arrepta securi concurritur :

in Oriente vero Imperatores impliciti Sarracenicobello, suæ ægre tutabantur : & Roma prope-
modum pro derelicto habita, nec Imperatori sa-
tis virium ad tutandam Italiam : Episcopus Ro-
manus cœpit erigere cristas, & Imperij terreni po-
nere fundamenta: vsus ad eam rē summo artificio,
nec minore successu. Quod qua occasione factū,
& quo rerum secundarum æstu subuectus, tanti
Imperij culmen infederit, operæ pretium est cog-
noscere.

Sedes Imperatorum in Occidente erat Roma,
vsque ad Valentinianum secundum qui nescio
quo consilio Imperij sedem, Rauennæ posuit.
Quod exemplum secutus Theodoricus Rex Got-
thorum deletō in Italia Imperio Romano, Epi-
scopi Romani apud suos ciues & suburbicaria op-
pida creuit authoritas : quasi amoto rectore, cu-
ius splendor præsens sedis Episcopalis dignita-
tem offuscabat. Sed & altrinsecus auctus est spi-
ritus Archiepiscopo Rauennati, qui quod vrbs
sua sedes esset regni, de primatu cum Episcopo
Romano diu decertauit.

Septingenti & amplius a Christo anni effluxe-
rant cum cœperunt sedi Episcopi Romani afful-
gere primæ spes terreni Principatus, & prima
consilia apparere statuendæ Monarchiæ. Disti-
nebatur Imperator in Oriente grauissimo & pe-
riculoso bello aduersus Sarracenos. In Italia vero
nihil possidebat præter Exarchatum Rauenna-
tem & Ducatum Romanum : nam cætera a Lon-
gobardis tenebantur. Cum ergo Roma infirmo
præsidio teneretur, Episcopus Romanus cœpit
ma-

maiora animo agitare: quarentique occasionem iugum excutiendi, ecce, a commodum, peropportuna occasio se obtulit. Anno enim Christi 712. Philippicus Bardanes imperium obtinebat, qui initio imperij retulit de abolendis sanctorum imaginibus, circa quas superstitio gliscibat. Hanc ansam Constantinus Pontifex atripit: Nam vidēs Philippicū civili bello implicitū, Italiæ Episcopos vocat ad Concilium, in quo, auctore Papa decretum est habendas esse & colendas imagines. Neq; hoc contentus populū Romanum instigat in Imperatorem, vt inimicum sanctis: Populo assentiente decretum est ne Philippici hæretici litteræ aut nummi reciperentur: neque nomen eius in sacra liturgia ederetur, neue imago eius de more in templum inferretur. Quin & peruagante Italiam tumultu, Iohannes Exarchus Rauennæ occisus est. Prima hæc fuit Episcopi Romani in Imperatorem rebellio.

Missus a Philippico in Iohannis locum Petrus quanquam resistantibus Romanis Romam ingressus est, & morte Philippici sedatâ contentione Anastasius eius successor Italiam per Exarchos, vt ante, tenuit: Is imagines passim restituit.

Constantino Papæ mortuo sufficitur Gregorius II. Nec multo post Anastasius acie victus a Leone Isauro. Imperio excidit. Quo anno Sarraceni in Hispaniam effusi Gotthorum regnum euerterunt. Hic Leo, cum Gregorio non satis morigerus vteretur, vt erat Impotens animi, Marinum Spatharium suum, quem Ducem Romanæ vrbis creauerat, et post hunc Paulum Exarchum
misit

misit in Italiam, additis mandatis vt Gregorium quoquo modo interficerent aut loco mouerent. At Gregorius quo saluti suæ consuleret, Exarchum grauiſſimo bello Implicat, accito in auxilium Luitprando Rege Longobardorum, qui Rauennam vsque prouectus, eam obsidione cingit & tandem capit. Anno 725. Sed Paulus Rauenna eiectus, copijs auxiliaribus Venetorum auctus Rauennam ex improviso adoritur & recipit.

Inter hæc Leo toto Imperio Imagines delebat, vnde varij motus in Græcia & Asia, quibus sedandis dum Leo intentus est, Gregorius non sibi defuit: Nam Italos ad defectionem sollicitauit, eoq; authore defecerunt ab Imperio Romani, Campani, Rauennates & Pentapolitani; Nec populus a magistratibus ipsis abstinuit. *Ita* (inquit Sigonius lib. 3.) *Roma Romanusq; Ducatus a Græcis ad Romanum pontificem propter nefandam eorū heresim impietatemq; peruenit.* Sic enim vocat odium imaginum. Ex his patet prima Papalis Monarchiæ fundamenta super ruinis Imperij fuisse locata, & Papæ vires Imminutione Imperij creuisse. Factum id anno. 727. Eutychus tamen Exarchus biennio post Romam ingressus est armatus: Inter quæ moritur Gregorius II. anno 731. cui Gregorius III. successus, acerrimus defensor imaginum. Qui dum Romanum Ducatum possideret, viresque deessent, facile est a Luitprando Rege fortunis omnibus exutus. Iamque premebat Rex romam obsidione, cum Gregorius clam summis in Galliam Legatis opem Caroli Martelli implorat, cui inter Francos ad regnum nihil nisi Re-

gis nomen deerat : missisque ad eum , Inulitato exemplo clauibus sancti sepulchri, tantum effecit, vt eo intercessore Luitprandus obsidione abisteret. Quo loco Sigonius fœdus a Francis initum cum Romana Ecclesia vt rem inulitatam refert. *Carolus (inquit) primus è Francis a Pontifice Romano ad amicitiam est appetitus.*

Annus 741. insignis est morte Leonis, Caroli Martelli & Gregorij Papæ. Leoni Constantinus filius : Gregorio Zacharias ; Carolo Pipinus in Præfectura Palatij successit.

Hic Zacharias moritur anno 752. rebus (vt ait Sigonius) non tam præ quam prospere gestis. Succedit Stephanus II. sub quo Aistulphus Rex Longobardorum Rauennam cœpit, & reliquias Imperii Romani in Italia deleuit : Vnde sibi spondens imperium totius Italix, Pontificis ditionem inuasit, quippe quæ esset porrio Exarchatus Rauennatis, cuius iam maximam partem subegerat. Quibus in angustiis Pontifex quanquam defecisset ab Imperatore, suo Domino, eius tamen auxilium implorat. At imperator segniter rem gerens, seu Papam oderat, seu viribus suis diffusus, satis habuit Aistulphum monere per legatos. Inter quæ Stephanus in Galliam ad Pipinum venit. Erat tunc Pipinus Ponticone, vbi (si fides historicis Pontificijs qui in talibus multa mentiuntur) Pipinus Papæ obuiam processit, eum adorauit, & descendenti ex equo, atque ascendenti, stratoris munus Impleuit. Egit Stephanus cum Pipino veteratorié, obtendens sacrosanctum Petri nomen, ostērans titules Ecclesiæ Romanæ, spondens remissi-

missionem peccatorum & salutem, si ad Ecclesiam Romanam auxilium festinus aduolaret. Addebat bellum gerendum ea lege ut si Exarchatus & Pentapolis reciperentur, non Imperatori restituerentur, sed Ecclesiam Romanam dono darentur. Ac quamuis Franci tunc temporis Imagines auerferentur, & liturgia Romana a Gallica esset longe diuersa, De his tamen Papa apud Regem non egit; nam ad incrementum suarum rerum, & curas temporales totus animum adiecerat.

Igitur Pipinus delectu habito, infestum exercitum, semel atque iterum, trans Alpes rapit, Italiam fugam & terrore complet, Aistulphum Papiam qua & Ticinum obsidet. Pax tandem in has leges facta, ut Aistulphus Exarchatum & Pentapolin rapta Imperatori Romano, daret Romano Pontifici: Frustra reclamantibus legatis Constantini, & dicentibus licere Pipino liberalem esse de suo: at erepta Imperio Romano restituenda esse Imperatori, non vero danda Pontifici. Hæc gesta sunt annis 755. & 756.

Hanc Pipini immensam liberalitatem, Carolus cui Magno cognomen, plurimum auxit, anno 774. victo & capto Desiderio ultimo Rege Longobardorum. Secutusque exemplum Ludouicus Pius Caroli filius patris & aui beneficia, nouis beneficijs cumulauit.

Ergo Pontifex locupletatus exuijs imperij Romani, coepit nihil modicum spirare, & immensa animo agitare. Nam etsi Carolus Magnus subacta Italia titulum Imperij Romani, & supremum Dominiū vrbs Romæ sibi retinuisset, Papa tamen tan-

to astu abusus est facilitate successorum Caroli, ut ad eos quidem nomen Imperij & regni Italix, ad Papam vero vis pertinet.

Ad quas immensas opes accedebat potestas spiritualis, quæ in dies augebatur paribus incrementis cum temporali. Nam Gallia cœpit ritu Romano Eucharistiam celebrare: eodemque tempore enata est opinio Transubstantiationis, & imagines in templa passim introductæ, solatium populo, quali ad supplendum locum sacræ Scripturæ quæ populo sensim subtrahcebatur. Tum Purgatorij terror additus, & nullibi non miracula. Quod si Princeps aliquis peccasset libidine aut avaritia, illico fulmina & diræ. Aut si inter duos Principes bello certaretur, Papa se certatibus immiscens sub titulo arbitri, sic rem componebat, ut semper ad se aliquis fructus rediret. Accesserunt bella Ierosolymitana, ad quæ quicumque se voto astrinxerat, cruce signabatur, & fiebat Papæ subditus: euntibus autem promissa erat remissio peccatorum, & in cœlis gradus gloriæ supra plebem sanctorum, ut habetur in bulla Innocentij III. quæ subiuncta est primæ synodo Lateranensi. Fructus & finis belli quod Europam viris exhauriebat, statuere in Oriente colonias Imperij Papæ, qui ibi legatum habebat Papæ vices gerentem. Ergo deposito pedo pastoralis sumpta est corona triplex quæ *Regnum* appellatur: & vestis coccinea insigne Romani Imperij, & adoratio, Dei que titulus, & plurima quæ etiam Maiestatem Imperialem longe excedunt. Quin & Regum & Imperatorum more Papa cœpit bella gerere,

rere, & acie configere: Quæ res Leoni nono cessit improspere, quippe qui in bello aduersus Sisulphum Regem Normanorum acie victus, & captus est Sigebertus anno 1050. Platina in Leone IX. Nec finis fuit donec Gregorius VII. anno 1076, Imperatorem ausus est deturbare Imperio; & ius sibi arrogare dandi ac auferendi regna & Imperia. Semperque creuit Immanis ista potestas, vsq; ad Leonem X. qui cum æruscatores tota Europa misisset, qui remissionem peccatorum certo pretio addicerent, & de cuiuslibet animæ liberatione expurgatorio diplomata, sed care emptæ, largirentur, Lutherus ausus est in cauponationem istam magno animo inuehi, & sacram scripturam quam attingere laicis erat religio & summum piaculum vulgavit vernaculo idiomate: Vnde patuerunt arcana mysterij iniquitatis, & subitæ populorum & gentium secuta est defectio.

Hæc a me non dici partium studio, sed ex historiarum fide multi mihi testes, exceptione maiores. Vnus instar omnium erit Nicolaus Machiauellus, cuius hæc sunt verba in præclaræ suæ historiæ Florentinæ libro. 1. quam dicauit Clementi VII. pontifici. *Cum ergo (inquit) Imperator factus esset Christianus, & se Constantinopolim recepisset, inde secuta est inclinatio imperij Romani, & Ecclesiæ Romanæ incrementum. Nihilominus vsque ad aduentum Longobardorum (cum Italia tota Imperatoribus aut Regibus esset subdita) Pontifices ea solum auctoritate pollebant, quam eis morum & doctrinæ sanctitas conciliabat. Cæteris in rebus, obsequabantur Imperatoribus aut Regibus, qui aliquoties eos*
morte

morte affecerunt, & in suis negotijs civilibus eorum ministerio vsi sunt. Pracipue vero Theodoricus Rex sedem regni Rauenna locans, authoritati Papæ magnum momentum addidit: quia cum Roma presentia Principis esset destituta, Romani ut haberent aliquod refugium, Papæ impensius obsequebantur. Non multum tamen inde creuit eius authoritas: sed tantum Ecclesia Romana hanc prerogatiuam assecuta est, ut Ecclesie Rauennati anteponeretur: At cùm Longobardorum aduentu Italia in plures partes esset scissa, data est occasio Pontifici vires suas augendi. Factus enim est propemodum Princeps Romæ, unde Imperator Constantinopolitanus & Longobardi eum tanto honore prosequiebantur ut Romani Papæ interuentu, cum Longobardis & Longino fœdus percussissent, non ut subditi, sed ut socij. Et hoc pacto Pontifices inter Longobardorum & Græcorum amicitiam medij, & nunc horsum, nunc illorsum inclinantes, augebant sensim suam dignitatem. At paulo post accidit ruina Imperij Orientalis sub Heraclio a Sclauis, Persis, Sarracenis, &c. Addit auxilium petatum a Francis aduersus Longobardos, & bellis omnibus quibus ab eo tempore Italia afflicta est Pontifices causam præbuisse. Denique his verbis claudit sermonem. Quocirca ad scribendas res quæ sunt consecuta non opus erit immorari ruina Imperij Romani, quod plane corruit, sed incrementis Pontificis.

Satis opinor probatum Monarchiam Papalem ex ruinis Imperij Romani enatam, eius decrementis accreuisse. Tum si deessent historiæ, ratio tamen ipsa id necessario suggereret. Nunquam enim Augusti passi fuissent statui nouum Impe-

Imperium in sui Imperij vrbe nobilissima, nisi viribus Imperij iam fractis, & ad resistendum invalidis. Adde quod facilius fuit imponere Francis & Germanis quam Imperatori Græco. Nam illis militaris animus, & ad bella infractus, sed insita facilitate sequax & technarū Pontificis insolens, & religionis Christianæ rudis, assuetusque credere aliena fide: At Imperatores Græci pridem assueuerant imperare Episcopis Romanis, & de eorum capite & tortunis statuere. Tum illis Græcum ingenium, eoque vasrum & perspicax & qui in sua vrbe habebant Patriarcham qui potentiam Episcopi Romani æmulabatur, & de primatu contendebat. Versæ ego in nostram gentem technæ, a qua Pontifex in immensam potestatem euectus, hanc refert Francis, eorumque Regi gratiam, ex qua Regum cædes, extranei ad Regnum vocati, strages populi, & intestina bella consequuntur.

CAP. XXIV.

Panduntur super hac re arcana Prophetiarum.



Vius rei obseruatio nos ad subli-
miorem meditationem euehit,
& vocat ad sacrosancta vaticinia,
quæ pridem Deus est effa-
tus per suos Apostolos & Pro-
phetas. Paulus enim Aposto-
lus 2. ad Thessalonic. cap. 2. agens de aduentu ho-
minis peccati & filij perditionis. his notis eū cōpun-
git,

git, 1. Quod se Deum vocabit: 2. Quod edet miracula. 3. Quod cadente Imperio Romano se eriget. Hanc tertiam notam his verbis concipit.

μόνον ὁ κατέχων ἀρπ, ἐως ἐν μέσῳ ᾔη, καὶ τότε ἀποκαλυφθήσεται ὁ ἀγαθός. Quem locum sic vertit vulgata

tantum ut qui tenet teneat, donec de medio fiat, & tunc reuelabitur ille iniquus. Hic enim vox κατέχων

nihil aliud est quam tenere, seu obtinere, vel possidere vt 1. Cor. 7. com. 30. οἱ ἀρροῦντες ὡς μὴ κατέχοντες. Mens enim Apostoli est eum qui suo

tempore summa rerum erat impositus, summoque Imperio potiebatur, prius esse abolendum

quam iste ἀνομός, filius perditionis reueletur. Si cui tamen placuerit per κατέχων intelligere, inhi-

bere, seu impedire, eodem res recidet: quippe cum docuerimus multis exemplis Imperatores

gliscentem Paparum arrogantiam sæpe retudisse, & vires Imperij stantes & integras Papalem Mo-

narchiam retardasse. Neque vero hæc sunt nostra commenta, sed perspicua Pauli prædictio, ve-

teris Ecclesiæ firmata consensu, & comprobata experimento. Locum enim hunc Pauli sic explicat Tertulianus lib. de resur. carnis. cap. 24. Tan-

tum qui nunc tenet teneat, donec de medio fiat, quis nisi Romanus status cuius abscissio in undecim Reges di-

spersa Antichristum superducet? Concinit Chrysostomus in hunc locum. * πὶ δὴ περὶ ἐν ὅτῳ τὸ κατέχων ἀ-

ποκαλυφθῆναι αὐτὸν τὰς τρεῖς τὸ καλύπτει; οἱ μὲν τὰ πνεύματα τοῦ πλὴν χεῖν φασί, οἱ δὲ πλὴν ῥωμαϊκῶν ἀρχῶν, οἱς ἐγὼ καὶ μάστιγι πείθεμαι. Scholiastes Græcus ex varijs interpreti-

bus contextus. κατέχων φησὶ τὸ καλύπτει καὶ ἐμποδίζει. πὶ δὲ τὸ; πάλαι τὸ πνεῦμα τὸ ἀποκαλύπτειν, ἃ νῦν δὲ πλὴν ῥωμαίων ἀρχει.

ementes vt non possidentes. Quid est istud quod tenet vt manifestetur? id est quod impedit? alij quidem dicunt gratiam spiritus sancti, alij Imperium Romanum, ad quos maxime accedo.

* Vocas, κατέχων quod prohibet & Imperat. Quid illud est autem multi spiritum sanctum dicunt, alij vero Romanum principatum, qui quidem melius sentiunt.

Quando
dissolutum
fuerit Ro-
manum
Imperium
tunc rene-
labitur
impium, id
est, Anti-
christus,
quando
enim dis-
solutum
fuerit Ro-
manum
Imperium,
tunc Anti-
christus
Anarchia
inorietur,
& conabi-
tur arripe-
re domina-
tionem,

ἀρχῶν, οἱ καὶ βέλπον λέγουσι. Et paulo post. ἔτι καταλυ-
θήναι τὸν Ρωμαίων ἀρχὴν τότε ἀποκαλυφθήσεται ἡ ἀνομία, τέτιςιν ὁ
Ἀντίχριστος ἐπιθήσεται τῇ ἀρχῇ καὶ κρατῆσαι ὅτι χειρήσει.
Augustinus 19. cap. lib. 20. de Ciuitate. Illud
quod ait Apostolus, Tantum qui modo tenet teneat
donec de medio fiat, non absurde de ipso Romano impe-
rio creditur dictum: tanquam dictum sit, tantum qui
modo Imperat imperet, donec de medio fiat. Hiero-
nymus 11. questione ad Algasiam hunc locum
sic explicat. Nisi (inquit) Romanum Imperium ante
desolatum, & Antichristus praeceperit Christus non
veniet. Et paulo post. Nec vult aperte dicere Ro-
manum Imperium destruendum quod ipsi qui imperant
aeternum putant. Unde secundum Apocalypsim Ioan-
nis, in fronte purpurata meretricis scriptum est nomen
blasphemiae: id est Romae aeternae. Si enim aperte au-
diēterq; dixisset, non veniet Antichristus nisi prius Ro-
manum deleatur Imperium: iusta causa persecutionis
in orientem tunc Ecclesiam consurgere videbatur.
Quae opinio vulgo recepta inter Christianos vete-
res causam praebuit orandi pro duratione Imperij
Romani, vt docet Tertullianus Apologetici cap.
31. Est & alia (inquit) maior necessitas nobis orandi
pro Imperatoribus, etiam pro omni statu Imperij re-
busq; Romanis, quod vix maximam vniuerso orbi im-
minentem, ipsamq; clausulam seculi acerbitates hor-
rendas comminantem, Romani Imperij commeatu sci-
mus retardari. Quam vim maximam de aduentu
Antichristi Zephyrus interpretatur.

Eodem spiritu cum Paulo Apostolo afflatus
Iohannes Apoc. 13. Imperium Romanum nobis
effingit sub figura belluae septicipitis, cuius septem
capita

capita sunt septem diuersæ Regnandi formæ, nec non septem montes quibus Roma insidet. Vt ipse Spiritus Sanctus interpretatur Apoc. 17. vers. 9. & 10. Eidem belluæ affingit decem cornua quia Imperium Romanum decem præcipuis prouincijs constabat : quibus nitebatur robur Imperij : nam cornua stilo sacræ scripturæ, robur significant. Hæc bellua faucia lethaliter sanatur, eique vires redduntur, sub alio titulo, nempe Hierarchiæ Romanæ. Idque ope alterius bestię quæ ex terra *emerge* vers. 11. id est ex infima sorte, & cornua *agni præfert*. sed loquitur ut *araes* vers. 11. Id est Christi nomen, eiusque fidem obtendit ? sed loquitur impia, & exercet potestatem prioris bestię coram illa, vers. 12. id est potestatem & iura prioris Imperij usurpat, idque in ipsa sede Imperij, id est Roma. *Et iubet adorari priorem bestiam sanatam*. Id est Imperium Romanum Hierarchicum per quod Imperij collapsi decus est restitutum. & *miracula edit*. vers. 13. & *erigit imaginem prioris bestię*. vers. 14. id est erigit Imperium ad imitationem prioris Imperij Romani, ut prolixè docebitur. *Viu*t autem & loquitur hac *imago* vers. 14 & 15. id est hoc Imperium etsi opinione constans, habet tamen vires & loquitur grandia. Occiduntur autem qui hanc bestiam non adorauerint, versu 15. id est qui non se submiserint Papali Imperio. *Notantur quoq; caractere in fronte subditi huius Imperij*. vers. 16. Quæ nota in clericis est clericalis character, in laicis titulus & professio Romani, sine qua nota excluditur quilibet à mercimonijs & beneficiorum nundinatione vers. 17. Cuius be-

1. Italia.

2. Hispania.

3. Gallia.

4. Germania.

5. Pannonia.

6. Dacia.

7. Macedonia.

8. Syria.

9. Aegyptus.

10. Africa.

Insulae sunt

continentis

appendices.

stīz nomen lingua Apostoli vsitatum subductis numeris efficit 666. vers. 18. quem numerum inuenies in voce Α Α Τ Ε Γ Ν Ο Σ vt pridem monuit Irenæus. Ecclesia enim Græca Ecclesiam Papalem non vocat nostro more *Romanam*, sed *Latinam*, & Papam Episcopum *latinum*. Papæ ! quanta lux se hic vel nolentibus offundit, & quam graphicè hic nobis Papa eiusque Hierarchia depingitur. Peruolue historias, lustra oculis quæcunque sunt toto orbe, ne viuat si vllum vsquam hominem inuenies, in quem hæc omnia quadrent : præter vnum Pontificem Romanum.

Ac ne quid ad perfectam Papæ & sedis Romanæ descriptionem desideretur, caput decimum septimum Apocalypseos nobis eum tam ad viuum depingit, vt nullus sit locus dubitationi. Principio vrbs Roma vocatur magna meretrix, versu. 1. & Babylon versu. 5. quin & dicitur *insidere septem collibus* versu 9. inde & ἡ πόλις, & festum vrbs *Septimontium*, ait Varro lib. 5. de lingua latina. Et versu 18. *Mulier illa quam vidisti est magna illa ciuitas regnans in reges terra*. Fatetur quidem Bellarminus, hæc dici de vrbe Roma, sed Ethnica. At contra sunt Viegas & Ribera Iesuitæ, pertendunt enim hæc dici de Roma qualis futura est sub Antichristo. Cum enim cap. 18. Apocalypseos prolixè describatur vltimum excidium istius vrbs, non potest hoc dici de Roma Ethnica, quippe quæ sub paganismo semper floruit. Adde quod sub specie fœminæ hic depingitur, vt scias eam non gerere rem armis sed blanditijs & illecebris, quæ sane in Romam Ethnicam non quadrant

In libro
aduersus
Regis præ-
factionem
Monitori-
am. Viegas
in 17. Apo.
Com. 1.
Sect. 3.
Ribera in
Apo. c. 14.
num. 42.

quadrant, in hodiernam vero quadrant plenissimé. His adde quod eadem mulier dicitur sedere super multis aquis, id est, dominari multis populis, vers. 1. & 15. Deus bone quam *Agios* Spiritus Sanctus imperium Romanum Papale vocat **SESSIONEM**: hoc enim vni Papæ peculiare est vt **SEDERE** dicatur, non regere: cum tamen nemo magis regnet. Quid quod eadem mulier vers. 2. dicitur illicere Reges & inebriare populos: In quantas enim fraudes Reges pellexerit, vel vna Gallia testis est locuples: Quod sane de Roma Ethnica dici non potuit, quippe quæ non circunueniebat astu Reges, sed armis euertebat regna, & reges extinguebat. Addit Iohannes vers. 3. & 4. *vestem purpuream*. hic enim color est vestis Papalis non tantum consuetudine, sed & lege, vt statuitur lib. 3. Cæremoniarum sacrarum sectione 3. cap. 5. *Ruber color precipue ad Papam pertinet*. Exempla habes lib. 1. Sectione 1. cap. 6. & sectione 9. cap. 1. Nec minus disertum quod bestię cui insidet mulier, id est sedi, seu Imperio Papali, inscripta sunt nomina Blasphemię, vt quod vocatur **SEDES DEI**, vt lib. 2. Sacrarum Cæremoniarum Sect. 7. c. 6. *Sedes Dei id est sedes Apostolica*. & ipse Papa **DEVS** Can. satis Distinc. 96. & glossa extrauagantis. *Cū inter & Maiestas diuina, Cōcilio Lateranēli vltimo sess. 9. & caput totius Ecclesię, ac Episcopus Vniuersalis, & spōsus Ecclesię: Caput fidei, lapis āgularis Leo Iuda, & infinita eiusmodi quib. Cōcilia & Decreta Paparū referta sunt. Quod in manu eius ponitur, Poculum Aureum Plenum Abominationum, quarum vocum litterę capitales Papam efficiunt debeatne aliquas vires habere alij Iudicent.*

Mihi sane videtur in isto casu esse quædam industria, maximè cum id ita cadat in lingua Romana quæ diu fuit vernacula Episcopatus Romano.

Sed illud mihi maximi momenti esse videtur, quod cū Roma habuerit septē genera sūmi Principatus, Reges, Consules, Tribunos militares, Decemuiros, Dictatores, Imperatores, Papas, qui varijs temporibus summæ Rei præfuerant hac de re Apocalypsis eodem capite sic loquitur vers. 9. & 10. *Septem capita sunt septem montes, quibus insidet mulier: Tū septem Reges* (Sic vocat summos Principatus) *quorum quinq; iam transierunt, & unus nunc stat, & alius nondum venit.* Cum enim Iohanni hæc revelarentur, quinque priores principatus pridem desierant. Sextus vero nempe Imperatores, tunc stabat, eratque in roboris *apex*. Septimus vero (nimirum Papæ obtinentes Monarchiam temporalem) nondum aduenerat.

Et hæc quidem non sunt nostra, sed serenissimi Regis, qui primus felici audacia resignavit librum signatum septem sigillis, & his tenebris maiorem quam quisquam lucem intulit. Quem Bellarminus, Cussetellus, Gretzerus, Coquæus, dum conantur refellere, tam infelicitè rem gerunt, ita se inuoluunt, vt videantur noluisse intelligi, immo nec credi. Si quis tamen vult habere quoratiunculas eorum diluat, legat accuratissimam Responſionem Doctissimi Præsulis Eliensis, quæ sanos omnes ascribendo eadem de re deterruit.

His duobus Apostolis plane consona pridem vaticinatus est Daniel hæc ipsa maiori quadam tuba personans. Nam cap. 7. depingit quatuor maxima

maxima Imperia, Babylonicum, Persicum, Macedonicum, Romanum, sub imagine quatuor bestiarum emergentium mari, id est e medio populorum, iuxta stilum scripturæ. Quarta bellua cæteris sæuior & truculentior, erat decem cornibus insignis, vers. 7. totidem enim præcipuis provinciis constabat Imperium Romanum. Inter quæ cornua *emergit cornu parvulum* Romanus Pōtifex, tenuis conditionis inter initia *cui dantur oculi*, id est perspicax astutia, *& os loquens grandia*, id est doctrinæ ipsi plurimum tribuens & superbi tituli. *Hoc cornu auctum tria cornua de bellua auellit.* Papa enim subiecit suo imperio tantam portionem de Imperio Romano veteri, quanta est trium ad decem, quod qui oculis aut circino voluerit mætur, comperiet verissimum esse quod dicimus.

Mirabitur ergo lector maximum prophetiarum consensum, non modo inter se, sed & quod caput est, cum eventu & agnoscat Papam rem fecisse Imperij dispendio, & iuxta Prophetias Papale Imperium inter ruinas Imperij Romani emersisse.

Sunt qui vthac eleuasit, & tantæ lucis tenebras offundant, pertendant Imperium Romanum nondum concidisse, quippe quod etiam nunc stat in Germania: cuius Imperator adhuc nomen & dignitatem obtinet Imperatoris Romani. Sunt ex aduerso qui censent non in hærendum nominibus & titulis, sed rem ipsam excutiendam. Imperium Romanum de quo Paulus agit 2. ad Tessal. cap. 2 prorsus esse deletum: Imperatores vero Germaniæ non successisse Iulio Cæsari, nec Constanti-

no; sed a Carolo Magno Galliarum Rege descendisse. Imperatorem hodie nihil possidere Romæ, nec in Italia. Immo Monarchiam illam quæ hodie vocatur Imperium pene totam sitam esse extra fines veteris Imperij Romani. Non esse consentaneum ut dicatur Imperator Romanus eodem sensu quo veteres, qui non modo Romanos non habet sub sua ditione, sed & qui homini Romæ regnanti lambit vestigia, & defert adorationem, teneturque Romam mittere Legatos qui Papæ Cæsaris nomine præstet sacramentum fidelitatis & obsequij. Hæc est inter cæteros sententia Lipsij in præfatione libri *de Magnitudine Romana*, ubi asserit Imperium Romanum esse penes Papam & Romam adhuc esse sedem Imperij, & hanc ipsam Romam *q̃ SACRAM IN EA IMPERIUM* fuisse & esse velut anchoram fluctuanti diu Europæ. Ibi esse senatum purpureum, Eo inferri tributa, Eo mitti legationes gentium ex noto ignotoque orbe. Ipsos Reges & Principes adire & inclinari; & obnoxia capita huic uni capiti submittere. Ac profecto quotiescunq; Papa Cæsaream Maiestatem vocat Imperatorem Romanum, non tam eum honorat titulo, quam amarulæto scommate ei illudit, si quidem Papa ipse Cæsarem Roma & Italico Imperio depulit.

Hæc quidem variè a varijs agitantur. Nobis non necesse est nodum hunc solvere aut incidere: Nec in sacræ Cæsareæ Maiestatis quam ipsi veneramur, titulos scrupulosius inquirere fas aut honestum puto. Satis mihi ad rem præsentem, ponere quod apud omnes est inconfesso, id quod hodie

hodie Imperium Romanum dicitur perexiguum esse præ stupenda illa potentia veteris Imperij Romani. Vnde non abs re dici potest Imperium Romanum corruisse. Non secus ac si quis Regem nostrum, quod absit, regni maxima parte exutum in Aremoricæ aut Delphinatus angulum concluderet, non mentiretur qui diceret regnum Galliæ euersum, vtcunque Rex eius portunculam retineret.

Adde quod Bellarminus & cæteri qui Antichristum Iudæum, & Ierosolymis regnaturum *ῥεμολογοῦσιν*, parum considerate addunt, Imperium Romanum stans, morari aduentum Antichristi. Nam quomodo posset Imperator Germaniæ morari initia regni Ierosolymitani? Maxime cum Paulus 2. Thessal. cap. 2. dicat suo tempore iam fuisse cœpta primordia mysterij iniquitatis? Inepta esset præparatio cuius post annos 1550. nulla incrementa, nec minimus possibilitatis color videretur.

CAP.

CAP. XXV.

Imperium Papale extructum esse ad Imitationem veteris Imperij Romani.



Ocuimus abundè, ni fallor, Imperium Papale de Imperij Romani ruderibus extructum, super eius ruinis sua fundamenta posuisse. Hoc quisquis agno-uerit, non mirabitur si qui potestatem Imperatorum ad se trahere conatus est, eorum quoque imitatus est actiones, titulos, apparatus, formamque Imperij, Omnino hoc decuit eum qui Romæ regnans, veteris Romani imperij splendorem æmulatur: in quo Impletum est vaticinium illud quod protulimus ex Apocalypseo cap. 13. ver. 11. 12. & 14. vbi predicitur secundam bestiam Christi nomen & speciem præ se ferentem, arrepturam potestatem prioris bestię, id est veteris Imperij Romani, & daturam operam vt Imago priori illi bestię statuatur, id est erigatur imperium factum ad imaginem veteris Imperij Romani.

Fidem dictis astruunt innumera experimenta quorum quædam præcipua edecumabo.

1. Papa relicto pedito pastoralis, sumpsit coronam Imperialem auro & gemmis fulgentem, quam R. E. G. N. V. M. vocant, eamque triplicatam.

2. Cumque purpurea vestis & calcei purpurei essent

essent imperij insigne, eandem vestem Pontifex induit, eosdemque calceos, sed addita cruce aurea quæ osculantibus porrigatur. Neque id sane sine mysterio, ut per hoc crux Christi, id est religio Christiana ad pedes Pontificis abiecta intelligeretur.

3. Habuerunt Imperatores Senatum Patrum purpuratorum. Hoc imitatus Papa, habet senatum purpuratum: Nam Cardinales vocantur Senatores urbis Romæ a Papa Pio II. lib. 1. Cæremoniarum Sacrarum. Sect. 8. cap. 6. Eosque sic appellare tralatitium est.

4. Penes Senatum Romanum erant Apothecae, per quas referebantur defuncti in numerum Deorum. Ecodem plane modo senatus Cardinalium ius habet Apothecae sanctorum, quam vernacula superstitio Canonisationem indiget.

5. Imperatoribus familiare erat: Deos appellari. Suetonius Domitiano cap. 13. *Dominus Deus noster sic fieri iubet.* Martialis lib. 15. Epigrammatum, *Edictum Domini Dei que nostri.* Virgil. 1. Ecloga. *O Meliboe e Deus &c.* Ideoque & eterni dicti, Symmachus epist. 54. lib. 10. Sic affatur Valentinianum, Theodosium, & Arcadium *Multa victoria debet eternitas vestra & adhuc plura debebit.* & sic frequenter in Panegyricis. Non minoribus titulis Papa intumescit, nam & vocatur *Dominus Deus noster.* Glossa Extrauag. cum inter. & Deus Canone satis. Distinct 96. & sedes eius, S E D E S D E I. lib. 1. Sac. Carem. sect. 7. cap. 6. *Sponsus Ecclesie.* c. quoniam de Immunit. Eccles. in 6. & sæpe alibi. Addit Bellarminus etiam *Christo secluso* lib.

Carauis purpuram sumpsit. & paulo post. Galerius purpuratus trahitur ad vehiculum decucurrit. Ambros. ad Theodosium α' λυρ' βασιλέας εν ιερ' ποιεί. Theod. lib. 5. cap. 18.

S Ac ne forte. Ac profecto si Ecclesia quæ est in terris Christo secluso non inepte comparatur sponsa; Secluso etiam Christo v. num caput habere debet.

1. de Rom. Pontif. cap. 9. *Divina Maiestas*, Concilio Lateranensi, sub Leone X. Sessione 9. *Leo Inda & servator Sionis*. sess. VI. *Lapis positus in fundamentum Sionis*. Bellarm. in præfatione librorum de Romano Pontifice. Vnde & Decreta eius passim vocantur oracula, id est vox Dei loquentis. De elect. Tit. 6, Cap. Fundamenta in 6.

6 Imperatores Ethnici passi sunt se adorari: Aurelius victor de Diocletiano, *passus est adorari se appellariq; uti Deum*. Idemque ait Lampridius de Heligabalo in vita Alexandri seueri. Secutus exemplum Pontifex, patitur sibi adorationem decerni & tribui. Concilium Lateranense vltimum. Sess. 3. & sess. 10. de Papa sic loquitur. *Est Vniuersis populis adorandus & Deo simillimus*. Ac ne quis putet agi de adoratione ciuili, ibidem Papa accommodatur prophetia Psalmi 72. *Adorabunt eum omnes Reges terra*, quæ dici de Christo Tertullianus in Marcionē. lib. 5. c. 7. asserit, & omnes fatentur.

Mantuanus

*Ense potens gemino cuius vestigia ADORANT
Cesar & aurato vestiti murice Reges.*

Sigonius de regno Italiæ lib. 9. *Populum diuisa per vicos pecunia ad adorandum inuitant*. Insignis præ cæteris adoratio quæ defertur Papæ in ipso Conclauis, statim post electionem. Exuitur, Induitur, ei dantur caligæ rubræ, & calcei cōcolores cingulum rubrum cum fibulis aureis, pileus ruber, pluuiæ rubrum, triplex corona, ita ornatus, sublimis attollitur, super altari ipso locatur, a Cardinalibus summissogenu adoratur. Vt prolixè refertur lib. 1. Caremon. sacr. sect. 1. cap. 6.

7 Imperatores habuerunt corpus suarum legum quod vocatur ius ciuile. Quos æmulatus Papa habet corpus suarum legum, quod vocatur ius canonicum.

8 Indictiones Imperiales instituit Constantinus, quæ sunt periodus quindecim annorum. Voluit ergo Papa habere quoq; suas indictiones totidem annorū, quarū caput voluit esse circa æquinoctium vernum, vt discernerentur ab Imperialibus, quarum caput est circa æquinoctium autumnale. Gregorij Epistolæ distinctæ sunt per Indictiones, quarum caput adhuc erat mense septembri, vt testatur inscriptio librorum. Nondum enim Indictiones Papales erant in vsu, quamuis Annus Christi 600. instaret.

9. Imperatores Romani, Regum, clientum Imperij, & Rerū publicarum Legationes, & obsequia submissa recipiebant, in solio sublimes. Eodem quoque modo ad nouum Papam omnibus ex partibus, mittuntur legati qui Regum & Principum nomine præstent sacramentum fidelitatis, & iurent obsequium Pontifici, venerabundi, & fidentes sacrosanctis pedibus oscula.

*Suetonius
Calig. 5. 22
Cum audi-
ret forte
Reges qui
officij cau-
sa in urbē
aduenerāt.
Etc.*

10. Annatæ Papales, sunt imitatio fructuū feudalium qui Legibus Imperialibus constituuntur. Episcopatus enim & Abbatia ac Prioratus sunt totidem feuda sedis Romanæ, quantumuis nata sint de laicorum liberalitate, quibus potius tales fructus debebantur.

11. Iam vero tributa sub utroq; Imperio mutatis nominibus eadem. Variis tributis & vectigalibus Romani prouincias onerabant. Ex agris com-

compascuis legebant tributum, quod scripturam appellabant, Ex Importatione & exportatione mercium portorium: Ex agro subactio decumas. Ex singulis capitibus capitationem. Hæc imitatus Papa habuit in Anglia, Polonia, &c. capitationem quam vocabant denarium Petri: & nunc in Hispania sub titulo bullarum absolutionis, institutum est vestigial duarum regalium in capita. Longum esset persequi varia mercimoniorum genera, paruas datas, dispensationes, absolutiones, derogationes, causas matrimoniales, gratias expectatiuas, &c. ex quibus qui nascuntur fructus sunt totidem Papalis imperij vestigialia.

12. Atque vt ad tributa legenda Imperatores habuerunt suos publicanos, qui redempta habebant publica vestigialia, sic & Papa habet, Datarios, Bullistas, & eiusmodi redemptores fructuum qui ad Papam perueniunt ex taxationibus Cancellariæ, & sacræ penitentiariæ. Prostat ea de re liber ab ipsis Pontificijs excusus, Titulo, *Taxe Cancellariæ Apostolicæ, & sacræ Penitentiariæ.*

13. Erant Romæ Trapezitæ & collybistæ sedentes ab imo Iano ad summum per quos poterat quilibet quantamlibet pecuniæ summam in quancunque voluisset regionem transcribere. Non absimili modo sunt Venetijs, Lugduni &c. collybistæ & trapezitæ qui quascunque voles bullas, et dispensationes, ac absolutiones certo pretio tibi in quascunque voles oras transcribunt, & per litteras collybi, aut vt vocant cambij, remissionem peccatorum transmittunt.

14. Imperatores Romani subactis Gallijs, & Hispani-

Hispanijs, quo gentes indociles assuefacerent iugo, & Latinis moribus imbuerent, cogeabant provinciales latine loqui, & causas latine orare, vnde factum est vt Latina lingua olim apud nos & in Hispania, pene esset vernacula. Has artes imitatus Papa, non quidem vj, sed occultis artibus effecit apud Reges & Principes sibi obnoxios, vt res diuina vbiq; fieret sermone Romano. Sic fixa sunt passim insignia Romanæ dominationis, & impressa est animis erga Romanum Pontificem reuerentia: Credentibus populis se inde habere fidem vnde & linguam, & ab eo discendum esse Dei cultum, a quo acceperunt sermonem per quem cū Deo loquuntur.

15. Imperatores Romani, quo gentem subactam, sed ferociorem & Impatientem seruitutis cicurarent, solebant distingere vulgi oculos theatris, circo, balneis, quæ quidem cum quasi ad lulum & ad ornatum ac voluptatem fierent, erant tamen seruitutis authoramenta. Tacitus in Iulio Agricola de Britannis. *Paulatim (inquit) discessum est ad delinimenta vitiorum; porticus & balnea & conuiuiorum elegantiam, Id apud Imperitos humanitas habebatur, cum pars seruitutis esset.* Par Papæ industria; dum enim pascit populum picturis, statuis, aulæis, pompis, cereis, quibus meridionalis lux infringitur, interea sacram scripturam de manibus populi subtrahit, & Imperium in conscientias stabilivit, immutata sensim doctrinâ Evangelij. Sic dum sopiuntur corda, oculis illuditur, & vano fulgore præstinguntur oculi dum animis atra caligo offunditur.

16. Vestigal ex meretricibus quæ Romæ prostant permittente Pontifice, imitatio est veteris illius turpitudinis ab Imperatoribus Romanis usurpatæ. Suetonius, Caligulâ. *Ex capturis, prostibularum vestigal instituit, quantum quaque uno concubitu mereret* Lampridius Alexandro. *Leonum vestigal & meretricum, & exoletorum in sacrum avarium vetuit inferri, & ad instaurationem theatri, Amphitheatri & circi deputari.* Iustinus. Martyr Apologia 2. *ἐπιείκων καὶ ἀνδρογυνῶν καὶ ἀρρητοποιοῶν πλήθος*

*Feminarum
& andro.*

*gynorum
& obsca.
notum mul-
titudine per
omnes na-
tiones ad
hoc piaculum
prostant:
atq; horum
pro mercede,
& collationes
& vestigalia
capitis.*

καὶ παῖδες ἐπὶ τῷ ἑαυτοῦ ἄγας ἔθηκε, καὶ τῶν μισθῶν καὶ οὐ σφοδρῶς καὶ τέλη λαμβάνετε.

17 Solebat Imperator novus, spargere in populum nummos, tessaras frumentarias, & varia missilia Suetonius Octavio cap. 39. & Nerone. cap. 11. Hanc munificentiam imitatus Papa die coronationis spargit in plebem Romanam aliquot millia annorum indulgentiæ, fortuita liberalitate & promiscua. Dabat sine dubio Petrus hoc modo remissionem peccatorum.

18 Indulgentiam leges Romanæ solenni vocabulo appellant, remissionem poenæ legibus constitutæ, quæ interdum ad publicam lætitiā ab Imperatoribus concedebatur. Cod. Theod. l. 9. tit. 38. l. 3. non secus ac primo aduentu Regum nostrorum in aliquam urbem, laxantur fontium vincula, & carceres debitoribus aperiuntur. Vocem hanc indulgentiæ, in alium usum flexam Papa usurpavit, concedens indulgentias poenæ quam Deus post remissam culpam exigit: quas indulgentias etiam ultra vitam extendit homo erga mortuos misericors, & poenas ab animabus com-
me-

meritas remittens vsque ad sexcenta & amplius annorum millia.

19 Porrectionis pedis ad osculum, primum exemplum dedit Caius Caligula Imperator, hostis generis humani. De eo sic loquitur Seneca. lib. 2. de Beneficijs cap. 12. *Cesar dedit vitam Pompeio Penno, si dat qui non aufert, deinde absoluto & agentigratias porrexit osculandum finistram pedem: Et paulo post. Inuenit aliquid infra genua quo libertatem detruderet, nonne hoc est ciuitatem calcare? Nempe supplicum gestus erat attingere genua. Plin. lib. 11. cap. 45. Hominis genibus quadam & religio inest, observatione gentium. Hac supplices attingunt, ad hac manus tendunt. Exempla habes frequentia apud Homerum. At Caligula infra genua libertatem depressit, dum pedem osculandum porrexit. Secutus est hoc exemplum Maximini filius: nam hunc honorem auersatus est Maximinus pater. *Dij (inquit) prohibeant ut quisquam ingenuorum pedibus meis osculum figat. Teste Iulio Capitolino in vita Maximini Iunioris. Homo alioqui ferox qui non tulit pedibus suis dari oscula a minimis ingenuorum, quomodo id tulisset fieri a regibus? Id sane neque ipsum Caligulam passurum fuisse existimo. Pontifex ergo dum præbet pedes suos osculandos ipsi Imperatori, & regibus, sic imitatus est pessimos Imperatores, ut eos longe superaueit.**

20. Imperatores Romani Regibus qui rem Romanam manu, vel consilio, vel ope iuuissent, mittebant scipionem eburnum & togam pictam, societatis & amicitiae pignora. Tacitus

Lib. Sacra Cerem. 1. Sec. 5. c. 3. Caesar iterum cum appropinquat gradus secundis, genua flectit, deinde ad Pontificis pedes peruenit, illos in reuerentiam saluatoris deuote osculatur. Et paulo post. Pontifex recipit imperatricem ad osculum pedis.

tus Annalium lib. 4, Cognitis Ptolomai per id bellum studijs, repetitus ex vetusto mos, missaque e Senatoribus qui Scipionem eburnum, rogant pietam antiqua patrum munera daret. Hunc morem secutus Papa, mittit Regibus & Principibus de Romana sede benemeritis, rosam, vexillum, chirothecas, galeam, benedicta.

*Iubemus
beatissimos
Archiepiscopos &
Patriarchas, h. e.
est senioris
Romae &
Constanti-
nopoliticos si-
quidam consti-
tuit. habet
episcopus in
eorum ordi-
natione no-
minis qua
vixit li-
bra aut.
dari. &c.*

21 Imperatores Romani ab Episcopo recens inaugurato, accipiebant viginti libras auri, pignus obsequij, eademq; lege Episcopus Romanus cum ceteris Archiepiscopis & patriarchis renebatur, idque pro enthronisticis, seu litteris investiturae, vt diserte habetur Nouella. 123. cap. 3. At Papa rerum compos, hoc imitatus, vice versa iussit Imperatores pro coronatione massam auri deponere ad pedes Pontificis, pignus obsequij, & professionem clientelae. Verba sunt libri. 1. Sacrarum Caesarem. Sect. 5. cap. 3. Tum Caesar iterum genuflexus auri massam ad pedes pontificis offert, habetque verba ad Pontificem, gratias agens pro honore suscepto. At Iohannes Rex Angliae cum Pandulpho Papae Innocentij legato praestaret homagium regni Angliae & aurum ad pedes eius deponeret, legatus pecuniam pede conculcavit. Satis quidem pro Imperio, & vt decuit seruum serui seruatorum.

CAP.

CAP. XXVI.

Quanto artificio potestas spiritualis, & ipsi fidei Christianæ articuli, flexi sint ad incrementum potestatis temporalis.



Nem Apostolus qui in priori ad Timotheum cap. 3. vocat Euangelium *mysterium pietatis*; secunda ad Thessalonicenses cap. 2. appellat *mysterium iniquitatis* doctrinam improbam occulto artificio contextam. Istæ sunt nimirum profunditates Sathanæ, de quibus Iohannes secundo Apocalypses os. Ad cuius Sphingis peplum reuelandum non sufficeret humana industria, nisi nostra ipsorum mala nos fecissent hac in parte doctiores, & infelici experientia didicissemus quæ optabilius fuerat ignorare. Enimuero tanto artificio contextus est Papismus, & tanto astu doctrina Christiana & ipsi fidei articuli flexi sunt ad fulciendam dominationem papalem; ut quicquid vnquam post homines natos fuit astutiæ præ hac sit merus stupor. Harum technarum sunt quatuor genera. 1. Aliæ enim sunt comparatæ ad offundendas tenebras & creandam ignorantiam, animosque populi distinendos. 2. Aliæ ad congerendas diuitias. 3. Aliæ ad augendam dignitatem Papæ & Clericorum. 4. Aliæ denique ad conseruationem rerum partarum, ne quid de aceruo minuat.

Res palam fiat aliquot exemplis, nam singula persequi esset infinitum.

Quibus artibus alatur ignorantia populi, & Imperitorum animi distineantur.

1. Ignoratio sacrae Scripturae fons est omnium errorum, testante ipso Christo, Matth. 22. comm. 29. *Erratis, nescientes Scripturas.* Cum ergo Papalis Monarchia stet corruptione sacrae Scripturae, danda fuit opera ne populus hanc scripturam attingeret, neue sermone vernaculo verteretur. Inde est quod Romae & in Hispania & Scicilia capitale est habere biblia sermone vulgari, dum scripta profana & impudica passim & impune leguntur. Solum Dei verbum cum periculo aspicitur. Prouidendum enim fuit ne populus de sua salute nimis sollicitus humana figmenta exigeret ad regulam verbi diuini. Cupit leges suppressas qui sibi male est conscius. Tum ignorantia populi fructuosa est Papae. Nam caeci solent esse scrupulose timidi, faciliusque eis illuditur, suntque sequaces quancunque in partem impuleris. Eruerunt Philistei oculos Samsoni priusquam eum deducerent ad templum Idoli. Nam oculatos difficilior est in Idololatram inducere.

2. In eundem finem liturgia celebratur lingua ignorata: quin & latinus textus missae, pressio murmure, accentu absono, & voce in canticum flexa pronunciatur, ut nequidem ij ipsi qui Latine sciunt, possint capere quid dicatur.

3. Sed & populus assuefit preces concipere sermone ignoto, & metuit ipse se intelligere, quasi sibi ipse suspectus. Ergo plurimum meriti putatur esse

esse in stupore, quinimo genus quoddam est monachorum qui fratres Ignorantes appellantur: ut iam argumentum sit sanctitatis nihil scire, & ignorantia se inferens sub titulo docilitatis fidei Christianæ locum teneat, fatēte ipso Bellarmino, viro doctissimo, qui c. 7. lib. 1. de Iustificatione sic loquitur. *Fides distinguitur contra scientiam, & melius per ignorantiam quam per notitiam defuitur.*

4 Non satis fuit premere Scripturam, & cælestem hanc lucernam occultare sub modio, id quoque additum ut conuitijs vulgo laceraretur. Nam quia a nobis extracta est de tenebris in lucem, in eo nunc Doctores Pontificij sunt toti, ut ei fidem abrogent. Ingerunt ergo opprobria. Vocant regulam Lesbianam, cultrum Delphicum, obscuram, imperfectam, iudicem non idoneum, & non loquentem, & quid non? Bellarmini hæc sunt cap. 10. lib. 4. de Verbo Dei Scripto. *Scripturas non fuisse absolute necessarias.* & cap. 7. *Quasdam esse traditiones maiores quoad obligationem quam quasdam Scripturas.* & cap. 12. dicit *finem proprium & precipuum Scripturæ non fuisse ut esset regula fidei, sed ut esset commonitorium quoddam utile.* & paulo post *Et si non est facta precipue ut sit regula fidei, est tamen regula non totalis, sed partialis.* Quid quod Carpentarius noster in TERTIA veritate, contendit scripturam serere magis lites quam componere? ancipitem esse gladium? Inde homines fieri Atheos? Nihil habere virum, nisi quatenus placet Ecclesiæ? Fidem hauistam ex lectione Scripturæ, non esse Christianam, sed quæ sita, & humanā, & ita credentem non esse Christianum? Horret animus meminisse.

S. Adm.

se. Peculiaris est huic seculo hæc labes. Nil tale hæretici veteres, quanquã Lucifugæ Scripturarũ.
 5 Pari fraude & audacia ius summum iudicandi de Controuersijs ademptum scripturæ, in Ecclesiam Romanam translatum est. Per Ecclesiam autem Papa & aliquot Prælati eum circumstantes intelliguntur. Ergo libris fidei adempta est fides, & diuinorum authorum concidit authoritas. Nec videtur vlla via relicta ad cognoscendam veritatem, cum ipsa veritatis regula cœperit esse suspecta. Eodemque astu Ecclesia Romana facta est exlex ex quo cœpit esse iudex supra legem, Imo iudex ipsius Legis, & dans authoritatem verbo Dei quod scripturis continetur. Sic dum subijcit sibi regulam, ipsa facta est regula, Imo & iudex in illis ipsis causis quibus tyrannidis postulatur. Sic Scriptura facta est non necessaria, cum presto sit regula superior, & certior, nempe Iudicium Papæ & Ecclesiæ Romanæ.

6 In eundem finem illigantur animi plebis scrupuloso metu & stupore religioso, dum exigunt a populo fidem ante cognitionem, nec persuadent docendo, sed volunt sibi credi antequam doceant. Nam volunt eligi religionem antequam cognoscatur an sit vera. At scriptura vult cognosci primo, deinde credi. Sic Christus Iohan. 10. com. 4. *Oves sequuntur pastorem, quia cognoscunt eius vocem*; prius ergo cognoscunt quam sequantur & com. 38. *ut cognoscatis & credatis Patrem esse in me &c.* Et cap. 17. com. 8. *Cognouerunt me a te profectum esse & crediderunt te me misisse.* Nempe cognitionem fides est consecuta. *Fides ex Auditu*

diu verba ait Paulus Rom. 10. At hi fidē sibi haberi volunt antequā verbū Dei audiat. Sane qui credit nō cognoscēs, nō cognoscit an recte credat quod si forte vera credat, id facit casu, non iudicio; falsa crediturus, si fuissent prius oblata. Nec quidquā est tam praposterū & abhorrēs a sensu communi, quam eligere antequam cognoscas, cum ideo sit cognoscendum, vt eligas. Præcipue in re tanti momenti, in qua agitur de æterna salute.

7 Eodem spectat professio dubitationis de salute, & exitialis illa doctrina quæ diffidentiam suadet, cum Dei verbum imperet fiduciā. Magnum hoc est Papalis Monarchiæ firmamentum. Nam subditis attonitis & tremantibus vtaris obsequentiis, quam si essent pleni fiducia. Terrorem enim officit Iudicio, nec valde commouetur iactura suæ pecuniæ, quem interni horror insana & conscientiæ perpetua trepidatio exoruiat.

8 Ad Ignorantiam quoq, plurimum confert vtrum sacræ Scripturæ ab vno sensu in alium traductio, ne stilus spiritus sancti intelligatur. Sic cum in Scriptura Pœnitentia sit Virtus, & morum emendatio, hodie ictus, ieiunia, peregrinationes, multæque pecuniariæ, pœnitentiæ appellantur. & cum ferre crucem in Euangelio sit ærumnas ferre pro Euangelio, hodie dicitur ferre crucem qui argenteam vel ligneam crucem baiulat, aut habet in pileo signum crucis, vel crucem de collo pendulant. Sic duæ primæ voces orationis Dominicæ, non patrem nostrum cælestem, sed inferos filo globulos significant: & cum Paulus Philip. 2. doceat deberi reuerentiam nomini Iesus,

id est eius virtuti & dignitati, hodie salutantur syllabæ nominis, & ad prolationem vocis Iesus nudantur capita, at non ad prolationem nominis Christi, Immo nec Dei. & cum ieiunium sit sobrietas, hodie est distinctio ciborum. Sic fides Christiani delij est esse fiducia amoris Dei erga nos per Christum: fides enim a Pontificijs definitur assensus ijs quæ verbo Dei continentur, quam fides in ipsis diabolis inuenias; & iustificatio quam Christus & Paulus centies accipiunt pro absolutione, hodie pro charitate & virtutibus moralibus vsurpatur. Christus dixit se esse lucem mundi ergo accendantur cerej de die. Idem nos iussit similes esse infantulis, ergo monachi induant cucullam, puerilis redimiculi imitamentum. Infinita sunt eiusmodi, per quæ sacræ scripturæ voces peruersum sensum induunt, ne quid a legentibus intelligatur.

9 Nunc accipe solatia ignorantia, & delinimenta stuporis. Principio dum subtrahitur scriptura, substituuntur imagines: & distinctur oculi spectaculis dum mens destituitur cognitione, & pro libris doctorum, proponuntur libri ignarorum, sed qui non medeantur ignorantia. Sic dum lapides sunt doctores, ipsi discipuli facti sunt pene lapides, & in religionis negotio sensus expertes, Deus quidem ex lapidibus facit, filios Abrahæ, at hi ex filijs Abrahæ, lapides.

10 At nulla in re tantum se prodidit ingeniosa horum hominum solertia, quam variegando religio-

ligionem mille coloribus: ut nemo sit tam enormibus moribus qui non inueniat in Papismo quod suo gustui respondeat. Amat quis pompam? quid splendidius Cardinalibus & Prælatibus? At si cui cordi sunt sordes, habet Capatianorum & Folianorum illuuiem, & ex affectatis sordibus quæ sitam sanctitatem. Si quem iuuant deliciae & opes, sunt Abbatiæ, Prioratus, & Canonicatus, quibus suppetit in summo otio summa abundantia. At si cui melior videtur vita mendicabuli, habet ordines Mendicantium quos sequatur. Odit quis societatem humanam? et Heremitis suis est honor: aut si potior ei videtur vita in turba, aggreget se cœnobij monachorum. Quod si quem perulantes Lusus delectant & lasciuia licentia, habet dies pluresculos ante Carnis priuium, qui solenni licentia & legitima lasciuia peraguntur: Quos vicissim excipit dies cinerum, in quo triste silentium, tetricus vultus, cinis frontibus inspersus, faciesque ad sobriam grauitatem composita. Romæ habes conuentus reclusarum, nec inde procul concessa lupanaria puellarum, quæ bona fide faciunt meretriciam. Hinc largas eleemosynas Xenodochij sancti spiritus, inde cauponationem beneficiorum, munerum Ecclesiasticorum, & indulgentiarum.

Hæc quidem variè a varijs aguntur: At in vna eademque persona videas cum admiratione res cōtrarias, & secum dissidentes. Idem enim Papa qui pedem porrigit osculandum Imperatoribus, lauat pedes pauperibus die Cenzæ Domini. Et ijs ipsis bullis quibus regna dat & adimit, se vocat

vocat seruum seruorum, insigni exemplo modestia, sed non vidit, hoc quoque esse inter imprecationes quibus Noe nepotem suum Canaan ex-
ecratus est, fore vt seruus seruorum appellaretur.
Gen. 9. com. 25.

12 Extendit sese vsque ad puerulos fallacia, qui in festis Nicolai & Catharinae ornantur erupundijs, mulcentur munusculis, recreantur imaginibus, vestiuntur solito cultius, & per urbem circumducuntur puerili ambitu. Mox vt occipiunt paululum grandescere sistuntur coram Episcopo qui eos chrismate unguit, strophio frontem praecingit, bracteolas aureas superaddit, colapho malam leuiter perstringit, vt in fide roborentur. Ita quasi per ludum Deus colitur, & dum sacra scriptura ab eorum oculis amouetur, lepidis artibus in teneros animos superstitio instillatur. Enimvero nemo est in populo tam plumbeo ingenio, qui non accurate designet festum suae parociae, aut quatuor tempora, aut leges ieiunij, & quo ritu confirmatio & extrema unctio conferatur, & eiusmodi minutula quae tota gestibus constant, & externo ritu. At quotusquisque est de populo qui accurate nouerit quid sit iustificatio per fidem? quod discrimen veteris Testamenti a nouo? Quantus sit concentus prophetiarum cum Evangelio? Quae necessitas fuerit habendi mediatorem Deum & hominem? Haec sane absconduntur a populo dum picturis & splendore externo detinetur.

II. Quae artes inferuiant congregandis opibus.

Euerterat Christus mensas collybistarum, &

de

de templo mercaturam expulerat. Hanc Papa
rursus introduxit in Domum Dei, in ipso sacrario
faciens Institoriam.

I Toti huic mercaturæ quæsitus est color ex
corruptione Euangelij: Confictio nouo dogma-
te quo nihil habet Papismus perniciosius. Dogma
tale est: *Christum sua passione non plane satisfecisse pro
pœnis peccatorum quæ committuntur post Baptismum.
Sed nobis incumbere hanc satisfactionem, quæ quidem
peragenda sit pœnis satisfactorijs dum vivimus, & post
mortem igne Purgatorio: Quem quidem ignem
perhibent septies esse calidiorẽ igne vulgari, &
ibi luendam esse pœnam vnius peccati per plures
annos. Iuxta illud Virgilij, 6. Æneidos:*

Alys sub gurgite vasto

Infectum eluitur (celus, atq; exurit igni.

Ibi enim loquitur de purgatione animarum apud
infernus. Veruntamen Papalis Indulgentia, qui-
busdam huius cruciatus facit gratiam, aut eius
portionem amputat. Sic Carmelitæ iactant se
prærogatiua a Pontifice concessa, ne sint in Pur-
gatorio ultra diem sabbati qui mortem eorum
proximè sequitur. Tum indulgentiæ sparguntur
quibus liberantur animæ a Purgatorio, siue id fiat
per iurisdictionem, siue per modum suffragij, vt
loquuntur: Hac enim de re adhuc cerratur. Ita de-
curtatum est beneficium Christi, vt locus esset
questui; Nam quis emeret a Papa liberationem a
pœna, cui persuasum esset Christum pro nobis
plene satisfecisse?

II. In eundem finem valuis templorum &
compitis vrbium affiguntur programmata conti-
nencia

nentia indulgentias Papales, per quas remissio peccatorum in hoc aut illo templo ponitur, ne quis sit tam vecors ut alibi quærat remissionem peccatorum quam ubi Papæ placuit eam locare. Nam si plures orationes & ardentiores alibi conceperis quam ubi Papa vult eas quæri, frustra eris, nec consequeris promissam remissionem. Diplomati vero indulgentiarum semper addita est clausula quasi succentium carmen: concedi has indulgentias *manus porrigentibus adiutrices*. Ad quas populi sportulas, seu collatitiam stipem excipiendam, politæ sunt pro templi foribus arcæ, operculo perforato, in quas ingeruntur nummi.

III. Iubileus est *ἐπιτέλειος* Imperij Papalis, & quasi spirituale congiarium. Isto anno, qui vigesimo quinto quoque anno recurrit, Papa aperit, thesaurum indulgentiarum, constantem *τὸν θησαυρὸν* seu superabundanti satisfactionū Christi, sanctorū, & monachorū, & plena, plenior, ac plenissima (ut loquuntur Canonistæ) indulgentia datur visitantibus stationes Romanas, diebus triginta continuis aut intermissis. Sed ij qui sunt participes huius spiritualis liberalitatis, rependunt vicissim nummos aliquot & oblationes sub titulo eleemosynæ, quæ datur non pauperibus, sed divitibus: non flentibus, sed cantantibus, id est monachis quibus vita otio & cantu traducitur. Dici nō potest quantā messim vrbs Roma tunc faciat, quātū locupletentur templa oblationibus peregrinorū qui Romam omni ex parte concurrunt. Ideoque impedire Romipetas ponitur inter casus reservatos, id est scelera atrocissima quorū remissio soli Papæ

Extraud.
Cina Do-
mini.

Papæ referuatur: nam homicidij, adulterij, & eiusmodi minorū criminū quibus sola Dei lex violatur, remissio a presbyteris & Episcopis vulgo cōceditur. Quo loco subit animum non mediocris admiratio, cum cogito quanta sit Itatorū & Romanorum prærogatiua, & ad salutem *παραγωγὴ ψυχῶν* vtpote qui remissionem peccatorum habent sub manum & in propinquo: At Hispanis, Polonis, Hibernis, iter immensum & sumptus par labori. Sed & melius agitur cum diuitibus quibus est equus & valetudo integra: nam pauperes & languentes, sumptibus deterriti, & labori itineris impares tam larga Indulgentia fraudantur. Quod si creditur institutoribus, quisquis moritur statim a Iubileo rectâ in cœlum euolat, immunis & liber a purgatorio, qui si paulo ante Iubileum e viuis excessisset, fuissent ej luendæ pœnæ, quarum in Iubileo remissionem adeptus est.

4 Sequens annus transfert Iubileum in alias regiones, & sic circumfertur hoc mercimonium. Tunc in duabus aut tribus vrbibus Galliæ locatur Iubileus, & par stationibus Romanis indulgentia. Hic vero obserua bonorū virorū industriam. Neq; enim temere fit quod Iubilæus non in omnibus Galliæ vrbibus aut templis locatur: sed id fit, quia pecunia in vnum locum coarceruata facilius cōuertitur in vsus quos iubet Pontifex, quā si per infinita loca dispersa, & a varijs collectoribus tractata euanesceret. Ergo videas miseradæ plebis agmina deferere cultū agrorū, officinas, & ciuilia munia, & suscipere lōgū iter, vt ad præstitutū tēpus sistât se ad obtinēdā remissionē peccatorum.

5 Sed

Sed et prouisum sedulò ne quis diues vili pretio moreretur. Persuaserunt enim populo bene consuli animæ si moriens eruat Missas anniuersarias, scribens Ecclesiam hæredem. Certe in hoc aureo seculo genus est solatij posse pacto pretio, bona fide, admitti in regnum cœlorum. Hic quis miretur si infinitas hac arte opes corrasarint? nam quis damnatus ad ignem, non redimat vnus horæ cruciatum iacturâ totius patrimonij? quanto magis cum redimenda est anima a cruciatu ignis multis sæculis duraturo?

6 Lepidum vero cauponationis genus, dare certis templis altaria priuilegiata, ad quæ Missa dicta certo die anni liberat aliquam animulam de flamma purgatorij ad eius optionem qui Missæ pretium exoluit. Nam Missæ alio die aut loco cantatæ non haberent eandem efficaciam. His artibus mors ipsa facta est vectigalis Põtifici.

7 Sed & viuentibus venduntur Missæ priuatæ, & presbyter duabus drachmis conductus, in templi angulo Christum creat & patri immolat, in gratiam Titij aut Mæuij. Nam sperare vt Missæ priuatæ canantur gratis, aut in eius gratiam qui nihil porrexit, summa esset stulticia.

8 Quid quod inuenta est via commutandi pœnas corporeas in pecuniarias, & ieiunia ac peregrinationes in nummos? Canon Presbyter Distinctione 81. hæc habet. *Sciendum est quod secundam feriam unum psalterium canendo, aut unum denarium pauperibus dando, si opus est, redimere poterit. Et ibi Glossa. Denarium potest dare vt se redimat a ieiunio. Ergo multo fortius per alterius ieiunium potest*

poteſt liberari. Taxa Cancellariæ in littera A. fol. 3. Conceſſio quod laicus non teneatur ieiunare diebus quibus per Eccleſiam aſtrictus exiſtit; groſſis 20. & fol. 4. Commutatio voti emiſſi per laicum de viſitando limina Apoſtolorum. groſ. 12.

9 Vel ex minimis rebus aliquid pecuniolæ corrogatur. Venditur apertio terræ, id eſt licentia ſepulchrum fodiendi in loco ſacro, tum ſonus campanarum, & nominatio tacita in Miſſæ loco qui vocatur *Memento*. Miſſæ ſunt cariores aut viliores pro maiori aut minori apparatu. Ergrandioris campanæ ſonus carior. Videas locupletibus agris frequentes monachos aſſiſtere. Quatuor ordines mendicantium funus proſequi: Miſſis & cantu & nolarum ſono omnia perſtrepere, ut iam minori pretio viuatur, quam vita finiatur. At circa pauperem moribundum ſumma ſolitudo: Effertur cadauer furtim, nullis precibus, nullo ſacrificio, pauperi animulæ nullo cantu parentatur: ſat ei participem eſſe generalium precum: at diuiti impenduntur inſuper miſſæ preceſque priuatæ, & indulgentiæ Papales a ſuperſtitibus procurantur.

10 Magnum quoque aucupium ex cultu ſanctorum, & reliquijs ſanctorum ſuppoſitiſ. Itur magno concuſſu ad reliquias S. Dionyſij, ſitas ad ſecundum lapidem ab vrbe Lutetiæ. At Baronius tomo Annalium vndecimo ad annum 1052. profert Epistolam Leonis. IX. pronuntiantem corpus S. Dionyſij falſo credi eſſe in Gallia, cum ſit Ratiſbonæ in Germania. Hunc Dionyſium perhibent eſſe Arcopagitam illum cox-

uum

*Ioh. Beletb.
de Iacobus
de Vota-
gine.*

uum Apostolis qui passus est (ut volunt) marty-
rium sub Domitiano. At Sulpitius Seuerus anti-
quissimus Galliarum historicus contra est, sic lo-
quens lib. 2. historiarum. *Sub Aurelio Antonini filio*
persecutio quinta agitata, at tunc primum intra Gal-
lias martyria visa; serius trans Alpes religione trans-
gressa. Hic Marcus Aurelius iniit Imperium, an-
no Christi 162. Septuaginta circiter annos post
mortem Dionysij. Quis vero fuerit Dionysius
iste Parisiensis Episcopus, docet Gregorius Tu-
ronensis lib. 1. cap. 30. Pari errore itur Compo-
stellam oppidum Callaicorum, ad visitandas Ia-
cobi Apostoli reliquias ibi conditas, nam dicitur
venisse in Hispaniam sub Lupa regina, & Euan-
gelium in eam regionem primus intulisse. At In-
nocentius Papa Dist. 12. Can. *Quis nesciat.* negat
quenquam Apostolum venisse in Italiam, His-
paniam, Galliam, Africam, præter Petrum eius-
que successores. Et Iacobi cita mors, sub Herode
Agrippa Act. 12. tempus illi ad eam rem abstu-
lit. Nec tacuissent veteres. Nec fuit tunc tempo-
ris ullus Rex aut Regina in Hispania; cum reda-
cta esset in formam provinciarum. Ipse Baronius in
Martyrologio ea de re tam frigide loquitur, ut
proprior sit non credenti: & tamen homines ad
eiusmodi reliquias quasi ad æris tinnitum apes
conuocantur: unde opes infinitæ congestæ, &
immenta donaria.

II Adde Imagines *σιοπετεῖς*, aut ab Angelis
translatas, ut Mariam Loretæ, Montis Serrati,
&c. Fæsta sanctorum sunt quasi dies sacrarum
nundinarum. His diebus imagines cultius or-
nantur,

nantur, & virgo Maria veste splendidiori amicitur.

In eundem finem inuenta sunt mille discrimina ciborum, nempe vt venderentur dispensationes. Tum prohibitiones matrimoniorum in gradibus verbo Dei concessis, qualia sunt matrimonia patruelium, consobrinorum, & inde prognatorum vsque ad quartum gradum: Nam quo plures sunt prohibitiones, eo frequentius petuntur gratiæ & permissiones: ex quibus semper aliquis ad Pontificis institores fructus peruenit. Non quidem ipsi Papæ pecunia in manum numeratur, sed sunt Datarij, Bullistæ, & eiusmodi hominum genera qui redemptos habent hos prouentus, & semel Papæ hac solunt in solidum.

13 In ipsos clericos se extendit rapacitas, nummos vndecunque conuerrens. Nam a Clericis Papæ capit Annatas, & fructum ex commendis, unionibus, applicationibus, prouisionibus, indultis, altaribus gestatilibus, dispensationibus ætatis aut vitij corporalis, &c.

14 Sed nulla insignior cauponatio quam venditio pallij Archiepiscopalis. Fit autē hoc modo, Monachi & moniales Sæ. Agnetis Romæ offerunt quotannis duos agnos albos quoslocant super altari, quando in Missa canitur Agnus Dei. Ex horum lana fiunt pallia alba lata digitos tres, ab anteriori parte & posteriori propendula ad longitudinem palmi, limbo assuuntur lamellæ plumbeæ, quarum extremus orbiculus nigro serico regitur. Hac pallia imponuntur feretro Petri & Pauli sanctorum: Petit autem pallium Prælati vel eius Procurator a summo Pontifice instanti, instanti.

us, & instantissimè hæc enim sunt sollemnia vocabula. Si sit opimus Archiepiscopatus qui recipit pallium soluit ad minimum viginti aut triginta millia ducatorum. lib. 1. Sacrarum Cærimon. Sect. 10. cap. 8. *Componitur cum subdiaconis tenentibus pallia qui accipiunt secundum valorem & taxam Ecclesie, aliquando plus, aliquando minus pro centenario.* Successor non potest uti pallio sui decessoris, etsi paucis diebus post acceptionem pallii evivis excellerit, sed cogitur emere novum pallium.

15 Hispani & Indi & quotquot fere, subsunt potentissimo Regi Hispaniæ coguntur quotannis emere bullam remissionis peccatorum. Pretium bullæ, duæ regales, id est tres drachmæ. Ne fraus fiat legi inquisitorum cura est. Naues Hollandicæ non semel captis naubus Hispanicis petentibus Americam, cum putarent eas onustas pretiosis mercibus, nil nisi bullas eiusmodi & quisquilias invenerunt, quæ ad miseros Indos mittuntur, emendæ a singulis. Ita se ultra nostrum orbem hæc mercatura extendit.

16 Sic restes precatoriarum vulgares vix æstimantur tertio priusquam a Papa fuerint benedictæ, qui eas congestas in pilas certo anni tempore benedicit. At post hanc consecrationem sunt in maiori pretio & carius emuntur: ideoq; Roma in varias regiones exportantur.

17 Sed nulla unquam tam fœda nundinatio inuenta est, nec usquam tanto scelere illusum est generi humano quam Taxis Apostolicis. Extat liber inscriptus. *Taxe Cancellarie Apostolicæ & taxæ sacræ penitentiariæ itidem Apostolicæ, excusus Lutetiz*

Lutetia a Toffano Dionysio, in platea sancti Iacob ad crucem ligneam prope sacellum Dini Iuonis anno 1220. addito Priuilegio Regis & bulla Papæ Pauli. Quo libro pretia sunt posita dispensationibus, absolutionibus, reuocationibus, exemptionibus; & mille mercimonijs eiusmodi quæ longa serie in fronte libri enumerantur. Quarum taxarum pauca quædam capita proferre satis erit. *Concessio quod proponens verbum Dei in presentia regis, possit dare indulgentiam presentem* gros. 12. *Absolutio in mortis articulo pro uno infirma* gros. 14. *Littera qua quis participare possit cum excommunicatis & hereticis* gros. 8. *Fol. 13. Quod non obstante defectu oculi & ætatis possit ad Episcopatum promoueri* gros. 10. *Fol. 14. Indulgentia tertia partis peccatorum.* gros. 100.

Prodigiola hæc sunt, titulo de matrimonialibus, fol. 23. *Dispensatio de contrahendo in cognatione spiritali.* gross. 60. *Expediui tamen unam pro grossis 50. Sed de gratia. Idem est iudicium in secundo gradu: & componitur cum Datario in maxima summa, aliquando trecentorum & etiam sexcentorum grossorum, & alias iuxta qualitatem personarum, & nota diligenter quod huiusmodi gratia non conceduntur pauperibus quia non sunt, ideo non possunt consolari. Non leuiora hæc sunt titulo de Absolutionibus. Absolutio pro eo qui in Ecclesia cognouit mulierem* gr. 6. *Absolutio pro eo qui matrem sororem, aut aliam consanguineam vel affinem suam aut commatrem carnaliter cognouit.* gr. 5. *Absolutio pro eo qui virginem deflorauit.* gr. 6. *Absolutio pro periuro.* gr. 6. *Absolutio pro eo qui falsificauit litteras Apostolicas* gros. 17. vel. 18. *Absolutio pro eo qui interfecit patrem,*

trem, matrem, &c. gros. 5. vel. 7. Dispensatio pro presbytero presente vel absente qui abscedit suas testiculos. gros. 16. Dispensare potest poenitentiaria in prima gradu affinitatis in foro conscientie: & litera veni ducatos 9. grossos 6. Pro mortuo excommunicato pro quo supplicant consanguinei litera absolutionis venit ducat. 1. carol. 9. Infinita sunt eiusmodi quæ callis pudorem, bonis horrorem incutiunt. At nunc pretia aucta sunt. hæc enim vetus est taxatio.

Tantis & tam varijs technis hi æruscatores ad se traxerunt quicquid est toto orbe Christiano opimum, prædia, fundos, castella, vrbes, Baronias, Comitatus, iurisdictionem civilem, præter infinitam vim pecuniarum quam quotidie corrogant, vtiam regum opes præ horum opulentia sint mera paupertas & nobilitas nostra exhausta, videat cum gemitu prædia suæ familiæ a monachis possideri, nulla spe redhibitionis.

Qua de re pleni sunt libri Pontificiorum querelis, quæ collectæ iustum volumen efficerent. Legantur libri Bernardi de Consideratione ad Eugenium. Epistolæ & carmina Petrarchæ: Mantuanus Poeta. Historici Matthæus Paris, Westminsteriensis, Abbas Vspergensis in vita Imperatoris Philippi, Theodoricus a Nihem 6. tractatu cap. 37. Præcipue vero centum gravamina nationis Germanicæ quæ inserta sunt fasciculo rerum expetendarum fol. 176. Mihi satis sit duos testes adducere omni exceptione maiores. Papa Pius II. qui & Æneas Syluius Epistola 66. ad Iohannem Peregallum. Nihil est quod absq; argento Romana curia dedat, ipsa manuum impositio & spiritus sancti

sancti dona venditor: nec peccatorum venia nisi numma-
ris impenditur. Accedat Glossa Decretalium Cap.
fundamenta Titulo de Electione in 6. Roma fonda-
ta a predonibus, adhuc de primordiis retinet: dicta
Roma quasi Rodens manus. Quæ inserta esse libro
tam sacro & Authentico, quo continentur Papæ
oracula non possum equidem satis mirari.

III. Quibus Artibus Papa & Clericorum
dignitas in immensum excreuerit.

I. Res fuit sordida, opes sine honore. Idcirco
Papa voluit vocari Deus, Sponsus Ecclesiæ, E-
piscopus Vniuersalis, Rex, caput Ecclesiæ &c. Id-
circo & voluit adorari, & cum olim honoris ergo,
omnes Episcopi compellantes suos coepiscopos,
dicerent *Vestra sanctitas*, Papa tandem effecit vt so-
lus S V A S A N C T I T A S appellaretur, quod
sane vnus Dei est proprium. Huc refer oscula pe-
dum. Reges ad fræna, Imperatorem & Reges iu-
rantes in eius verba, & lambentes eius vestigia, &
in missa Papali implètes munus subdiaconi. Opi-
nionem autem in fide, & omnia iura in scri-
nio pectoris. Titulum summæ potestatis in cælo
& in terra. Reges feudatarios sedi Apostolicæ, & in
pompiis ac conuiujs, cedentes Cardinalibus. Qui-
bus subtexitur axioma illud quod est lib. 3. Cæ-
rimoniarum Sacrarum sect. 1. cap. 2. Romanus Pon-
tifex nemini omnino mortalium reuerentiam facit.

* Vt Card.
lus 8. Gal-
lie Rex
passit A-
lexandro. 6
* Tit. 2. de
Constit. in
6. c. Licet.

Quippe maior genere humano. Quibus si addas
potestatem remittendi peccata, non tantum mini-
sterialiter sed iudicis potestate, nec non potestatem
eruendi animas flammis Purgatorij & in cælum

transmittendi. Regna dandi & adimendi, Cœlum claudendi & aperiendi. Defunctos inferendi in album sanctorum. De rebus fidei summa auctoritate & sine prouocatione iudicandi. Quibusdam conferendi gradum felicitatis cœlestis eminentiorem. Festa toti orbi Christiano indicandi. Tempora & anni cursum immutandi & amputandi. Deniq; in Missa Papali Papam sapius & maiori reuerentia adoratum quam ipse Deus quem habet præ se, vt prolixè docetur lib. 2. Cærem. Sect. 1. cap. 14. & in solemni processione Deum impositum equo circumstantibus ciuib; Romanis præeunte laterna, dum Papa gestatur humeris Imperatoris & Regum vt docetur lib. 1. sect. 2, cap. 3. facile comperies, quicquid post homines natos fuit vnquam dignitatis & gloriæ rē esse vilem & sordidam si cum Papæ immensa potestate conferatur.

2 Per dogma vero Transubstantiationis, presbyterorum & Episcoporum dignitas immensum quantum aucta est: quippe creduntur Christum ipsum facere, & creare suum creatorem: quem clausum tenent hierotheca quæ ciborium vocant, & paruo pretio addicunt. Præ hac potestate parua est potestas Angelorum & Sanctorum, & ipsius Beatæ Virginis. Nam si quoque sunt Angeli & sancti in vnum conferant suas vires, non possint facere Christum quippe qui iam factus est: Ecquis hodie potest generare Robertum Bellarminum, aut facere hunc ipsum solem qui nobis lucet? Super qua re insignia sunt verba Bessij Eleemosynarij & Prædicatoris Cellissimi Principis Condensisca. 3. primi libri de dignitate Presbyterorum *Creatura parua*

at Iosue, at presbyteris Creator: Sol illi, at his Deus quotiescunq; sacra verba pronuntiant. Et paulo post. Sacerdotium & diuinitas habent nescio quid commune, sunt eiusdem magnitudinis, quandoquidem sunt eiusdem potestatis.

3 In eundem finem calix ademptus populo soldis presbyteris & Regibus ac Principibus est concessus: vt hac arte Clerici regibus æquarentur. Parique astu Imperatores & Reges facti sunt Canonici quarundam Ecclesiarum Cathedralium, nempe vt Clerici Reges in suum sodalitiū asciscerent: & Papa tantum emineret supra Reges, quantum antestat Canonicis.

4 Accessit confessio auricularis, maximum Clericalis dignitatis firmamentum. Per eam enim timentur presbyteri, & confellarij non modo a plebe, sed & à viris & fœminis Principibus, quorum norunt arcana, & domesticas labeles si quæ sunt, & pertentant consilia. Quin & certissima hæc est instillandi scintillas rebellionis in populi animos, vt nuperis experimentis apparuit. Mitto inquisitiones inhonestas, & quæ fœminis honestis roborem incutiunt: tum quod hac arte agnoscunt eas ad quas facilis accessus, ingens libidinis incitamentum.

5 Confessionem excipit absolutio per quā clericis parta ingens authoritas, & non modo in conscientias, sed & in ipsa corpora & fortunas imperium. Homines enim confessos sic soluant peccatis, vt illigent pœnis, dantque remissionem peccatorum peccatori ea lege vt peregrinationem aliquam obeat, vel aliquam pecuniæ summam

summam conferat in pios usus vel ad macerandam carnem duriter cubet, aut aquam bibat, aut se fene sub interula praeingat, aut ipse se virgis diuerberet. Gallici Annales Nicolaj Egidij ad Annum 768. testantur Robertum Normannum cognomento Diabolum has poenitentias obiuisse: Silentium ei est indictum per annos septem: tum pernoctatio ad scapum cochlear, cibus vero ossa rapta ab ore ieiunæ canis. In Regis præcipue Papa haud potestatem impotenter exercet, quibus in peccatum aliquod lapsis Papa dat absolutionem sub conditionibus duris & redundantibus ad Regis regnique opprobrium: Nam aut tergum eorum flagris conciditur cædentibus Monachis, aut tributum eis imponitur quod Papa expendant, regnumque eorum fit feudum sedis Romanae. Aut iubentur conscribere copias ad defensionem & ampliationem Ecclesiae Romanae, id est papalis imperij: cuius tyrannidis aliquot exempla ante protulimus.

6 Sed & monachis & clericis partus honos & reverentia per opera supererogationis. Nam per hæc affectant gradum in regno Cælorum supra cæteros: quorum hæc vba laus fuit, mandatis Dei obsequi: consilijs perfectionis insuper habitis. At hi plus præstant quam Deus postulat, Ergo & cumulandi maiori gloria. Nec in alium finem inuenta sunt merita de congruo Ethnicorum & infidelium ut per gradus ad culmen hoc operum supererogationis veniretur. Nam Ethnici merentur de congruo, ac plebs fidelium meretur de condigno, ut plane futurus sit iniustus Deus nisi eorum merita remuneretur. Supra quam tamen perfectionem

longe

longe eminet iustitia monachorum facientium
plura & meliora quam Deus iubet.

7 Quid quod satisfactionibus & pœnis supera-
bundantibus satisfaciunt Deo ultra debitum? quod
plenus, & quasi de mensuræ cumulo superfluens
ne inutile esset Papa pro sua prudentia providit,
voluitque id cedere alijs in remissionem pœnas
commeritæ, sic dispensante spiritali œconomō,
qui quæ his supersunt, vertit ad supplenda aliorum
vulnera. Itares a Pontificibus sub lege, & ab A-
postolis sub Euangelio neglecta, cepit noua fru-
galitate in usum conuertere & in Ecclesiæ thesaurum
recondi. Nam satisfactiones superabundantes Noæ,
Abraham, Iacobi, Samuelis &c, a Pontificibus aut
Apostolis collectas, aut thesauro Ecclesiæ illatas,
aut in remissionem alienorum peccatorum con-
uersas nusquam est proditum.

8 Non omittendum est quod genus hominum
solers, naturam ipsam & casum in religionem ver-
tit. Sit terra aperto sinu emisit scaturiginis venâ,
cuius vis sit diuretica aut styptica aut utilis renibus
vel stomacho, statuitur ad caput fontis imaginicu-
la, & ædificatur ædicula, ut eo veniant homines ve-
nerabundi, & credant id fieri opẽ alicuius sancti
quod fit per naturam. Quem morem repetitum ex
vetusto, notat Iustinus Martyr Apologia secunda,
vbi ait Ethnicos solitos ἀνεγείρειν τὸ εἶδωλον τῆς λατρείας
vnde κόρη ἐπὶ τῆς ὁδοῦ ὡς ὁ δαίμων τῆς γαῖας.

*Excitare
imaginem
Proserpine
ad aquarū
fontes.*

9 Iam diximus Liturgiam, precesque tum
publicas tum priuatas lingua Romana conceptas
esse quasi stemma Romani Imperij papalis & no-
stræ seruitutis argumentum :

10 Eiusdem farinae est quod cum Episcopis & Pastoribus fidelibus Christus dederit facultatem soluendi in terris, Pontifex non contentus hac potestate voluit insuper solvere sub terris & sibi tribuit potestatem soluendi animas carcere Purgatorij.

11 Tum illud, quod cum omnibus Ecclesiarum Pastoribus Christus cōcesserit hanc potestatem ut quicquid soluerint in terris solvatur in celo, Papa ceteris Episcopis potestatem istam accidit. Sunt enim quædam grauiora crimina quorum absolutionem sibi Papa reservauit, quæ idcirco vocantur casus reservati. Hæc peccata nemocis Alpes potest condonare, nisi forte in mortis articulo. Atque ut scias, quæ sint enormia illa scelera quæ Episcoporum potestatem excedunt: non sunt de hoc numero adulterium, parricidium, incestus, aut atheismus, aut prædicatio, aut eiusmodi minora crimina quib. tantum lex Dei violatur: sed longe maiora quibus Papalia iura violantur, aut proventus auertuntur, aut auctoritas minuitur: qualia sunt, imminuere libertates Ecclesiasticas, conspiratio in Romanum Pontificem, Offensa personalis Episcopi aut presbyteri. Impedire romipetas, id est venientes ad stationes Romanas, Prohibere deuolutiones causarum ad sedem Romanam. Et cætera quæ recensentur Bulla *Et si Dominici*, de Cena Domini, quæ est inter Extrauagantes. Sic hodie maledicere Papæ grauius putatur quam blasphemare in Deum. Et si quis sacra hebdomade carnem gustauerit, grauioribus pœnitentijs oneratur quàm si hominẽ occiderit.

His opinor liquido constat ex ruderibus & ruinis

his Euangelij extructum esse thronum Pontificis Romani: & lingulos articulos fidei flexos & aptatos vt essent columnæ & firmamenta Papalis imperij. Sed reliqua videamus.

IV. *Quanta prudentia sit adhibita ad rerum publicarum conseruationem.*

Nulla in re letam exeruit Papa & Prelatourum industria, quam in prouidendo ne quid ipsis de summa decederet, & ne opes tanto studio congestæ diriperentur a laicis, aut dilaberentur clericorum incuria.

In hoc artificij genere primas tenet celibatus clericorum, ne Episcopi & clerici opes Ecclesiæ interuerterent, & quasi de canali publico riuulum in suam familiam deriuarent, ad ditandam vxorem aut liberos. Neq; id obscure fert Gregorius I. can. De Syracusanæ. Dist. 28. Sic loquens. *Vxor (inquit) superstes aut filij per quos Ecclesiastica solet periclitari substantia.*

2. At ne in clericorum criminibus, magistratus inuolaret fundos & bona Ecclesiastica, & eorum bona fisco aut ærario addiceret, Papa dedit clericis immunitatem a seculari potestate, suum forum, suos Iudices peculiare, suos carceres, & prouocationes Romam. Ecclesiam quoque (id est clericos) quamuis in cæteris regnantem, voluit in pactis & conuentis semper esse pupillam & annis minorem, vt semper ei daretur restitutio in integrum, si forte in contrahendo formula excidisset, aut aliquid in suam ipsius fraudem fecisse inueniretur.

3. Ac ne Reges & Principes aut quilibet laici se immiscerent negotijs sedis Pontificiæ, electio Pa-
pa.

pæ quæ olim suffragijs populi Romani peragebatur redacta est ad exiguum numerum Cardinaliū, qui conaculo tenebricoso includuntur, oppellulatis foribus, muratis fenestris, vt ne soli quidem ipsi arcana eorum pateant.

4 Quia autem clerici & monachi peculiari modo, & arctiore subiectionis vinculo sunt Papæ obnoxij, Papa eos studuit esse maximo numero. Inde tot religiosorum ordines, tot monachorum mandata, quæ in sola Gallia decem iustos exercitus complerent. Quin & Bonifacius VIII. Tit. de clericis Coniugatis in 6. ad ampliationem numeri clericorum, voluit clericos coniugatos frui priuilegio clericorum, vsuque ne coram seculari iudice conuenirentur. Additi sunt equites Rhodij Templarij, Ierosolymitani, cælibes, deuoti Pontifici.

5 Sed & per fratrias, & societatem corporatorum quam vocant confraternitatem laici allekti sunt clericis & facti pene clerici. Tales sunt confraternitates Rosarij & funiculi: quibus qui se adiungunt, veniunt in partem meritorum & operum ac satisfactionum, quæ sunt a tota societate. Addidit Papa societati indulgentias, quarum quisquis est particeps leuius vritur in Purgatorio, & tormenti spatium ei acciditur. Sed mendicus, aut baiulus, aut homo destitutus omnibus fortunis raro ad eius modi societatem admittitur.

6 Sed quia quantumcunque augeatur numerus clericorum, semper tamen laici sunt plures, qui arma tractant, & si vi res geratur, clericos facile confecturi: commodissimo consilio, præcipuas laicorum

corum familias sibi deuinxerunt, & vocauerunt in partem prędę. Si enim alicui Principi aut viro nobilit fuerint plures liberi, quorum numerus oneret familiam: sumptibus, & hereditatem in plurima frustra discerpant, unus aut alter de hoc numero iniciabitur sacris, aut ei dabitur pileus coccineus, quanquam apprimę puero, vel fiat Abbas aut Prior: Idem fiet filiabus, nam de pluribus sororibus, aliquot coactę profiteri virginicatem, includuntur cœnobio, ingens familię leuamentum. Quin & ipsis Magistratibus & senatoribus quamuis vxoratis datur indultum, per quod fiunt capaces obtinendorum beneficiorum, vt hoc vinculo sedi Romanę obstricti & obnoxii teneantur.

Veruntamen ne Reges & Principes secum durius agi, aut nullam sibi pro tam facili & supina liberalitate gratiam referri, conquerantur, Inuenit Papa viam eos largiter remunerandi. Impertitur enim bonis Principibus munuscula: rosam benedictam, ensen sacrum, vexillum militare: agnos cereos, quorum pręcipua vis in auerruncandis cladibus, in auertendis tempestatibus & fulminibus, in propulsandis morbis, in obliterandis peccatis, in fugando diabolo. Tum Regij Legati Romę redeuntes referunt ad suos dominos arculas offertas sphærulis benedictis, quę insertę filo & ad osculum relataę, additis aliquot Pater & Ave, conferunt ad salutem, & dant centum aut ducentos annos verę indulgentię. Illud vero longe maximum quod Principibus datur pręrogatiua libandi calicem in Missa, tum munus subdiaconi, pręsentę Papa, & admissio in societatem Canonicorum.

Hęc

Hæc quis non stupeat legens? quis non admireretur confusus dolos? quis non fatalem stuporem populorum lamentetur? quis non ingemiscat servituti Ecclesie, & corruptioni Christianismi, qui veterem faciem amisit dum ipsa fides Christiana vertitur in præsidia Imperij terreni et regnum spirituale Christi mutatur in Monarchiam temporalem?

FINIS.



